





明孝宗實錄

卷三十八至九十  
弘治三年五月至七年七月

明孝宗敬皇帝實錄卷之三十八

弘治三年五月壬子朔總督兩廣都御史秦紘言兩廣總鎮等官多縱私人以擾商賈居私家以理公政濫殺無辜交通土官為姦請嚴加禁絕廣湖南韶四府多盜請設社學以訓誨其子弟緝保甲以約束其強梁仍增設按察司僉事一員守備其地從之○癸丑監察御史鄒魯以天下水旱荐臻瘡痍未復乞免端陽游宴以弭災異上曰端陽節祖宗朝有故事朕當擇節行之○乙卯陞陝西布政司左布政使韓文為都察院右副都御史巡撫寧夏太僕寺少卿白思明為右僉都御史巡撫延綏○丙辰端陽節賜百官宴于午門○安定王詢占幹斃免奉賜之祭養命其子千奔繼襲王爵仍宴賜未貢使臣如例○丁巳巡按陝西監察御史陳瑤奉例考察奏點老疾等官慶府紀

善張泰等三員吏部覆奏從之。○戊午復設湖廣荊州府興山縣縣本洪武初開設後併入歸州民言遠役不便故也。○賜徵王見沛藥材二十二品從王請也。○定四夷館翻譯考選之法先是英國公張懋奏乞選四夷館翻譯子弟監生禮部議行翰林院查覈於是內閣大學士劉吉等言推補教師宜聽禮部及臣等訪舉其子弟監生宜因八館文書繁簡為名數多寡合本却選監生年二十五以下二十名官民家子弟年二十以下及有世業子弟翻譯習熟不限年數通考選一百名俱送本院分撥習學仍定為事例子弟務須專習本藝精通夷語語曉番文以備應用不許假以習舉為由別圖出身三年後本院同本部會官考試中者為食糧子弟月給米一石又歷三年後仍前會考中優等者與冠帶為譯字官月米如舊又歷三年會考中優

等者授以序班之職其初試不中者許俟三年再試再試不中者許俟六年三試三試不中者黜為民中者食糧冠帶除授如例監生初入館准坐監食糧習學三年後考中者月與米一石家小糧如舊又三年再考中者與冠帶九年考中優等者授以從八品之職習譯備用其初試再試不中准如子弟例三試不中者仍送還本監撥別用其兼習舉業者非精通本業亦不許入試庶使人有定志譯學可精其八館名數鞅韃館監生五名子弟二十五名女直館監生四名子弟十八名西番館監生二名子弟十五名西天館監生一名子弟二名回回館監生二名子弟十名百夷館監生二名子弟十四名高昌緬甸館各監生二名子弟八名議上從之○直隸武進縣大雨雹○己未吏科給事中宋傑等劾奏新陞巡撫延綏右僉都御史白明不協人

望已收回成命降調別用別選賢能以充斯任仍勅吏部會推在京堂上并各處巡撫官員務傳詢衆論求名實相符允協人望者然後請旨簡用河南道監察謝奎等亦以爲言且言思明白文選卽中陞太僕寺少卿又陞今職前後俱不協人望得旨由思明既不協人望對品調外任今後吏部會推官員務要傳詢衆論不許偏執於是調思明爲山東兗州府知府○庚申總督兩廣軍務都御史秦紘言兩廣總府設有賞功所積儲錢物數萬歲委府縣首領等官典守胥出無經弊端百出宜悉從都御史或總鎮總兵勾稽非賞功不得妄用從之○先是上勅京畿總兵官英國公張懋等曰茲者各營官軍數皆不足在者又多疲弱如鮮精壯其弊安在其爲朕言之於是懋等上兵政五事一慎擇統帥以舉戎務謂河南山東南北直隸等處詢

班都指揮使不得兼理軍政以教屬官怠玩所部士馬損耗追  
補不給請勅兵部考選詢班官下班之日令同軍政僉書管事  
其領班三年士馬各少一分者革去管軍管事隨班京操更於  
各衛選佐貳官一員輪流領軍一教習武藝以待任使謂京衛  
切官及應襲舍人年已長成者例當送營操練今在營之數不  
能什一已遣官通查各衛切官并應襲子弟年十六以上者送  
操襲替之時該衛所具呈本營取送若不經操練起送者駁罰  
操一年一更代操官以恤勞苦謂河南等處京操官內有父子  
祖孫相繼三四十年者有本身在操一二年者累歲奔馳終無  
更替父母妻子不能養贍多致失所已勅兵部查勘在衛空閒  
官員與之更代自後每三年一更以均勞逸一申明舊例以儲  
將材謂公侯伯都督及應襲替子孫已長成者例送五軍營操



練今到營者十無二三乞通察送營不得令其苟圖安逸一善  
養銳氣以實兵備謂五軍營所轄裨忠効義二營令人餘丁先  
因邊方有事簡選備用約以事竣遣放今已踰七年又操失業  
逃亡數多乞勅兵部汰其老弱首難退回原衛別選少壯充補  
有輸為正軍者月給糧一石并給冬衣布花其操練之期自四  
月初一日停操耕種生理至九月初一日赴操如遇征調有功  
照依原擬陞賞下兵部覆議京操士馬損耗洵班都指揮例同  
軍政官比較進補他事不得干預洵班官推遷未久不必考察  
止行該管提督等官徑自查訪不職者奏議處迺例令軍政  
官送軍處置已嚴洵軍位貳官不須添選其各領班官往往失  
期緣赴京不率軍士同行以致所部多逃亡者自今南直隸者  
至徐州山東者至德州河南者至彰德大寧都司者至良鄉悉

候軍士到齊方許赴京所部缺位者各營提官官任自奏奏各  
衛切官舍人本部執令驗季官會科道督令該衛通查除先送  
武學并幼弱者其餘十六歲以上悉遣送操凡京衛保到襲替  
舍人通額行營取勘未結送操者仍拘送營罰操一年方許襲  
替其幼官未結送操者不許考選軍政雖已結選中仍送營操  
一年而止該衛所官吏隱匿不報者坐贓論本官隱匿兒男不  
報者停俸一月更代操官請下巡按御史各查所屬衛所見在  
支俸官員除軍政掌印僉書運糧并牙城管操優養優給外其  
餘不曾赴操者自弘治四年為始補班赴操久操積勞者退回  
休息五軍三千神機營各選指揮一員其管隊者依數選補若  
官少衛所止將操備年久貧弱者更替其餘照舊輪操五年一  
更操備官員一體考選軍政著為常格公侯伯子孫年十五以

上未襲者照開月赴教場操練之例公侯伯在開年未三十者照五日一赴五軍營操練之例違者德科道劾奏棟汰彈忠劾數二營舍餘宜從所請議上從之時京營官軍多烏勢要占役使辦月錢名在實亡軍政大壞言者不敢指切姑陳細碎以塞責云○辛酉 太祖高皇帝忌辰 上祭 奉先殿魏國公徐備承命祭 孝陵○命湖廣今年以前坐派內府供用物料出布政司并各府州賦罰等報代民買納以紓撫都御史鄭時言災傷民窮故也○壬戌修築蘆溝橋成內官監太監李興乞陞文思院副使潘俊等官吏部尚書王恕言官匠營造乃其職分自成化初年以前修河築堤並無陞官事例至十九年以後修築蘆溝橋決口恭夫人墳墓大慈恩寺殿宇始濫陞匠官并欵天監太醫院等衙門官日增月益大壞名器比因科道之言一

切罷去識者以為太平盛事今一但復濫陞如舊人其謂何比者嘗先帝山陵所役軍匠至四萬人亦未有陞職者此役較之山陵不及三分之一顧欲妄濫陞官甚失輕重之存况修城等役今方並興若俱照例其為允濫又援如前豈不為新政之累上從其言命給賞有差○陞浙江布政司左叅政王衡為陝西左布政使山西平陽府知府李琮為湖廣左叅政江西按察司僉事張淮為四川按察使雲南僉事曹時中為浙江副使貴州僉事吳倬為貴州副使○命巡撫湖廣都察院左副都御史鄭時之子如年為國子監生從其請也○命各處鎮守官不得擅執軍職及受理詞訟從都御史秦紘奏也○癸亥仁宗昭皇帝忌辰上祭奉先殿遣駙馬都尉楊偉祭獻陵○實授南京都察院理刑知縣胡海進士徐璘俱為南京監察御

史海廣西道璘雲南道○甲子 上以天氣炎熱命兩法司錦  
衣衛將見監囚犯笞罪無干證者釋之徒流以下減等發落重  
罪情可矜疑并枷號者具奏以聞于是免死充軍者八人免死  
決杖發回養親者十四人免枷號者二十三人○乙丑太子太  
保吏部尚書王恕乞致仕不允○丙寅命直隸天津等八衛祿  
運秋青草暫折徵銀以水災故也每草三十束徵銀一錢五分  
○山西潞州衛并沁州府禦千戶所屯田被水災不及三分例  
不免糧 上以其民饑困方發倉賑濟不可復徵特免之○丁  
卯命山西行都司指揮使秦恭克右叅將分守大同西路○是  
日晚望月食○己巳雲南按察司按察使張翥以疾乞致仕許  
之○宣府遊擊將軍署都指揮僉事柳春乞回京養疾許之○  
虜入遼東鎮北威遠二堡劫掠人畜兵部奏其事命選閩守堡

指揮王珍等分守太監藍臺石泰將劉祥令各戴罪自効守備  
都指揮陳傑侯賊情寧日罪之○庚午命戶部發太倉銀十萬  
兩於遼東以備邊儲○撤馬兒半途魯蠻河黑麻王反土魯魯  
達壇河黑麻王各遣使貢獅子并哈刺虎刺等獸陝西鎮守太  
監傅惠總兵官周玉等先圖形奏上遣道人馳驛起送地按監  
察御史陳璠論其糜費騷擾請却之事下禮部議謂宜量各一  
二人赴京依例給賞其餘使人并所貢獸一切却回量給犒勞  
且劾鎮守等官以爲 聖明在御屢却外夷貢獻異物惠等不  
能奉順德意詞爲盡圖奏進請治以罪 上曰爾等所言是既  
貢使將至陝西不必阻回令鎮守官止起送一二人來京其餘  
給與口糧令住城內促事完量與賞勞發遣還國獅子等每獸  
日止給一羊不許妄費傅惠等姑貸其罪仍移文諭之○命南

京禮部右侍郎徐瓊之子賢為京南國子監生從其請也。○調  
守備浮圖峪口都指揮僉事左方守備紫荆關以紫荆關把總  
指揮僉事李稅代之從都御史張鼎等奏也。○壬申占城國王  
古來遣弟卜古良等貢方物并奏安南國侵占境土截掠款賜  
表裏乞兵守邊命下所知之命萬命都司都指揮僉事張澄  
充宣府遊擊將軍。○癸酉河南道監蔡御史陳紀丁憂服闋復  
除原職。○甲戌陞翰林院侍講謝鐸為南京國子監祭酒。○乙  
亥擢進士周旋毛理為南京給事中旋戶科理上科。○增置濟  
寧州廣運上聞設開官一員。○修杜撰壇。○丙子刑科給事  
中胡金陳六事一崇恭儉謂四時游觀宜用國家典故而麓山  
戰將斷不可用諸節賞賚宜遵祖宗成憲而施僧散齋決不  
可為一慎學講謂講官進講惟摘取其關於身心家國天下者

不拘與廢安危禎祥災異之事因以反復思繹務在有得稍有  
疑難進而質之一信臺諫謂可吾進退斷自宸衷有愚懇敢  
言之士量加獎勵以旌直臣苟有未當亦不加罪一平法令謂  
宜憲上天之好惡監祖宗之法律或改或黜必察其情宮中  
府中相視一體一重民利謂今後權豪勢要奏討莊田必追究  
撥置主謀之人仍勅所司通行藩國散有妄將民間田地湖池  
投獻以侵害小民者姑例處置一儲將材謂朝廷之將率多膏  
粱宜勅所司嚴著程式文武藝相率講習如過用人憑於推  
選命所司知之○先是有勅責安南國王黎瀾侵邊占城及爭  
據我雲南建水州民夷之罪至是瀾遣使上章自辯言占城乃  
彼國土酋自相割據雲南則本國土人舊舊居之所非敢越境  
生事已而占城復遣使奏安南仍欲吞滅其國乞天兵奪還時



安南陪臣黃伯陽猶在館命兵部臣召至禮部諭之曰歸語爾國王勿使爲多言其各守封疆以享太平不然朝廷一旦赫然震怒天兵壓境如永樂間故事得無悔乎其使恐悚而去○先是工部以山東登州衛歲運布紗自海道往給遼東軍士乞下福建布政司造海船二艘以助之縣守福建太監陳道言福州近年山水消乏且自於至登州海道險遠恐有人船俱沒之患請備銀萬五千兩運南京龍江提舉司造海船爲便從之○丁母賜瀋府蒲臺縣主并儀賓李毓晉府閩清縣主并儀賓劉益之靖江王府義昌縣君儀賓鄭龍誥命冠服如制○監察御史武清言今夷人進貢獅子駝馬針其所直亦爲不多而道路糜費不可勝言列京賞劄千有餘兩蓋其心不過圖利非實有尊事朝廷之意也陛下奈何以有用之財易無用之獸以小

民所出之脂膏而啗此番夷之口乎宜明勅所司將獅子等獸  
阻回量加賞賜以酬其勞則於柔遠人之道亦為得矣命所司  
知之○詔廷樞把總都指揮同知郭鈞等備固原○戊寅命故  
安順伯薛瑄之子昂襲燕山右衛指揮使初昂曾伯祖貴永樂  
中以軍功封伯宣德初加封使卒無子其弟可帖木兒請襲  
封 奏 命世襲指揮使瑄可子天順初奉詔例襲伯爵至  
是瑄卒昂復據詔例以請吏部言詔書原無世襲字故有是命  
○己卯廣西泗城等州并上林長官司土官知州等官岑應等  
遺官族岑銘等朝覲并貢銀器馬匹禮部以逾期至京請減半  
給賞從之○命河南孟縣建唐昌黎伯韓愈祠春秋致祭并修  
理墳墓從知縣王儀奏也○庚辰賜蜀府輔國將軍宿洪楚府  
奉國將軍榮滿慶府奉國將軍台深晉府奉國將軍表搜代府

輔國將軍成璠誥命冠服如制○初廣西恩城州上官知州岑  
欽攻奪田州府遂其上官知府岑溥殺一家非死罪三人者五  
十餘家泗城州上官知州岑應奪據上林長官司及貴州鎮寧  
等處十八城復黨欽殺虜人民二萬六千三百有奇與欽分別  
田州既官軍往撫欽出境迎敵敗走而應復獲之入城陳兵以  
備巡撫都御史秦紘等奏請調貴州湖廣官軍土兵合兩廣漢  
連官軍勦之兵部言各處兵皆不可輕動惟宜令守臣諭應令  
其縛欽自贖必不得已然後用兵時紘已親督兵入田州府  
上慮紘孤軍遠入曰大軍固難卒調但紘既在田州進退機宜  
再詳議以聞至是兵部復得紘去歲入田州已逐走欽以溥歸  
府今年三月已回梧州留官軍二千以為防守覆奏謂紘已回  
鎮但恐軍寡無以警服叛夷之心未易數之出宜令諸守臣再

李都督馬俊按察使陶晉各帶官軍土兵附近駐劄以爲聲援  
仍委知府黃文秀往諭款出從之○廣西古田種賊數出剽掠  
守臣奏其事命速聞哨守指揮等官副總兵都督僉事馬俊分  
守左叅政李聰分處僉事李廷姑宥之○以暑熱暫停修城工  
後○辛巳賜晉府驍國將軍鍾錕嫡子名曰奇灝鍾錕蕙長子  
曰奇沐鍾錕弟四子曰奇洪鍾勛弟四子曰奇邁蕙人奇泚子  
曰表楫奇濂子曰表黎奇濂子曰表系代府驍國將軍仕界長  
子曰成登仕楷庶第三子曰成獲第四子曰成獨第五子曰成  
鍾仕燮嫡第七子曰成猛輔國將軍成鉅長子曰聰泗逢府奉  
國中尉恩翰第二子曰寵滿

明孝宗敬皇帝實錄卷之三十八

明孝宗欽定實錄卷之三十九

弘治三年六月壬午朔太僕寺少卿王祿丁優服闋後除原職  
○廣西四城州官族頭目岑銘等朝覲違限吏部請治其罪  
上以土官俱貸之○陝西靖虜衛大風天地昏暗變為紅光如  
大良文方息○癸未初福建建寧邵武延平三府皆隸建寧道  
至是守臣言建寧去省治千餘里山勢崎阻人易為盜請止以  
本府及福寧州屬之建寧道委提督銀坑副使兼理分處邵武  
延平更屬武平道命別官分處從之○甲申甯授南京都察院  
理刑行人馬嵩知縣莫立之為南京監察御史懲江西道立之  
廣東道○吏部議覆南京吏部尚書王懋等所奏修省事宜一  
謂南京戶兵刑工四部政務踴繁今兵部止有尚書一員戶刑  
工三部各止侍郎一員請于兵部增侍郎三部增尚書各一員

一近例被災去廩四品以下官三年六年考滿悉令納米免其  
給由赴部恐賢否無辨宜仍照舊赴部考覈一南京吏禮二部  
各添馮本監生二名兵部再添一名并戶工二部馮本監生俱  
從吏部行取其在京各衙門馮本清軍監生亦從吏部轉行國  
子監取撥一南京各衙門辦事當該吏典數多在外兩考後滿  
者因畏避巡按御史考試到部數少不勾撥用請添撥福建部  
武湖廣之德安二府以益之仍令御史考送一吏典赴部告侍  
親者多有姦弊乞將充吏農民富係單丁不許收叅其充吏之  
後兄弟亡故親老告侍養者仍照舊例施行一官吏丁憂有接  
喪者俱令預申該部起服之日查無預申者送問議上命南京  
戶工二部各添尚書一員吏禮兵三部各添侍郎一員馮本監  
生准照數添兩京取撥監生仍舊吏典不必經由御史等官考

送止該部嚴加考選不許姑息其餘准議○戶部請以太倉銀  
五萬兩有奇給陝西邊軍准冬衣布花并月糧從之○命南京  
都察院左副都御史李益之繼子珏為國子監生從其請也○  
秦絃之劾仰景也事連分守雷廉高肇左參將王麟謂其可附  
為憂因而恣取賄賂以千數守備指揮范忠縱其下據保以致  
播人為亂下巡按御史周南靈實至是南先以麟忠獄奏未讞  
都察請究治如律得旨麟分守一方受賄害人范忠擾民間等  
俱難以常法論麟發陝西莊浪衛立功限滿降本衛正千戶帶  
俸差孫忠發爾州衛充軍○修長陵東西并香殿及廟房墻  
垣○廣東廉州府地震有聲如雷○乙酉太子太保吏部尚書  
王恕以科劾白思明調外任因上疏乞休致曰人無全才用人  
者聰明有限且天下士怨乎不以者甚多臣願早避賢路庶不



誤天下事 上不允怒復上疏乞休致 上曰卿但盡心職務  
不必深辯所辭不允○增設在京五城夜巡公廨十所從監察  
御史閻价奏也○丙戌先是甘肅修築邊牆總兵官周玉督工  
過嚴軍士張伏興猶成等違限懼罪擯棄乞寬限不允乃校危  
石擊玉守臣奏其事下巡撫等官詢問處以徒罪兵部言軍士  
親敵主持兇惡詢甚且甘肅軍嘗用石擲擊都御史今去十年  
而舊弊復作宜重懲之 上以伏興等習為兇惡擯棄倡亂俱  
當處死姑分首從處之命斬伏興于市梟首示衆猶成等十二  
人發遼東織蒞衛充軍仍痛杖一百遣之管工指揮李英等四  
人先既有激怒軍士之情繼又坐視不能阻遏各降二級調廣  
西潯州衛帶俸差操○丁亥賜晉府鎮國將軍表樞奉國將軍  
考法鎮國中尉表復慶府輔國將軍寘鋁寧府輔國將軍觀翰

代府輔國將軍成績成經楚府鎮國中尉顯孫誥命冠服如制  
○戶部奏京衡帶俸都指揮等官銓註外任者其本色俸糧俱  
隨任開支不得以分祿養親爲辭請於在京支給從之○戊子  
追封故後軍都督府右都督武平侯陳友爲沔國公謚武僖文  
自永樂中至天順初累功封武平伯進封瀋侯卒至是其孫武  
平伯綱乞賜贈謚故有是命○今天下諸司發所貯洪武永樂  
宣德通寶錢與歷代銅錢兼行○是日晚刻大星犯六諸王西  
第一星○己丑禮科左給事中韓鼎上疏曰西夷朝貢固足以  
見 聖治之盛不貴異物尤足以見 聖德之隆前者撒馬兒  
罕地向貢獅子等獸內非殿廷美觀外非軍旅用况來則騷  
擾百端至則糜費無算以小民之膏血供無窮之糜費果何益  
之有故乞勅番人今後進貢不許覓取奇獸圖厚利庶使遠

人知戒 皇上不責異物不作無益出於尋常萬萬也命所司知之○後軍都督府都督僉事董昇卒由天成指揮僉事陞都指揮後充大同遊擊將軍以功進都督至是卒賜祭葬如例○唐營大同境外將入寇又言入貢大同守臣以聞 上命新寧伯譚祐運軍馬二萬千練習以待馬步軍各賜膏有差既而唐知有備遁去守臣因言本鎮有急舊常調延綏遊兵策應然待奏而後行恐緩不及事請預勅延綏守臣知以意自今如遇虜勢緊急先發後聞可也 上曰延綏大同接壤宜互相廣援今後果值虜勢緊急先調發然後奏聞所司其預勅延綏守臣知之○賜國子監雲南貴州四川軍民生夏布如例○庚寅密雲古北口大雨雹○辛卯賜占城國表貢使臣宴并金織衣綵段絹布有差仍賜國王王妃文錦綵段如例○壬辰復除雲南

道御史吳道寧于本道南京山東道御史朱福于南京河南道俱以丁憂服闋也。○鄭府汜水郡主卒賜祭葬如例。○甲午浙江按察司僉事張源服闋復除江西按察司。○丙申南京工部奏廢天府直隸太平鎮江二府所屬蘆州紫雲宜仍照見行駟數解辦折色銀兩并本色蘆柴其餘直隸安慶池州揚州蘆州江西九江等府并和州陽江遠遠自弘治二年以後年分本色蘆柴每束亦連腳耗徵銀四分并清出數外聽補冊江等項洲地銀一同解部以備各窯燒造之用事下工部覆奏從之。○修南京外羅城垣及金川等十七門。○丁酉禮部奏 萬壽聖節例賜百官宴 上命免宴賜以節餼鈔。○戊戌賜韓府輔國將軍徵銘嫡第三子名曰偕瀨。○己亥戶部尚書李敏乞致仕不允。○禮部覆奏戶科給事中鄭崇仁所陳供應一事謂四時節

令宴賞及齋祭等費日增于前宜從節省命尚膳監光祿寺供  
應止熱弘治元年例行以後增加者悉從減省○庚子襄王見  
淑堯王定王之庶子母虞氏景泰二年生天順四年封為世孫  
成化十六年封為世子弘治二年襲封襄王至是堯年四十計  
聞輟朝三日遣官諭祭命有司治喪葬謚曰簡○命守備天成  
都指揮使張安先大同遊擊將軍○李士遣戶部屬官二人往  
大同宣府發官庫銀糧糧預備以宣府積寡更發太倉銀五萬  
兩助之○初山西并直隸河南山東生糧邊糧俱擬折色每石  
徵銀一兩轉輸之在直隸河南山東者土饒道遠以折色為便  
而山西地廣民貧止便于徵本色至是武寧縣知縣楊本以為  
言命山西今年秋糧止徵本色○密授南京都察院理刑知縣  
朱拭王稻馬興王存忠為南京監察御史杖山東道緝河南道

與山而道存忠四川道○癸卯賜晉府稷山縣主并儀賓盧尚  
鍾定昌即君并儀賓王宮恒縣縣君并儀賓李昇秦府義寧即  
君并儀賓王考昭誥命冠服如制○甲辰道內官祭中宙之神  
○國子監祭酒鄭紀上疏言先帝帥天下以而民從之桀紂帥  
天下以暴而從之其所令反其所好而民不從切見 陛下登  
極之初去淫祠以嚴祀典禁齋醮以正人心故孝放者鄧常恩  
之徒舉正其罪國師佛子絕跡禁門天下臣民爭先快觀茲者  
萬壽聖節在邇先期焚修以伸禱祝此事乃牧者常恩之徒欺  
罔 先朝以竊富貴者 陛下誅戮其人舉行其事天下之禁  
革甚嚴京師之舉行如故恐所好與所令不同非所以帥天下  
者也命所司知之○乙巳修回夷館公廡初宣德間設回夷館  
于東安門外年久廢地至是增葺習譯主徒乃命工部修治從

大學士劉吉等奏也○陝西臨洮府河州大雨雹山崩地陷  
丁未 孝莊睿皇后忌辰 上祭 奉先殿遣駙馬周景祭  
裕陵○巡撫四川都察院右副都御史謝士元生事下獄既還  
職遂乞致仕許之○舊入大同事遠噉劫掠軍士兵部奏其事  
命邊關把總都指揮等官守備都指揮曹紳分守左恭將李映  
太監石叢各戴罪自劾○戊申時宴迤西各處使臣于會同館  
滿剌哈只等十人以賞賜未給不赴宴并劾其同事赴宴者禮  
部謂法當執問 上曰滿剌哈只等越禮冒法罪在不赦但遠  
夷無知姑貸之綿衣衛遣官校拘主禮部令本部堂上官及大  
通事備以事意諭之俾即領閉物償潛行再犯必治以罪○陝  
西岷州衛及鞏昌府寧遠縣俱地震有聲如雷○己酉 孝穆  
皇太后忌辰 上祭奉慈殿遣駙馬都尉周暹祭 茂陵

明孝宗敬皇帝實錄卷之四十

弘治三年七月辛亥朔孟秋享 太廟○遣內官祭司門之神  
○上御奉天殿傳制分遣太常寺樂舞生齋音帛祝文致<sub>祭</sub>歷代  
帝王陵寢○壬子戶部議覆戶科給事中鄭宗仁等陳言事請  
每季命科道官巡視內府甲字等庫荊州管糧卽中每秋成時  
稽考永平山海等處邊關營寨所積糧數會巡閱御史平價糴  
補從之○給代府故庶人任諫之女米歲三石○昏刻南京雷  
電驟雨壞午門西城牆○癸丑 萬壽聖節遣駙馬都尉楊偉  
游泰分告 長陵 景陵 裕陵 茂陵○遣儀賓王憲告  
景皇帝陵寢○遣內官告 恭讓章皇后陵寢○上詣 奉先  
殿 奉慈殿 太皇太后 皇太后宮行禮畢出御奉天殿文  
武羣臣及四夷朝使行慶賀禮○賜各王府及天下諸司慶賀



官員人等鈔弊有差。○甲寅 仁孝文皇后忌辰 上祭 奉  
先殿道尉馬都尉楊偉祭 長陵。○乙卯復除山東按察司副  
使劉寅于陝西整飭肅州兵備丁憂以服闋也。○丁巳刑部尚  
書何喬新乞致仕不允。○陞兵部郎中周季麟為布政司左叅  
政戶部郎中陳睿南京戶部郎中任毅俱為左叅議四川射洪  
縣知縣郭鍾監察御史包格刑部員外郎袁慶祥南京刑部員  
外郎古其然俱為按察司僉事季麟浙江齊四川毅福建鍾格  
俱雲南慶祥廣東其然貴州鍾以僉都御史陞除至是有薦之  
者故得擢用。○陞山西布政司左布政使劉忠為都察院右副  
都御史巡撫延綏。○命廷綏副總兵陳雲回京調甘肅副總兵  
都指揮同知朱瑾代之以兵部言雲年衰老而瑾與總兵官周  
玉不協宜更調故也。○戊午初蜀府華陽王申鐘以罪革爵至

是孝其母華陽原簡王妃楊氏爲其子宥汪請繫王雷許之○  
已未湖廣按察司副使焦芳信言罪疑惟輕實虞廷忠厚之意  
罰當厥罪亦古今法制之宜但情狀未明者不容不辯而畏刑  
誤服者寔得無辭故孔子知公冶之非罪至今以爲聖而子公  
辯孝婦之至寃百代以稱賢伏念臣以庸愚之資遭逢盛世備  
員詞林荷先帝恩命侍 陛下講讀于春宮罹姦黨陰謀攜家  
口竄之于遠地抱憂焚若茹毒瘴瀉庶孤踪畏道之勸藝萬死  
一生之幸近承明詔之頒再膺憲臣之寵撫寸心而誓報天地  
難窮舉平生而論功涓埃何有但沉鬱之寃未至於盡雪而請  
乞之疏未免于上塵昨于本年二月十九日將歸養寃枉事由  
具本令男焦端奏聞荷蒙 聖慈憐臣親老即以本官移就近  
地速展招愆事詢同于宗元之寃遂借忠爲孝恩實借于蘇子

量移但姦人未控于豺虎而公論未白于縉紳今萬安彭華雖  
為死骨而朋姦比惡幸脫黜誅且却中郅龔與臣既非同鄉又  
非同年其事全不相干指揮張旺等與臣既非同官平生畧不  
相識素何以無名之帽子巧詘曲成加非法之叅刑茹寃証服  
居數日抱憤五年臣近齋表到京聞指揮張旺等俱已赦回  
在京復還原職伏望 聖慈憐臣寃屈乞勅府部臺省及科道  
官會同內閣大臣并與臣同時侍講官將臣前項奏詞一同叅  
辯要見臣與安華有無讐隙及與旺等有無主謀如有虛妄臣  
願甘受刑戮以謝款固之罪若臣言得實乞將安華削奪其官  
明正其罪以肅人臣朋姦合黨欺君罔上構陷忠良之戒如此  
非特傲臣之章而朝廷大公至正之道勸善懲惡之法亦藉是  
以無譽也 上欲下廷臣辯明復職內閣大學士劉健力沮但

命所司知之。○庚申代府潞賊王仕燧堯王倍响王之子母妃許氏宣德十年生。正統十一年封鎮國將軍。成化九年襲封潞賊王。至是堯年五十六。計開輟朝一日。賜祭葬如制。謚曰安簡。○命鎮守陝西後軍都督府都督僉事周壘掛仗西將軍印。先總兵官鎮守寧夏石軍都督府右都督馬傑掛鎮朔將軍印。先總兵官鎮守宣府。○朝鮮國王李婁遣陪臣議政府右參贊成俊善賀。萬壽聖節。賜宴并襲衣練段絹布有差。○辛酉。皇太后聖旦。上率親王上壽。文武官命婦朝賀。○賜百官宴于午門外。○賜各王府慶賀官員人等鈔幣有差。○癸亥。賜瀋府興平郡君并儀賓李鳳寧府富川郡君并儀賓彭綠代府桂平郡君并儀賓曹思誠。誥命冠服如制。○以姦旱災免貴州永寧衛弘治二年分屯糧二千三百四十石有奇。○甲子。泰寧等衛

都督徽因字履等差頭目昂瓦土干等并指揮撫可等各進朝  
貢方物賜衣服絲段等物有差。命銓註都督同知馮昇都督  
僉事王勇王受于南京都督府守衛營事昇左府受後府勇中  
府。遣刑部主事沈清王際方往南北直隸審錄重囚浙江等  
處今所在官司會審奏報。乙丑中元節遣駙馬都尉同環蔡  
震分祭 長陵 獻陵 景陵 裕陵 茂陵文武衙門各分  
官陪祭。遣儀賓楊溥祭 景皇帝陵寢。遣內官祭 恭讓  
章皇后陵寢。命左軍都督府都督同知陳英鎮守陝西。治  
祀貴紀旺等詐冒皇親罪有差初 孝穆皇太后嘗自謂廣西  
賀縣人家姓紀氏親族切弟能知也 太監郭鏞聞而議之  
上在東宮時太監陸愷者本姓李自稱為 孝穆皇太后親兄  
鏞心知其偽弗發愷嘗託鎮守兩廣太監顧恒訪其叔李福遣

與兄以來愷婦婿章父成知其家無人乃冒承之得官田數頃  
府縣遂以感曉目之而增設其所居里名曰迎恩紀貴者亦本  
李姓名父貴及弟祖旺謀于田主鄧璋曰章乃異姓猶可冒以  
致害我同姓顧不可乎璋遂與德復宗系圖上之府縣且訐父  
成之德府縣亦莫之辯也 上即位遣太監蔡用往訪求無所  
得里老遂妻奉父貴祖旺以對用欲取悅於 上弗獲寃實遂  
與都御史宋景太監韋眷安遠使柳景御史唐相布政使侯吳  
按察使林符都指揮紀瑛知府李履芝通判俞璣共成之以二  
人至詔改父貴為紀貴祖旺為紀旺授官賜第并金帛莊田奴  
婢甚衆父成歆飽其貴因從至京爭辨 上命籍偕愷審驗籍  
比用力為摘縫令父成馳驛歸未幾 上命籍往祭紀氏先塋  
且焚黃繼命工部郎中顧餘慶修治塋墓湖廣監生蔣瀚周紳

知父者等詐乃扶其佃戶連山縣種人李友廣偕來散之爭訴以徵後福時聽達知縣廖賓廣西平樂縣人計右父貴為之奏辦會以友廣為詐下戶部發遣而尚書李敏亦言其可疑上命司禮監內閣及多官會審竟莫能辨乃遣戶科左給事中孫桂監察御史滕祐往廉之瀚與紳怨珪等去得其情又令江西分宜縣人高龍往連山詐稱紳朱衡百戶潛來偵察虐喝縣人具友廣實址供狀冒為孝穆皇太后族僕科道官至但據此上之珪等至賀縣微行遍詢于人悉其偽也乃還劾用等周欺下獄命多官鞠治法司議擬以聞得旨紀父貴祖旺詐冒母后案主濫受官職高龍詐稱私行體察事務扇惑人民俱依律處決郭鑄本知其偽黨比蔡用欺罔不言亦當誅姑宥之黜為小大者南京新房間住周紳舟瀚廖賓俱為民李友廣樞玷陸

惟致起偽端法尤難宥但嘗有奉侍 陵獲勞動登 茂陵司  
香既而翰林院侍讀曾考御御史屠鑄等請宥孝父貴李祖旺  
高龍之元以爲其情可矜 上從其言以父貴祖旺充福建蘇  
海衛軍高龍充遼東鐵嶺衛軍○丁卯賜代府奉國將軍臧淞  
誥命冠服如制○命浙江都司都指揮使王正爲中都留守司  
正留守○戊辰 太宗文皇帝忌辰 上祭 奉先殿遣駙馬  
都尉周璟祭 長陵○命廣天府月給改齊庶人賢姝之子能  
增見存人口食米柴炭俱如例其例外歲增絹布米亦仍舊給  
之○賜晉府襄陰王奇澗小學四書洪武正韻等書各一部從  
其父晉王請也○命大同等處關中兩淮引鹽召商納米豆以  
實邊儲大同開成化二十二年及二十三年存積常股鹽共二  
十六萬五千三百六十引宣府十六萬引遼東三十四萬引○



旌表孝子二人節婦六人張文佐河南西平縣人舉進士父竣以禮殤葬廬于墓側李擴河南唐縣儒學生父卒結廬墓所手植樹成林俱旌其門曰孝行李氏直隸上海縣民沈瑞妻楊氏直隸無錫縣民華伯諱妻吳氏無錫縣民姚廷瑞妻羅氏直隸永寧縣監生陳榮妻王氏廣東廣州石衛指揮使王俊妻王氏浙江杭州右衛副千戶華榮妻夫亡皆能孝養舅姑撫育幼穉守節無玷俱旌其門曰貞節〇己巳先是趙府湯陰王見準奏彰德府通判雷昫妻湯縣知縣趙繼不職請黜之吏部覆奏以爲大明律所載凡誣告人及奏事不實者皆坐罪今據王所奏若實則昫等之罪難免不實則律應反坐請下所司移文本府敷授啟王今後毋爲左右所惑妄入人罪庶事体不至紊亂從之〇刑科左給事中趙坵等劾奏都察院右都御史屠瀟左僉

都御史李介及工部郎中顧餘慶之罪以爲當手交廣告認皇親時李父貴等詐情已見濟時總督兩廣乃黨比郭鐸不以聞奏及章父盈告爭祖墳時李父貴等形跡敗露矣餘慶時奉命修墳乃不奏行處置後多官會鞠時濟既引嫌自避介正當明白其事顧乃爲瀆及餘慶谷德亦不肯鞫白蔣瀾等造謀主使之情俱已達至法司明正其罪得旨此事會問已明不必復究○南京吏部右侍郎王克復言臣歷官三十餘年年已六十八浮沉廢事誠有如言官所劾者雖蒙  聖明有存留辦事之旨然臣心豈能自安惟退歸田里庶可杜門侍盡  上以其詞情迫切許令致仕○詹事府掌府事禮部尚書丘濬再陳疾乞致仕  上曰卿修竇鞫未完未可求去既稱老疾可朔望朝參專職史事其奏于所司○今廣東都司都指揮同知歐磐充右叅

將分守廣西柳慶貴州都指揮僉事劉英守備都勻清平地方  
○唐于陞大理寺右寺丞楊澄為本寺左少卿○令寬河衛帶  
俸都指揮僉事李寬之子通代原職指揮使○陞南京大理寺  
左寺副黃中昭為江西按察司僉事提調學校仲昭原任翰林  
編修以言事調南京養病家居至是有薦之者故得起用○命  
分守烏蘭峪左叅將署都指揮僉事張懷充左副總兵協守甘  
肅地方○南京見木星晝見於己位色赤黃○辛未禮部言陝  
西行都司起送撒馬兒罕著廢貢使數多在邊則虧耗軍儲沿  
途則騷擾驛遞登列京則會同館無安歇之所先祿寺悉供應  
之難恐因循日久濫冒愈甚請令巡按監察御史查覈守邊撫  
夷官及起送者之罪仍勅甘肅鎮巡等官今後夷人進貢須審  
實放入若時月人數有違舊例者諭之使回從之著為例○降

致仕都察院右都御史宋冕為右副都御史仍致仕以總督兩廣時訪求孝穆皇太后宋冕實效也○戶部覆奏吏科給事中王質陳言事每年給各邊軍士月糧請以二分本色一分折銀其言可行又請照有司原起運折色之數每米一石給銀一兩其言有礙蓋邊糧常患缺乏有司當給糧時常視米價貴賤為給銀多少之數軍士既樂於支領有司亦得以所餘銀兩為糴米補乏之用若盡以給軍則邊糧告乏有司當于何取濟又言監收判官應裁革請通行各撫按等官讓擬覆奏從之○壬申致仕都察院右僉都御史左鈺卒鈺字廷珍直隸阜城縣人自舉人選授監察御史陞陝西按察司僉事理環慶等處兵備邊副使成化十四年預征岷州番賊以功陞從三品俸十八年進按察使十九年召入為都察院右僉都御史給俸如故巡

撫遼東改蒞大同既而召入理院事二十二年復命巡撫山西  
兼提督馬門諸閩弘治改元以言官劾致仕至是卒賜祭如例  
輕為人通敏有權畧善以言語中人意初韓王取假子自紹事  
敗連歲不決輕為金事承按之一訊得實時稱其才又嘗以事  
忤太監汪直輒以辯說免禍云〇癸酉陞巡撫湖廣都察院左  
副都御史鄭時為南京兵部左侍郎〇命修築薊州等處關隘  
八十八處從守臣請也〇賜密雲古北口等處官軍衣鞋以三  
年一給例也〇夜火星入井宿〇甲戌下駙馬都尉馬誠于刑  
部獄誠不朝參者二年至是始具奏稱疾命禮部驗究禮部劾  
誠縱閒日女偽稱有疾命法司逮問如律〇熙代府革薨武邑  
王聰沐為燕人聰沐代王之庶長子初以使酒殿死樂工革薨  
代王薨命備府事聰沐益觴暴居喪無禮置酒作樂召妓者歌

舞極諸濞縱內使諫者輒非法拷掠或觸其怒以石鼓壓脅囊  
沙覆口死者數人承奉正通保潛入京奏其事聰洙使典膳胡  
寬等追之寬等至京亦各舉奏下山西鎮巡等官竅實如保通  
等言 上曰聰洙狡惡弗俊故違 祖訓難居藩輔降為庶人  
并宮眷遷之太原城內居住勅樂昌王聰涓攝管府事○是日  
晚刻月犯天街星○乙亥前軍都督府同知白瑜率瑜哈密衛  
人始名阿討刺後賜姓名白瑜父曰哈只阿力為哈密都督食  
事 英宗北狩時有綉戴功 英宗既復辟哈只阿力挈家入  
附未至道死毋例刺孛瑜以來瑜上疏乞襲父官不許許為都  
指揮僉事錦衣衛帶俸居京師賜地五十頃成元年廣西荔浦  
斷蕪峽之捷瑜以功進都指揮同知三年以鬱林功進都指揮  
使十二年進錄廣東新會功進都督僉事左軍都督帶俸十五

年嘗前府事尋先右叅將以征遼東建功進都督同知至是卒賜祭葬如例諭雖出西域居中國文善用部曲知禮教士大夫子鎮襲為指揮使○丙子後軍都督府帶俸廣平侯秉輅卒輅鳳陽壽州人樹為都尉容之孫也容以靖難功封侯至其子革爵輅附太監梁芳獻第宅為道國永昌寺遂得襲封至是卒輅朝一日賜祭葬如例○罕東左衛都督只克等差使臣十戶阿黑那等撒馬兒罕等地由差使臣巴已等各來首賜宴并綵段衣服等物其回賜只克等衣服表裏付使臣洵回給之○監察御史閻价言春秋二丁釋奠先師孔子乃國家大典然各衙門陪祀官往往不能致誠盡敬今後請令糾儀御史直齋叅奏其致祭日今天文生佳定時刻須至子時方可行禮違者令錦衣衛校尉緝治以罪上曰祭丁禮儀自有舊規今後各官當加

謹遵行餘事不必如獲。○都察院右都御史屠濬奉命往廣東  
廣置占城事宜既還其國王古來遣使臣班把底等謝恩因以  
速音等物附餽濬有旨命濬受之濬具疏辭不聽濬後上疏言  
臣昔時權宜廣置雖嘗効一得之愚然發縱指示實奉行九重  
成算今占城之所以滅而後興者皆出 皇上威德臣何力之  
有焉古來者當子子孫孫圖報朝廷恩德如臣者何足為謝况  
臣居憲官之長風紀攸係受此餽謝他日播之天下傳之後世  
不足為臣之榮而適以為朝廷之累所餽禮物臣不敢受 上  
乃聽其辭時占城使臣辭行未遠禮部請遣人以其禮物追與  
之俾外國君臣知吾大臣之所以自處者如此從之。○丁丑賜  
韓王偕滿剌王見滿藥品各從其請也。○陞大理寺右少卿楊  
謚為都察院左僉都御史巡撫宣府。○陞虎首右衛指揮使吳



到為置都指揮僉事充左叅將分守馬蘭峪命會州衛帶俸署  
都指揮僉事魯廣充右叅將分守密雲古北口。戊寅巡按陝  
西監察御史李鸞言西寧等三茶馬司為貯茶以易番馬而設  
比年以賑飢故開茶馬粟其為民則便矣而茶馬司所積漸少  
今各邊馬耗而諸郡歲檢無事于易粟以賑請于西寧河西二  
茶馬司各開報茶四十萬斤洮州茶馬司二十四萬斤召商中  
納每引不過百斤每角不過三千斤官收其十之四餘者聽其  
貨賣總之可得茶四十萬斤約易馬可得四千匹數足即上戶  
却議竄從之。己卯賜韓王庶第五子名曰旭栢楚府奉國將  
軍榮讓嫡長子曰駒儼第二子曰駒樞榮汗嫡第二子曰駒煥  
晉府輔國將軍奇濟庶長子曰表枏代府鎮國將軍仕左庶第  
五子曰成旌仕左庶第五子曰成鏡成範長子曰聰濶輔國將

軍成綢在長子曰腹幼。陞高寶司卿李璋為太常寺少卿仍  
掌本司事。以災早免南京廣洋等二十七衛屯糧之事。

明孝宗敬皇帝實錄卷之四十終

大明孝宗敬皇帝實錄卷之四十一

弘治三年八月辛巳朔命故陝西行都司都指揮僉事滿漢子  
經襲涼州衛指揮使 巡撫順天等處都察院右副都御史徐  
懷養病不允 巡按浙江監察御史張文言 陛下接位之初  
取回浙江織造內官官民無不稱快近者既差工部官分督歲  
造段匹又差內官管造上用段匹浙江官民莫不怨嗟蓋以內  
官帶領下人所在騷擾不勝其害也且國家財賦仰給東南民  
力不可不恤今年此地三四月間多雨五六月間又旱處州等  
府流賊聚眾攻劫終散人民之不安也甚矣再加擾害何可支  
持乞將差出織造內官查取回還其合用段匹止差工部官督  
催如有過限不完及不堪用者所司官員照例治罪則民不重  
困地方得以少安工部覆奏不允 壬午命武安侯鄭英坐耀

武營懷柔伯施鑑坐練武英左軍都督府都督僉事張昱坐伸  
威營俱管操初以湖廣均州派民相聚為患命瞿塘衝調官軍  
二百五十人防守至是湖廣鎮巡等官言均州已寧而施州蠻  
寇為梗請以其軍改調施州衝操守從之 癸未初寧晉伯劉  
福叔祖太監劉永誠蒙賜武清縣利上屯莊田二百五十餘頃  
因侵占牧馬草場地二百餘頃積租米至十五萬石銀至四千  
餘兩比奉旨欽賞莊田其人已故者收入官每二十頃遞五頃  
與其遺嗣福得留四十一頃有奇至是巡按監察御史鄒魯發  
其侵占草場其事福愬之下戶部議今之皇莊及賜功臣等項  
莊田大槩俱是牧馬草場餘地其始也姦貪之徒詐稱空闕投  
獻勢要之家奏乞及其久人卷冊埋沒種不明又從而乘機開  
種於是草場益窄狹今鄒魯奏劉福侵占前地固當但福自其

祖父以來相繼管業已非一日宜行法司通會查照奏請 上  
曰劉福占地收租法當違治但念其叔祖曾有軍功及其父相  
承管業姑貸之仍停俸三月利上屯地於應得通除外仍留二  
十頃供奉劉永誠香火餘地并草場俱收入官 初以陝西歲  
饑令生員納米入監給賑餘積在庫銀前布政司吳楨擅支私  
用及叅政鄧山致仕檣移以贖之梁璟韓文皆擅支公用至是  
巡按監察御史陳瑾發其事時三人皆已遷副都御史而璟歸  
守制山歸四川戶部請寃治如法詔璟文既移公用非贓寃寃  
文仍停俸三月璟侍起復未聞檣令刑部速問山令巡按四川  
御史究追 巡視光祿寺監察御史田奩奏本寺各處坐派挂  
口及折色銀兩拖欠數多每日供應皆行戶賒買乞暫借太倉  
糧銀給還行戶待折色解到補還太倉禮部尚書耿裕等議謂

光祿寺年例坐派牲口除本色外其解折色者一年止該銀二萬九千餘兩本寺今年三月至七月僅四閱月所賒買者乃至萬七千餘兩縱使前所派銀一時解到照數償還所餘不多其餘月令何以支給往在成化末年雖冗食妄費視今不啻十倍而二三年間僅借一次今甫及半年乃借至二次數幾三萬其間恐有侵欠之弊亦當禁防節省况今各處奏報災傷北虜在邊窺伺間隙將來賑貸之資供億之費皆仰給於官太倉銀兩豈可移借別用光祿逋欠牲口及折色銀兩宜令所司移文促完庶不有悞供應議上從之 甲申實授南京都察院理刑知縣陳崇德為南京陝西道監察御史 丁亥釋奠先師孔子遣禮部尚書兼文淵閣大學士徐溥行禮 南京守備太監陳祖生等奏請增奉先殿每日供獻品物禮部覆議謂 德懿熙

仁四廟品物定自 太祖 高廟品物定自 太宗 豐儉適宜  
莫敢增損若為朝廷盡祀先之禮欲盡其豐盛雖竭天下之奉  
亦何所不可致而其中牲口雜羞不可鷄鵝糕餅其儉約如此  
蓋欲以儉德示 聖子神孫俾萬世守之以為家法者今臣下  
豈敢擅議增減但祖生等奏謂南京光祿寺所支生料數少恐  
為廚役之累乞為量增給 上以為然令間日增鵝一鷄二  
戊子祭 大社 大稷 己丑賜晉府輔國將軍奇潰奇滿詰  
命冠服如制 大同總兵官王璽等奏本鎮有警請調偏頭關  
精兵駐西路策應山西鎮守太監劉政等執以為不可兵部覆  
奏近有成命大同有急則調延綏進兵三千於西路駐劄仍調  
宣府遊兵三千奇兵三千併力應援其偏頭關兵留以自衛不  
必他調從之 庚寅 孝憲高皇后忌辰 上祭奉先殿魏國



公徐備承命祭 孝陵 禮部覆奏戶部會多官議 孝穆皇  
太后宗親在昔兵燹之餘人民奔竄歲月悠遠往事無踪跡求  
之恐愈久愈鑿况前日已誤信李文貴等濫受官爵今日豈容  
再誤請做 太祖高皇帝即宿州為 孝慈高皇后父徐王立  
廟事例為 孝穆皇太后父母定擬封號立祠於廣西附郭地  
方春秋遣布政司官致祭即以沒入李父貴等質縣田八十畝  
為奉祭之資似為得宜 上曰 孝穆皇太后早棄朕躬朕每  
念及此戚然如割初謂宗親尚可求訪故寧受百欺有所不恤  
今卿等既謂歲久無從物色請加封立廟歲時致祭以仰慰  
聖母在天之靈是或一道矧 皇祖亦有故事朕心雖不忍又  
莫能違其悉准所議○辛卯遣戶部右侍郎吳原祭太倉之神  
遣順天府官祭宋丞相文天祥 命兩浙運司竈丁近鹽場

者辨蓋在三十里外者納蓋借浙西每引銀六錢浙東四錢從  
巡鹽御史張文泰也 右軍都督府致仕都督同知袁彬奏臣  
嘗侍 先帝於北頗有微勞得旨命子孫世襲都指揮僉事近  
長子勲襲職已故乞令次子中書舍人熹襲職下兵部議以爲  
國朝舊制都指揮例不承襲勲所襲出 先帝一時特恩非舊  
制 上曰彬隨侍 皇祖有功其准熹再襲都指揮僉事一輩  
後已之 四川播州宣慰司湖廣容美忠峒二安撫司水盡源  
通椒山瑪瑙蠻夷三長官司各遣頭目把事人等首馬賜綵段  
鈔錠有差 夜月犯牛宿下星 壬辰先是雲南監察御史劉  
洪言二事一請便保襲以省煩瑣謂近例土官舍人應襲者俱  
由三司堂上官會同保勘明白方得承襲但遠方瘴癘險遠三  
司多不親詣往往轉委屬官行勘或以貪賂或以避嫌彼此展

轉有十餘年承襲者乞預取土官舍人應襲替者姓名三年一造冊收貯仍照黔國公沐琮所奏依軍職襲替例各該衙門保送布政司查勘廢叙文冊相同別無他弊轉呈撫按官覈實行令具奏定奪若有爭襲不明者許撫按推委三司堂上官一員親詣保勘結報布政司即為具奏若徇私阻滯聽巡按糾奏一便納較以省借貸謂近例土官襲五品以上者納較三百石六品以下者納較一百五十石是固儲蓄良法緣土官職有大小家有貧富如知府等職亦有借貸完納者冠帶之後即便科取派還其驛丞巡簡等職人肯借以此經年不得襲任誠為可憫乞不拘事例許巡撫按官會同三司掌印官訪察各官貧富斟酌處置量為減免奏下吏部議謂土官襲替宜令雲南巡撫巡按官依擬施行土官納較專為備荒設宜令撫按三司掌

甲官從公斟酌不必拘定數目不許全免從之 南京前軍都督府都督僉事柯忠自陳老疾不任府事願還京隨朝兵科駁謂忠既稱老疾則當請代乃乞還京隨朝其僉位希進可罪兵部因請令忠致仕從之 甲午致仕通政使司左通政徐世英卒世英字國用常之江陰人祖睇兵部尚書世英幼好學攻書正統末以薦授中書舍人督寫武臣黃誥積勞陞通政司左叅議進南京通政司右通政九年轉左私治初言者論其險邪冒進貪不知恥以本官致仕至是卒賜諭祭如例世英生貴家歷官久積貲頗厚以此致譏然薄於自奉謹祠祀睦姻族賙人之急有足稱者云 命錦水衛都指揮同知郎英之子貴代原職指揮使 命哈密衛故都指揮僉事米例乞之子昆馬哈麻襲父原職 乙未陞雲南布政司左布政使謝綬為都察院右副

都御史巡撫湖廣兼督理軍務 分守密雲古北口等處內官

監左少監田亮奏援楊友例乞免聽薊州鎮巡等官節制兵部

議謂密雲古北口分守內外官先年徑隸京師不受節制者以

便於警報近奉成命俱屬薊州鎮巡等官節制者則以便於併

力捍禦亮所請宜勿許 上特許之 丙申淮府永豐王見辭

薨王恭和王長子母妃王氏景泰四年生成化十三年襲封至

是堯年三十八計聞輟朝一日賜祭塋如制謚曰懷順 命南

和伯方壽祥坐五軍營左哨應承伯孫繼先五軍營圍子手陽

武侯薛倫神機營右哨與安伯徐盛神機左掖並管操壽祥仍

不妨侍衛 丁酉遣官祭太歲風雲雷雨嶽鎮海清山川等神

○遣旗手衛官祭旗壽之神 戊戌陞尚寶司少卿吳恭為本

司卿○太僕寺少卿彭禮言近奉勅凡州縣寄養馬匹瘦損倒

夫者命立限責償遇赦不免臣竊思之欲悖不赦之信莫若先賜寬假請自今年四月以後青償如例其私治元年正月至今年四月每馬一匹止令償銀三兩則人戶樂於輸納官吏易於徵求十分之中朝廷亦可得三分之利猶愈於初欲盡取而卒無所得也臣又訪之人情納銀易納馬難若每孽主馬一匹止令納銀七兩解貯本寺聽候買馬給軍則催徵之中常寓寬恤之意馬亦不致大耗矣下兵部覆議以其策可行但償還三兩者宜增為五兩七兩增為十兩從之 命河南開封等府及宣武等衛所去年停徵稅糧內加徵起運者仍舊免徵其明年折色銀該解邊倉者每石減一錢以水災故也 己亥訓巡撫宣府都察院右僉都御史強珍為南京通政使司右通政先是珍與鎮守太監孫振等奏留前總兵官緄譙謂其才力尚可效用

兵科叅譙等到任甫半年失機已四次珍雷同奏保其罪尤甚  
兵部以聞故有是命 庚子太子太保吏部尚書王恕等言前  
此兩京三品以上文職大臣各奉旨舉堪為布政使及按察使  
者一人今簡用將盡本部欲自行推舉與各官舉而未用者兼  
用 上曰既所舉者簡用將盡仍令各官不拘資格推舉備用  
其資格相應如叅政可陞布政副使可陞按察使者則聽本部  
備資推舉與各官所薦者並疏以聞 巡撫雲南都御史王詔  
等奏故鎮守太監王舉不遵詔例造作奇玩器物額外進貢請  
以其物之重大難致如屏風石牀之類發本處庫藏收貯金銀  
器皿鎔化之與寶石珍珠象牙漆器等物解送戶工二部備用  
其寄養象隻堪充儀衛者解京不堪者付與近邊土官令出馬  
以給驛遞得旨並解送來京 辛丑吏部誤選革退監生為知

縣尚書王恕等具疏伏罪命爵郎中吳裕等俸二月堂上官宥之○令致仕戶部左侍郎李嗣之子辰爲國子監生從其請也壬寅 憲宗純皇帝忌辰 上祭奉先殿遣駙馬都尉游泰祭茂陵 癸卯命濟州衛帶俸都指揮僉事柴林姪彪代爲指揮使仍於濟衛右所支俸差操 甲辰賜韓府西德王偕潛庶第五子名曰旭精輔國將軍徵鑽嫡子曰偕渴周王睦藩庶第十八子曰安濬封丘王子莖庶第三子曰同錡鎮國將軍子切庶第五子曰同鉞于塌庶第五子曰同鉞子鏤庶第七子曰同鉞庶第八子曰同鉞輔國將軍同鉞嫡第三子曰安瀨庶第四子曰安濬同釐庶第三子曰安漿同瑄長子曰安如靈丘王府鎮國將軍仕欽第九子曰成錡陽曲王府輔國將軍奇通第三子曰表柱 巡撫大同都御史許進言往歲山西坐派大同糧



俱運折色給放之餘可以備糴近從知縣楊本之奏改徵本色  
遂令造廩無策以充而宣府則又俱是折銀彼此不均請將河  
南山東北直隸原擬折銀及山西原擬本色均派二鎮自明年  
為始從之命陝西郿縣春秋祭宋儒張載祠墓從巡撫左副  
都御史鄭時請也乙巳賜代府東莞縣主并儀賓吳貫寧府  
同安縣主儀賓李琳晉府感息縣儀賓郝公旺陽江郡君儀賓  
周銘誥命冠服如制禮科左給事中韓昂言王者承宗廟奉  
社稷莫先於立大本以繫人心大本者何儲副是也陛下嗣  
登大寶三年于茲而前星未耀嗣續未廣乞遵古者天子一娶  
十二女之義慎擇幽閭以充六宮則膠木之風行彗斯之慮協  
大本以立人心有繫天下之事未有大于此者然臣又恐姦人  
乘此巧惑聖聽有以修寺飯僧建齋設醮之說進者惟斷自

聖心毋為所惑 上曰章內所言事朕自有處分齋醮之事  
已灼知之決不為所惑矣所司其知之 命山東都司署都指  
揮僉事廩政之子盛代為鰲山衛指揮使 是日昏刻西方流  
星大如蓋色青白尾有光自正西中天西南行近濁後二小星  
隨之 丙午命金吾左衛帶俸都指揮僉事蕭英之子鎮代原  
職指揮使 是日晚刻南京見老人星見丙位色赤黃 丁未  
陞尚寶司司丞沈瑜為本司少卿支正五品俸以九年秩滿也  
陞福建布政司劉瑀為山西左布政使山東左叅政韓文為  
雲南左布政使 陝西外夷答石郭由博峪他籠等族番人割  
石草等各貢刀盃賜綵段表裏鈔錠有差 戊申代府懷仁王  
遜炳薨王簡王庶第八子母徐氏永樂二十二年生正統二年  
冊封至是薨年六十六計聞輟朝一日賜祭塋如制謚崇定

復除保定府知府趙英于原任英嘗任保定以喪去至是服闋  
適本府缺知府府民相率上奏稱英居官有善政乞令復任吏  
部覆奏故有是命 先是大興隆寺修齋理刑知縣王嶽騎而  
過寺監齋長隨李彪辱之使跪于寺前內使袁安言于太監韋  
鮮得解監察御史任儀劾奏安并及嶽下鎮撫司鞠治乃知事  
本于彪儀初安誤也又誤以大興隆寺為慶壽寺併違儀下刑  
部獄御史武清等疏救之 上曰儀舉劾乖謬不得無罪清等  
不待處分輒為申解亦當坐以回護之罪姑宥之已而部獄上  
任儀調陝西中部縣知縣王嶽冠帶闕任李彪問擬如律袁安  
等釋之 已酉巡撫保定等府都察院右僉都御史張鼎乞致  
仕不允

大明孝宗敬帝實錄卷之四十二

弘治三年九月庚戌朔陞廣東布政司右叅政蔣雲漢爲福建  
布政使命陝西甘肅左衛指揮使等官張鏞等三員各降一  
級差操坐虜賊出沒失於防禦也兵部尚書馬文升奏比歲  
各處水旱相仍晝晦地震正 皇上節儉愛民仰答天變之日  
如河南山東南北直隸府州縣每年例徵備用馬二萬匹共計  
銀三十萬兩惜薪司夫役亦徵三十萬兩京班柴薪皂隸八萬  
餘兩官辦採辦秋夏稅糧水馬驛站及各王府修造府第墳園  
之類又無慮數百萬兩財之所出有限而官之所徵無窮况內  
府供應物料比前增派數倍貧民既無所於辦官吏又不加存  
恤災異之未嘗由此切恐別致意外之虞乞勅內府今後不許  
多派物料重困貧民各巡撫都御史凡被災處所科差合停止

者與之停止合具奏者爲之具奏所屬官有貪酷害民者亟爲罷黜勤勞撫字者量加旌異二司分巡分守官以時巡歷所部訪求民隱不職者巡按御史劾奏仍行在京諸司各敦尚節儉以率先天下以消弭災變從之仍命巡撫巡按官有徇情怠玩者并訪察以聞 陞四川按察司副使顧佐爲大理寺右少卿監察御史魏璋爲大理寺左寺丞 致仕都察右僉都御史崔謙辛諱字克恭山西石州人景泰元年舉人初授監察御史天順中遷南京大理丞成化中陞僉都御史巡撫寧夏弘治初以疾乞歸至是卒遣官諭祭諱御史時因巡按遼東有斬捕達賊功其在寧夏亦敗賊於賀蘭山俱被旌賞多稱其能自劾云

癸丑 孝恭章皇后忌辰 上祭 奉先殿遣駙馬都尉馬誠祭 景陵○四川松潘衛白馬路長官司湖廣美容散毛二宣

撫司高羅龍潭忠孝忠峒大旺五安撫司并木柵長官司各遣  
通事來貢賜綵疋鈔有差 兵科給事中劉聰等言 皇上昔  
在春宮灼知諸司官奔競之弊即位以來凡傳乞冗官次第裁  
革殆盡天下傳頌以為太平盛事彼既無汗馬功勞又不由將  
材推舉乃夤緣奔競投隙而進他日誰肯冒矢石犯鋒鏑以死  
國事乎乞收回成命用全大信於天下監察御史武清等亦以  
為言 上曰各官業已陞用其已之 甲寅南京湖廣道監察  
御史張貫丁憂服闋復除原職 乙卯撤馬兒罕等地而速魯  
壇阿黑麻等王各遣使來貢賜綵疋表裏等物有差 兵部言  
迨北小王子前此有遣使入貢之奏又傳有構結瓦剌逼脅三  
衛來寇之謀今沿邊墩牆類多傾圮請通勅各邊守臣及時脩  
理此後每三年仍特遣大臣閱視以行勸懲 上曰邊備事重

正宜以時脩葺其如所奏令各邊守臣整理仍三年一遣大臣  
閱視不得虛應故事 給遼東地方守墩并夜不收官軍衣鞋

一萬一千六十六副丙辰巡撫順天等府都御史徐懷奏順天  
府先年賑濟糧銀例當追徵還官但今年雖頗收而民猶不給  
若一槩追徵必有逼勒之苦乞先令衣食稍給之家徵十之五  
其次徵三之一極貧者暫為停徵庶小民可以蘇息 上曰賑  
濟所以杜民民尚不給又復追徵是重困也戶部即如奏施行  
務俾貧民稍安待來年再議 順天府大興縣幼童華淳八歲  
能書大字命送翰林習字 丁丑南京刑部左侍郎阮勤乞致  
仕許之進階資善大夫 陞廣東布政司左叅議姜英為本司  
左叅政陝西鳳翔府知府熊繡為山東左叅政福建延平府知  
府沈榮為貴州右叅政 戊午重陽節賜百官宴于午門 己

未以舉人胡欽爲中書舍人。庚申雲南干崖宣撫司土舍刀怕愈歎其姪刀怕落之幼，料謀奪宗而蠻衆不附，遂起兵相攻。劫去宣撫司印者四年，按察司副使林俊等因他事過其地，知之，遂同叅將沐詳等移文諭以禍福，始釋兵歸印事。聞知部請詰青總兵官沐琮巡撫都御史王詔等，又不奏報之故。上曰：是干崖地方不寧，琮等若罔聞，又不以時奏報，有負委任，法當究問。姑宥之。命大寧都司都指揮僉事楊全之子信署都指揮僉事，柴茂之子寶羽、林前衛帶俸都指揮僉事李英之子通，各代原職指揮使。兵部尚書馬文升言：各處災傷，黎民困苦，度廩空虛，凡百用度，乞從儉約，無益之費，乞爲減省。及初，內府各衙門今後凡派出營造料，必會同該部計算，各庫有無若干，然後奉行。該部斟酌地方有無災傷，分派送納，不許似前多派。



一槩具奏若有故違雖奏有欵依該部亦要奏減不許依奏分派累及小民仍被災地方拖欠錢糧并買辦等項物料暫且停止果係內府急用之物借支官銀買辦應用事下工部覆奏謂內府先派物料果係災重地方除以徵者仍令起解未徵者以十分爲率所在官司量支官錢先解五分其餘待收成日照數補解從之 辛酉賜楚府寧海郡君儀賓彭爵晉府清江縣主儀賓胡遠代府平樂郡君儀賓周欽誥命冠服如制 迤西夷人馬黑麻打刀等以貢獅子至通事馬諫引入內府獅子房至夜不歸禮部請治諫及大通事王英各衛門守衛官軍之罪禮科左給事中韓鼎等亦以爲言 上曰朕偶因事容夷人入內隨即止之英諫及守衛官軍置勿問 癸亥賜遼府湘陰王豪撮御製大誥等書從遼王思鐸請也 甲子賜慶王府真寧王

嫡長子寘鐔第二子名曰台汪遼府鎮國將軍恩魏嫡長子曰  
寵澆西河王府鎮國將軍鍾定第六弟第五子曰奇湓慶成王  
府輔國將軍鍾鑿第二子曰奇沮鍾鉞第四子曰奇沫第五子  
曰奇灑 上於奉天殿傳制遣懷寧侯孫忭修武伯沈坊堂潤  
伯曹愷廣寧伯劉佶東寧伯焦俊武進伯朱潔崇信費淮建平  
伯高進興安伯徐盛襄成伯李黼成安伯郭鏞各持節充正使  
尚寶司司丞倪黻禮科給事中孫儒兵科給事中王琳刑科給  
事中呂獻工科給事中唐希介中書舍人儲材戶部郎中陳琰  
宗鉞禮部郎中徐說員外郎林璧兵部員外郎馮良輔充副使  
冊封秦府宜川榮順王第四子鎮國將軍誠灌為宜川王代府  
代惠王庶第五子聰漱為栗陽王寧津懷王嫡長子聰滴為寧  
王周王庶第十七子安淥為魯山王周世子安濬夫人楊氏進

周世子妃鄭王庶第十子見滿為廬江王藩王第四子詮鏞為宿遷王西城兵馬副指揮郭志女為靈川王妃伊王嫡長子訥淵為伊世子韓府樂平王妃淮王第四子見渚為德興王靖江昭和王嫡長子約麒為靖江王湖廣荊州府致仕通判楊琇女為遼世子妃慶王庶第二子寘鏹為鞏昌王真寧廉簡王嫡長子寘鏹為真寧王夫人袁氏進真寧王妃 乙丑監察御史白鸞為言白河抽分竹木局月抽柴草不多而官攢軍士四十二員名歲食糧四百餘石以所抽之貨較所食之米十不償一且置有用之人於無用之地宜革罷歸併廣稽局抽分事下工部覆奏以為白河局係設立舊規內官監惜薪司歲用柴草木炭率皆取辦於此况其地相去頗遠難以歸併其白河軍士宜行經該

抽分監察御史選其壯者三十名歸伍存留十名仍舊巡視從之。丙寅降巡撫河南都察院右副都御史侯英爲四川按察司副使以先任廣西左布政使訪察孝穆皇太后宗支失實也。丁卯以早災免山東東昌府弘治三年夏稅十之四濟兗青萊登五府及濟南等四衛武定等四守禦所稅糧各十之三刑科給事中李源等查盤兩廣邊糧劾布政司叅議江英等監臨管總理職命英及見任僉事黃鑰陸遠王經知州王淮湖廣按察司陶魯各停俸三月去任都御史宋旻等免宄。戊辰神樂觀齋宮庫房之火乃道士董素雲等盜去祭服遂縱火以滅其跡禮科左給事中韓鼎等因劾掌太常寺禮部左侍郎丁永忠等平時不能鈐制及事機敗露入曲爲回護今雖下獄恐尚黃緣以致漏網乞勅法司重治其罪。上命侍鎮撫司奏至處

之夜月掩六諸王東第二星 己巳賜代府輔國將軍成銳  
成鑿聰沐誥命冠服如制 兵部言往年有旨詰問土魯番殺  
哈密都督罕慎之故阿黑麻王陳狀尚未輸服因再降勅省諭  
今番書再奏稍知警畏請迎其善意復申諭之令退還哈密城  
池金印以贖前愆哈密避難番夷及諸國番使藉口糧之給貪  
互市之利往往留寓甘肅恐有前代氐羗雜處近甸之患請諭  
諸守臣凡入貢番使回至甘肅者悉發遣出關毋令久住哈密  
避難者及今秋成時月亦護送至苦峪居住俟其克復時還國  
從之 辛未德府壽張郡主辛賜祭葬如制 命 中軍都督府  
帶俸都督僉事楊義僉書右府事左軍都督府帶俸都督同知  
李俊僉書前府事 甲戌陞巡撫山東都察院右僉都御史錢  
鉞為右副都御史巡撫河南太僕寺卿王霖為左僉都御史巡

撫山東 南京廣東道監察御史康厚丁憂闋復除原職

丙子左春坊左贊善張元禎乞假省母許之 丁丑陞太僕寺

少卿唐章爲本寺卿 戊寅戶部會議漕運各處巡撫都御史

所陳事宜一山西逃移人戶拋荒田土近例許所在人民佃種

如江南減徵事例每糧一石折銀二錢五分草一束折銀二分

三年後照額徵納今乞令三年後仍從減輕例如逃戶復業者

事如額徵收一遼東各衛舍餘人等給引爲原籍祭掃者舊例

納銀二兩肆錢今乞令納銀一两五錢一廣寧開原管理馬市

通事今乞取回但令叅將及分巡分守二司官監督一安慶衛

屯田止從南直隸巡撫巡按官總督徵催免屬河南屯田僉事

管轄一松潘建昌等衛軍人無家小者與有家小者一例全支

月糧八斗所在關堡又支口糧四斗五升今乞令無家小者月

糧止給四斗五升其備禦各閩堡者口糧仍如數支給一建昌  
六衛旗軍花布自弘治三年為始每布一疋徵銀一錢五分花  
一斤徵銀七分折布鈔五錠徵銀七分五厘解庫至期令松潘  
總督糧儲叅議等官給散不必戶部差官一東安永清二縣界  
涿州各縣盜賊竊發而巡捕官無統攝故無所警畏宜令分屬  
通州涿州守備都指揮等官提督巡捕一山東德州臨清東平  
濟寧曹州等州縣寄住各處流民置有產業者令給下帖定撥  
里分應當徭役其有不願附籍欲規避差徭者皆發回原籍一  
廣西新設永安州今乞改為長官司以守哨五屯千戶所百戶  
程海為長官撫管夷種庶免戍守一南京軍儲倉止收一應囚  
人贖罪米而所收不多官為虛設今宜裁革令米俱輸納於烏  
龍潭倉一漕運軍士有風水致溺死者管官員備棺埋瘞與溺

無身屍者俱行原衡所量給布一匹米一石存恤其家一永平所屬稅糧甚少遺糧甚多軍士支給俱赴薊州往返不便宜令永平稅糧盡派於石門寨或界嶺口等倉輸納而以順天府附近稅糧派古北口倉則民亦免遠運之苦議上命遼東給引令軍出銀一兩管馬市官仍舊淦汶運軍給布二疋米二石餘皆如議 復設廣東按察司副使一員整飭雷廉等處兵備 復設大明府東明縣併雲南邑市縣於路南州 改順天府固安縣河寧巡檢司於牛塌舖陝西開城縣固原巡檢司於金家凹舖更名曰金家凹廣西賓州思龍驛於安城鎮增設直隸南宮縣董家廟巡檢司改廣西永安州爲長官司罷流官裁革雲南大理二府及鄧州儒學訓導各二員安寧州常平倉及山井鹽課司大使副使各一員山東泰安東平濱三州淄川肥城臨



邑禹城荏苒鄆城汶上城武及陵曹冠單十二縣視課局大使  
各一員令本州縣帶管

大明孝宗敬皇帝實錄卷之四十三

弘治三年閏九月庚辰朔六科十三道交章劾奏前巡撫山東  
僉都御史錢鉞貪昧乖繆累劾不退近者河南缺官巡撫吏部  
別舉二人鉞從內批陞副都御史巡撫河南殆與先年傳奉陞  
官之事無異伏望收回成命或降調鉞別任或放歸田里為奔  
競者之戒得旨鉞陞授以循資而得己之選錦衣等衛所幼丁  
三百充內府供用庫工匠 命繫河東運司存積鹽五十萬四  
千引貯銀於太倉以備邊餉 辛巳安南國王黎灝遣陪臣阮  
克恭等來貢方物賜克恭等宴并綵段衣服等物如例有差仍  
回賜灝錦段等物如例 癸未授安昌伯錢承宗推誠宣力武  
臣崇祿大夫柱國安昌伯食祿一千石子孫世襲免雜犯死罪  
二次子孫免一次賜誥券曾祖父伯祖父父俱贈安昌伯曾祖

母伯祖母俱贈夫人母封太夫人 甲申降直隸廣平府知府

言芳為池州府同知福建道監察御史李葵為福建歸化縣丞  
工科給事中唐希介為四川石砫宣撫司經歷先是希介葵奉  
命盤廣平等府糧儲待芳甚倨芳不平許其不法數事希介葵  
亦奏辯俱下刑部獄鞠之希介葵坐查盤無法芳所奏亦有不  
實各贖杖還職 上命免罰贖各降二級 乙酉工科左給事  
中王啟言國家賦財大半仰給蘇杭等處今兩賜愆期民多流  
徙內臣奉旨催督織造供億之煩倍於往昔惟期速成不卹民  
怨乞降旨取回止令巡撫等官責成所司自可集事工部覆請  
命內官不必取回姑戒勅之 丙戌陞工部虞衡司郎中羅麟  
為廣東布政司左叅議 禮部尚書耿裕等奏比來奏天下諸  
司奏報風雷兩雹山崩地震之變一一有之考之傳記以雹為

沴氣為陰脅陽以迅雷風妖怪雲變氣為夫政以山崩為陰乘陽以地震為陰背陽以地震為越陰之職專陽之政古之罹此災異者或夷狄背華或小人害政或生民夫常業皆歷歷可考陛下自即位以來內修德政外溥仁恩宜乎和氣致祥災異消弭夫何半歲之間災異之大疊見層出蓋天心仁愛為陛下特出此以致警動之意伏望益修德勤政賑恤以全民命節儉以省民財服食器用不越乎常土木興作不萌乎念任賢使能聽言納諫遠宗帝王之道近守祖宗之法以消變以逆天休以保承平之業延靈長之祚臣等亦當反躬思咎痛加修省并行各鎮巡三司等官務祇奉德意凡事有便於軍民者即為舉行否則即為改革仍修飭武備用戒不虞奏入上納之光祿寺卿胡恭等奏近以廷臣諫議請節縮財用有旨令尚膳監

及本寺備辦供應只照弘治元年例行以後增者悉存減省并  
令本寺查各項供應可議減省折用者備開奏聞今斟酌疏上  
請載為定例 上命仍會同尚膳監再查處明白以聞 丁亥  
命南京鷹揚衛帶俸都指揮僉事丁王之子暉代為本衛指揮  
使遼東都司都指揮僉事杜信之子璘代為遼海衛指揮使  
戊子左春坊左庶子兼翰林院侍讀謝遷乞假省親許之仍降  
旨令馳驛亟回 己丑內閣大學士劉吉等奏南京刑部問擬  
盜賣銅銃之事 聖心致疑以為發落似輕臣等前日再三商  
論又檢大明律盜軍器條內開若盜應禁軍器者與私有罪同  
及私藏應禁軍器條內開凡民間私有火筒火砲之類應禁軍  
器者一件杖八十每一件加一等罪止杖一百流三千里今石  
崇盜銅銃刑部依常人盜倉庫錢糧問擬絞罪做工五年滿日

着役已是加重李景春李景和趙鑑乃知情接買之人刑部依  
毀棄軍器律論又稱比附律條可見不是正律亦為加重臣等  
以為此等囚人情犯深重宜再加重以戒將來以此擬將石崇  
等四人着大枷枷號兩月滿日押發廣西煙瘴地面永遠充軍  
荷蒙允俞事已施行訖臣等又思去歲南京盜庫之人與此不  
同彼係偷盜內府財物律該處斬况又有偷盜十數次者及放  
火燒毀官庫以致城內遠近人心驚疑情犯尤重所以擇其尤  
者處決人心皆服仰惟 皇上聖德寬仁凡事遵守 祖宗法  
度而行今此數人律不該死法司擬斷明白臣等止可斟酌加  
重示戒豈敢故違 祖宗之制不體 皇上愛民欽恤之仁輒  
便重擬處決設若殺之不當致傷天地之和感召水旱兵戈之  
災咎將何逭石崇等發落只宜依前擬為是奏上從之 癸巳

禁藩府及勲戚勢要之家無故奏討地土及授人投獻者從刑  
科給事中胡金言也 乙未賜淳安大長公主饒陽縣莊田一

百六十頃有奇 丙申發南京龍江鹽倉批驗所餘鹽五十萬

斤有奇鬻銀為查理後湖黃冊之費 賜秀府順義郡主永清

縣莊田二十七頃 丁酉禮科右給事中韓鼎言宋仁宗嘉祐

中儲副又立其臣司馬光范鎮草一月之間連章累疏懇切極

諫冀必行而後已臣通者以立大本之言冒干 天聽仰承溫

詔批荅有曰所言朕自有處置齋醮之事決不為所惑玉音一

降臣工咸引領而望今幾五十日矣而 聖斷杳然伏望循古

禮遵時制獨奮乾剛決去猶豫早初內外諸司慎選良家女為

妃嬪以充六宮 宗廟社稷長久之計 上曰立大本之言誠

有理但慎選妃嬪未宜遽行耳下所司知之 先是土魯番嘗

遣使臣哈只大辛等從海道入貢獅子有旨令廣東守臣却之  
至是哈只火辛乃潛自赴京禮部請治廣東都布按三司及沿  
路關津官之罪上曰夷人遠逃而來必有情弊禮部仍同大  
通事審察奏聞處置廣東三司等官及沿路所由官司命巡按  
御史究治之 戊戌賜楚府輔國將軍均錕庶第三子名曰崇  
灑慶府奉國將軍台潛嫡次子曰鼎括 授徽州府婺源縣歲  
貢生朱貞為本縣儒學訓導貞自陳為宋徽國文公熹九世孫  
洪武中宗人俱住居福建之建陽惟其祖鏡以保舉回縣供祀  
今先世祠墓俱屬臣一身無他兄弟乞量除本學教職庶訓誨  
生徒之暇得兼盡奉先之孝吏部覆奏從之 命在京各衙所  
監局官軍匠作人等十一月糧米預於十月支給及明年六月  
者於今年十一月支給以米價騰貴也 己亥旌表孝子五人



節婦十人王鼎直隸長垣縣儒學生父歿廬墓鵲巢樹丁友直隸邳州人居母喪三日不食廬墓側有白蛇烏鳥之祥王祺國子監生河南登封縣人杜端河南嵩縣儒學生俱親喪廬墓錢福順天府大興縣民母病嘗額天餉減己年以增母壽父歿守墓三年祭奠隨有鴉鵲飛逸及白鳩疊巢俱旌其門曰孝行法氏直隸丹徒縣民喜貴妻韓氏薊州衛千戶李貞妻王氏直隸靈壽縣民振能妻萬氏江西崇仁縣民羅元方妻陳氏浙江仙居縣民應宗儒妻管氏江西雩都縣民吳孔輝妻劉氏孫宗器妻徐氏李昭進妻劉氏李宜瑞妻宗器昭進宜端俱孔輝同縣狄氏山東護衛軍餘李琳妻皆以夫亡誓不再適或孝事舅姑或鞠孤成立旌其門曰貞節 甲辰申刻南京見金星見於未位 乙巳賜考郎兀衛故都督同知撒哈良祭如例 給晉庶

人美捨妾及子之妾未及月各三石 給晉廢人濟煢孫女及  
奴婢米月二石絹布歲各一匹 初土魯番速壇阿黑麻王遣  
使來貢乞賜蟒龍九龍渾金描金等物 上以其有戕害罕慎  
之罪不與至是復遣使申請兵部言黠胡陽爲朝貢陰懷異圖  
請下甘肅守臣嚴爲之備仍命禮部諭其來使俟阿黑麻悔過  
效順乃如奏給賜從之 丙午錄陝西腰崖坪等處擒殺虜寇  
功官軍陞一級者賞有七人加賞者一人給賞者十有九人量  
賞者十有六人前左叅將田廣分守都督僉事王義鎮守甘肅  
總兵官左都督范瑾各賞絳絲二表裏 丁未給甘肅地方守  
將官軍皮襖三千一百六十件

大明孝宗敬皇帝實錄卷之四十三終

明孝宗敬皇帝實錄卷之四十四

弘治三年十月己酉朔孟冬享 太廟遣駙馬都尉蔡震黃鏞

分祭 長陵 獻陵 景陵 裕陵 茂陵○遣儀賓王憲祭

景皇帝陵寢○遣內官祭 恭讓章皇后陵寢○遣內官祭

司井之神○辛亥復除雲南道監察御史張濬于湖廣道遼東

苑馬寺少卿米祿于陝西苑馬寺俱以丁憂服闋○直隸安慶

府知府徐傑等奏郡治東有祠祀元封幽國公謚忠宣余闕而

守且韓建不與焉且考余闕所著大節堂記有曰宗正即中韓

建守安慶其政清淨盜未攻者十有一大小百餘戰皆敗之闕

在道聞城陷比至乃完問諸故老皆曰韓君完我郡治西至懷

寧瀟山大湖賴建以為根本而無叛意東至于池及姑孰數郡

賴建以為藩屏而無死傷之禍闕至與建併力殲之盜乃去因

名具廳事曰大節堂後考元史并闕九節本末皆言總管韓建  
舉家被殺建方卧疾罵賊不屈賊執之以去不知所終臣竊以  
為建在當時力攻固守具大節如彼彼執之際病不可為罵賊  
求死其不屈如此且建守于前闕維于後實為一體而建精忠  
大節與闕亦相頡頏闕在先朝久列祀典建獨漠然似非表忠  
勸德之義禮部覆奏謂宜于闕祠內增設建神主一位稍享令  
本府歲時一體致祭從之○刑部等衙門奉旨會審死罪重囚  
命依律處決者九十六人釋情有矜疑者三十三人免死充軍  
者十九人杖遣者五人監候者九人○癸丑山西道監察御史  
張鸞丁憂服闋復除原職○漕翰林院檢討馬政為興府左長  
史劉良為右長史中書舍人劉徽為審理正馮經為審理副檢  
討朱綬為岐府左長史鄭宗載為右長史中書舍人丘永為審

理正董森為審理副以二王將之國故也○甲寅陞中書舍人  
王璉為大理寺右寺正仍內閣制勅房書辦舊制京官三考稱  
職者陞二級近例中書舍人由進士舉人者陞員外郎由監生  
陞主事其餘止陞從六品理由秀才九年考稱吏部言當陞大  
理寺左右寺副命特陞三級為右寺正○乙卯太子太保吏部  
尚書王恕等言賞罰者朝廷之大柄陛下自即位以來當必  
當功罰必當罪天下臣民無不稱頌但適者修理京城河橋從  
太監李興之請工匠陞官者四人冠帶者五人此皆前所未有  
臣等職居銓選義當盡言豈意再疏之陳莫回九重之聽臣等  
仰窺 聖意豈不知臣等所言近理第以為業已許之不可更  
改耳然朝廷政事苟未得其當雖十易之不為過要於其當而  
後已不然末流之弊將有不可救藥若以為前事既往不可追

改自今以始亦望慎於將來今後內外官員但有為人奏乞陞  
官壞名器者乞明許科道官叅奏執問庶奔競可息名器可重  
而賞罰無不當矣 上曰此以後事朕自有處置○丙辰楚府  
輔國將軍均鎰奏言臣祖岳陽悼惠王三子長季境襲爵薨無  
子次季埤臣父也與叔季坡俱封鎮國將軍卒僉謂臣以序以  
嫡以長皆當襲爵因檢寧府石城樂安二王及韓有樂平王故  
事以請下禮部尚書耿裕等議謂均鎰自天順成化間奏乞襲  
封者累矣顧以輔國將軍無進封王爵例故 英宗皇帝 憲  
宗皇帝輒寢其奏今日臣下知守法而已未敢輕議於是 上  
命會官再議且令備查水寨以來事例以聞裕等又議謂臣等  
歷考舊章在永樂時各王分封未久尚未有封輔國將軍者其  
後宗室蕃衍始有輔國將軍之封然郡王薨逝亦未有自輔國

將軍進封者至成化十一年以來遼府豪熾始以輔國將軍襲封長陽王其後寧府石城王宸濂樂安王宸濬韓府樂平王徽鉉亦各因以輔國將軍襲封臣等伏觀 皇明祖訓親王之子皆封郡王郡王次子授鎮國將軍孫授輔國將軍曾孫授奉國將軍玄孫以下遞授鎮國輔國奉國中尉 聖祖之意正以親疎近遠降殺封爵誠為世不易之令典也故臣等議謂若遵祖訓則輔國將軍不可以襲封郡王若獲近例則長陽王以子而繼父石城等王以孫而繼祖其義猶為有據今均錕則實欲以徑而繼伯爾亦安得援各王之例以為比哉况今宗室益蕃百爾詣求事多窒礙連章累牘難以奉行伏乞 聖明特賜裁處惟上合 祖訓下愜人心著為定制永可遵行為世幸甚上曰此事體重大爾等仍會多官詳體 祖訓聖意議處以聞



禮部復集議謂均鎰奏襲之事原不載于祖訓之內其所授例又頗不同終非臣下所敢擅擬上曰均鎰以姪繼伯與石城等王不同其已之今後請封類此者只從此例○己未賜魯府輔國將軍當洋晉府奉國將軍奇洪奇濶代府輔國將軍成欽誥命冠服如制○陞史料都給事中宋琮為太僕寺少卿○庚申陞廣東按察司僉事戴中為本司副使整飭雷廉等處兵備○以旱災免河南開封府弘治三年夏稅麥十三萬四千七百三十七石絲七萬八千五百一十七兩河南府麥六萬六千四百九十四石絲三萬八千四百六十六兩南陽府麥三千九百一十五石絲二千二百六十六兩彰德府麥一萬八千二百一十三石絲一萬三百七十二兩衛輝府麥一萬五千五百五十三石絲八千九百二十四兩懷慶府麥六萬六千一百七十

五石絲三萬八千五百一兩汝州麥三萬四千七百一十三石  
絲二萬一百六十六兩及宣武陳州睢陽彰德懷慶弘農河南  
洛陽歸德九衛并高縣守禦等三所屯糧尖二萬二千六百九  
十四石有奇。先是迤西貢使滿刺土兒的等遂欲遣內官監  
左監丞張蒂伴送至甘肅且令內閣寫勅與之於是大學士劉  
吉等奏張蒂之差舊無此例緣此等勅書有關夷情事體不敢  
不言何則迤西邊境阿黑麻本一叢爾小夷往來進貢多受惠  
賚一旦背恩忘義將朝廷所立都督軍慎殺死其輕侮中國罪  
惡甚矣若命一大將統領雜兵搗其巢穴滅其種類揆之人心  
天理亦不為過或不即討如古之帝王封閉玉關絕其貢使不  
容往來猶為不失中國大體今皆不能顧乃寵其使臣厚加優  
待臨行入差內官伴送此何理哉仰惟 皇上凡事急遵 祖

宗成憲不意今秋無故召各番使進入大內者戲獅子遂使各  
實得以面近 天顏大奇御品誇耀而出京城內外有識之人  
無不寒心以為自 祖宗朝以未未嘗見有此事戎狄豺狼非  
我族類其心必異何乃屈萬里之尊為奇獸之玩至使異類之  
人得以褻近我今若又差內官伴送不惟近處人心驚憂將見  
自京師抵甘肅一路所過需索應付人心無不嗟怨其為聖政  
之累豈小小我况今差未使臣滿剌土兒的係罕慎妻父馬黑  
麻打力係哈森久住之人今皆忍心害理忘主事嘗實逆天無  
道之人阿黑麻又縣集人馬欲搶肅州見今邊將奏其名雖進  
貢實則設詐緩兵兵部議奏整兵隄防及將今次使臣回至甘  
肅拘留不許放回此正事體緊關快處之時 皇上若不止張  
帶之差彼使臣回國阿黑麻必謂中國帝王亦可通情希寵大

臣謀國君不聽信其奈我何長夷狄之志損中國之威違 祖  
宗之制貽軍民之患莫此為甚乞令禮部姑例止差通事伴送  
各夷回還為當或者有以往日怕六灣回曹差內官幸洛伴送  
為言不知彼往廣東泛海須造船隻與此不同如臣等言不可  
信乞令多官會看定奪奏上帝遂不違○辛酉巡換四川都察  
院右僉都御史丘鑑乞致仕許之命給驛還鄉○河南裕州知  
州許綸言漢廷尉張釋之赭陽人赭陽今裕州地也祠墓俱在  
歲久荒廢謹按漢史釋之事文帝侃直不阿論列皆有益沿體  
而於刑獄尤為盡心故當時稱之曰天下無冤民裕州舊俗率  
以清明中元日祭之庶禮不出于典常事反同于鄉屬乞勅禮  
部議牲幣品物及祠額有司歲春秋致祭示國家崇獎忠賢勸  
勵刑官之意命禮部知之○內閣大學士劉吉等言臣等所言

命將閉關二事蓋謂哈忒乃我 太宗文皇帝建立衛分初封  
脫脫為忠順王俾世守其地以為甘肅之藩籬以通西番之貢  
路後忠順王死無嗣被邊虜連魯壇阿力將王母并金印搶去  
又將王女搶占為妾哈忒人民俱逐散來我邊苦哈地方住種  
罕慎以忠順王外甥間闕年者二十年餘方伏天威率領夷衆  
克復哈密歸向朝廷已蒙欽命封為左都督又因其夷衆奏保  
准封忠順王璽印給賞俾繼脫脫之後差官未去又被邊虜連  
壇阿黑麻將罕慎哄誘殺死人民仍復逐回苦哈似此兇惡夷  
賊欺侮朝廷若命在邊總兵官出兵往正其罪大加誅戮誠不  
為過緣今陝西天旱薄收人民疲困未可言兵所謂不能者蓋  
以天時久順人力不能也昔漢光武時西域思漢威德咸樂內  
屬願詣置郡設官光武不許後世稱帝王美事今阿黑麻名雖

進貢獅子其實詆詐緩我兵備逸臣止知循例起送不知何黑  
麻之罪在所難容禮部雖嘗奉具不先奏請已無及矣所謂不  
能者蓋以人情事勢有不能止也以此言之其使臣只宜從減  
相待不宜加厚然臣等愚意人有望于 皇上當施行者聞獅  
子等獸日用羊二隻飼養以十年計之計用羊七十二百隻又  
帝撥校尉五十名看守獅子房見令做工缺人以一月計之人  
五十名日該五十工以年計之該一萬八千工此皆無益之費  
所當省者 皇上若將此數絕其羊隻免人飼養聽其自死于  
以省費節工天下人心無不痛快傳之于載實為美談是即周  
武王珍禽奇獸不育于園之意此誠 皇上聖德之所能及等  
懇切顯望乞賜施行由是比隆堯舜又何難哉臣等欽承 聖  
問二事無任祗懼謹具以聞○壬戌 聖慈仁壽太皇太后聖

旦 上率親王上壽文武官命婦朝賀○賜百官宴于午門○  
賜各王府慶賀官員人等鈔幣有差○廣東肇慶府地震有聲  
如雷○乙丑興王出府○命以順天府所屬戶口食鹽錢鈔給  
京縣鋪戶價市物米給之價○兵部高書馬文升奏犧牲所大  
祀牛羊豕每牲各混同一處糞穢不除互相齟觸皮毛傷損太  
常寺官又乏提督之嚴其水多抽分所得飼養無方往往瘦小  
不能稱 聖天子敬 大地事 祖宗之誠孝乞初所司預買  
送養備用 上命太常寺堂上官嚴督官軍加意飼養毋怠○  
代府靈丘王仕場言各處城池門禁河道鋪路圯墜當以時修  
築工部覆奏從之○丙寅 誠孝昭皇后忌辰 上祭 奉先  
殿遣駙馬都尉馬誠祭 獻陵○以興王出府文武官赴府行  
禮○巡按福建監察御史向榮奏政和縣僻處深山四境多盜

縣人願出私財助有司募賦以為保障工部虞泰從之○山西平陽府地震有聲如雷○戊辰賜遼府香山縣主儀賓藍秀秦府平樂郡君儀賓吳峻潘府郡陵郡主儀賓徐品魯府寧海郡主儀賓梁懷誥命冠服如制○戶部言河南連年水旱稅糧多所蠲免彰德等衛所操備京營及宣府官軍俸糧尚未支給請以本布政司原貯糧價銀折給自弘治元年正月至三年八月每石一石給銀二錢四分從之○庚午陞四川布政司左布政使邢表為都察院右副都御史巡撫四川○辛未己刻日暈生戰皆二氣色淡又生左右耳色赤黃○壬申廣西布政司右叅議歐瑄丁憂服闋復除四川布政司○陝西布政司舊有管糧叅政一員按察司管屯倉事一員後又增設叅議倉事各一員至是巡撫都御史蕭頌請裁革增設者從之○癸酉以水災督



免順天府刑縣貧民該徵馬匹○甲戌賜魯王湯靖庶第七子  
名曰雷淨鄒平王陽錡嫡第六子曰雷潤趙府鎮國將軍祐棧  
嫡長子曰厚卿見淳庶第三子曰祐植楚府輔國將軍均鐸庶  
長子曰榮濤均錡嫡長子曰榮滿韓府輔國將軍徵錯嫡第四  
子曰偕泥荆府都昌王見濬子曰祐檇代府輔國將軍成鈴庶  
長子曰聰潤靖江王約釐弟約彪○陞陝西按察司按察使晏  
謙為四川布政司左布政使○陞刑部員外郎傅全南京湖廣  
道監察御史張貫直隸鎮江府同知周鳳俱為按察司僉事全  
廣東貴法西鳳雲南○乙亥改戶科都給事中張九功為史料  
都給事中陞禮科左給事中孫珪為本科都給事中史料右給  
事中王質為本科左給事中戶科給事中祝倅禮科給事中胡  
端工科給事中龐洋俱為本科右給事中○復除戶科給事中

兼紳于吏科南京浙江道監察御史王表于廣東直隸以丁憂  
服闋也○禮部奏冬至節例賜百官宴上命免宴賜以節錢  
鈔○丁丑山東按察司僉事羅安理北直隸屯田以事責河間  
府史知府謝文怒許奏安亦奏文不法事下法司鞫治俱贖  
杖還職○命逮問府州縣官之廢弛馬政者順天府及北直隸  
州縣曾有旨暫停免者原之



大明孝宗敬皇帝實錄卷之四十五

弘治三年十一月己卯朔冬至節遣駙馬都尉游泰黃鑪分祭  
長陵 獻陵 景陵 裕陵 茂陵文武衙門各分官陪祭  
遣儀賓楊淳祭 景皇帝陵寢○遣內官祭 恭讓章皇后陵  
寢 上詣 奉先殿 奉慈殿 太皇太后 皇太后宮行禮  
畢出御奉天殿文武群臣及四夷朝使行慶賀禮○庚辰文武  
群臣朝覲王於奉天門東廊○致仕戶部尚書劉昭卒昭字免  
明陝西邠州人景泰二年進士授兵科給事中天順元年陞通  
政司右叅議五年丁父憂去任特命奪情起之七年陞庄通政  
成化九年陞工部右侍郎十五年陞尚書二十年加太子少保  
二十三年改戶部尚書尋落太子少保致仕至是卒訃聞賜祭  
葬昭美姿儀善談論在通政時數奏甚稱 英廟意嘗值端午

節駕幸廣寒殿大臣俱從 上問劉恭議安在左右以昭秩五  
品不得與對命特以一品服賜之其寵遇如此然其才幹亦有  
過人者故所至皆有能官之譽在工部最久所言勅中事機故  
往往見聽陰有節省之益其致仕落職蓋為時要嫉言官所疏  
以其子錦衣千戶綺之事及之云○癸未 恭讓章皇后忌辰  
遣內官祭陵寢○賜周府鎮國將軍安潑女泐輔國將軍同錕  
同鉞同鍊同鑾并各夫人鎮國將軍安活輔國將軍同鈞同鎮  
同鉞瀋府稷山王長子勛泣永年王長孫勳凌輔國將軍勳漚  
奉國將軍勳澹宣軍王府輔國將軍成鑿楚府鎮國中尉顯楮  
誥命冠服如制○實授都察院理刑行人武備張縉知縣張智  
程文魯祿進士曾昂陸完汪鉉為監察御史徯廣東道縉江西  
道智文俱山東道祿鉉俱福建道昂浙江道完廣西道○刑部

左侍郎白昂奏處置河道事宜乞令揚州府管河通判常居衣洲總管閘壩不許回府營幹他事南北直隸山東府州縣管河官令其沿河居住管理河道不許別有差委其兗州府通判則令常居南旺分水地方專管撈淺并提調各閘若山東布政司勸農叅政則令兼管河道脩理疏濬事下兵部覆奏從之○甲申陞監察御史陳紀為陝西按察司按察使兩淮都轉運鹽使副運使袁江為四川布政司右叅政兵部郎中喬縉為四川右叅議紀以右都御史屠滂奉例奏保遂得超擢○乙酉太子太保吏部尚書王恕以衰老乞致仕上曰卿年雖老精力未衰官復職治事不允所請○賜副子監雲南貴州四川軍民生冬衣如例○丙戌加送太倉銀五萬兩於遼東准弘治五年歲例以總理糧儲戶部員外郎趙仲輝言遼東水災官軍糶食故也

○命前軍都督府故都督同知白瑜之子鎮襲原職指揮使仍  
錦衣衛鎮撫司帶俸○丁亥山西太原府地震有聲○庚寅南  
京山西道監察御史張恕丁憂服闋復除南京貴州道○辛卯  
陞戶部郎中王宗為兩淮都轉運鹽使司運使○命都察院右  
都御史屠瀟之子皆為國子監生從其請也○賜代府樂昌王  
聰涓孝順事實等書從其請也○命淮安府核開鈔閘船料錢  
鈔再折米一年以充官軍師生之給從巡撫都御史張瑋言也  
○先是浙江礦賊劫福建政和縣官庫及福安浦城二縣鄉村  
至是平之福建守臣劾巡捕巡守等官罪兵部覆奏得旨參政  
葉萱等二十三員及無功有過者八人俱逮問功過相半者十  
二人并分守分巡官俱奪俸三月三司原掌印官姑宥之其有  
功鄉長民快二百二十六人及陣亡被傷者十五人加賞有差

○癸巳欽天監進弘治四年大統曆 上御覽奉天殿受之給  
賜文武群臣頒行天下以初一日冬至節故移是日○甲午賜  
慶成王府臨穎縣主儀賓王佐誥命冠服如制○命歲給壽寧  
侯張繼祿米一千石本色七百石折色三百石○乙未增設山  
東按察司副使一員整飭天津等處兵備○西副使劉福丁憂  
服闋因以命之先是刑部侍郎白昂言天津之地水路咽喉所  
係甚重請增設憲職一員為兵備官從之賜福勅曰天津三衛  
係畿內重地東瀕大海比拱京師因無上司鈐束以致姦盜竊  
發軍政廢弛地方騷擾不寧今特命爾整飭彼處兵備專在天  
津駐劄自天津至德州止沿河附近軍衛有司衙門悉聽管轄  
爾須不時往來巡歷操練兵馬修理城池禁革奸弊遇有盜賊  
生發即督應捕官員率領軍夫民快火甲相機撲捕勿令滋蔓



巡司驛遞衙門損壞即與脩理兵夫吏役人等時常點閱河道淤淺與巡河御史工部管河官會議疏濬運糧官民船隻往來停泊須令人防護勿致劫害一應軍民詞訟應受理者即與問理官員有犯文職五品以下聽爾挈問五品以上升軍機奏聞區處其操練一事河間德州已有著都指揮薛瑛等專官尔不必預天津則分守通州署指揮同知王宣已嘗往來侵督尔不須協和行事但有捕盜事情應與薛瑛王宣約會者計議而行仍聽經該巡撫都御史節制故諭○四川威州地震有聲如雷○戊戌命南京戶部尚書黃紱之子托為南京國子監生從其請也○先是吏科給事中鄭憲言近奉旨兩京大臣不拘資格各保堪任布政按察使者一人其資格相應者則吏部自行推舉兼周然大臣保舉出于公者固多弱于私者亦不少如大理

卿馬賈之舉于大節侍郎陳政謝宇廷錦之舉朱漢張撫朱瓚  
衆論皆以為不勝其任夫所舉而賢者固宜量才陞用不憚其  
任者亦宜降調示戒今後布政使察使有缺乞止令吏部備資  
推舉或不次舉用庶幾消奔競之風命吏部看詳以聞吏部言  
方面官員自成化六年以後俱本部自行推舉保舉之門太多  
則未免有如鄭寓所言之弊但寓所劾于大節等四人雖非全  
才中間或風可親或慮介可取其未陞者量其才識而用之其  
已陞者一時難遽降調如後此果不稱職降調未晚 上曰人  
才難知各官保舉得人固多其命仍舊保舉○是日昏刻慧星  
見于天津南芒長尺餘尾指東北○金星犯壘壁陣東第六星  
○夜月犯軒轅右角星○庚子命陝西三原縣總督西安府從  
民便也○是日午刻日生右珥色赤黃○辛丑命代府深陽王

聰漑祿米歲走一千石。○命歲給周府故承寧安惠王子塲宮人關氏養贍米二十石。○戶部議覆兵部尚書馬文升所言儀牲所畜養大祀豬多不肥臍宜從本部歲支官銀千兩收買純色大牀者送養稅課司不必抽分本色依時估折銀以補太倉所借銀數從之。○禮科左給事中韓鼎監察御史文賁等各上疏言國子監祭酒鄭紀庸淺竊踈昔任翰林養病于家挾制官齋強占寺田為一鄉之害維溲浙江提學副使仍肆妄為生員小有過犯蓄楚過百考試卷不如意輒行黜退為一方之害後復寅緣得陞監學甚私險刻妄為愈甚擅舊制侵盜官錢撥歷不公淫亂無耻其餘鄙惡之行未暇悉數士風掃地名教蕩然乞執送法司明正其罪。上曰鄭紀到任未久乃遽有如許事情令吐實以聞紀條析自辯。上以紀不協褻論命調南京通

政司左通政○是日昏刻畢星犯人星  
壬寅賜韓府輔國將軍徽鎬庶子名曰偕洵晉府鎮國將軍鍾鑑第五子曰奇浩鍾  
鉉第二子曰奇恣代府鎮國將軍成銘庶第二子曰聰溥晉府  
交城王第六子曰奇泐鎮國將軍鍾鎰第五子曰奇瀝鍾鐸庶  
長子曰奇渝輔國將軍成卦嫡長子曰聰灑代府鎮國將軍任  
堉第四子曰成鑾周府水寧王庶第五子曰安溯原武王庶第  
五子曰安淇第六子曰安澆鎮國將軍子鑿庶第五子曰同鈞  
子壇庶第六子曰同鏗同叙庶第七子曰安澹輔國將軍同錫  
庶第三子曰安潛第四子曰安淑第五子曰安洋同執嫡子曰  
安灝第二子曰安澈同鍾第三子曰安洽庶第四子曰安澆嫡  
第五子曰安濤同鈞嫡第二子曰安決秦府沂陽王庶第四子  
曰誠漣長子誠洲庶長子曰秉揆鎮國將軍誠汗庶長子曰秉

樞輔國將軍誠濟庶第三子曰東休奉國將軍誠浩庶第二子  
曰東銜東榮嫡長子曰惟燦庶第二子曰惟燦庶人公練庶第  
四子曰誠洗公葵嫡第四子曰誠海是府鎮國將軍均欽嫡第  
二子曰榮衆○癸卯九判太師遣使入貢脫羅干部因與其  
使偕未邊臣以聞 上命大通事指揮楊銘往驗之得實遂却  
回脫羅干使者復勅太監楊務臨邊驗放九判使臣許二百人  
入京餘留邊關以俟給賞○甲辰內閣大學士劉吉等言適者  
言象示警妖星出于天津虛人呈符曰將近營室考之載籍妖  
星見為兵為飢為水旱死亡之徵又曰天下大亂仰惟 皇上  
即位三年端拱循者未嘗輕易出一號令行一不當理之事然  
而災變如此是皆臣等不職所致謹以一得愚見上陳伏望  
皇上審察而圖之今天下連年風雨不調南直隸河南山西陝

西旱北直隸蝗虫四川湖廣皆薄收江西福建山東等處所收  
僅能自足邊境夷狄窺伺中國亦未見枚寧倘明年再似今年  
閭閻無望給之樂盜賊萌竊發之機中原有事河道阻塞京城  
百萬生靈必致驚惶無措禍亂之作亦不難也臣等唯望 皇  
上深思 祖宗創業之艱今日守成之不易常存此心兢兢業  
業如初即位之時奢侈用度一切戒者游觀玩樂一切不行左  
右諫言一切勿聽異端經教一切勿作惟留心經史講求治道  
以古二帝三王自期庶幾人心歡悅天意可而臣等又思近來  
工役繁興軍民困苦如沙河橋自成化十四年被水衝壞止用  
木橋往來亦使何必動衆改造見今天氣極寒軍士不得休息  
又如江西磁器內府所收計亦足用今又無故差內官燒造木  
免後人南海子墻垣自有海戶可以修築令勞動軍士數千將

及經年未見畢工其他差官勘事等項尤為煩鎖不能悉言乞  
將沙河橋南海子做工軍士盡放回營休息燒造磁器內官停  
止不差是亦弭災降者之一端其餘政事缺夫軍民疾苦各衙  
門官有陳請者尤望 皇上虚心聽納次第舉行則可以轉禍  
為福易災為祥矣 上曰災變疊見朕深憂懼思圖消復惟在  
恤民今卿等言天寒軍士久勞工役及燒造內官騷擾地方誠  
宜停止其令金山口沙河橋南海子及王府做工軍人等俱與  
休息江西燒造磁器內官不差庶朕畏天恤民之意○賜伊  
王說鈺性理大全一部從王請也○肅王貢繇請賜天竺黃等  
藥令量給之○靈藏贊喜王遣番僧顏占等金川等寺演化禪  
師班丹藏卜差刺麻番僧鎖郎益藏等貢佛像方物賜宴并珠  
段衣服等物有差○命義勇後衛故帶休都指揮同知劉欽之

子灝襲原職指揮使○丙午夜東方流星大如盞色青白光燭  
地自織女東北行至近濁○丁未賜駙馬都尉樊凱父母初命  
舊例駙馬都尉父母俱授兵馬副指揮然未有給初命者凱引詔  
例京官父母在者先與詔初以為請吏郅覆言與詔意不合

上特命與之○命運太倉銀三萬兩於榆林作弘治五年歲例  
之數又開中兩淮存積常股益十六萬引兩浙十萬引長蘆四  
萬引以助邊儲從巡撫阮綬都御史劉忠奏也○命周府新會  
王岡贈義寧王晏深平樂王安泛崇善王安溶海陽王安遂定  
安王安潯曲江王安深博平王安洸聊城王安滑汾西王安漕  
祿米俱歲夫一千石米鈔中半兼支





明孝宗敎皇帝實錄卷之四十六

弘治三年十二月戊申朔 上視牲于南郊○彗星入室宿○  
庚戌總督漕運都御史張璋言徐州小黃河舊在州城西北上  
通沁水下接漕渠宋熙寧間河決為患守臣蘇軾浚以巨石鎮  
以黃樓自是水不為患近年黃河復決改流城北其勢洶湧味  
兩岸軍民居舍及城郭俱可愛且會巡按管河等官議疏濬但  
上流地屬河南請勅工部移大河南巡撫都御史錢鉞等協同  
勘處併工修濬務為經久之計疏之○賜遼府王嫡第三子名  
曰寵濼濬府永年王長子詮錯嫡第五子曰勅灑寧府瑞昌王  
庶弟七子曰宸溼輔國將軍宸潤嫡子曰拱楛晉府世子奇源  
庶第四子曰表秩第五子曰表楷代府鎮國將軍仕全第二子  
曰成鍾第三子曰成綱晉府鎮國將軍鍾錡第七子曰奇淮鍾

鉞第五子曰奇泗第六子曰奇冷第七子曰奇瀾輔國將軍奇  
沆長子曰表佛第二子曰表檢○辛亥以彗星見勅諭文武群  
臣曰朕嗣承 祖宗大統三年于茲雖夙夜孜孜究圖化理而  
績效未著心恒歎然茲者上天垂戒彗星見于天津朕甚憂之  
備省咎徵莫測所自豈朕德涼薄行事乖違天特示異以警之  
歟抑邪惡將萌兆驗先見天故動威欲朕思所以涓緝之歟抑  
亦政多缺失軍民困苦朕與爾文武群臣交修之道未至而惠  
澤不下數歟惟事關朕躬者朕已齋沐告天省己修德期消異  
變而爾等食朕之祿寔同休戚可不痛加警者歟今各宜修舉  
職業毋或因循懈惰慎持節操毋或背公徇私凡軍民利病時  
政得失可以興革張弛者爾文武大臣并科道官仍條奏來聞  
務在切實可行于國有益庶幾上下協盡交修之道而人心欣

慰天意可回夫其勉之慎之○陞工部右侍郎掌通政使司事  
謝宇体一級仍復職治事以九年秩滿也○癸丑賜魯府輔國  
將軍雷澤誥命冠服如制○乙卯岐王出府○臘節以修省免  
宴○命鄭府廬江王見滴祿米歲入一千石米鈔中平兼支○  
命秦府庶人公鍊等幼子誠灑誠涵各月支養贍米麥一石五  
斗○丙辰以岐王出府文武官赴府行禮○太傅魚太子太師  
英國公張懋以災異乞解兵柄且陳五事曰連下情曰節財用  
曰重邊將曰實邊儲曰省工作 上曰卿掌兵柄當用心操練  
軍馬以副委任不允求退所言事所司知之○太傅魚太子太  
師保國公朱永以災異乞辭兵柄 上曰卿累經戰陳諳練軍  
務宜勉盡職以副委任不允所辭○給宿衛旗校衣鞋各一副  
○丁巳戶部尚書李敏以災異引疾乞致仕 上曰卿教勞年

深有疾宜善加調不允休致○革環慶兵備副使初環慶固原各設兵備副使一員而環慶止于備冬蘭州莊浪地當劇要而糧儲無所統監察御史祁司員以為言兵部具擬以聞故有是命具蘭州則令固原兵備副使兼理莊浪令西寧兵備副使兼理○調太僕寺卿唐章為陝西苑馬寺卿章以違制笞辱軍職有旨違問刑部擬贖杖還職上特命調外任命未下章自經死○夜客星見天市垣內色蒼白徐徐東南行○戊午禮部奏正旦節例賜百官宴上命免宴賜以節錢鈔○守備天壽山都指揮僉事杜山欽仕命義勇後衛指揮同知解端代之○已未先是虜入陝西永昌衛紅沙溝等處殺掠人畜守備都指揮朱璽等失于防禦且奏報不實下巡按御史逮問擬遣衛充軍命贖罪還職○申刻京師地震者再○庚申內閣大學士劉吉

等以星變乞避位 上曰卿等朝廷老臣宜盡心輔導以回天  
意不允所辭○吏部尚書王愨兵部尚書馮文升刑部尚書何  
喬新工部尚書賈俊都察院右都御史屠滌以星變各引咎乞  
避位 上俱慰留之令勉盡職務且曰朝廷進退大臣自有公  
論此後各官不必紛援自陳○陞雲南廣西兩府知府履勛為雲  
南布政司右叅政仍理府事以巡撫都御史王詔言勛在官有  
善政今九年秩滿府民相率稽留故也○命總督漕運都御史  
張璉取兩淮運司餘鹽銀三萬兩為挑浚清河工食之費從其  
請也○陞西矢里等衛野人女直都指揮咬納等肥河等衛野  
人女直右都督加哈泰等海西益賓等衛野人女直都指揮迷  
失哈等益賓左衛野人女直都督等官三亦哈等弗提等衛野  
人女直右都督打吉六等奉寧等衛都督微因字羅遺頭目納

哈出等并都指揮肯帖該等各來朝貢馬駝鷹熊貂皮等物賜宴并衣物綵段等物有差○是日昏刻彗星犯天倉星酉史料都給事中張九功監奏御史杜忠等文章劾奏司禮監太監蕭敬儉邪姦險強辯飾非作聰明傷善類乞默之以消天變上曰汝等初人不遵憲綱蕭敬已有前旨處置何為復劾今後再不許奏擾○岐府左長史朱綬等奏臣聞為治有體內外不可侵越王府外設長史職專輔導選自進士假職翰林任亦非輕內設承奉誣按 皇明祖訓承奉掌管王府雜事有事呈長史司發落頃者兵部奏請親王出府儀衛司并群牧所等官校俱屬長史司帶管承奉副陳偉乃傳送令旨令承奉斟酌撥用變亂 祖法背違 聖旨意欲擅專國政乞賜明新使內外各有定守時承奉正信保亦奏綬等擅回私家 上下禮部議以為

王府內外官職守舊制具存兼有兵部題奉近例所宜遵奉綬  
及信保等俱奉恩命不能協和辦理互相奏許宜速治其罪得  
旨俱宥之諭令協和辦事勿蹈故轍○先是虜入肅州衛地方  
殺掠人畜守備都指揮僉事何玉等夫于防禦下巡按御史連  
問擬遣遠充軍 上以玉等情輕律重俱令贖罪還職○監察  
御史涂昂以災異言六事一成君德謂上天垂戒必有所自願  
皇上聿修厥德親君子遠小人誦無逸之訓違政聲色不留  
于心味旅焚之為珍禽異獸不接于日一動經筵謂經筵月日  
太拘體貌迥嚴情有所不通學有所間斷伏願今後不必拘以  
時月或陰寒盛夏之日暫且停止每月急依原定日期動御經  
筵延禮儒臣講求聖賢之道覽觀前代善以為法惡以為戒行  
何事可以致治獲福因何事可以召禍未災道有未明溢顏降



接與之講論以盡臣下之論政有所疑傾心懇切與之研究以窮事體之宜一慎政令謂方今政令之行或逾年即改或數月即止甲可乙否前是後非何以取信于天下伏願一政一令必初內閣酌古準今議擬允當然後行下部院查照舊例同異應否務求經久方可施行一選將帥謂比虜近來慢書屢上略無忌憚萬一烽烟突起環視中外武臣非膏粱子弟則貴戚苗裔未其勇略出衆者為誰願初內閣部院科道等官武臣中素有智勇謀略練達事體立心忠亦可充將帥者不必拘限品級高下一一列名奏聞賜書御籍簡上心而任用之一伍軍民謂南方之民困于轉輸北方之民困于差役邊方之軍役困苦于權貴糧賞侵于貪墨身且難安何以養其銳氣在京營者工役頻仍勞費重大生且無聊何以興其義氣伏願輕徭薄賦清逸

軍占後之弊憫京軍工役之苦一定稅法謂國家夏秋二稅各色課程未常過十一之制今盧溝橋抽分客商木板料每五抽一似乎太重小民馱載石灰煤砟柴草等項貨賣一槩抽分紛紜騷擾殆非美事伏願查照原定則例量減一半其餘一切免稅命所司議處以聞○壬戌六部等衙門尚書等官王恕等以星變奉詔言經筵講學乞不問寒暑各寺觀齋醮兩天廠誦經供應太侈費財害民元宵燈火筵宴及保聖等夫人歲祀乞各裁減停止畜養獅子等獸飼以生羊有傷仁心甚為無益續進番僧刊印書籍既費民財又傷禮教乞放遣停止增設松潘巡撫大臣京通倉監守內臣添差催備段匹部屬織造內臣俱為民病乞取回京南海子等處修造工役光祿寺歲 樂炭棟辦乞暫停止各處地方災傷外衛京操軍士上班 乞宥

其罪南北風土異宜逃亡軍士該清解原衛者乞至 編發順  
天等府寄養馬歲二萬匹乞減其半仍量收馬價以紓民困京  
營騎操馬乞照舊例歲止給草料兩月夏四月止給料豆一半  
畿內皇莊并公侯等莊田乞每畝止令納細糧五升或粗糧一  
斗各處倉廩耗糧虧欠乞量免追陪守支三年以上者石追一  
升二年以下者石追半法司問刑乞令止依律例不許妄加  
奏語羅織人罪所司緝訪妖言強盜人命重情多有冤抑乞令  
法司各與辯理不許拘以成案畏禍不辯枷號罪人或致死乞  
乞暫宥之止問應得罪名並法壅塞商人不至乞為疏通鎮守  
等官頭目數多乞照例查革光祿寺軍廚千名錦衣衛近選者  
寶幼丁五十名俱乞革退著從 上曰經筵講學朕當自勉供  
應品物已令裁減元宵燈火筵宴即令罷之保聖夫人等祭祀

太常寺查議來說獅子等獸止餽生肉不用活羊看守人役減  
半番僧除原存留外餘查數開奏各處添設內官及織造官員  
俱不動軍廚并尚寶監幼丁問刑叅語亦仍舊軍廚月糧各減  
二年其餘如議行之○平江伯陳銳遂安伯陳韶各乞解兵柄  
上曰卿管理京營當用心戎務以稱委任不允所辭○命晉府  
庶人壽福妻妾各一人人月支口糧折支布絹綿花米麥三石  
使女三人人月支米一石歲給布絹各一匹○癸亥朝鮮國王  
李娣遣陪臣李陸等來賀正旦別遣安瑚等獻馬回賜玉錦段  
等物并賜李陸等宴及綵段衣服但物有差○掌錦衣衛事都  
指揮使朱驥卒字尚德順天府大典縣人初襲錦衣衛正千戶  
天順初坐前兵部尚書于謙親黨謫戍威遠尋召還成化初陞  
指揮僉事以提督官校擒捕妖言并前在謫所斬獲首虜功陞

指揮同知歷指揮使都指揮同知都指揮使供常衛事至是卒  
特賜祭葬驥任事最久得 憲廟倚注甚深性本寬大且識事  
體成化間饑民有攘奪以苟朝夕者所司逮捕得斗粟者輒坐  
死固固至不能容驥曰此窮民耳其情可憫多從末減有妖人  
真忠者為偽書惑衆語涉不道事覺逮繫數百人皆當死驥獨  
罪真忠餘並請釋戍邊其持法平恕多類此○吏科都給事中  
張九功言用法有節則可以服天下用人有節則可以理天下  
以近日用法言之如掌太常寺事禮部侍郎丁永中素非清流  
鈴束不謹致大祀祭服被盜郊壇房屋被火科道交劾其罪乃  
蒙寬宥罰止停俸御史任儀抗章論事意在教忠字樣差訛是  
其小過科道亦常論救竟加貶謫以近日用人言之名在剡薦  
者多奔競之流列銜太常者乃黃冠之輩伏望 聖明寬任儀

之責以作忠直之氣今後吏部用人宜仍舊循資推舉太常寺  
別選儒臣任事章下吏部謂所奏多可行上從其言以任儀  
既調用姑已之○賜固安郡主固安縣附郭地五十頃郡主  
景皇帝女也○是日未刻日暈生左右珥色淡又生背氣色赤  
黃○乙丑立春順天府官進春上御奉天殿受之文武百官  
行慶賀禮以修省免宴○丁卯命晉府庶人竒萍妻妾婦女各  
一人人月支口糧折支布絹綿花米麥共三石使女四人月  
支米一石歲給布絹各一匹○禮部覆奏科道等官所陳崇儉  
德以節財用一事謂中間開列事情近因吏部等衙門建議多  
已施行惟遺選番人納麻及減修齋醮未得俞允供乞俯從所  
言上曰納麻等二人不必發還齋醮後當減者○刑部覆奏  
科道官所陳循成命以堅大信一事謂各處軍民詞訟干礙司

府衛所州縣者宜遵奉登極詔旨止行巡撫巡按官問埋干撫  
按者行鄰近撫按官勘問不必奏擬差官 上納之命事有干  
礙重情當差官勘理者仍奏請處分 戊辰陞左春坊左諭德  
林瀚為國子監祭酒 給賞侍衛將軍官軍圍子手及皇城各  
門守衛軍并養象軍奴衣鞋各一副 禮科給事中王綸言人  
君一身萬化之原養之不可不周保之不可不至 皇明祖訓  
有曰凡吾平日持身之道無優伶近狎之失無酣歌夜飲之歡  
正宮無自縱之權妃嬪無寵恣之專此我 太祖正心保身之  
道伏望 皇上遵宗帝王近守家法目不接優伶之戲耳不入  
淫哇之聲聽斷之餘惟事詩書燕閒之際不忘義理則精神內  
固而萬壽無疆矣白古人君未有不以勤而興以逸而廢者  
皇明祖訓有曰察情觀變慮患防危如履淵冰心膽為之不寧

晚朝畢而入清晨星存而出此我太祖勤身勵行之道伏望  
皇上內枕不寐平旦有為御不可觀也勿縱觀以防政燈節可  
樂也勿貪樂以害政龍船可遊也勿慢遊以荒政視朝不至於  
太遲裁處不專於左右則內無失德外無失政而庶績成熙矣  
古之窮經致用者歷年深而蘊蓄厚沉滯久而詩練多我朝科  
舉之法最為盡善取之有序進之有等近年拘于例簿舉人三  
試不中者不許再會試恐中間亦有年富志剛而未衰廢者此  
例一拘志意消沮不復振作矣乞仍照舊例通許會試為使下  
禮部議以給所奏切於治體從之○是日昏刻客星見天倉下  
色蒼白漸向壁宿○己巳太常寺奏旨查奏保聖夫人等十三  
位西山墳所每歲以正旦清明中元孟冬冬至五次委官致祭  
品物之費不少此皆出一時特恩不係常典循例而行將來何



極乞如吏部等衙門所奏量為裁革止令清明一祭。上令歲以清明孟冬遣祭餘俱省之。○賜朝鮮國弘治四年大統曆一百本。○都察院右都御史屠濟以病乞辭職。上命在任調理不准辭。○吏部覆奏左給事中韓昂監察御史陳金等所劾掌太常寺事禮部侍郎丁永中等及禁止傳乞陞官者謂永中及南京大理寺卿吳道宏太僕寺少卿王祿浙江布政使吳縉思山西布政使金純河南按察使吳文元山西按察使楊徽實素招物議工部左侍郎陳政掌通政司事工部右侍郎謝宇南京戶部尚書黃紱工部尚書劉宣刑部右侍郎邊鏞左副都御史李益巡撫河南右副都御史錢鈺福建左布政使陳賓貴州按察使張廉猶或有一長可取近傳陞軍器局副使尚禮等則請俱革退以塞獎源。上命留政祿宇紱宣鏞益鈺賓廉仍治事。

餘俱欽仕尚禮等姑已之。○陞揚州府同知李紱山東德州知州王縉俸二級仍留治事各從巡撫都御史薦也。○命以河東鹽課銀四萬兩充偏頭關軍餉。○平樂府致仕知府李庭芝革職閑住以訪求。孝穆皇太后宗支失實也。○兵部覆奏左給事中韓昂監察御史陳金等所劾成山伯王鏞左都督范瑾懦弱不職南安伯毛文黷貨廢政事宜俯從但王鏞等年有素強任有繁簡請量為裁處。上命文帶俸閑住鏞瑾仍舊管事。○庚午賜周府陽江縣主并儀賓姚鏞凡城郡君并儀賓王珍陽曲王府諸城郡君并儀賓王鈺誥命冠服如制。○辛未勅滿除在京文武官員過名仍命法司移文于在外諸司。○陞提督騰黃通政使司右通政曹鑑為太僕寺卿。○壬申光祿寺少卿張禎叔丁憂服闋復除原職。○授進士丘文瀚為翰林院檢討侍

蓋王講讀。吏部左侍郎彭韶奏內臣在上左右人所選擇。今兵馬倉儲細大之事盡付其手。凡有章奏無不先允而後議。該部承行不復審處。是失政體也。至有敝人致死者。竟不詰問。徹成覆宥。無所忌憚。是失利威也。耗財妄費。不惟不禁。而又助之死者。或給還葬銀。存者或許蓋祠。討地第宅。服食踰制。聲勢移人。伏望陛下上法祖宗。乾剛獨斷。寢良善而親忠直。遠佞媚而斥奢縱。威福必由己出。則萬世之永固也。但一日萬幾。安能勞心周溥。願執其要以御之。乞自今午朝無奏常事。惟議急務。如大陞除。大災異。緊急錢糧。緊閉工程。囚犯之類。令各衙門先期具奏事由。聖駕定日出御。左順門侍班守衛。一如午朝之儀。該會議者各官就於御前公議。如陞除大臣。明言某官堪任。某官不堪任。內閣輔臣亦同詳論。可否議定。輒行口奏。取

旨次日補本若該本衙門自行者亦就御前逐一陳說若事大難急而議者聽各官博議於先候至朝時再議奏行仍乞溫顏俯詢曲折如此不惟世事日熟 聖明耳目而群臣高下邪正亦自可見有事則行不分寒暑無事則止勿勞 聖駕既不廢午朝之故典又可率群臣之興事則凡時政得失軍民利病自可以次第弛張矣下禮部覆奏謂 祖宗設官分職凡軍馬錢糧禮制刑獄悉付所司朝廷惟攬其綱以責其成自今近侍人員凡有陳奏請求事務必須各付所司查奏定奪不必先先後下致令所司難於審處若午朝事儀則本部原奉勅旨各衙門如有機密重事許赴御前具奏不必別為議擬從之然午朝竟無請對政事者不過文具徒為煩擾廢事故不久竟罷云○命分守閩原右叅將劉祥與協守廣寧右叅將崔勝兩考其任以

祥在開原與分守太監藍瑩不協故也。○改中都留守司帶俸都指揮僉事施理著副留守銓旺金吾右衛帶俸指揮同知王佐于留守司管事。○陞錦衣衛指揮使季成爲都指揮僉事掌衛蔚州左衛帶俸都指揮僉事陳雲于錦衣衛管事成保母羽聖夫人于雲先充延綏副總兵以劾罷至是自陳年力未衰實緣復用遂有是命。○癸酉戶部覆議左給事中韓昂御史陳金等所言修省事一乞勿追蠲除諸稅一乞及時區畫邊餉一乞裁抑貴戚奏討莊田其言皆可行從之。○陞鴻寺卿齊章爲太常寺卿。○匠官杜宏等四十人先以販寶石等罪爲科道所劾發遣遠充軍燕民武調衛至是復假託求復用兵部執不可。上曰此曹造作奇巧多盜內府庫物又濫陞官職罪宜死已從輕處治今復敢營求取用不許。○陞湖廣布政司右叅政雍泰

江西左叅政李憲俱為右布政使山西按察司副使熊紳平陽府知府樊瑩為按察使泰浙江蕙山西紳本司瑩河南瑩之起權從南京工部右侍郎黃孔昭薦也○命後前錦衣衛指揮金事郭良職良政武定侯昌子以與族人爭襲侯爵革職閑住至是其母以貧乞恩特命復職○甲戌陞吏部郎中吳裕為通政使司右通政提督滕黃南京尚寶司卿李應禎為南京太僕寺少卿○禮科給事中王綸奏近年問刑新例滋多人難遵守維今請一據律令其律令所不載者奏請上裁如見行事例有可行之久遠者請令法司剛定頒示天下三法司覆議謂律者百世之定法例者一時之權宜例所以輔律也人情變態不常事例輕重不一有情重律輕者雖徒流而發遣充軍有情輕律重者雖絞斬而准其收贖或初議從重後因民俗稍變而復議

從輕或初議從輕後因人不知懼而復議從重沿革損益因時制宜難以盡革亦難剛定維今凡有奏議刑獄條例者但令法司會議斟酌務上合律意下通民情然後條陳奏請上裁著為事例從之○命南京刑部右侍郎邊鏞太僕寺少卿王祿致仕以科道復劾其貪污奔競故也○乙亥以歲暮裕祭遣駙馬都尉樊凱告太廟新寧伯譚祐告懿祖皇帝○命失里衛都指揮同知咬納之子察哈奴等二人各代父原職友帖衛指揮使額塞奇等十六人各陞一級俱從其請也○命銓註南京金吾前衛帶俸署都指揮僉事丁全于山東都司掌印○丙子裕祭太廟○遣太常寺官祭五祀之神○遣旗手衛官祭旗纛之神○詔京官皂隸銀兩仍舊餘兩京各衙門直堂并守門皂隸看倉者庫稱子等夫役每名止銀十兩各學膳夫每名止銀

四兩此後各司府州縣假以水夫長解門子科取銀兩者事發以賄論先是天變詔求直言而吏部左侍郎彭韶舉此上對故也○是歲天下戶九百五十萬三千八百九十戶口五千三十萬七千八百四十三口田地八百二十五萬四千八百八十一頃田賦米一千九百八十四萬八千九百九十四石三斗三升九合麥七百九十九萬五千三百七十六石九斗六合二勺絲三萬六千七百零五斤七兩五錢綿二百六十五萬二千九百四十六斤五兩三錢絹一十七萬八千六百九十七匹三尺四寸五分布一百一十五萬一千七百七十九匹三丈二寸三分綿花二十三萬一千二百斤草三千三百八十六萬三千五百包束戶口鈔八千八百四十二萬六千九百八十二貫雜課鈔共七千三百九十二萬六百一十九貫折米一千四百七十二



石鹽課二百四萬九千八引折米五千七百八十七石四斗折  
布二萬一千七百九十五匹茶課八萬九千斤屯田二十八萬  
九千四百八十一頃九畝子粒二百九十三萬六千七十石金  
銀課共八萬一千二百七十兩水銀二百二十九斤硃砂四十  
六斤八兩價運糧四百萬石各處運納米麥共一千五百二萬  
一千五十五石四斗一合三勺四抄五撮七粟六粒減免稅糧  
八百九十三萬三千五百六十八百四斗三升單八百九十三  
萬二千七百五十束

大明孝宗敬皇帝實錄卷之四十六終

明孝宗教皇帝實錄卷之四十七

弘治四年正月戊寅朔正旦節遣駙馬都尉蔣震周景分祭  
長陵 獻陵 景陵 裕陵 茂陵○遣儀賓楊淳祭 景皇  
帝陵寢○遣內官祭恭讓章皇后陵寢○ 上詣 奉先殿  
奉慈殿 太皇太后 皇太后宮行禮畢出御奉天殿文武羣  
臣及四夷朝使行慶賀禮 太皇太后 皇太后 皇后俱免  
命婦朝賀○己卯文武羣臣朝親王於奉天門東廊○庚辰  
宣宗章皇帝忌辰 上祭 奉先殿遣駙馬都尉馬誠祭 景  
陵○壬午孟春享 太廟○遣內官祭司戶之神○癸未賜晉  
府世孫表榮庶第二子名曰知烺秦府輔國將軍誠治第二子  
曰秉相庶人公鉢嫡子曰誠涉楚府奉國將軍榮淙庶第二子  
曰顯懷庶第三子曰顯攬榮瀉嫡第四子曰顯樞庶第五子曰

顯樓宣寧王府輔國將軍成鉞嫡長子曰聰濟陽曲王府鎮國將軍鍾錫第八子曰奇浴○以修省免賜上元節假○乙酉以大祀 天地 上御奉天殿誓戒文武羣臣致齋三日○陞巡撫山西都察院右僉都御史翟瑄為右副都御史理院事○陞南京兵部左侍郎鄭時為南京刑部尚書巡撫順天等府都察院右副都御史徐懷為南京刑部右侍郎南京光祿寺卿章格為南京大理寺卿○兵部言迺北小王子遣使來貢至大同守臣以其書非真不許入關續差正副使十五百人易真書復來仍乞朝廷與彼通使又言彼國有盜吾邊馬者其盜已得今以馬還意亦可嘉請候彼使還賜勅嘉其誠意并示以不可遣使往彼之故使虜首愈知感慕其奏乞比舊加賜表裏并貨買弓鎗鞍子織金膝襪之類宜令禮部查例覆請 上從其議

命五百人入京餘留於闕以俟給賞○戊子慶府安化王秩終  
薨王靖王之子母夫人劉氏永樂十三年生十九年冊封至是  
薨年七十七計間輟朝一日賜祭葬如制謚曰忠懿○己丑大  
祀 天地于南郊 上還宮謁 太皇太后 皇太后出御奉  
天殿文武羣臣行慶成禮○朝鮮國王李婁遣陪臣禮曹參判  
李陸并僉知中樞府事安瑚等貢方物朝賀賜宴并衣服綵段  
等物有差○辛卯以修省免慶成宴賜分獻陪祀及該宴官昨  
○調巡撫河南都察院右副都御史錢斌為南京光祿寺卿以  
科道交劾其夤競也○四川茂州地震有聲○壬辰上元節免  
宴○內閣制勅房書辦吏部員外郎馬紹榮九年考滿陞山東  
布政司左叅議順天府帶俸仍舊辦事○致仕刑部左侍郎  
曹肇卒肇字時升江西泰和縣人宣德八年進士授刑部主事

遷員外郎郎中景泰元年陞廣西右叅政承檄核大獄有殺人者致黃金數十斤峻非之囚具獄尋改河南天順五年陞山東右布政使威皖欲奪民田部使者方依違輦極言不可乃已成化元年轉河南左布政使時荆襄盜起豫峙銀粟以備犒餉官軍賴之四年召為刑部左侍郎仍給從二品俸六年巡視浙江考察官吏首去布政使張清人頗為之不平九年乞致仕去上登極以詔例進階資善大夫至是卒於家賜祭葬如例輦性質實歷官四十餘年勤慎不渝所在共職同列心師事之晚節家居不入城府歿之日家無贏貲鄉人高之○甲午 英宗睿皇帝忌辰 上祭 奉先殿遣駙馬都尉周景祭 裕陵○陞兵部郎中李鑑為太僕寺少卿○陞提督松潘等處軍務都察院右副都御史童軒為南京吏部右侍郎巡撫雲南右副都御史

王詔為南京兵部右侍郎○工部右侍郎楊理卒理字貫之直隸山陽縣人成化二年進士選授刑科給事中進都給事中權鴻臚寺左少卿改大理寺左寺丞歷左右少卿進都察院右副都御史巡撫河南召為工部右侍郎理為人謙厚和易與物無忤初為給事中鮮所建白在大理按晉趙二王府獄務從寬恕在河南值歲饑河復決于汴民心恐懼衆議徙省避之理增築隄堰湖廣饑民流入永寧盧氏者甚衆理議發官帑賑之比勅至果與議合民以祖田詐為閒地投獻諸王府槩為陳乞理申禁之然分割墾劇非其所長為巡按御史所制在工部未久病卒朝廷遣官諭祭并賜葬如例錄其子一人為國子生○乙未戶部尚書李敏乞歸養疾上曰古者人居之待臣下病則予告至大臣又命醫賜藥恩禮尤厚蓋以君臣一體其情有不容己

者卿今有疾宜在任調理不必求去太醫院即遣醫往視之○  
工部左侍郎潘禮乞致仕不允○賜慶成王府奉國將軍奇濬  
奇濬奇澂奇灝鎮國中尉表楠陽曲王府輔國將軍奇茫奇澂  
奇澂奇準誥命冠服如制○巡撫宣府都御史楊謚等奏近擬  
山東河南等處歲輸戶口食鹽錢鈔於宣府准給官軍折色俸  
糧緣邊方錢鈔不行軍士不蒙實惠乞自今通折以銀每錢七  
文折銀一分鈔一貫折銀三釐下戶部議覆奏從之○海西兀  
者等衛及建州右衛野人女直都督等官察安察等建州等衛  
野人女直都指揮柳失等來朝貢貂皮馬匹賜宴并綵段衣服  
等物有差○鎮守貴州前軍都督府都督僉事彭倫以老疾辭  
解戎務許之○太僕寺少卿彭禮奏順天府東北州縣人民與  
邊關軍士雜處軍士馬死懼告官責罰多私買民間寄養馬毛

色相類者償之號為冷補官司莫能辨詰京營官軍亦有此弊  
今後民馬宜令照舊印左至給付官軍則加印于其右其京營  
及邊關官軍見在馬匹皆如例印右以便審詰民間寄養官馬  
之損失者已奉詔減償責限追徵漸次完復近日順天府又以  
早奏請寬免下户用是人皆冀幸苟免舊負遂難追補今後凡  
有建言馬政者宜悉下兵部議處庶事體歸一而所司亦易於  
舉職矣從之○巡撫大同右僉都御史許進與分守太監石巖  
不相能各許奏諸不法事命禮科給事中袁達刑部郎中韓紹  
宗往勘巖奏達等比進乃改命都察院左僉都御史李介大理  
寺左少卿楊澄錦衣衛指揮使李成往介等具疏其實巖以多  
支馬價扣官糧潰私債召還京進奏事亦有不實調外任為充  
州府知府○丙申以水災免遼東三萬等衛私治三年屯糧有



差○賜岐王祐楡永清縣信安鎮地五百七十五頃○巡撫遼東都御史徐賈言遼東去歲被災開原尤甚今春夏之交愈加艱窘請運瀋陽衛預備倉糧五十石遼陽定遼左等衛預備倉糧二萬石輸之開原以備賑濟鐵嶺汎河懿路等處亦發倉賑之仍請減價糶遼陽海州等處預備倉糧三萬石以紓目前之急候歲稔糶補 上命如議行之○命神策衛帶俸指揮使于宣守備黃花鎮以都指揮體統行事○巡按貴州監察御史汪律言貴州學校以雲南提學僉事兼領地遠不能徧歷請改命貴州兵備副使帶管禮部覆奏從之○命前軍都督府致仕署都督僉事岳嵩之子經代原職為延安衛指揮僉事○丁酉興王行親迎禮○南京吏科給事中邵誠等陳謹天戒三事一曰省 聖躬謂視朝之後乞御便殿延接大臣講求治理勿使羣

小有壞政之漸仍屏絕珍異裁省冗費公平刑罰以回天意一日明熙穆謂工部左侍郎陳政大僕寺少卿王祿皆奔競無恥南京戶部尚書黃紱大理寺卿吳道宏老懦廢事禮部右侍郎徐瓊鴻臚寺卿張達清譽不聞左副都御史李益森鄙無能左通政鄭紀不協士論乞行罷黜其在外若布政使張敷華劉大夏秦氏悅妻謙徐恪按察使魏富叅政李憲副使羅璟林俊俱存心清謹制行公勤乞加擢用一日廣言路謂近日以來進言者或因一字之誤致令受罰或因一人之事致相詰辯使人有所聞而不敢言有所言而不敢盡似非設官初意乞於進言之臣特加詳察苟有可取即賜施行或有過當亦宜曲賜優容以廣忠諫之路上曰陳政等已有旨處置徐瓊張達仍留治事李益令吏部看詳以聞餘所言下所司知之○代府靈丘王成銀

奏各邊巡撫都御史有諳練邊務威惠著聞者乞勿改調取用  
或加秩增祿令其久任以保障軍民吏部覆奏謂在京三品以  
上官多於巡撫官內簡用若邊方者俱令久任則所用止於腹  
裏巡撫資序失宜亦非均勞之義其言難行從之○以旱災免  
陝西西安等府及西安左等衛弘治三年秋糧子粒有差○夜  
月犯氐宿東南星二戊戌陞南京戶部郎中黃鉞為南京尚寶  
司卿○舊例中都留守司及各都司衛所京操官軍沿途關給  
口糧至是有以冒支抵罪者山東巡撫都御史錢鉞請停給以  
杜姦弊從之○己亥陞江西左布政使秦民悅貴州左布政使  
張誥湖廣左布政使張敷華河南左布政使徐恪俱為都察院  
右副都御史民悅整飭荊州等處兵備兼巡撫順天等府誥巡  
撫雲南敷華提督鴈門等關兼巡撫山西恪巡撫河南○庚子

陞湖廣布政司右布政使劉喬江西右布政使張琳河南右布政使張岫俱為本司左布政使○命於兩廣間中廣東及海北二鹽課提舉司鹽二十五萬引以備賑濟廣東十五萬引廣西十萬引從總督都御史秦紘奏也○命韓府樂平王徵鉅歲祿一千石本色七百石折色三百石○大醫院院使施欽等奏醫士醫生補役充役者乞通免考試禮部覆議欽等多收冒籍庸派歲糜餼廩恐積弊敗露欲圖苟免請論以法上曰施欽等徇徇已私朦朧奏瀆法當推究姑宥之○辛丑南京國子監祭酒謝鐸言六事一曰擇師儒謂願求道德之士如唐之韓愈宋之楊時者以為大學師又必得廉靜恬退嚴重剛方之士為各布政司提學憲臣庶無負教化之實二曰慎科貢謂今之所謂科舉者雖可得豪傑之士亦間有虛浮躁競之風其所習多俗

儒纂錄支言長語不知經史大義乞一切禁絕今之所謂歲貢者雖稍勝輸粟之徒亦多因循姑息之弊其補廩或以家貧久次乞憐而得宜痛加裁革庶幾升于國學皆可任用三曰正祀典謂孔廟未從祀者若龜山先生楊時乃伊洛正傳息邪放淫以承孟氏宜進已從祀者若臨川郡公吳澄受宋之恩如此其久歷元之官如彼其榮逆其所為曾不及洛邑之頑民宜黜乞升時以上附宋諸賢之位斥澄以下從莽大夫之列則於世教不為無補四曰廣載籍謂本監書板舊多藏貯散在天下未免有遺乞勅各布政司凡係經史書板盡送南京國子監以復國學儲書之舊免有司贈饋之勞五曰復會饌謂宜修饌堂以便往來造器皿以供日用六曰均撥歷謂科貢及納粟監生以名數多寡為撥歷之差今科貢多而納粟少十分中乞以六七分

屬科貢三四分屬納粟庶得變通之義下禮部覆議謂鐸所奏深切時弊俱可行但欲黜吳澄升場時從祀前此已屢有陳奏且難別議從之○賜秦府保安王誠潢五經四書集註各一部從其請也○壬寅南京監察御史金章等言四事一正君心欲乞遠邪佞獎直言戒宴樂節用度達壅蔽謹刑辟遠法古人改過不吝事果有害於義者雖成命已下亦當中止庶人事修而天意得一節財用謂近年以來宴賜頗多以致先祿告乏催辦四出且四方水旱相仍徼科逼迫聚而為盜者不可勝數乞省不經之費節常貢之質以厚民生備邊警一聞言路欲乞退朝之後即御便殿令內閣學士六卿都御史及科道等官俱在侍從凡天下奏章兵食大務及重刑大獄前一日集議停當次日面陳可否親賜裁決庶幽枉必達物無遁情一黜曠職乞黜罷

南京守備南寧伯毛文兵部尚書張瑩禮部尚書黎淳戶部尚書黃紱刑部右侍郎邊鏞都察院左副都御史李益應天府尹秦崇國子監祭酒鄭紀 上曰章內所言多已行事黃紱等亦有旨留張瑩仍留治事黎淳果有疾許自陳李益秦崇該部看詳以聞○癸卯陞雲南布政司右叅政劉元映西左叅政韓和問福建右叅政王範河南右叅政王宗彝俱為右布政使元貴州邦問江西範湖廣宗彝河南○巡撫順天等府都御史徐懷應詔言六事一疏通人才以資任用乞行各處提學官考選該貢生員文理通順者照例起送不必專論年資二革除宿弊以清吏役乞行各處撫按官遇有吏缺照舊考選農民不許奏開納銀納米事例三分豁陪糧以蘇民困乞將所屬固安等縣水衝沙壓地土該徵糧草量與分豁四申明條例以清軍政乞將

各處見清埃無名籍軍役曾經三次回報者查勘開豁五量定賞罰以捕盜賊今後不係應捕官員擒獲強盜二名以上者奏請陞擢妄拿指攀等項宜從重治六嚴禁軍器以防奸宄各處軍民近來多有私造應禁軍器者宜申明禁約命所司知之○兵部尚書馬文升丁繼母憂上令奔喪還葬畢即回任文升以終制請上曰卿受軍務重託今邊境有事豈宜終制其馳驛去限三月即回任○命中都留守司正留守劉斌之子璽代原職指揮使銓註湖廣衡州衛○甲辰戶部尚書李敏再以疾乞歸上曰卿練達老成正隆委任今奏病勢日危情詞懇切准歸調理其給驛去有司月給米二石歲撥夫四人應役病愈起用○以旱災免山西太原等府及太原左等衛弘治三年秋糧子粒有差○命考郎兀衛都督同知撒哈良男幹羅脫等各



襲父職兀者衛指揮使阿都赤等以授職年深各陞一級○命  
戶部左侍郎葉淇之孫木為國子監生從其請也

明孝宗敬皇帝實錄卷之四十八

弘治四年二月丁未朔釋奠先師孔子遣少傅兼太子太師吏部尚書謹身殿大學士劉吉行禮○給德府濟寧王祐祿米歲二千石本色折色中半兼支○戊申祭 太社 太稷○遣順天府官祭先農之神○巡按陝西監察御史李興言陝西自去年六月以來山崩地震大旱早霜冬雷星變凡在臣僚皆當修省而巡撫巡按官尤宜身任其責不宜諉諸天數因自劾巡按無狀且劾巡撫都御史蕭楨不恤民窮忽畧邊務及妄舉按察使婁謙并擅用官錢等事乞別選剛方忠勤之士代之命下其奏於所司○己酉南京給事中邵誠等劾奏南京都察院左副都御史李益次當奉表入賀 萬壽聖節託疾不行請治以罪南京監察御史金章等復言益粗暴凡庸畏權勢則曲意奉

承懼刁扶則屈法遷就并劾應天府府尹秦崇用刑慘酷民間有鬼見怒之謠並乞黜之吏部覆奏言二人事情虛實未可知請量為裁處命俱存留治事○陞戶部郎中陳瓊慶陽府知府黃傑俱為布政司左叅政河南左叅議朱瑄兵科都給事中劉聰廬州府知府劉烜貴州右叅議吳瓌俱為右叅政瓊江西傑陝西瑄河南聰湖廣烜福建瓌雲南○陞監察御史陳全為山西按察司副使○六科十三道文章言蔚州左衛帶俸都指揮僉事陳雲先充延綏副總兵經科道彈劾幸而漏網後多官會議以雲年力向衰奏取別用迨又妄自陳乞改錦衣衛管事命下之日物議沸騰乞執治其罪以為奔競無耻者之戒况錦衣衛乃近侍衙門堂上官有缺宜如舊例令兵部從公推舉上曰雲業已改用始置之今後錦衣衛堂上官有缺令兵部從公

推舉如例○命雲南都司都指揮僉事方璽提督屯田雲南左  
衛指揮使馬鉉分守迤西地方從鎮守太監章平等請也○內  
官監奏修沙河橋乞撥官軍二萬五十人益以長陵等五衛  
夫力庶幾工得速成工部尚書賈俊等覆奏四方災變日間乾  
象示警况見營大廟後殿修橋之役難於並舉請俟歲豐別  
議從之○庚戌賜遼府鎮國將軍恩鐵嫡第二子名曰寵准瀆  
府陵川王嫡第三子曰勛沅楚府鎮國將軍均鋼嫡第三子曰  
榮澗庶第四子曰榮游樂昌王府鎮國將軍聰淖嫡長子曰俊  
枝○四川雜谷安撫司遣刺麻苗僧頭目即哈僧吉等并陝西  
外夷車陸哈古哈籠等族番人火竹等各貢毯氍毹甲馬匹等  
物賜衣服綵段鈔錠有差○陝西副卷監察御史祁司員劾奏  
左布政使梁璟副使余金僉事李茂潘盛李旻卷宗錯誤都察

院擬當罰俸有差時梁璟已陞都察院右副都御史及李茂致仕余金潘盛李旻皆以丁憂去行所在諸司治之詔李茂免問餘悉從所擬○是日午刻日生交暈及左右頰色赤黃時白虹彌天日下復生戰氣○辛亥都察院右都御史屠滂再以疾乞休致上曰卿年未老才識有為未可遽求休致既有疾給驛暫回調理俟平復即起用○都察院左僉都御史李介以母喪去任○陞山東按察司按察使侯恂為都察院右僉都御史巡撫大同○命故工部右侍郎楊理之子磐為園子監生從其請也○吏部左侍郎彭韶言文武之職雖殊名器之重則一今軍官日衆俸支不給設法救之猶恐無策豈可開濫授之門恣之轉令感乎比多有無功之人夤緣請謁授以千百戶等官甚至有乞恩承襲都指揮者不特武職文職亦有之或以修城做勞

而陞匠官或以傳奉罷革而遣良醫又有中書考滿超陞三級  
伏望 陛下重視名器愛惜康祿勿謂小官為可與勿謂雜流  
為無害嚴加杜絕痛與釐正庶幾少救其弊 上曰爵位名器  
國家所重誠不宜太濫今爾所言朕已知之矣○壬子陞工部  
郎中顧餘慶戶部員外郎洪漢俱為布政司左參議戶部郎中  
陳奐為右參議陝西按察司僉事馬中錫為副使監察御史劉  
鳳翔大理寺左寺副張琳刑部主事富珖俱為僉事餘慶河南  
漢雲南奐貴州中錫本司鳳翔山西琳陝西珖湖廣○以營建  
太廟後殿遣保國公朱永工部尚書賈俊董其役○分守獨石  
馬營等處左叅將都指揮僉事繩律擅罰所屬紙價銀修龍門  
衛學本衛指揮張昇等實為奉行守備獨石堡都指揮同知高  
鉞役占軍餘科歛財物巡按監察御史並奏其事 上曰繩律

違例科罰宜治罪始宥之仍罰俸兩月餘皆違問○昏刻月與木星相犯夜月犯六諸王西第一星○是日南京見老人星見丁位色赤黃○癸丑命貴州都司都指揮使李縉之子勲代原職貴州前衛指揮使○乙卯先是海西野兒定何衛都指揮使加忽赤貢海青因援考部兀衛都指揮阿古哈例乞陞都督兵部議奏阿古哈陞職係一時特恩不可援以為例加忽赤止宜加賞從之○丁巳初番僧既逐去止留乳奴班丹等十五人後多潛往京師轉相招引齋醮復興糜費漸廣六科十三道再劾下禮部會議請如前旨逐之得旨齋醮此後俱減省番僧留一百八十二人餘悉遣之○戊午工科都給事中王珩丁憂服闋復除原職○禮部火○己未壽寧伯張密請給勳號并誥券吏部尚書王恕言昔 錢太后正位中宮五十年錢承宗始封伯

皇后正位中宮纔三年嚙即蒙恩封伯今又急有此請恐人情  
驚愕有累 聖德乞遲數年以息人言 上不從命嚙應得誥  
券封號熙王源例與之授推誠宣力武臣榮祿大夫柱國壽寧  
伯食祿一千石子孫世襲免本身雜犯二死子一死○遣戶部  
右侍郎吳原祭太倉之神○遣順天府官祭宋丞相文天祥○  
庚申命光祿寺停止日支修理王府內外官臣酒飯從本寺卿  
胡恭請也○辛酉吉王見浚奏往年乞賜湘潭縣河泊所折收  
歲課俱長沙府轉解欲乞本府差人自收下戶部議如王所請  
則所差人必於折納之外加倍徵歛紛擾益甚况年饑民貧宜  
仍舊便從之○調陝西按察司副使王珪于湖廣以環慶兵備  
裁革也○陞協守貴州右叅將都指揮同知王道為署都督僉  
事鎮守貴州兼提督清平等衛○命懷柔伯施鑑南京協同守



備○初周府鄆陵妾僖王宮人姚氏與其子鎮國將軍同鉞同居後同鉞卒安僖王亦薨鎮國將軍同鉞封為鄆陵王數侵奪其產業後欲侵鎮國將軍同鉞第宅同鉞懼亦以姚氏莊田獻之姚氏奏之同鉞亦奏姚氏孫輔國將軍安汝違法詣事下河南鎮守巡撫巡按官會勘同鉞詞皆虛而姚氏亦間有不實至是都察院覆奏以同鉞不能撫恤幼孤有傷骨肉同鉞妾將他人產業投進致起爭端俱違 祖訓而姚氏詞亦有不實詔旨宥不治仍降勅同鉞同鉞切責之○壬戌駙馬都尉蔡震請賜其故父東城兵馬副指揮誠及母王氏封贈勅命許之○周安郡王卒主 景皇帝之女母后汪氏成化二年下嫁儀賓王憲至是卒命禮部議葬祭禮儀禮部主郡主葬祭宜視嘉祥公主例從之于是命司禮監官董喪事祭葬恩典悉從厚但免報訃

諸王府○癸亥實授南京都察院理刑知縣行人等官馬炳然  
周津萬祥劉琬王和陳銓郭珠周昂為南京監察御史炳然福  
建道津河南道祥陝西道琬和貴州道銓陝西道珠昂山西道  
○寧府庶人莫坳妻詹氏有罪賜死以通于莫坳妹婿馬淳也  
○甲子光祿寺少卿張禎叔言陝西榆林寧夏等邊場馬草陳  
積日至沓爛請如薊州例給與官軍每穀草一束准料三升秋  
青草一束准料一升從之○兵部左侍郎呂震等以選官簿誤  
寫官員籍貫及漏寫衛所自劾請罪上命堂上官姑宥之該  
司郎中徐源等各罰俸兩月○命廣東廣州右衛指揮同知夏  
綱指揮僉事張禎松潘衛充軍先是增城縣賊派劫鄉堡鎮守  
官委綱禎領軍於流溪李田埔駐劄截捕為賊所破軍士死者  
二十餘人至是鎮巡等官奏當綱禎充軍則律無正條擬贖杖

選職則情浮於罪乞勅兵部從重查處兵部覆議綱頌以畏懷  
取敗死傷頗多擬當充軍雖律無正條而原情實當况今廣東  
後山強賊猖獗正宜重懲以勵有功詔特從之○乙丑 景皇  
帝忌辰遣儀賓周鈇祭陵寢○陞戶部左侍郎葉淇為本部尚  
書刑部左侍郎白昂為都察院右都御史巡撫遼東右副都御  
史徐賈為工部右侍郎○迺北伯顏猛可王并瓦剌大師火兒  
忽力遣使臣努力等來貢賜宴并綵段衣服等物有差仍回賜  
其王及大師以下綵段衣服等物如例其存留大同夷使賞賜  
兵部差官往彼給之○夜月犯房宿北第二星○丙寅清明節  
遣駙馬都尉蔡震齊世美分祭 長陵 獻陵 景陵 裕陵  
茂陵文武衙門各分官陪祭○遣儀賓周鈇祭 景皇帝陵寢  
○遣內官祭 恭讓章皇后陵寢○丁卯代府宣寧王仕羸薨

王靖莊王之子母妃趙氏天順五年生成化八年冊封至是薨計  
聞輟朝一日賜祭葬如制謚曰和僖○戊辰浙江按察司按察  
使于大節乞致仕許之○己巳勅刑部都察院大理寺曰朕惟  
刑以輔治用之貴得其平刑平則善有所勸惡有所懲而人心  
服天道和不平則不足以勸善懲惡而人心不服天道乖災變  
之來誠有不能免焉曩因天道示異曾勅天下諸司富錄重囚  
發遣過情可矜疑及准辨者奚翅十數百人雖曰勿拘成案原  
問官亦不坐罪此特廣仁愛之意欲全民命爾其間實有訊鞫  
不真而失入可罪者然亦有無可矜疑而強為出脫者要之皆  
非大中至正之道茲當萬物發生之時朕體天地好生之德  
以為刑者民命所繫與其寬之於終孰若謹之於始故特戒勅  
爾等各加敬慎仍行南京三法司及天下大小問刑衙門今後

問刑之際務必存心以仁恕持法以公平察辭辨色詳審其情罪所當重者重之以懲惡毋務姑息而不顧縱惡長毒之非罪所當輕者輕之以宥過毋事苛刻而致有抑鬱稱寃之嘆其或證驗無憑情隱難明者尤當加意推究毋或傳致於一時而冀不坐罪於他日如此庶不肯古聖人欽恤之訓而於朕刑期無刑之治亦有裨益焉爾等其欽承之毋忽故諭○致仕太子少保禮部尚書周洪謨卒洪謨字堯弼四川長寧縣人正統十年進士及第授翰林院編修景泰三年選為東宮官陞左春坊左贊善仍兼編修修寰宇通志成陞侍讀仍兼贊善天順二年改南京翰林院署院事八年召修英宗實錄時戎珙蠻入寇上備禦方畧多見採納成化元年以秩滿陞侍讀學士尋陞南京國子監祭酒日與諸生講說經義母喪服闋改國子監祭酒

嘗奏孔子冕十二旒木十二章惟舞佾籩豆不稱於是命加舞佾為八籩豆為十二孔廟純用天子禮樂自始十年陞禮部右侍郎轉左侍郎上疏請造璿璣玉衡 憲宗即命洪範謀自製衆謂必不可成旬日間乃製成以進賜賚有加十七年陞本部尚書隨事建明多所裨益加太子少保乞致仕許之至是卒年七十二 謚文安賜祭葬如例洪謨矜莊寡合博覽強記著疑辯錄其所論述多出新意為文亦富贍尤善談兵論事每執己見鮮通于用云○陞建州衛都指揮僉事釋家保等十六員各一級以授職年深且從其陳乞也○南京監察御史李瑞澄等劾奏司禮監太監蕭敬柔佞機巧屢被彈劾罷黜未幾復蒙召用未及浹旬妖星適見乞將太官仍置閒散以消天變不允○庚午先是致仕太子少保禮部尚書周洪謨上安中國定四夷十事其

安中國者三一積民食謂國家舊有預備倉以積穀但有司率  
為文具宜立定規通行天下凡積粟以一萬石為率遇大豐年  
官積穀十之三中豐年止二下豐年十之一積之之欠十里小  
縣可至十萬石百里大縣可至百萬石凡府州縣官考滿以積  
穀盈欠為殿最不幸而遇災驗口賑給凶年既散候大豐年悉  
令還官不取息中豐年還三之二下豐年三之一凡民所運及  
官所積須使滿小縣十萬大縣百萬之數則有備而無患矣一  
撫流民謂西漢時召信臣守南陽流民自附八萬餘口東晉時  
雍州舊在陝西西安府因流民來聚襄陽乃備置南雍州於襄  
水之側松滋縣舊在直隸廬州府因流民來聚荊州乃備置松滋  
縣於荆江之南其後南雍遂併於襄陽松滋遂隸於荊州此徃  
事之可法者也成化七年從檢討張寬之奏流民聚此處者械

歸故里適值溽暑因饑渴而死寡女被掠瘡痍盛行船夫避解者懼其相染故覆舟於江後令都御史原傑招撫討死者九十餘萬人故當時四川陝西地震五百餘次災傷徧於天下此今事之宜鑒者也今宜普令流民與各郡縣相隣者做召信臣故事聽其附籍仍復九年待其安定然後徵之遠而不可附籍者做晉南雍州松滋縣故事設州縣置官吏編里甲建庠序以治教之今流民在在有之四川湖廣尤多凡流民所在宜令附籍量為賑給寬徭省刑承絕戶田地者使納其糧刀耕火種者免之則流民即良民矣一預強寇謂東漢時廣陵賊張嬰寇揚徐太守張綱單車造嬰壘申示圖恩嬰即降今強寇時常有之謂宜先令人以張嬰故事備錄本末開諭招撫如其聽從散歸農畝否則征剿未晚也其禦四夷者七一備胡虜謂東漢大將軍



取恭為匈奴所圍恭遣人持藥矢射之其肉如涕而死今西一  
一帶守邊者俱宜用藥矢或用之弩箭邊箭神臂弓但賊近邊  
墻即斃其馬則敵人畏懼不敢窺伺邊境矣一剿廣寇謂漢  
順帝時日南象林蠻反乃募蠻夷使自相攻嶺外悉平唐明皇  
時西原蠻黃乾耀等叛詔募環古酋領方子彈甘令輝等討之  
遂斬乾耀今廣西左右兩江知府土兵不下四五十萬若夷人  
出沒不調中國軍馬止募土兵征勦轉輸金帛以資糧餉如通  
把事有功者陞為官帶通把事又有功許子孫世襲又有功陞  
為隨司長官又有功許子孫世襲若土官知縣有功陞知州知  
州陞知府知府陞宣慰又累有功則歷陞而上以至都指揮都  
督則人皆盡心無不可破之賊矣一征勦西南夷及吐蕃謂漢  
昭帝時西南夷姑繒葉榆殺蓋州太守乃召鉤町侯亡波擊之

唐德宗時吐蕃入寇乃召南吳牟尋擊之今貴州苗賊即古西南夷如其出沒則調貴州四川各宣慰司土兵以征之松潘蕃人即古之吐蕃山路極險百姓運糧常被夷人搶劫此四川之大害也乞將松潘官軍留一半守衛移一半於山麓之下庶省一半運糧之苦仍召松潘所轄四宣撫司長官與之約能勦捕羗夷者陞賞皆出常格則四川大害可去矣一征勦雲南邊境謂雲南老撾等處其地瘴氣甚毒進者必死若不得已而征之必須調各處土兵資以餽餉約以陞賞如唐之調雲南吳牟尋以征吐蕃遠在境外尚成大功况近在雲南者也一經制雲南境外地方謂雲南臨安縣南有野人一區內不屬雲南外不屬交趾宜善論其首長與之建立衙門使日推寨至堪任知府等官者奏請定奪止許三年貢馬免其一應差發則內可以屏障

雲南外可以捍蔽交趾一經制湖廣漢峒諸蠻謂宋太祖時辰  
州夷人秦再雄武畧勇健擢辰州刺史終太祖世邊境無患今  
辰州苗賊地方宜因克平之後如宋太祖故事使各洞酋長自  
擇其溪峒可立宣撫長官司并土官知府等官則可使如宋之  
無邊患矣一經制四川都掌大壩謂太祖高皇帝經制雲南  
貴州及四夷邊境設立土官宣慰宣撫知府知州知縣等官獨  
廣西蠻峯縣分湖廣苗蠻溪峒四川都掌大壩三處未盡設立  
所以三處每有夷人出沒之患乞如祖宗成憲設立土官為  
使至是疏聞上命所司議處時洪謨已卒于家矣○內府寶  
鈔司言本司歲造供用草紙七十二萬張該部每季止撥輪班  
匠十二名不足供役請量增其數工部覆奏各處匠役其初為  
一年或二年一班後乃定為四年一班其中又有南部上工反

造船炒鐵運筏與夫修建王府之役間亦有徵價免役者以是  
當班之數日減於前而內外監局并諸司應用之數皆前此酌  
量奏擬已為定例不宜紛更從之○烏思藏番僧麥南三竹桑  
節答兒冒稱輔教王所遣使來京朝貢禮部議奏自河州至京  
師母慮數千里麥南三竹等不由驛逆傳送沿途闖隘何以得  
過是必有中國人與之交通乞下法司根究其情從之○辛未  
戶部尚書李敏卒敏字公勉景泰五年進士授監察御史明習  
律法有時名成化初陞浙江按察使尋以憂去服闋改湖廣轉  
山西布政使陞都察院左副都御史巡撫大同進兵部右侍郎  
已而卧病為言者所論遂乞歸久之起為右副都御史巡撫保  
定等府改總督漕運尋召為戶部尚書遇事能為有貴戚怙勢  
者乞畿內入官隙地為莊田上業已許之以敏執奏而止其

餘建白亦多中事理縉紳乃更稱之復以疾乞歸特命官屬一人護行卒于內黃年六十七計閩贈太子少保謚恭靖賜祭葬如例敏為人謹厚明達喜怒不留于中與人交久而稱爲故人樂觀之嘗卽縣南紫雲山建書院儲書于中以教鄉人鄉人至今德焉○南京監察御史胡海等言比者兵部尚書張瑄奏直南京各衛牧馬草場悉令還官南京各衛馬少原額草場數多若盡留爲空閒之區不惟遺棄地利抑且無益馬政宜充儘各衛馬數多寡量留牧放其餘俱佃與原種軍民照畝徵料以備買馬之費俟各衛馬多之日仍將草場還官牧馬爲使兵部覆奏從之○壬申太僕寺少卿李鑑卒鑑河內人成化五年進士授兵部武庫司主事陞員外郎詔中至太僕寺少卿僅三月而卒武庫職出納諸司柴薪皂隸銀或有利其奇贏者鑑一無所

私為大司馬諸公所器重其少卿之權亦諸公薦之云○內府  
供用庫新收幼匠三百名每人月給米五斗○刑科給事中韓  
詒以災異陳十事一日親君子謂如有大政事乞召內閣府部  
大臣翰林文學之士面議可否然後批荅一日重守令謂選擇  
舉人使為州縣正官其歲貢應例等監生有學問優長年貌未  
衰者寧使為府佐勿為州正寧使為州佐勿為縣正一日恤民  
惠謂乞勅天下有司衙所各設預備倉糧以備凶歉凡收貯及  
賑濟務在覈實不許虛應故事一日息訟端謂凡一應本狀宜  
務簡易明白不許虛詞誣告以瀆 聖聽一日平刑獄謂乞勅  
法司及問刑衙門凡強盜人命等情鞠訊之初毋拘於原詞毋  
拘於參語務盡心審察使罰不濫施刑不輕貸一日備兵荒謂  
宜訓練壯勇以修武備預為蓄積以實倉庫一日優將士謂乞

勅各邊鎮巡官員凡備禦官軍被賊虜掠不多及輕敵被傷者宜量免提問使各以功贖罪一曰定條例謂乞將自成化元年以後見行事例斟酌輕重取其有補於法律所不及者去繁從簡分爲六月與大明律並行使天下臣民永爲遵守一曰黜無益謂乞將天下儒學廩增額外附學生員嚴加考選止留學有益益者如本學廩增之數以備補缺其餘悉皆罷黜各府州縣僧道審其戒行清謹者照額存留其餘不分有無度牒悉令照例還俗一曰修庶政謂方今災異迭見於各處而修省止行於朝廷臣竊以爲災異所見之方正百職所當修省之地乞勅各處鎮巡等官痛加修省則庶政無不修舉矣命所知之○癸酉命羽林前衛帶俸都指揮僉事談廣之姪景代原職指揮使○中都留守司都指揮僉事徐賢山東都司都指揮僉事楊銘

以所部秋班京操官軍不到下刑部逮問俱贖杖還職○甲戌  
賜晉府鎮國將軍奇浪輔國將軍奇汀代府輔國將軍成鋼成  
銀誥命冠服如制○乙亥命巡撫貴州都察院右僉都御史張  
文昭本院視事○陞戶部右侍郎劉璋刑部右侍郎閔珪俱為  
本部左侍郎巡撫保定等府都察院右僉都御史張昂為戶部  
右侍郎撫治鄭陽右副都御史戴珮為刑部右侍郎○欽天監  
監正吳昊奏北京城火災為患踰旬不息謹按占書名曰濫火  
乃法律政事不修之證又以示時俗虛偽侈靡之戒伏望 皇  
上修省拜災無事虛文則可以回天意安人心矣命下其言於  
禮部○丙子 中宮千秋節命婦朝賀○賜各王府慶賀官員  
人等鈔幣有差○陞大寧前衛指揮同知劉釗為署都指揮僉  
事充右叅將協守貴州





明孝宗敬皇帝實錄卷之四十九

弘治四年三月丁丑朔授進士唐貢賓舉葉蘭周序吳世忠王欽李應和為給事中葉蘭戶科序禮科世忠兵科欽利科應和工科○戊寅賜徽王庶第五子名曰祐椀滋陽王庶長子曰健楠博野王第二子曰俊樞樂平王庶子曰偕溥秦府輔國將軍公鎔庶第三子曰誠汪奉國將軍誠溥嫡第七子曰秉樸遼府輔國將軍恩鈿嫡子曰寵濂藩府輔國將軍詮錮第六子曰勳灑西河王府鎮國將軍第鍾鈞第五子曰奇濠晉府鎮國將軍奇澤第三子曰表揭第四子曰表棟奇澄庶長子曰表璋輔國將軍鍾鎧嫡長子曰奇激庶長子曰奇激雲丘王長子奇澳庶長子曰表榼靈丘王府輔國將軍成錡嫡第五子曰聰濠庶第三子曰聰汨庶第四子曰聰游樂昌王府鎮國將軍仕坦庶長子

曰成銀○已卯內官監太監李廣督修在京王府乞月增應役  
官軍口糧人四斗鹽一斤已得請戶部言京儲歲入有限官軍  
原有月糧一石今給賜過多恐後不可繼上從之命止給口  
糧人二斗○巡按直隸監察御史張璉等言朝廷念大同宣府  
邊軍之苦每三年一賜衣鞋但民間所製長短闊狹不能各稱  
其身况貯庫日久易於敝壞請令江南州縣量徵價銀以待給  
賜聽其自製庶邊軍得蒙實惠而民間亦免轉輸之費下工部  
議以為宜行浙江等布政司及南北直隸府州自弘治五年至  
九年每衣襖一副徵銀一兩五錢以俟給賞遼東永平山海等  
邊亦如之惟甘涼寧夏榆林三邊例應陝西歲辦并抽分皮張  
成造則仍其舊從之○禮部進親王冠禮儀注一習儀前期各  
執事官於奉天門前東廡習儀三日一陳設前期鴻臚寺設皇

子五位冠所於奉天門前東廡左順門之北設節案者集各一於廡內之北正中設冠席五於東階之上西向設醴席五於西階之上東向光祿寺設司尊所一於東階之下稍南設與洗所一於司尊所之南內侍設帷幄五於香案之東冠席之後稍北俱西向帷中設坐椅几案各一別設案五於東階之南司尊所之北具翼善冠皮弁九旒冕各五皆以盤盛紅袱覆之各置于案具袍服皮弁服袞服圭帶弓等物各五皆以箱盛置於帷中集上教坊司設樂于南一道官持節是日早 皇上預告 奉先殿畢具皮弁服御筆蓋殿鴻臚寺奏請陞殿傳制遣官持節行禮文武百官各具朝服侍班如常儀一迎節至期內侍導皇子五位各先於帷幄中坐候持節毋置禮部官啓皇子迎節樂作禮部官同鴻臚卿導皇子俱出階下節至持節官捧節入置於北

正中乘上樂止皇子俱隨節入持節官立於節集之東賓及宣  
勅或宣祝等官序立於東南盥洗所之次禮部官鴻臚卿導皇  
子俱詣香案前序立樂作同行四拜禮畢樂止一就冠席禮部  
官啓皇子就冠席樂作禮部官同鴻臚卿導皇子五位以次詣  
冠席序坐樂止內侍各二人侍立皇子左右一初加鴻臚寺鳴  
贊行初加冠禮樂作引禮序班引各賓詣盥洗所各措笏以次  
盥手訖樂止鳴讚二員稍南北向立各賓陞自東階稍西向樂  
作內侍揭蓋袂各以盤捧翼善冠陞各賓俱降階一等受之樂  
止各賓俱以右手執冠後左手執冠前同詣皇子前稍東面  
序立贊宣祝宣祝官祝曰惟茲吉日冠以成人克敦孝友福祿  
來臻祝訖樂作各賓俱跪同進冠訖興復位樂止禮部官啓易  
服皇子以次入帷幄易新袍服出禮部官啓復坐一再加鳴讚

贊行再加冠禮樂作內侍揭蓋祗各以盤捧皮弁陞各賓俱降階二等受之樂止各賓俱以右手執弁後左手執弁前同詣如前儀贊宣祝官祝曰冠禮斯舉實由成德敬慎威儀惟氏之則祝訖樂作內侍各釋翼善冠各賓俱跪同進皮弁訖興復位樂止禮部官啓易服皇子以次入帷幄易皮弁服躬出禮部官啓復坐一三加鳴讚贊行三加冠禮樂作內侍揭蓋祗各以盤捧冕旒陞各賓俱降階三等受之樂止進如前儀贊宣祝官祝曰冠至三加命服用章敬神事上木同藩邦祝訖樂作內侍各釋皮弁各賓俱跪同進冕旒訖興復位樂止禮部官啓易服皇子以次入帷幄易袞服出禮部官啓復坐一嚮禮鳴讚贊行嚮禮禮部官啓皇子詣禮席樂作禮部官同鴻臚卿引皇子俱降自東階由西階陞醴席東向序坐樂止先祿寺各舉醴

卓置于前樂作引禮序班引各賓詣盥洗所各措筭以次盥手  
訖各取爵詣司尊酌醴由西階陞同詣席前立樂止贊宣祝  
宣祝官祝曰旨酒嘉薦載芬載芳受茲景福百世其昌祝訖各  
賓俱跪各進爵鳴讚贊皇子稽首各受爵置于案教坊司放樂  
奏喜千春之曲次放進酒皇子各舉爵飲訖奠爵于案各賓興  
樂止光祿寺官各進饌大樂作饌至果樂止各饌訖贊出壺徹  
卓賓復位一受勅戒鳴讚贊受勅戒禮部官放皇子詣受勅戒  
位禮部官同鴻臚卿引皇子俱降自西階由東階詣拜位以次  
序立樂作引禮序班引宣勅戒官至中西向立樂止稱有制鳴  
讚贊跪皇子俱跪宣勅戒曰孝于君親友于兄弟親賢愛民率  
由禮義毋溢毋驕永保富貴樂作皇子俯伏興俱四拜興樂止  
鴻臚卿放禮畢持筭官捧筭出皇子俱送節出門外節行至階

下內侍引皇子各還惟中釋衣冕具翼善冠服回宮一謁見是日皇子各具冕服同謁祭于奉先殿用樂行禮如常儀畢皇子仍各具冕服謁見太皇太后皇太后畢謁見皇上皇后俱行五拜三叩頭禮次謁憲廟皇妃各行四拜禮皆用樂一復命持節及賓贊宣勅戒等官復命一百官行賀禮次日早皇上常服陞金臺百官常服稱賀致詞云皇子冠禮已成理當稱賀行五拜三叩頭禮畢是日朝罷司禮監請皇子各具常服俱詣奉天門前東廡序坐百官常服行四拜禮○庚辰禮科左給事中韓鼎等言邇者星變火災陛下求言雖切然見於施行者甚少乞將言者所陳事關大體如去儉抑奢併謹爵賞節財用罷不職獎直言革傳奉止齋醮之類一一期於必行則災異可預命所司詳議以聞○昏刻月犯六諸王丙第三



星○辛巳令戶部運太倉糧銀及河東運司鹽價銀各二萬兩于山西偏頭寧武鴈門關以備邊儲從鎮巡等官請也○迤北小王子并瓦剌太師火兒古倒溫等及其貢使控列忽等奏乞別賜蟒龍衣服金酒器及諸用物 上命有司除應禁之物不賜餘隨等第量給之○癸未都察院右副御史張錦丁憂服闋復原職巡撫保定等府○陞河南布政司左布政使張岫山東左布政使王道俱為都察院右副御史福建按察司按察使高崧為右僉都御史岫巡撫遼東道撫治鄖陽崧巡撫貴州○兵科給事中楊瑛言三事一事委任以重國計謂東南財賦之源比來民物耗弊大異曩昔蓋由巡撫大臣蒞政未幾而尋復改遷風土始安而代者繼至是以人各立異事多紛更宜官無成績而民無實惠也今後東南巡撫大臣既審得其人勿宜

輕易必責以五年七年之期設以資望轉遷即以本職行事庶  
區畫得宜財賦可足一擢異能以作士氣謂縣令親民之官風  
憲之職率由此進比因行取之途稍滯憲職有缺輒以進士銓  
補是以人懷不平臨選者耻於下寮因而為營差托病之謀今  
後縣令已踰考限兼有異能或經撫按官推保者宜即次第行  
取風憲部屬有缺則參以進士選補一慎官爵以肅邊防謂各  
邊土官衙門近年准令本地納粟免其赴京襲授今後宜如舊  
例赴京襲授則彼畏威懷德自足以道其猖獗之萌矣命下所  
司知之○傳都察院右副都御史張錦俸二月以先任巡撫宣  
府時糧草泛爛為給事中胡金等所劾也○甲申先是虜入陝  
西永昌破山口墩等處殺虜人畜守備山丹都指揮同知史瑾  
坐戒諭不嚴下巡俟御史逮問贖杖還職○南京守備戎國公

朱儀等言守備故事凡告盜賊鹽徒及姦宄詐偽諸下法事悉委審事官研問輕則處分重則叅送法司比來法司問刑但有經守備告理者輒擬違制之罪似為未平乞諭所司知之刑部議謂守備責在地方法司職專刑名各有定守自今守備衙門凡告戶婚田土家財人命者不必准行如守備應理詞訟未結而又赴法司告理者叅候叅送併問或法司告理未結而又赴守備告理者連入道送法司如此則事體歸一而無所嫌矣從之○丙戌命羽林衛故帶俸署都指揮僉事杜山曾孫鉉襲原職指揮使○丁亥陞授施北并瓦剌貢使官職有差一等正使者授指揮使副使授指揮同知二等者授副千戶三等者授百戶各給冠帶其原有職者各陞一級○己丑命戶部運銀六萬兩於甘肅四萬兩於寧夏以備邊儲准私治五年歲例之數○命西

安左衛指揮同知曹雄守備靖虜衛以都指揮體統行事○陝西靖虜衛乾鹽池地震有聲丁庚寅以久旱致齋三日遣新寧伯譚祐告天地平江伯陳銳告社稷遂安伯陳韶告山川吏部左侍郎彭韶右侍郎張悅兵部右侍郎張海通政使司左道政元守直太常寺少卿李璋分告嶽鎮海瀆○甲午命戶部運銀十萬兩於遼東以備邊儲○廣東陵水縣黎賊陳那洋等流劫鄉村殺虜居民二百餘人兩廣鎮巡等官請于朝遣左叅將姚英等進勦英分漢達官軍及黎兵民壯為三哨中哨由熱水江旦凡騰等路進左哨由白石塘對戶南藤等路進右哨由大坡變樞加拜等路進分擊諸村中哨抵五指山下餘皆窮其巢穴凡擒賊六十二人斬九百五十四級俘獲四百八十一人至是提問賜報捷者三人各衣一襲○乙未賜慶成王府輔

國將軍奇深奇濬奇濟表禧奉國將軍奇瀾鎮國中討表  
枯靈丘王府輔國將軍聰瀘聰沅聰測聰決永壽王府鎮國將  
軍秉柵輔國將軍誠瀘昌化王府鎮國將軍聰必陽曲王府輔  
國將軍奇瀉永和王府鎮國將軍表振表稠宣寧王府輔國將  
軍成鎬誥命冠服如制○戶部覆議致仕禮部尚書周洪謨所  
奏安中國二事一積民食欲立定規頌之天下宜下各首守臣  
分諭所屬施行一撫流民宜行巡撫守官計其新舊之數額留  
者編之缺人里分暫免賦役願歸者資糧遣之庶幾各得其所  
議上從之○初涼州有星隕如月之變涼州衛指揮使徐廉不  
以聞至是巡撫甘肅右副都御史王懋始得其狀請逮廉罪都  
察院覆奏從之○丁酉命金吾左衛帶俸都指揮僉事吳讓之  
子珍代原職指揮同知○都察院右都御史白昂言今天下文

武官員黜陟皆以巡按御史所報賢否為據使聞見不公舉措失當為誤非小其令各處御史督令都布按三司并府州正官將本處大小文武官務兼至公盡心訪察以求其實文職不計崇卑武職有異才可為邊將者則雖末官亦錄若所舉之公與不公則責之御史有不公者罰之如此則文武百官賢否朝廷考察去留皆天下之公論而非一人之私矣從之○戊戌先是陝西榆林衛有土兵以助軍有戶丁屯種以養兵其後戶丁有逃回原籍者苦官司勾攝之累建議者欲聽從其便勿令勾擾下鎮巡等官議謂土兵戶丁耕守兩便彼此相資若逃者不究恐邊務漸廢宜將逃歸者免原籍本戶糧差一年在此道租亦暫蠲之待秋成後有司仍道還衛屯種其衛所亦但令移文原籍查取勿輒遣人勾擾戶部覆奏從之○己亥左春坊左庶子

兼翰林院侍讀謝遷省親復任○南京禮部尚書黎淳乞致仕許之仍賜以誥命○錦衣衛帶俸指揮使楊銘自陳與其父哈只有出使虜庭隨侍英宗北狩之勞累陞指揮僉事後復以殺賊功進今職乞與世襲奏下兵科叅劾謂其不由軍功難允所請兵部兩具以請上曰楊銘既父子出使并隨侍皇祖及累次殺賊有功與其他傳陞乞陞者不同准世襲指揮使○時法司會鞠總督兩廣都御史秦紘所奏安遠侯柳景事坐景監守自盜當斬謂紘亦不能無罪有旨并逮紘鞠之刑科左給事中趙竑等言兩廣之民惡景之貪暴服紘之廉正今景事已實而復逮紘則人心失望監察御史史簡等亦以為言不聽○庚子以水災免河南所屬河南等府州并宣武等衛所私治三年秋糧子粒有差○辛丑賜河東王府清江縣王并儀賓胡達

昌化王府曲江縣主并儀賓和銘宣寧王府鉅野郡君并儀賓  
續昆慶成王府崇善縣主儀賓李庠羅陽郡君儀賓秦鶴平政  
縣君儀賓陳禧誥命冠服如制○陞陝西布政司右布政使孫  
仁為河南左布政使山東右布政使吳珉為本司左布政使○  
貴州宣慰使司土官宣慰使安貴榮及中曹蠻夷等長官司土  
官副長官劉鐸等并雲南孟養金沙江土舍思六法遣頭日人  
等謝恩貢馬俱賜綵段鈔錠有差仍回賜安貴榮思六法錦段  
等物如例○士寅賜興王淮安儀真鹽一萬引以助婚禮之用  
○有盜 太廟祭器者為緝事官校所發刑部擬同盜大祀御  
用祭器者律決不待時命即決之不必覆奏○癸卯陞刑部左  
侍郎閔珪為都察院右都御史總督兩廣軍務兼理巡撫○陞  
貴州布政司左叅政鍾蕃陝西右叅政鄭銘俱為右布政使貢



州按察司副使柳淳浙江副使楊峻福建副使張玉俱為按察使善淳俱山東銘峻玉俱本司○河南裕州汝州兩憲大者如墻杆積厚盈二三尺壞屋宇木椽○甲辰南京錦衣衛奏洪武間教習幼匠本衛歲造馬鞍鞞轡弓箭等器萬一千六百至永樂時工匠僅存三百餘乃減至二十九百件今工匠僅三十餘人而額數尚如永樂時况筋角之類又多缺乏皆各匠自補以是通負數多請為裁處事下南京工部查奏謂所造軍器自洪武來貯之庫尚者凡九百萬有奇泯爛損壞者無算况初意第欲切軍肄習今在局人數視永樂間不能十一則所造亦宜十減八九候缺月別議添造從之○乙巳是日百刻南京見西南流星大如盞色赤起雲中行丈餘發光如盞大有聲尾跡炸散明孝宗敬皇帝實錄卷之四十九終

大明孝宗敬皇帝實錄卷之五十

弘治四年四月丙午朔孟夏享大廟遣內官祭司灶之神。丁未。河南彰德府地震有聲。戊申。陞湖廣岳州府知府李鏡為陝西布政司右參政南京刑部郎中陳以忠為河南右參議監察御史俞俊為貴州按察司副使浙江僉事林濬淵山西僉事胡漢福建僉事楊澤俱為本司副使。復除廣東布政司左參政劉憲于貴州山西按察司僉事楊一清于陝西提督學校俱以丁憂服闋也。以旱災免直隸鳳陽等府並武平等衛真隸真定等府神武保定等衛直隸潼關衛並蒲州守禦千戶所弘治三年秋糧子粒有差。秦王誠泳奏著金王府軍職有犯徒杖等罪者俱調衛管事各府官厭地任散漫多託小過以圖改用積久恐侍衛多缺抑亦中小人自便之計自今有犯

公過者乞准文官例罰贖還職從之。命南京都察院右僉都御史王軾兼提督巡江。己酉，調揚州府知府馮忠別任。點通判楊榮為民榮因上元節造烟火之戲於天妃宮，忠往觀之。隨者甚多，夜歸，眾爭過浮橋，溺死數十人。事聞，下巡按御史連問，遂有是命。陝西洮州衛雨雹及冰塊，水高三四丈，浸城廊，漂房舍，衝沒田苗，人畜多泮死者。庚戌，賜韓府鎮國將軍徽鉉子名曰偕，浙徽鉉庶子曰偕，汪永和王府鎮國將軍奇洪庶第二子曰表，柘第三子曰表，繁奇涌庶長子曰表，檀慶成王府鎮國將軍鍾鉞第八子曰奇，復第九子曰奇，瀆輔國將軍鍾銀長子曰奇，浙奇減長子曰表，桿樂昌王府鎮國將軍成鈞嫡長子曰聰，漢。調陝西按察司僉事馬璠于湖廣按察司以裁革故也。禮部尚書耿裕侍郎倪岳周經以本部火請罪。上

命陳火所自起之故裕等言積未澆蒸所致命各罰俸三月執  
巡風主事祁仁下錦衣衛獄既而科道交章劾裕等飾辭罔上  
得旨併裕等執問命掌詹事府事禮部尚書丘濬暫掌部事至  
是再罰裕等俸三月調仁為湖廣長沙府通判裕等各具疏乞  
休皆不允。辛亥。保國公朱永奏 太廟後殿之建所用石  
多取於大石窩官廠官吏人役隨行督工者乞賜廩給口粮許  
之。甲寅。周府臨滿王同鈞薨王懿王庶弟五子母妃余氏  
天順四年生成化七年冊封至是薨年三十二訃聞輟朝一日  
賜祭葬如制謚曰榮惠。代府寧津王聰滴薨王懷康王嫡長  
子母妃史氏成化十五年生弘治三年冊封至是薨年十三訃  
聞輟朝一日賜祭葬如制謚曰懷莊。乙卯。賜周府陽江縣  
主並儀賓姚鏞誥命冠服如制。陞翰林院檢討張芮為本院

修撰以九年秩滿也。丙辰。陞監察御史周宗刑部員外郎。徐智馮允中衢州府同知蕭顯俱為按察司僉事。宗浙江智山西中陝西顯福建。陞巡撫保定等府都察院右副都御史張錦為刑部左侍郎。江西按察司僉事陰子淑丁憂服闋復除。浙江按察司。詹事府少詹事兼翰林院侍讀學士汪諧以久疾乞任俸不允。戊午。降南京都察院右副都御史吳楨為山西布政司左參政。坐前任陝西布政時以賑濟餘銀挪移支用也。先是以兵部高書馬文升建議大祀豬預支官銀收買稅科司抽分還官定為豬四十收銀二兩。是每一豬為銀五分。順天府移文戶部以為加添稅銀恐阻商販。戶部具奏會議本色折色各宜增損。以每豬折銀二分為則。抽分在官以備支用從之。己未。慶府南安郡主卒。賜祭葬如例。命東寧伯焦

俊鯨武營生營金吾右衛都指揮使康永三千營坐營。庚申  
○遼府衛陽王恩錫堯王僖靖王長子母妃劉氏天順三年生  
成化九年封為長子弘治三年襲封衛陽王冊命未降堯訃聞  
輟朝一日賜祭葬如郡王制諡曰悼僖 命遼東復州衛帶俸  
都指揮僉事高俊之子安襲原職指揮使。辛酉 仁宗淳皇  
帝忘辰 上祭 奉先殿。是日卯刻南京見金星晝見於辰  
位。山西澤州天鳴聲如雷。夜月食。壬戌 命金吾左衛  
帶俸指揮僉事石珍之子英代原職指揮使。甲子。賜晉府  
寧河王鍾鏐貞觀正要洪武正韻四書對類各一部從其請也  
○乙丑 上以天氣炎熱特勅司禮監太監韋大同三法司等  
官審錄罪囚勅曰朕惟刑獄重事自古帝王必致謹於斯蓋以  
刑得其平則足以輔治弼教而召天地之和刑失其平則寬抑

無伸感灾致沴亦有所不免焉朕為民主仰體上天好生之心每於刑獄特加慎重茲當天氣炎熱之時慮恐輕重罪囚或有冤抑不無致傷和氣特命爾公同三法司堂上官將見監獄罪囚逐一從公審錄死罪情真罪當者照例監候聽決其有情可矜罪可疑事無證佐可結正並枷號者具奏處置徒流以下便減等發落答罪俱釋放毋令淹滯審問之際尤須詳察言詞旁詢知證而斷之以理毋惑于浮言毋拘於成案務得寔情以全民命其原勘問官有故失入等罪俱不追究爾受茲委任務殫心悉慮以稱朕好生之意庶幾天心昭格和氣致祥有可期焉爾其欽哉故諭 命刑部郎中陳章何說審錄南北直隸囚徒。丙寅。以旱灾免大寧都司茂山銜弘治三年屯糧九百一十石有奇 命故羽林前衛帶俸都指揮同知王欽之子琮

製原職指揮使。丁卯 仁祖淳皇后忌辰 上祭 奉先殿  
○戊辰○吏部聽選監生丁謙言八事一保 聖躬臣聞近有  
內庭將有嬪妃之選用論德謝遷之諫而止所以頤養天和保  
護 聖躬者可謂至矣切恐左右讒巧之人或以 皇儲未建  
為言亦足以移 陛下之初意伏望慎終如始不為群小所惑  
則可以躋仁壽而綿國祚矣一出宮女昔唐太宗放宮女三千  
人足以消旱魃而召和氣 陛下踐祚之始即放 先帝宮人  
若干人誠盛德事也但恐內庭之中仍以 先帝遺愛為念或  
又以深宮空寂為言則所留者或更倍所出之數臣願大賜簡  
閱盡出其餘則無怨無曠可以肅閨門而叙彝倫矣一廣言路  
臣聞自古聖帝明王必欲求直言極諫以匡不逮 陛下龍飛  
四載未聞有求賢之詔近雖有詔止限堂上及科道官得言似



與齊察通言高拜昌言之意不同今當亢旱妖氛之烈正當廣求直言以察民隱願無限官職皆使得言則明目達聰嘉言罔伏矣此外又有惜人才飭兵備審刑獄敬天地蠲租稅五事命下其奏於所司。禮科左給事中韓鼎言近者陛下以興王婚禮賜餘鹽萬引助其用所以篤親親而盡友愛者至矣而興王亦能仰體 聖意於差出支鹽內使路費口糧皆有給賜蓋恐其擾人生事貽累地方也然臣聞差去內使二人各帶家人四五人軍校二十余人其軍校又帶家人隨行竊恐此輩營求圖利乘機害人乞勅該部計處或止差內使一人量帶家人一人或仍行巡鹽御史委運司官以嚮鹽價銀解部轉運送王府庶鹽法不壞而 皇上親親之愛亦可全矣 上命原差內使二人許帶家人軍校共八人其鹽令巡按御史同內使就彼

嚮之解銀米京母致違誤。己巳蜀定王次妃王氏因其子蜀王申鑿繼妃梁氏卒具奏為宮人何氏請封繼妃或次妃下禮部議謂祖宗舊例各王府繼妃止許封一人今蜀府繼妃梁氏已卒何氏不得再封又王氏封次妃時其子子蜀王已襲爵母以子貴理則宜然何氏乃宮人且無子亦不得援王氏例議上從之命封何氏為夫人不為例。庚午賜周府輔國將軍同銓並夫人高氏代府輔國將軍成錦誥命冠服如制。辛未以旱災免湖廣漢陽等府及武昌等十四衛弘治三年秋糧草子粒有差命吏部右侍郎張悅之子收為國子監生從其請也。是日辰刻金星晝見于巳位。癸酉翰林院編修兼司經局校書梁儲丁憂服闋陞本院侍讀以儲嘗侍春宮講讀也。益賜岐王劉武營地九十頃有奇以先所賜信安鎮地多水

不堪耕種故也。命故協守松藩署都指揮僉事鄒倫之子慶襲原職指揮同知茂州衛管事。○陞江西布政司左布政使張琳為都察右副都御史巡撫保定等府兼提督紫荆等關。命沁源王銓鍾自造青綠獸晉蓋第居住從其請也。○陞南京鴻臚寺寺丞左宣為本寺左少卿。甲戌。○陞山西布政司左布政使劉瑞為都察院右副都御史總督南京糧儲。

大明孝宗敬皇帝寔錄卷五十

大明孝宗敬皇帝實錄卷五十一

弘治四年五月丙子朔。丁丑。陞廣西布政司右布政使沈暉為江西左布政使。山西右參政馮績為本司左布政使。時撥京營官軍營建太廟後殿保國公朱永請人月給口糧四斗。戶部以為太多。命與三斗。命浙江都司署都指揮僉事張洪管理本司事。錦衣衛帶俸都指揮同知何忠都指揮僉事昌佐。府軍右衛帶俸署都指揮僉事楊泰俱銓註各都司僉事。管事忠河南佐四川。泰江西。命遼東三萬衛故都指揮僉事張瀚之弟濟襲原職指揮使。戊寅。太常寺少卿蒙以聽乞致仕許之。初李文貴之冒孝穆皇太后宗支也。皆其田主。節璋及子宗茂為之謀。而賀縣知縣黃璉守禦千戶房順與知其事不能舉。及太監蔡用訪求都御史朱昊檄廣西僉事黃鑰代

副使林符保勛與太監韋春皆依附不能辨給事中孫珪御史  
滕祐廉其偽乃併劾之下巡按監察御史逮問至是獄上得旨  
鄧璋造意運謀並家屬發陝西莊浪衛充軍財厯沒官黃璉房  
順四川松藩衛充軍鄧宗茂等發陝西驛遞擺站黃鏞冠帶閩  
住林符降二級調別任餘四十人杖而釋之韋春以老疾免連  
問降左少監回京闕位於是降符為廣東南雄府知府。庚辰  
○端陽節免宴。陞雲南布政司左參政黎福為廣西右布政  
使河南按察司副使傅希說為廣西按察使。○復賜茂陵神  
宮監太監陸愷定興縣地百七十二頃有奇初愷以屢稱皇親  
得賜庄田甚多李文貴等事敗所賜盡歸之官至愷復以為請  
戶部執不可。上以愷奉陵寢有勞命姑從寬量與之。壬  
午。○兵部尚書馬文升再乞終制且云時無兵革而冒奪情之

命惡虧孝理而來物議。上曰朕已有成命卿其葬畢且來不  
允終制吏部仍移文趣之。○甲申。○巡撫雲南都御史王詔奏  
昔者元運既終惟雲南遺孽梁王弗庭。高皇帝不欲動兵遠  
征洪武五年遣翰林侍制王禕往諭之不聽明年竟被害至八  
年復遣刑部尚書吳雲往諭以天命大義俾圖歸順無貽百姓  
害時梁王使其徒鉄知院等二十餘人使漠北為我軍所獲械  
至京。上釋之命與偕至雲南沙塘口鉄知院等謀曰吾屬奉  
使不達中道被執罪必不免乃百官說雲欲令胡服辨髮詐為  
元使又逼令易制書貽梁王雲誓死不從鉄知院等知不可奪  
殺之梁王聞其事遣人具棺收雲骸殯給孤寺臣惟雲仗節死  
義與侍制王禕後先相望正統間禕以子孫請於朝獲賜贈諡  
秋祭顯名天下雲在永樂間雖曾蒙恩歸葬于江夏之金口且

錄用其子敵為交趾知縣後子孫湮微復無人為舉乞依唐張  
巡許遠雙節故事請加雲贈諡興祚同享一祠庶于風化所關  
人心知勵禮部議以為宜 上曰吳雲死節既同王禕准復贈  
資政大夫刑部尚書諡忠節改祠額為二忠祠。先是遼東開  
原等處卒被虜者七人鎮守官勦備禦都指揮陳榮指揮文傑  
等罪命榮傑俱候邊事寧曰逮問守分太監藍瑩參將崔勝副  
總兵羅雄俱戴罪殺賊指揮馬壘等八人下巡按御史鞠之。  
乙酉 太祖高皇帝忌辰 上祭 奉先殿魏國公徐浦承命  
祭 孝陵 命直隸定邊等八衛秋青草束折收銀貯之通州  
庫以備官軍支給草凡二十九萬餘束折銀一千四百兩有奇  
○丙戌 命掌廣西都司事故右軍都督府帶俸都督僉事邢  
斌之子勝襲原職桂林右衛指揮使。丁亥 仁宗昭皇帝忌

辰 上祭 奉先殿遣駙馬都尉楊倬祭 獻陵。戊子 命  
給益王府隨侍翰林院檢討丘文瀚中書舍人胡欽初命二人  
授官未三年考滿從其請也。陞福建布政司左參議程廷珙  
為廣西左參政南京工部郎中毛科為雲南左參政刑部郎中  
吳雄為河南按察司副使。陞雲南按察司僉事賀元忠為本  
司副使整飭騰衝地方兵備賜之物曰近該巡撫雲南都御史  
王詔等奏騰衝地方遠在西南極邊接連芒市南向隴川千崖  
木邦孟密等處誠要害之地往昔因彼處人與麓川賊交通遂  
致邊患數年不息今雖有參將管轄但本官常居金蓋巡行疎  
濶故官軍縱肆不知法度往往與夷人交通其官豪之家又多  
在夷方置立庄所役使夷民倚勢剝削甚至透漏事情無所鈐  
束乞添設兵備副使一員以控制之今特陞爾前職專在騰衝



駐劄往來金盦地方糾察奸私整飭兵備操練軍馬修理城池  
一應軍民詞訟悉與聽理務多方設法蓄積糧儲仍禁約官豪  
軍民人等不許擅往夷方置庄攬擾及私與夷人交通透漏事  
情販賣軍器火藥等項如有犯者爾即執問輕則量情發落重  
則奏聞區處凡事有應與參將計議者公同計議停當而行仍  
聽鎮巡官節制不許偏執違拗方誤事故勅 命致仕南京  
禮部尚書黎淳之子民為國子監生從其請也。○工部以直隸  
蘇州浙江衢州灾傷乞免織造各色絹疋不允。○庚寅。○翰林  
院編修馬廷用丁憂服闋復除原職 命忠義右衛帶俸故都  
指揮僉事王勝之姪壽襲陝西榆林衛指揮使。○辛卯。○內閣  
制勅房辦事太常寺少卿龍暹九年考滿陞本寺卿仍舊任。○  
御藥方太監覃文傳旨陞御醫徐生為大醫院院判時院判員

缺本院舉上一人吏部不可內批遂以徐生補之御醫許觀言  
前此本院會考御醫醫士人等有一等二等之分名在二等不  
當越次補官吏部請于考中一等御醫內舉用生貴緣求陞宜  
治其罪 上曰既有前例吏部仍會禮部太醫院同御藥房太  
監推選吏部言舊例太醫院員缺先呈本部具奏乃下本院推  
舉送部除授無同內臣推舉事例得旨既不必會選徐生曹用  
藥有效陞院判由是科道交劾生違例求生太監章文又開傳  
奉之路乞罪生以為傳陞之戒 上曰御醫專以用藥有效為  
功生用藥曾效因此陞職爾等何乃有此言不允○授儀賓王  
憲之子適為錦衣衛百戶儀賓故無廢子例憲尚 景皇帝女  
固安郡主主卒憲上疏乞恩特允之仍令世襲○壬辰 憲廟  
安妃姚氏薨輟朝三日命祭葬諸禮儀祀昭妃王氏例○陞大

理寺左少卿楊澄為都察院左僉都御史提督雁門等關兼巡撫山西。掌南京左軍都督府事魏國公徐備奏南京五府六部各衙門官凡朔望守備廳議事臣每坐於外守備官之下臣為守備與臣爵等者固當列於臣左其協同守備或侯或伯及都督皆居臣之上似非朝廷序爵之意乞下所司裁定兵部覆奏謂守備與五府官若爵秩相等則先守備否則以爵為序凡慶賀議事皆然從之。癸巳。陞兵部郎中熊祿為福建布政司左參議監察御史劉讓為雲南按察司僉事南京監察御史陳桂為廣西僉事。命遼東定邊中衛都指揮僉事胡瑛之子欽定遼右衛都指揮僉事范瑛之子鏞各代原職指揮使。甲午。南京國子監祭酒謝鐸以疾乞致仕許之。旌表孝子三人五世同居一人節婦十八人南傑直隸徐州蕭縣人徐行陝

西甘州後衛學軍生王寧直隸深州人其父祖死各廬墓三年俱表其門曰行孝朱勇陝西安東群牧所副千戶五世同居表其廬曰義門吳貞善福建蒲田縣人彭恒著妻趙氏直隸武邑縣民郭良輔妻陸氏直隸上海縣民茅瓊妻戴氏陝西西安左衛軍餘馬昇妻馮氏河南洛陽縣民楊璟妻賈氏亦洛陽縣民劉傑妻趙氏直隸靈璧縣生員張寬妻孫氏江西豐城縣民任夔妻吳氏直隸丹徒縣民陳鏗妻盛氏直隸丹陽縣民儲祿妻余氏浙江建德縣民柴文顯妻林玉英福建惠安縣民何伯瑾妻于氏山東堂邑縣民高晟妻趙氏陝西同州民王深妻聶氏江西豐城縣民楊源淳妻焦氏南京江陰縣舉人任忱妻鍾氏廣東南海縣民吳贊妻陳氏江西寧縣民王廷富妻有守節踰四十年或近六十年俱表其門曰貞節。致仕南京工部尚書

程宗贖杖還職仍致仕先是本邦宣慰司頭目思柄劫占本司地方宗以右副都御史奉朝命率房班蘇銓撫諭之銓受思柄金紹宗為之奏設孟密安撫司即以思柄為安撫銓復嫉思柄焚所占本邦分地孟邦等十八寨偽為狀歸之本邦寔未歸也思柄由是益橫至是本邦宣慰罕吧法發其事時宗以尚書致仕巡按御史請追治其罪獄具上以宗處事不審宜寘重罪但事在革前姑依擬贖杖云。先是番賊再入河州境殺虜人畜所獲者尋追獲巡按監察御史奏其事下所司逮問以守備指揮王中正等守備不設俱擬充軍但中正等所失不多且復追獲情輕律重命納未贖罪。乙未。修 恭讓皇后陵寢。賜周府河清王庶長子名曰安沈庶第二子曰安涸鎮國將軍同缺庶第二子曰安淩同鑄庶第二子曰安泡同銑庶第三子

曰安溝庶第四子曰安瀑同誠庶第五子曰安湮庶第六子曰  
安訖輔國將軍同德庶長子曰安迪同銷庶第二子曰安冲同  
鑄嫡長子曰安濟同鑄嫡第三子曰安潯趙府浴川王庶長子  
曰祐架鎮國將軍見洽嫡第三子曰祐樞吳丘王府輔國將軍  
成鈺長子曰聰渡陽曲王府鎮國將軍鍾鏡第五子曰奇凌瀟  
府輔國將軍銓鋤第七子曰勳証廢成王長子第六子曰表杜  
伊府方城王第二子曰訃冽嫡第三弟曰訃温韓府鎮國將軍  
徵鈐子曰偕沾輔國將軍徵鈺子曰偕漢徵鈺庶第五子曰偕  
灑遼府松滋王第四子曰息錕嫡第二子曰寵泗。丙申。寶  
授南京都察院理刑進士劉紳匡翼之為南京監察御史紳湖  
廣道翼之貴州道。丁酉。陞南京大理寺右寺丞屠勳為大  
理寺左少卿。戊戌。賜代府高苑縣主並儀賓柴均周府憑

祥縣主並儀賓賀增政和縣主並儀賓姜朝宗慶府賴培郡主儀賓毛偉連山郡主儀賓程通洛安郡主儀賓王賓誥命冠服如制。陞雲南按察司副使林俊為本司按察使湖廣布政司右參議王鼎為廣東左參政。己亥。調大理寺左寺丞魏璋為九江府同知璋託鄉人河西驛丞王瑞買女奴瑞以侵盜官錢為東廠緝事者所發並得璋事逮下獄刑部擬贖杖還職上特命調之外任璋前為御史奸險附勢害善既陞前職俄有是譴聞者快之。命戶部右侍郎吳原之子夢麟為國子監生從其請也。庚子。詔逮問山西行都司署都指揮僉事陳志坐受軍人賂為巡按直隸御史所奏也。辛丑。陞通政司左參議田景賢為太常寺少卿大理寺右寺丞陳璠為本寺左寺丞監察御史王嵩為大理寺右寺丞刑部郎中魏紳為南京

大理寺右寺丞。○壬寅。○故致仕戶部尚書劉昭之子綺為父  
奏乞贈諡禮部覆奏。上曰劉昭前被劾革太子少保致仕何  
可復與贈諡此後有乞恩贈諡者須酌其可否奏聞務協公論  
不許一概濫請仍令禮科記之。○癸卯。○裁革山西大同左右  
雲川玉林天城鎮虜陽和高山八衛學校授訓導各一員。○先  
是文華殿書辦中書舍人杜昌等奏國初沈度沈紱程南雲張  
弘等皆文華殿書辦任至學士卿少卿等官員無定數非各衙  
門額設須由吏部銓選可比臣等於成化年間蒙取書辦陞授  
寺丞等官。皇上即位用科道等官陳言裁革冗官臣等同事  
中書舍人朱宏蒙照舊供職惟臣等降令職乞照先年沈度等  
及近年朱宏例復臣原職供事命吏部着詳以聞監察御史滕  
祐勅昌曰臣聞弊之害人國也作於始發者其害淺作於再發



者其害深人君之革弊也禁於已發者其力難禁于方萌者其力易成化末年群小用事閭賤夫賣緣其請率以傳奉得官一時名器大為虧壞 皇上即位之初亟圖作新故首革冗官或降職改調外官或照原職閑住或降職供事闕廷其太醫院官則勅令科道等官會同考察不才者降黜可用者第為二等以次錄用蓋別賢否杜奔競而為長久之道也奈何徐生敢開倖端賣緣祈請以用葯有效欺罔 陛下越次陞用弊端一開奸宄相慶以致旬日之間中書等官杜昌等遽起覬覦妄引沈度等事例連名具奏乞復原職按杜昌等乃傳奉冗員降職供事者也此等官員出自倖途降級存留已為踰分今乃得隴望蜀又求復職夫豈其宜且沈度程南雲等皆以絕藝見知 先朝其詩文可以華國其書法可以名世地望賢勞非此輩比而

欲與之一例轉遷蓋由徐生一開端於前是以杜昌等復效尤於後此天下冗員復起之漸也冗員既起則群小滿朝成化末年之弊政將復見於今矣伏望將徐生杜昌等執送法司重加發遣今後但有祈請不由吏部推選者及代為祈請之人俱照此例施行其太醫院官員缺俱照等第以次陞用則王言隆重姦宄屏息可以高拱而治矣 上曰徐生以陞用矣其置勿論杜昌等吏部再議處其宜。吏部尚書王恕復疏乞致仕 上曰卿朝廷老臣克副倚任年數雖高精力未衰不允休致恕再疏以請謂前此為吏部尚書者多不能保有終吉況臣驚下衰老豈無干物議拂聖情之事乞及今得容令以禮致仕為幸 上曰覽奏俱悉卿意卿但持正輔朝廷朕心自知勿為過慮。甲辰修 社稷壇壝及井亭於案。賜遼府輔國將軍寵德周

府鎮國將軍向鑿輔國將軍安親安澗安汶安潔輔國將軍同  
缺安瀆安汝安浞晉府奉國將軍表榘表榘表榘表榘鎮國中  
尉表榘藩府奉國將軍勳浚勳澆勳瀆勳滑誥命冠服如制

大明孝宗敬皇帝實錄卷五十一

大明孝宗敬皇帝實錄卷五十二

弘治四年六月。丙午。山東按察司副使趙鶴齡言青登萊三府屬縣國初設巡檢司二十每司弓兵百人防禦海寇近分守參議尚綱奏革各司兵三之一遂缺人防守請復設奏下巡撫都御史覆勘以為宜兵部議復從之。裁革河南祥符縣埽頭巡檢司。丁未。命增給鳳陽西中二高墻廂人音塞等男婦十八人衣糧。戊申。廣東廣德州等處搖賊鄧飯主等自成化間聚眾二千餘人流劫州縣殺虜官民八百余人燒毀民居無算總鎮太監王敬總督都御史秦紘總兵官毛銳等奉命征勦以所調漢達官軍土兵人等分為五哨五路並進令參將陳暉按察使陶魯領之都指揮白玉自魚子水口進馬義自灤水江口進指揮孫壁自三州進安紀等自棘頭扶旄思麻等埽

進李寅自南鄉準進各與賊遇連戰敗之襲至雲乎太山與賊  
鏖戰賊大敗擒者十一人斬首五百二十八級俘獲賊屬百四  
十人及獲器械諸物捷聞 上命寅奏捷者新鈔千貫總鎮等  
官賜勅獎勵○己酉○遣內官祭中雷之神○庚戌○保國公  
朱永等奏京營聽征官軍二萬人計用馬三萬匹今存操及下  
場馬止有三萬一千余內多億瘦損欲照舊例以團營椿頭銀  
每馬一匹計銀十兩送太僕寺收貯仍選順天府所屬寄養馬  
給付官軍騎操事下兵部覆奏以永等所言為宜從之○辛亥  
○吏部言舊府州縣儒學教官九年考稱有功蹟者例陞兩京  
國子監博士助教等官及遞陞教授學正教諭等官近大學士  
劉吉奏准凡考稱有功蹟教官由舉人出身者許同大選監生  
一體入選授府佐州縣正官但教官內多有衰老不堪為有司

者況博士教授等官員缺數多若使舉人教職俱應有司之選則別無文學相應之人可以陞補今後凡衰老教官不必令入大選之考仍照舊陞補監學員缺庶用人各當其才從之○初虜入遼東威遠堡等處軍士被虜者十四人被傷者五人鎮守太監韋郎劾奏巡守指揮馬鼎備禦都指揮宋溥裴震等及分守太監藍瑩右參將崔勝之罪且分別功過輕重謂馬鼎等七員追回被虜百戶李深率眾禦敵曾被射傷比之裴震等罪有可恕得旨以馬鼎等並李深各罰俸兩月裴震等俱速問藍瑩崔勝仍戴罪殺賊○直隸淮安府知府徐鏞奏本府常盈倉歲收糧不過四五萬石乞取回監收內官二員收糧經歷一員下戶部議以為便上命汰經歷內官仍舊○是日丑刻京師地震者三○癸丑○以旱灾先陝西甘州左等十一衝所弘治三

年屯田子粒有差。是日晚刻金星犯天關星。甲寅 命工部右侍郎徐貫之子頤為國子監生從其請也。乙卯 命南京前軍都督府都督僉事柯忠之子勇代原職羽林前衛指揮使貴州都司都指揮僉事吳庸之子遠代原職安南衛指揮使。以翰林院檢討胡承為益王府左長史丘文瀚為右長史中書舍人楊本清為審理正胡欽為審理副待詔萬綸黃琮俱為紀善以王將之國故也。吏部尚書王恕等言比因太醫院院判徐生夤緣復用臣等言之科道言之俱不見聽以致文華殿書辦中書舍人杜昌等輒敢效尤此御史滕佑所以反復懇懇言之也伏望將徐生杜昌等執送法司明正其罪庶紀綱不壞弊端可絕若置而不論則傳奉降革官員又何憚而不為奏擾哉奏上得旨杜昌等具奏煩擾希求復職本當執問姑貸之令

仍舊供事。丙辰命故太常寺少卿兼翰林院侍讀陸鈇之子爰為國子監生以鈇常致勞春官講讀從爰請也。丁巳賜潘府稷山王嫡第三子名曰勛濂韓府輔國將軍徵錯嫡第五子曰楷沈遠府奉國中尉恩鈇長子曰寵洩靖江王府輔國將軍相璉嫡長子曰規賺鎮國中尉相賓嫡長子曰規隲慶成王府輔國將軍奇淐第二子曰長楨奇淐第三子曰表檣莘爵將軍奇澗長子曰表橈第二子曰表樹第三子曰表枕。陞通政使司左通政元守直為通政使司右通政王傳為左通政右參議杜明為左參議工部給事中王珩禮科左給事中韓鼎為右參議。代惠王之子武邑王聰沐既以罪革爵為庶人遷於太原宮眷隨住至是母夫人王氏及各郡王將軍為其子俊秋累陳哀懇謂俊秋為代惠王嫡孫方聰沐犯罪時尚幼未有



知識乞令回本府居住從之。戊午。陞戶部郎中鄭觀為湖廣布政司右參議。浙江按察司僉事林玘為雲南副使。命故錦衣衛掌印都指揮使朱驥之子宸襲本衛指揮同知。命大寧都司都指揮僉事左方守備靈州。初。會昌侯孫繼宗卒。其嫡長子璉之子鎮襲侯。庶長子瓚之子鑾。奏襲原職。錦衣衛指揮使以年幼。准與優給。成化二十三年。汰冗。兵部列鑾于恩。歷奉旨裁革。至是。鑾出幼。復奏襲。兵部覆奏。謂鑾以皇親承襲祖職。與傳奉陞授者不同。許之。南京刑部尚書鄭崱贖罪還職。坐巡撫陝西。嘗以備荒。餘銀挪移別用也。庚申。廣西按察司僉事陳加謨。丁憂。服闋。復除浙江按察司僉事。壬寅。南京工部右侍郎黃孔昭卒。孔昭字世顯。浙江黃岩縣人。初名曜。家貧。讀書不肯出門。自言于利達。漢如也。有司以懷才

抱德辟之不果棄去為科舉業舉天順四年進士授工部主事  
遷員外郎改吏部文選司遷郎中皆尚書尹旻選事或咨馬多隨  
愛憎而毀譽之於是四司咸畏而敬避莫敢不附擢右通政提  
督騰黃遷南京工部右侍郎卒于官訃聞賜祭葬如例孔昭為  
人處事多深刻始不就科舉本欲取時名後雖就科舉人惟識  
其初名而知其事者則疑馬孔昭重欲掩其自出意則假道學  
之名自引高興張元禎謝鐸李釗等互相標榜以釣虛名旻止  
聞其名即改吏部及為文選郎中則其家暴富人頗議馬因同  
類更相推重以道學之名故人多為所欺然所學不過記誦詞  
章助應對以飾外耳其於正心誠意之學叩之悄然也方成化  
中每早朝入掖門當緡紳叢聚之中必與鐸輩論詩文或又評  
程朱當時事故聲大言欲出於人刺刺不休如是者十餘年或

厥之曰此輩終日群居何不講學而乃獨於禁地嚴敬忙迫之際豈平心易氣從容論理者耶彼刺刺若此何也況言論之際作為微哂搖頭之狀陰伺人之情識者尤甚鄙之其後子備以富賄亦至文選郎中而竟以贖事覺避去云。癸亥。賜代府輔國將軍成銘奉國將軍宸誥命冠服如制。命金吾左衛指揮使安昇守備紫荆關以都指揮體統行事。致仕太子少保兵部尚書張鵬卒鵬字騰霄直隸萊水縣人景泰二年進士授監察御史天順初與諸御史劾石亨罪惡被箠不少屈請戍遼東鉄嶺衛移廣西南丹衛。憲宗登極召復其官成化二年擢福建按察使四年左僉都御史巡撫廣西未幾命理南京都察院事七年總督漕運兼巡撫淮揚諸府八年申勅巡視廬鳳淮揚四府徐和滁三州以殲盜十年仍還南京尋遷右副

都御史巡撫寧夏十三年召為兵部右侍郎十八年進尚書邊  
東守臣請開邊雲南益密思柄乞受官修貢皆奏止之武臣有  
乞金齒參將者執不可二十<sup>年</sup>進階資政大夫加太子少保二十  
一年得請休致俾來傳師命有司給米二十三年覃恩召進資  
德大夫正治上卿至是卒賜祭葬謚懿簡鵬剛直自將少能自  
見居顯要自奉如寒素雖嘗為言者所論然物議亦無貶云○  
丙寅○巡撫山東都御史王霽奏出老疾罷軟不謹等官判官  
臧祜等十三員吏部覆奏從之 命宣府領班操備河南都司  
都指揮僉事王泉佐理本司軍政以納粟都指揮林洪廣暫領  
宣府操備從鎮巡等官奏也○先是陝西按察司副使李經整  
飭固原兵備指揮使張欽者多索部屬財物同守固原納粟指  
揮僉事郭遒告其事於巡撫都御史蕭楨屬經鞠之欽詣經請

冀得免經怒叱之出欽銜之後乃袖小刀佯送告病公文入司  
出刀刺經中其右腦子汝爰出就亦被刺皆昏仆地欽懼遂自  
刎死至是巡按陝西監察御史李興奏經待欽過厲寔以啟釁  
而郭邈亦邈欽過實俱請逮治命都察院知之。戊辰 上以  
益王漸長命吏部選學行端正者為王府官既而王乞撥賜冠  
帶醫士張錡等二名傳旨與之吏部言王尚幼冲安知二醫之  
名非二醫營求於王之左右何以得此謂勿用以息奔競之風  
上從之命太醫院別選授良醫正副今後太醫院用人只照  
舊例行不許夤緣奏請 兵部尚書馬文昇既奉命奔喪葬畢  
赴闕仍上章乞終制 上曰朕以兵部事重留卿辦事不必固  
辭。賜國子監雲南貴州四川軍民生夏衣如例。錄古北口  
羊川墩等處殺賊功兵部擬陞一級加賞者一人陞一級者六

十三人給賞者六十二人量賞者三百三十一人其右監丞楊  
聰左參將繩律擬以功贖罪議上從之。己巳。寧王奠培薨  
王惠王之子母妃俞氏永樂十六年生宣德七年封為世孫正  
統十四年襲封寧王至是薨年七十有三訃聞輟朝三日遣官  
諭祭命有司治喪葬諡曰靖。辛未。孝莊睿皇后忌辰。上  
祭。奉先殿遣駙馬都尉游泰祭。裕陵。命戶部運太倉銀  
五萬兩於宣府以備邊儲。慶成王府輔國將軍奇濟奇澤奇  
澆奇溟庶人鍾鎰等嗜酒縱肆嘗貰酒于民家踰時弗償民往  
索奇濟等怒縛于柱用銅鉗擊之以厚賂得免山西按察司以  
聞。上命慶成王拘之府第鎮巡等官遣人守之仍究其導之  
為惡者罪之。四川茂眉二州地震有聲動搖廬舍。癸酉  
孝穆皇太后忌辰。上祭。奉慈殿遣駙馬都尉游泰祭。茂

陵

大明孝宗敬皇帝實錄卷五十二

大明孝宗敬皇帝寔錄卷五十三

弘治四年七月乙亥朔孟秋享 太廟。直隸武平衛指揮僉  
事王溥奏本衛興亮縣並在一城軍民雜居類多事訟閭閻婦  
女復黜禮範自非表章先賢曷以化導溥俗考之傳記亮有朱  
仁執者隱居養親孝友著聞有夏侯令女者早寡無子截耳斷  
鼻誓不以存亡易心乞有司各建祠秩祭俾薄俗知所激勵命  
下其疏於禮部。丁丑 萬壽聖節遣駙馬都尉周景蔡震告  
長陵 獻陵 景陵 裕陵 茂陵。遣儀賓楊淳告 景  
皇帝陵寢。遣內官祭 恭讓章皇后陵寢 上詣 奉先殿  
奉慈殿 太皇太后 皇太后宮行禮畢出御奉天殿文武  
群臣及四夷朝使行慶賀禮。賜各王府及天下諸司慶賀官  
員人等鈔帶有差。戊寅 仁孝文皇后忌辰 上祭 奉先



殿遣駙馬都尉周景祭長陵。庚辰。廣東增城縣藍真等  
山賊平生擒四十一人斬首二千二百二十七級俘賊屬一百  
五十九人獲器械一千餘事追還被虜男婦二百七人兩廣總  
鎮等官以提聞命奏捷者各賞鈔五百貫。辛巳。以益王將  
出府除伴讀等官屬如制其倉庫命名曰永盈。調浙江布政  
司左參議李昊為長蘆都運鹽使司同知坐分守嘉興時被賊  
劫庫不能防捕也。管理易州廠工部左侍郎潘禮乞歸養疾  
不允。壬午。陞鴻臚寺左少卿張俊為本寺卿光祿寺少卿  
張禎叔為太僕寺少卿。賜襄府世孫祐材四書集註一部從  
王請也。駙馬都尉齊世美奏乞豐沛二縣莊田戶部請正其  
違例之罪。上命姑先究問如再奏擾即罪之。命增益南京  
後湖庫三十間以原庫收貯黃冊盈滿明年將造冊故也。癸

未。賜瑞昌王府同安郡主並儀賓李琳懷仁王府平度郡君並儀賓郭廷貴誥命冠服如制。陞左春坊左庶子兼翰林院侍讀學士李傑為南京國子監祭酒。先是寧夏左屯衛指揮同知張欽與正千戶胡玉率兵燒荒玉稱疾不往欽遇虜官軍被殺者一人虜者一人下巡按監察御史違問擬欽充軍玉納未還職且言玉罪重于欽並劾總兵官周璽副總兵盧欽巡撫都御史韓文罪兵部覆奏命張欽免充軍胡玉亦免納未與周璽盧欽韓文各停俸二月。甲申。秦寧等衛遣頭目瓦刺友等來貢賜宴並綵段絹鈔等物有差。南京工部尚書劉宣卒宣字紹和江西安福縣人八歲而孤長值家難力就學補父戍盧龍徒步學于京師正統八年北虜假貢獻圖窺伺宣上疏言虜不可信宜預為備後六師失利嘗從武官守天津密贊戎事

景泰元年以正軍舉順天鄉試第一人明年登進士選為翰林院庶吉士三年授編修七年修寰宇通志成進修撰天順四年同考會試六年典順天府鄉試士論稱其公明八年充經筵講官成化三年以九載秩滿進春坊右諭德尋以英廟實錄成進右庶子六年進南京大常寺少卿上疏請增置太廟實座定樂舞生名數圖畫功臣諸廟數事多見采納十七年進本寺卿掌國子監事教立恩洽士類悅服二十二年召為吏部右侍郎弘治元年轉左三年進南京工部尚書剋弊奸稽出納賞官通數千而羨倍之至是卒賜祭葬如例宣性耿介好折人過學士彭華以私怨曠同鄉給事中蕭彥莊誣劾吏部尚書李秉及布政使丘陵孫遇等士論為之不平宣聞之躬至華家而數之曰李公等皆正人汝輩駕空排陷誣枉至此其如天理何將來

或有謂吾吉安人皆如若等之存心陰險者獨不畏此清議乎  
宣坐是謂得罪當道以五品侍從轉南京散地然人益以重其  
為人也宣尤熟本朝典故成化初禮部議慶成宴坐序尚書姚  
夔以問宣宣例舉舊制某官坐某所夔據奏行之為文務理勝  
有冲澹集藏於家。乙酉 皇太后聖旦 上率親王上壽命  
婦朝賀賜百官宴于午門。賜各王府慶賀官員人等鈔幣有  
差。丙戌。朝鮮國王李娎遣陪臣同知中樞府事朴崇煥等  
貢方物朝賀賜宴並繅段絹鈔等物有差 命南京國子監祭  
酒李傑仍修寔錄時傑充纂修官既陞任大學士劉傑等謂傑  
方有事校正未畢奏令仍暫在館校正畢日赴任從之。丁亥  
。陝西岷州衛大崇教事下院天竺寺番僧都綱鎖南朵兒只  
等四川烏思藏番僧著雄堅參等來朝貢佛像馬匹賜宴並衣

服絲段等物有差。南京太僕寺少卿李應禎乞致仕許之。是日卯刻南京見木星晝見于巳位。己丑。中元節遣駙馬都尉楊偉馬誠分祭長陵 獻陵 景陵 裕陵 茂陵。文武衙門各分官陪祭。遣儀賓周錢祭景皇帝陵寢。遣內官祭恭讓章皇后陵寢。鎮守寧夏總兵官都督僉事周璽卒璽字廷玉直隸遷安縣人初襲世職開平衛指揮使從征北虜有功陞都指揮僉事管五軍營右掖尋充左參郎分守陽和以威寧海子功進同知轉大同副總兵再進署都指揮僉事虜囚亦思馬因入寇璽禦之臂中流矢督戰益力賊退實授都督僉事總兵官鎮守代州兼督雁門三關移鎮陝西未幾佩征西將軍印充總兵官鎮守寧夏以疾卒賜祭葬如例璽多才畧知兵習戰尤精騎射中亦自負卒之日年纔四十有七人多惜

之。庚寅。巡撫湖廣副都御史謝綬陳五事一停紙劄以蘇民困謂近奉旨造各色紙二百六十萬張及轉運之費用銀七萬五千餘兩雖解納以五次為期而非其所產悉從各省買辦切見湖廣每歲供應之數無慮七萬餘兩各王府修造祭祀歲無休息及海缸上料又不止萬兩此皆出於常計之外况灾傷流移盜賊時發而倉庫庫藏在在缺乏宜各年未解之數暫且停免庶民苦可蘇一省沈濫以便接遞謂各王府差遣內官旗校往往騷擾驛遞勞民傷財乞加禁約一消校役以杜侵漁謂各王府新役校尉百端需索至多傾家蕩產及貧乏則各逼告老疾復冀重僉以圖後利乞為禁治一別姻親以備軍政謂各武職官員係親王郡王親戚宜照舊支俸或謂五百里之外管事若鎮國將軍之下親戚遇有軍政宜一體推選庶軍政得人

一惜人才以通言路謂澧州判官劉○陽州判官姜紹瀏陽  
縣縣丞劉愷近以御史言事降調未論其言之可否亦皆直言  
骨鯁之士況到任未久政聲著聞宜還其舊職或量陞別官俾  
各展所長則人心和而天變消矣命下其奏于所司。辛卯。○  
衡陽僖靖王長子恩錯薨禮部言恩錯已賜襲王爵雖未遣官  
冊封而名位已正其喪禮祭儀請准郡王事例行。○賜鴻  
臚寺掌寺事禮部左侍郎賈斌之母太淑人朱氏祭葬如例。○  
改河南陝州盧氏縣徑屬河南府從民請也。壬辰。太宗文  
皇帝忌辰 上祭 奉先殿遣駙馬都尉楊偉祭 長陵。湖  
廣鎮巡等官奏廣東翁源縣流賊三百餘人入宜章興寧桂陽  
三縣流劫人民一百六戶殺百戶一人軍民六十五人因劾守  
備都指揮馬能指揮高世麟等十四人並參將史瑄之罪兵部

覆奏賊來自廣東經歷千餘里越州縣十餘處軍衛有司罪固難逃若使湖廣所在有備亦豈容白晝長驅如蹈無人之境宜行湖廣廣東鎮巡等官覆寔其分守分巡並守備官俱停俸責限勦除毋使滋蔓得志從之命高世麟等俱逮問史璫戴罪捕賊。南京工部奏新徵各州柴課原擬期限迫促多致過違今後限次年六月終完如不完者官住俸吏問罪十月終不完者官參奏提問南京並在外衛分官舍軍餘所佃州場行各該衛所掌印及管屯官推督若過期不完官吏亦照府州縣事例住俸提問參奏其各衛官舍餘應該提問本管官占怯不發者聽奉勅官參奏若軍衛屬湖廣江西者行彼處都司按察司管屯官有司行布政司分守官各依時催併次年終不完與本部奉勅官一體住俸州縣並巡檢司柴課不完者官吏不許考滿給



由度使責有所歸柴課易完工部覆奏從之。癸巳。虜入甘肅白石崖等處軍士被殺者五人傷者五人鎮巡官勅永昌衛指揮許璟等失於防禦並分守副總兵李寬之罪命許璟等俱逮問李寬姑宥之仍停俸兩月。是日晚刻木星犯井宿東扇北第二星。甲午。以壽王汝王湮王榮王申王行冠禮命太傅兼太子太師英國公張懋太傅兼太子太師保國公朱永太保兼太子太傅新寧伯譚祐遠安伯陳韶平江伯陳銳持節掌冠少傅兼太子太師吏部尚書謹身殿大學士劉吉宣勅戒禮部尚書兼文淵閣大學士徐溥禮部右侍郎兼翰林院學士劉健宣祝。賜唐府新野王嫡長子名曰宇泥代府博野王第三子曰俊樞第四子曰倭檄楚府輔國將軍均錡嫡第二子曰榮滋奉國將軍榮沾度長子曰顯椿榮澹度第四子曰顯穗度第

五子曰顯據榮澆嫡第三子曰顯恭榮泚嫡第三子曰顯斌晉  
府鎮國將軍奇淋庶第二子曰衣衿襄陵王府鎮國將軍徽鏞  
庶子曰偕澁靈丘王府鎮國將軍成澶第三子曰聰澗靖江王  
府輔國中尉規款嫡長子曰約廓規棧嫡次子曰約嚙逸府故  
庶人豪坨子曰思錡。丙申。以文免直隸揚州府及高郵等  
衛所弘治三年糧草有差。夜月犯天高東北星。丁酉。陞  
禮科給事中林元甫為兵科左給事中閻琦刑科左給事中趙  
竑工科左給事中王敞俱為都給事中刑科右給事中呂獻為  
左給事中兵科給事中張朝用為右給事中仁本科 命分守  
江西贛州參將南京錦衣衛署都指揮僉事丁回宗還南京錦  
衣衛帶俸以贛州地稍寧故也。己亥。陞江西瑞州府知府  
劉宇為廣東按察司副使提督雷廉等處兵備。辛丑。以晉

王有疾賜之藥品從世子其源請也。○壬寅。○賜杖江王府輔國將軍恩釗陽曲王府輔國將軍奇漢奉國將軍表林誥命冠服如制。○甘肅鎮守等官奏罕東等衛頭目刺麻朵兒只等劫西番哱呵族部落掠其頭畜以歸事下兵部覆奏謂罕東劫掠西番越我邊境不知畏忌漸不可長請勅鎮巡等官遣人往諭罕東等從違利害並以此意偏告西番諸族自今更更不得構怨啟釁。上曰罕東劫掠西番越我邊境不可不為之制其如議行之。○鎮南衛軍餘蕭娶妻李氏幼居濟寧州魯橋與鬼物交遊疏能知禍福有穢行至是蓋三更其夫矣唐府妃蘇氏無子幼與李氏同里遣人迎入府問禍福李氏言明年當生男唐王喜賞賚甚厚後又以二女子及金銀段諸物往遺之為緝事官校所發下刑部鞠問李氏左道亂正律當絞仍行巡按河南

監察御史速問承奉長史不能匡正之罪從之。河南開封府  
地震有聲

大明孝宗敬皇帝實錄卷五十三

大明孝宗敬皇帝實錄卷五十四

弘治四年八月乙巳朔，南京監察御史楊璉言宗汴京留守兼開封尹贈觀文殿大學士諡忠簡宗澤墓在丹徒乞依岳飛故事于墓所及其生之鄉並建祠秩祀以為忠義之勸命下其奏於所司。丙午。遼東沅陵王濠塹薨王恭憲王之子母妃袁氏正統元年生成化十二年冊封至是薨年五十六訃聞報朝一日賜祭葬如例諡曰昭安。丁未。釋奠先師孔子遣禮部右侍郎兼翰林院學士劉健行禮。戊申祭太社太稷。應天府府尹秦崇卒崇字智崇山東單縣人天順四年進士授兵科給事中。憲宗即位初興諸科勅權倖舞法者成化元年貴州蠻酋起為邊患朝廷命將征之崇還監其軍奏凱還加俸二級累遷都給事中七年陞太僕寺少卿十七年陞南京光祿

寺卿轉南京太僕寺卿弘治三年遷應天府府尹至是卒官底  
蕭然府丞冀綺合賻贈治為後事訃聞賜祭葬如例崇性剛勁  
不屈頗傷麗厲然居官三十餘年皆貨財出納之地而不為所  
汙亦可謂難矣。庚戌 命江西都司署都指揮僉事馮泰守  
備南贛二府。以甲字丁字贓罰二庫諸物給在京文武官員  
准弘治元年二年春夏二季折俸鈔。給淮府德興王見瀨祿  
米歲一千石本色折色中半兼支。工部尚書賈俊言蘇州浙  
江近被水害民不聊生而頃者織造段疋之令至於再三其數  
不下數萬以瘡痍未起之民加煩重不堪之役誠可憫惜乞暫  
令停免 上曰諸府既有水灾今次所欠段疋羅紗姑令免織  
俟明年秋熟後陸續織造供用。罷分守金齒騰衝右參將署  
都指揮僉事沐詳回雲南閑住先是千崖宣府司土官刁怕開

辛嫡長孫刁怕落幼庶子刁怕愈與爭印俱赴懇于詳詳家人  
受賄為之蒙蔽以致被擾地方鎮守總兵黔國公沐宗劾詳御  
下不嚴釀成此變 上令詳自陳狀至是具疏服罪故有是命  
○壬子○禮部尚書進 憲宗純皇帝實錄儀注前一日設表  
樂於奉天殿丹陛之東設 實錄樂於丹墀中教坊司設中和  
韶樂及大樂如常儀設寶輿香亭於史館前是日早錦衣衛設  
鹵簿駕史官具服至館捧實錄置寶輿中 上御華蓋殿具袞  
冕鴻臚寺官導迎 實錄寶輿用鼓樂繼蓋從東廊北行由左  
順門外由橋南中道行史官後隨從二橋行至奉天門階下由  
左門入至丹墀樂前捧 實錄置于樂樂止俟香亭寶輿退鴻  
臚寺奏執事官行禮贊五拜奏請陞殿導駕官前導樂作 上  
御奉天殿樂止鳴鞭史官入班文武官各具服詣丹墀分左右



侍班鴻臚寺官奏進 實錄樂作序班舉 實錄案以次由中  
道升班首由左階升至殿門外 上興序班以 實錄案置于  
殿中樂止班首跪於案前贊史官皆跪樂作內侍官舉 實錄  
案入內殿置于中 上復坐樂止贊俯伏班首及內史官皆俯  
伏樂作興平身樂止班首復位贊鞠躬樂作贊四拜興平身樂  
止贊進表樂作序班舉表案置于殿中樂止贊宣表贊眾官皆  
跪鴻臚寺官展表宣訖贊俯伏樂作贊四拜興平身樂止之進  
實錄官退於東班侍立贊排班文武百官入班贊班齊鴻臚  
寺致詞云文武百官太傅兼太子太師保國公臣朱永等恭惟  
憲宗純皇帝神功聖德纂述成書光華萬世群臣歡忭禮當  
慶賀贊鞠躬樂作贊四拜興平身樂止贊有制史官仍入班贊  
跪宣制云 憲宗純皇帝功德配天紀述評實朕心歡慶與卿

等同之宣訖贊俯伏樂作興平身樂止贊揖芻鞠躬三舞蹈贊  
跪山呼萬歲三贊出芻俯伏樂作四拜興平身樂止禮畢。先  
是陝西按察司奏衛鎮撫謝禎等八人失機罪狀都察院吏抄  
奏詞誤以衛為所監察御史張禎亦不之覺御史劉翔輒為覆  
奏得旨降謝禎等各一級至是陝西按察司知其誤也復為謝  
禎請都御史白昂諭抄呈吏檢舉其事御史歐陽復趙瑛因移  
文兵部改正兵部具奏下張禎等獄法司皆坐贖杖 上以抄  
呈差錯事發自當認罪却朦朧檢舉以致註誤人眾今贖罪畢  
張禎仍罰俸三月吏人等各決五十還役。癸丑。駙馬都尉  
馬誠請賜其父母勅命許之。吏部言道例第三甲進士前七  
八分多選外任後二三分俱選京職所以進士該外選者或告  
病或求公差違延規避今後除丁憂起復外其養病公差還者

依其上下名次選外任亦選外任選京職亦選京職庶人心平而選法不壞稅之。甘肅鎮巡等官以土魯番速擅阿黑麻王遣使至肅州求人貢因獻還哈密城池金印請賜處分兵部議謂哈密為甘肅藩籬自都督罕慎被殺之後副至多事朝廷惡阿黑麻不道因減其使臣賞賜或却其貢方物兩賜勅諭令悔罪近又取哈密忠順王脫脫近屬子孫陔巴權掌國事聽繼王爵凡所處置皆合機宜故能不費財力坐取十九年已失城池並金印 皇上之威德遠被至于如此彼今所貢獅子等物蓋假此以為請罪之地與向來入貢之意不同謂宜特賜容納原拘留在邊使人亦宜資給道歸而徐圖所以勞來哈密安集陔巴之道似為柔遠長策從之。是日晚刻南京見老人星見丙位色赤黃。甲寅 孝慈高皇后忌辰 上祭 奉先殿魏國

公徐備承命祭孝陵。乙卯。賜鄭王祐於底第十二子名曰見渚。遼府奉國將軍恩登子曰寵。涇晉府鎮國將軍奇瀕長子曰表杵。奇澍長子曰表椿。輔國將軍奇洎第二子曰表椿。鎮國將軍表瀆。庶第二子曰表權。南京地震。動搖屋宇。繼而風雨晦冥。雷電大作。直隸揚州淮安二府同日地震。丁巳。遣官祭太歲。風雲雷雨。嶽鎮海濱山川等神。遣旗手衛官祭旗纛之神。戊午。旌表節婦十四人。烈婦一人。楊氏直隸武進縣監生張洽妻吳氏。江西鄱陽縣民劉瓚妻辛氏。瓚同縣民劉瑯妻朱氏。直隸無錫縣民薛綱妻閻氏。綱同縣民茹惟賢妻皇甫氏。直隸長州縣民杜洪妻王氏。直隸婺源縣民進士程永妻徐氏。江西浮縣民方進忠妻武氏。山西壽陽縣義民岳曇妻周氏。廣東順德縣民何福餘妻楊氏。陝西藍田縣民李俊妻姜氏。應

天府上元縣民周濟妻李氏雲南通海縣民張暉妻許氏遼東定遠後衛軍錢海妻皆孀居苦操老而不變旌其名曰貞節張氏山西太原前衛大理寺寺副魏政妻政亡哀毀數日勺水不入口嚼臂過面已而自縊旌其門曰貞烈○兩廣鎮守總兵官安遠侯柳景既為都御史秦紘所劾又為科道官所劾下獄刑部擬其罪斬景屢奏稱寃命法司復勘報至從公辯問給事中屈伸等還勘景侵欺枉法強索銀萬八千四百五十餘兩蘇木三百担銅錢萬三千四百文及沮壞鹽法交通土官擬接番貨杖殺軍職諸事謂紘所奏亦有一事不實及不避私嫌于任所款留親舊皆不得無罪刑部覆如所擬景不輸服刑部請謂官廷鞠之命錦衣衛逮紘至京對簿比至府部等官具實以聞詔以景貪殘不法侵索賍物數多又挾私杖死二人原情擬罪宜

置重典但念其祖有勞王家姑宥死令帶頭中閣住駐物係赦前者免追赦後者查數以聞秦紘令致仕其為景通賄者百戶陳謙等二人降小旗吳興福等二人及為景通買番貨二人俱發陝西涼州衛充軍家屬隨住。四川播州宣慰使司土官宣慰使楊愛貴州金筑安撫司及上馬橋長官司土官舍人金福慶雲南孟璉長官司護印舍人刁派露等各遣頭目朝賀貢馬並銀器等物賜絲段衣服鈔錠有差。己未 上御 奉天殿傳制遣太傅兼太子太師英國公張懋太傅兼太子太師保國公朱永太保兼太子太傅新寧伯諱祐遂安伯陳韶平江伯陳銳充冊封正使少傅兼太子太師吏部尚書謹身殿大學士劉吉太子太保吏部尚書王恕禮部尚書兼文淵閣大學士徐溥禮部尚書耿裕禮部右侍郎兼翰林院學士劉健為副使持節

冊封皇第九弟祐楛為壽王第十弟祐桴為汝王第十一弟祐楫為涇王第十二弟祐樞為榮王第十三弟祐楷為申王。辛酉。遣戶部侍郎吳原祭太倉之神。遣順天府官祭宋丞相文天祥。命廣東都司都指揮僉事劉皓之子綬代為清遠衛指揮使。丙寅。憲宗純皇帝忌辰。上祭。奉先殿遣駙馬都尉齊世美祭茂陵。命浙江按察司巡礦僉事陳嘉謨兼整飭溫處二府兵備。丁卯。上御奉天殿監修官太傅兼太子太師英國公張懋總裁官少傅兼太子太師吏部尚書謹身殿大學士劉吉等率纂修等官上表進。憲宗純皇帝實錄上起立受之表。伏以。皇圖有永。天開六葉之君。文化。聿成世守二紀之治。功德之數。遺者記大典冊之紀。述者宜詳。上。廣先猷。下垂後訓。欽惟。憲宗維天。凝道誠明。仁敬崇文。肅。

武宏德聖孝 純皇帝茂膺 天眷蚤握乾符德廣運而文武  
聖神道純粹而剛健中正承百年之大統擴 五聖之洪規首  
遵 治命而徇葬之不行繼降恩綸而成憲之是首遵 母后  
薦徽號孝無間于 兩宮勤聖學御經筵禮每隆于四輔祭神  
而神如在誠敬之心至焉奉 天而天不違感乎之妙多矣法  
謹循夫三尺政分理于六卿重科目以求賢蠲租賦而裕下治  
化所被民或干紀旋即革心威武所加虜或犯邊俄聞捷報矧  
夫崇儒重道稽古好文新闕理之廟庭增大成之禮樂 慈懿  
安厝據理合經 康定追崇因親廣愛教元良而製文華大訓  
明正統而修綱目續編用底一代之丕平式彰 九廟之耿烈  
不緣信使曷表鴻休纂輯苟完名言莫罄恭惟 皇帝陛下孝  
兼繼述心切顯揚亟謨烈于就編儼美牆之在目乃於弘治元



年閏六月初臣懋監修臣吉臣溥臣健總裁臣濬臣諧副總裁  
臣瀚臣閻臣傑臣東陽臣遷臣寬臣簡臣越臣彥臣守阯臣戩  
臣鏊臣傑臣儲臣元禎臣機臣廷和臣銜臣蒞臣忠臣垓臣焄  
臣天瑞臣瀾臣春臣瑞臣時錫纂修臣懋登臣吉等弘開館局  
序列文儒發內府精微之秘藏採外庭遠邇之陳奏風化攸繫  
雖微必書治體所關有闕必錄詳制度則究其因革原事功則  
備其始終賢否決於眾論之同是非公於天定之後傳其信不  
傳其疑過於文字於質茲以四年八月恭成 憲宗純皇帝實  
錄二百九十有三卷 實訓十卷合目錄凡例總三百五冊謹  
繕寫進呈允為不朽之傳大著無前之績臣等才輕祿薄見小  
醜難稽五志而不遺念三長之何有惟恐孤於任使幸獲覩其  
告成計日課功閱歲深慚于尸素載言紀事異時或補于汗青

高願特塵一夜之觀益行萬年之祚臣等無任瞻天仰聖激切  
屏營之至謹奉表隨進以聞禮畢是日賜兼修官太傅兼太子  
太師英國公張懋總裁少傅兼太子太師吏部尚書謹身殿大  
學士劉吉禮部尚書兼文淵閣大學士徐溥禮部右侍郎兼翰  
林院學士劉健各白金八十兩文綺四表裡羅衣一襲鞍馬一  
副總裁禮部尚書丘濬詹事府少詹事兼翰林院侍講學士汪  
諧各白金八十兩文綺四表裡羅衣一襲纂修官太常寺少卿  
兼翰林院侍讀傅瀚詹事府少詹事兼翰林院侍讀費閻左春  
坊左庶子兼翰林院侍讀謝遷右春坊右庶子兼翰林院侍讀  
陸簡翰林院侍讀曹彥楊守祉侍讀劉畿王鏊楊傑梁儲左春  
坊左贊善張元祜翰林院修撰劉機武銜張萬編修劉忠鄧垓  
黃珣張天瑞劉春余瑞檢討楊時暘纂修兼校正官南京國子

監祭酒李傑左春坊左庶子兼翰林院侍讀學士李東陽左春坊左庶子兼翰林院侍讀吳寬右春坊右庶子兼翰林院侍講董越纂修兼對官翰林院修撰楊廷和編修張瀾各白金三十兩文綺三表裡羅衣一襲催纂修官吏部員外郎李通中書舍人胡清各白金二十兩文綺二表裡羅衣一襲膳錄官太常寺卿林章等二十五人各白金十五兩文綺二表裡羅衣一襲收掌文籍官鴻臚寺主簿靳塘等二員各白金十兩文綺一表裡膳錄監生許鑿等九人各白金五兩文綺一表裡其纂修太常寺少卿兼侍讀周經左諭德翰林侍講張潔修撰王華李旻費宏各白金十兩文綺二表裡催纂侍副于淵中書舍人柳楷各白金十兩文綺一表裡膳錄監生孫霄文綺一表裡以陞等各泄擢憂制去任久近不一故賜賚有差纂修編修白銀膳錄

主簿李埏以去任二年之上不與賞 命暫停廣東未解紙劄  
一百五十六萬張以地方災傷巡撫都御史謝綬請也。○戊辰  
勅吏部 皇考實錄修完念各官勤勞監修張懋陞太師仍  
兼太子太師總裁劉吉陞少師華蓋殿大學士餘兼如故徐溥  
陞太子太傅戶部尚書兼武英殿大學士劉健陞禮部尚書兼  
文淵閣大學士副總裁丘濬陞太子太保仍兼禮部尚書汪諧  
陞禮部右侍郎兼翰林院學士如勅奉行 命戶部運太倉銀  
十二萬于遼東以備邊儲。己巳。○增設四川成都府通判官  
一員專駐松藩監收糧料。○庚午。○復午朝 命順天府宛大  
二縣民納存留草束于本縣倉場每束折銀二分二釐願輸米  
麥五升者聽。○暹羅國王國隆勃畧刺坤利息尤利亞遣陪臣  
正副使坤貼謝提等貢金葉表文貢方物賜宴並綵段絹鈔等

物有差仍回賜國王及妃文錦綵段副使臣領回給與 命前  
軍都督府都督同知李進掛征西將軍印充總兵官鎮守寧夏  
松藩東路小河千戶所地方番賊入境軍士被殺者七人掠者  
十四人命違問提督指揮陳琦等停協守左參將白珍副總兵  
李鎬俸三月兵備副使襲澤俸兩月其土官僉事王翰宣撫薛  
紹勳宥之。辛未。賜寧府鎮國將軍宸洪晉府輔國將軍奇  
泐代府輔國將軍成鍾誥命冠服如制。賜監修總裁纂修等  
官太師兼太子太師英國公張懋等七十一人宴于中軍都督  
府保國公朱永尚書王恕葉淇耿裕馬文升賈俊都御史白昂  
待宴舊例宴於禮部時禮部焚毀始營建故請從督府。陞纂  
修太常寺少卿兼翰林院侍讀傅瀚為太常寺卿詹事府少詹  
事兼侍讀費閏為詹事俱兼侍讀學士南京國子監祭酒李傑

加俸一級左春坊左庶子兼侍講學士李東陽右春坊右庶子  
兼侍講董越俱為太常寺少卿兼侍講學士左庶子兼侍講謝  
遷吳寬右庶子兼侍講陸簡俱少詹兼侍講學士侍讀曾彥楊  
守陟俱左諭德侍講劉戡王鏊俱右諭德楊傑梁儲俱司經局  
洗馬左贊善張元禎南京翰林院侍講學士修撰劉機楊廷和  
編修張淵俱侍讀修撰武衛張萬編修劉忠鄧綬黃珣張天瑞  
俱侍講檢討楊時暘編修劉春徐瑞俱修撰滕錄官太常寺卿  
林章龍暹俱陞俸一級山東布政司左參議馬紹榮太常寺少  
卿吏部郎中姜立綱太僕寺少卿吏部員外郎李通工部員外  
郎王文琮俱本司郎中大理寺右寺正王佐王璉俱工部員外  
郎光祿寺署正陸華工部主事通政司經歷毛顯大理寺右寺  
正中書舍人張穀周文通俱陞俸二級黃燦大理寺左寺副吳

榮劉榮俱右寺副胡清徐鶚左右評事燦清俱加俸一級光祿寺署丞李璵為署正王臣通政司經歷鴻臚寺主簿靳塘蔡振俱光祿寺署丞何澤朱賓楊全俱試中書舍人劉安劉學陳倫俱戶部照磨序班吳孜翰林院典籍自林章以下俱如舊供事各官原加俸孔目張翰陞侍書仍管孔目事膳錄監生許鑿陳瑜張克恭馬雲韓璉陳大經董義張瓚王景俱授中書舍人辦事吏李敬等八人照原資格除授。以旱災免直隸揚州衛及通州泰州鹽城三守禦千戶所弘治三年屯田糧有差。壬申。陞錦衣衛百戶馬良為本衛正千戶良宜興大長公主子也。

大明孝宗敬皇帝實錄卷五十五

弘治四年九月甲戌朔掌詹事府事太子太保兼禮部尚書丘  
濬上疏乞休致。上曰：卿年德老成，已陞重職，當勉就任，不允。  
所辭既而濬復兩中前請，俱優詔勉留之。乙亥，中都留守  
司都指揮僉事董昂赴京，操備官軍未至者十之一。下刑部獄  
贖杖還職。丁丑，孝恭章皇后忌辰，上祭奉先殿，遣駙  
馬都尉游泰祭景陵。命兵部右侍郎張海都察院右副都  
御史翟暄管理清黃。命涼州協守副署都指揮同知文錦充  
左參將，分守莊浪等處。戊寅，陞吏部左侍郎彭韶為刑部  
尚書，南京戶部左侍郎侯瓚為南京工部尚書，巡撫陝西都察  
院左副都御史蕭禎為南京工部右侍郎。以旱災免廣西桂  
梧潯南柳度六府及南丹柳州等衛所弘治三年秋糧子粒有



差。乙亥。南京兵部右侍郎王詔卒。詔字文振。真定趙州人。天順八年進士。授工科給事中。論事務持文體。睿皇后崩。值秋享。太廟時議為不當。以卑廢尊。詔言祀有喪不祭。則移日請俟。釋服行之。雖不果行。然議祀者不能屈。遷都給事中。典閤。列會奏起。請致仕。尚書王竑李秉而斥都御史王越。或有譏之者。憲宗召至。便殿賜杖。具詰責之。眾莫敢對。詔仰而呼曰。臣等言雖不當。實區區犬馬之誠。非有他也。論者壯之。陞湖廣右參政。以父憂去。服除。再任。遷右布政使。弘治初。進貴州左布政使。未幾擢右副都御史。巡撫雲南。奉詔錄囚。躬冒阨險。觸艾瘴。平反頗眾。尚書吳雲。洪武中繼待制。王禕死。事雲南。後禕賜議。忠文令雲南歲祀。而不及雲。詔言于朝。賜諡忠節。與禕並。祭四年。赴任南京。病卒。六十四時。詔官三品。未及考。上特賜祭葬。

詔儀冠魁岸中坦夷自處不苟歷官險要清約如平生時卒無  
子弟在側官屬為治後事囊無長物世稱其諒直而惜其弗究  
於用云。庚辰。刑部尚書彭韶辭免新命。上曰卿練達刑  
名特茲陞任所辭不允。夜月犯建星北第二星。壬午。星  
陽節賜百官宴于午門。少師兼太子太師吏部尚書華蓋殿  
大學士劉吉九年秩滿吏部以聞。上曰吉侍朕年久輔導勤  
勞賜勅獎勵加特進兼支大學士俸仍舊供職。陞吏部右侍  
郎張悅為本部左侍郎禮部右侍郎周經為吏部右侍郎。命  
所司給建安王造府價銀七百五十兩。癸未。賜肅府貢錄  
樂品從其請也。甲申。巡按直隸監察御史王監之言臣奉  
勅提督南畿學校嘗聞南京科場之弊明年又當鄉試不先革  
正將恐奸偽益溢惟南京應試士人除百二十三處學校外又

有國子監生及諸司廳事聽選官吏儒士輩進途既廣弊端易生而貢院規模窄狹四面皆居民樓房圍繞登高窺覘來暗投擲巡緝難於闕防懷扶易於進入况受卷彌封等所俱在至公堂上內簾上隔一板壁聲息相聞舉動便覺積年以來富貴子弟多方營圖有買求編號將有學生員置在左右代作文字者有請託執事官吏裁人文字以己名者有二更者不出潛入別號求人改作者有先藏舊文在內而臨時取出謄寫者巡緝官軍多徇情不舉近人增府官一員進入內簾科場一應公事俱屬此輩豈不傳遞消息名曰革弊其實生奸故榜未揭而物色先定榜既揭而榜議交騰凡此弊端臣恐不特南畿為然乞勅禮部着詳行南京都察院凡差監試御史務求剛正老成之人其應天府提調並一應執事官亦必慎擇公廉端潔之士痛革

宿弊貢院墻垣並受卷等所宜增高加棘充廣遷移以杜弊源  
仍移各布政司一體禁革則真才可得而謗議自消矣命禮部  
知之○廣西都司都指揮僉事王璽以索賄毆傷屬官為巡按  
御史所劾命逮治之○太常寺少卿崔志端丁憂服闋復除原  
職○乙酉 命給晉府庶人奇潔及故庶人鍾鈺妻月糧並折  
支布絹綿花如例○戶部言今歲山東河南陝西地方年穀頗  
登其布政司並郡縣積貯衣服首飾諸物請悉鬻之以銀易穀  
為官軍俸糧及預備賑濟之用從之 命四川行都司故都指  
揮僉事蕭通之姪瓚襲指揮僉事會川衛支俸差操○丙戌○  
改註後軍都督府帶俸都督同知侯謀於前府僉書管事○丁  
亥 命巡撫陝西都察院右副都御史蕭禎之姪翔為國子監  
生從其請也○先是一日 上偶感風寒傳旨欲調理數日暫

免視朝於是大學士劉吉等具奏問安 上報曰朕今服藥疾勢暫退卿等各安心治事文武群臣英國公張懋等上奏批荅亦如之○庚寅○夜月犯天街下屋○甲午○贈皇親壽寧伯張懋故妻湯氏為安人並賜祭不為例從懋妻夫人金氏請也○南京工部等科給事中毛理等言八月十一日南京地震屋宇搖動繼而風雨晦冥雷電大作及蘇松等處夏間大水淮揚等處蝗飛蔽天此皆災異之大者伏惟 陛下去冬因星象之變勅文武大臣並科道官指陳君民利病時政得失群臣交章迭陳已蒙允納精誠上通妖星尋退此天人交感之明驗也然而災異又迭見於 祖宗根本之地豈 陛下前日之所以應天者或有未至故復示此以警動之歟切見群臣去歲所陳願陛下每御經筵俯賜清問時接大臣咨訪物情廣開言路召

用言事降詔之人禁止差官勘事取回鎮守織造內官裁省冗費罷斥邪佞馬政急務而進言以來中外仰望未聞 陛下經筵賜問某疑便殿與大臣而誅某事未聞勅勅部將言事降詔者取回某人差官勘事未蒙禁止鎮守織造內官未蒙取回凡百用度未盡減省貪瘠邪佞之人未盡罷斥 陛下因災以致警屈已以求言而與群臣所陳前事或舍之而未用或用之而未盡其何以彌災召和乎又聞 陛下臨御之初吏部侍郎楊守陳請遵 祖宗舊制開大小經筵以講學御早午二朝以聽政 陛下溫言俞允今四年之間舉行無缺誠盛事也臣等切念守陳之意以大經筵則禮法竣整早朝則侍衛森嚴君臣之間難以盡情冀於小經筵與講官從容諭說而午朝可與大臣秋曲辯議今小經筵與大經筵無異午朝與早朝不殊君臣間

隔如故豈建言者之初意乎伏望 陛下自今于小經筵初諭  
官將經史中有關於政治之大者撮其切要明白直解 聖心  
若有所疑乞加詳問于午朝初各衙門將緊切事件口奏仍乞  
少霽 天顏議其可否朝退之後常使殿時召講官及大臣講  
求義理咨訪政事如守陳之說則經筵午朝不為虛文而裨益  
多矣有災地方未稼傷害人民困窮量加賑濟議減稅糧庶免  
小民流離之苦命所司知之。丁酉 皇長子生。賜慶成王  
奉國將軍表拂賜曲王府輔國將軍奇馮誥命冠服如制賜陽  
曲王府賀縣縣主並儀賓郭纏長平縣主並儀賓段景誥命冠  
服如制。福建漳州府強賊溫文進聚徒三百余人攻劫漳平  
縣治開獄放囚燒毀民居復流劫安溪縣聚眾至三千福建守  
臣調附近衛所官軍及民兵勦捕之擒獲七十人斬首一百三

十五級敗溺死二百余人。余黨解散。守臣上其事。兵部請查勘各官功過以聞。從之。○戊戌。上復傳旨諭諸司曰。朕疾雖平。但氣體尚弱。更須調理數日。且免視朝。○己亥。直隸三屯等營及滎陽等營同日地震有聲。○庚子。陞河南按察司按察使樊營為應天府尹。吏部郎中畢亨為順天府丞。南京通政使司右參議張貢為南京太僕寺少卿。貴州按察司僉事李孟暉為雲南按察司副使。湖廣鎮巡等官勳守備施州都指揮柴暉不在任。請取回都司帶俸。仍命前守備都指揮僉事夏仕麒代任。從之。○陝西秦州及寧遠伏羌禮三縣地震。聲如雷。房屋震動。○丁丑。憲廟惠妃郭氏薨。輟朝三日。命祭葬。諸禮儀如安妃姚氏例。○賜楚府壽昌王度第四子名曰鈞。鈞韓府鎮國將軍。徵鉞第七子曰偕。偕。拓輔國將軍。徵鈞底子曰偕。淺慶成。



王府輔國將軍鍾鏞長子曰奇瀧革爵將軍鍾錡長子曰奇澣  
永和王府鎮國將軍奇洪度第四子曰表極西河王府鎮國將  
軍鍾銳庶第五子曰奇瀧。陞福建都轉運益使司同知高輔  
為本司運使。四川按察司僉事陳璉丁憂服闋復除湖廣按  
察司。壬寅 命建興王府于湖廣之德安汝正府于河南之  
衛輝蓋王府於江西之建昌。給賜宣府各路守瞭並哨操夜  
不收官軍九千四百七十二員名衣鞋各一副。給寧府故革  
爵臨川王之女並其夫之隨居鳳陽者眷屬五人月米各六斗  
柴一百二十斤歲冬衣一事。癸卯。給內府供用庫幼匠三  
百人歲各布一疋綿花一斤從太監張韶等請也

大明孝宗敬皇帝實錄卷五十五

大明孝宗敬皇帝實錄卷五十六

弘治四年十月甲辰朔孟冬享太廟。遣駙馬都尉蔡震楊偉分祭長陵。獻陵。景陵。裕陵。茂陵。遣儀賓楊淳祭景皇帝陵寢。遣內官祭恭讓章皇后陵寢。遣內官祭司并之神。初有旨命給內府上衣監匠役米饌光祿寺卿胡恭言此輩俱有本等月糧又曰支直米可無復興。上命姑依旨送用工完即止。丙午。陞詹事府詹事兼翰林侍讀學士費閏為禮部右侍郎南京都察院左副都御史李益為南京戶部左侍郎河南布政司使王宗彝為都察院右副都御史巡撫陝西。遣王寵汲奏鎮國將軍思錕思鐸思鎗奉國將軍恩綱中尉恩銳恩鉢恩綱等聽儀賓袁鏞招集惡少奪人財產筮死平人。上惡其不道命鎮守湖廣左監丞劉雅密啟遣王拘

恩錮等幽之其所集山徒即遣人往捕並袁鏞等皆問擬明白以聞不許疎漏。遼東蓋州衛地震有聲如雷。丁未。興王以銜輝瘠窪河水泛濫不可立府請改封于湖廣之安陸州從之。陞戶部左侍郎劉璋為南京禮部尚書巡撫甘肅都察院右副都御史王維為南京兵部右侍郎。廣西道遠府八寨等峒賊首韋朵旋等攻切賓州等處殺虜人眾守備都指揮僉事賈濬哨守指揮同知方圓坐守備不設各降三級帶俸差操分守左參將陳暉及哨守指揮劉銳等四員命巡按御史速治。戊申。南京廣西道監察御史李善丁憂服闋復除浙江道。己酉。命速問守分寧夏西路左參將劉紀指揮李璋周冕坐虜入寇失于防禦且符同隱匿也。賜韓府樂平王徵鈕庶弟二十名曰偕洪西德王偕潛庶第六子曰旭樞鎮國將軍範堽

庶子曰徽鑄徽銀第六子曰偕溟遼王寵沒嫡長子曰致禱慶  
成王府輔國將軍鍾鈇第三子曰奇洵第四子曰奇澗奇激長  
子曰表棚代府樂昌王嫡長子曰俊福鎮國將軍成鏢庶子曰  
聰池成鑿庶長子曰聰灝成鎔嫡長子曰聰灑晉府義寧王長  
子表槐嫡長子曰知熾鎮國將軍鍾銳第五弟鍾銘第六子曰  
奇澀鍾鏗庶第十子曰奇汪奇演庶長子曰表栢奇湏嫡長子  
曰表懷輔國將軍均欽嫡第三子曰榮隨奉國將軍榮于嫡第  
三子曰顯秘第四子曰顯署 命武平伯陳綱調揚威營坐營  
仍不妨侍衛承順伯薛勳五軍左掖坐營。庚戌。陞山西布  
政司左布政使馮續為都察院右副都御史巡撫甘肅 命故  
遼東都司署都指揮僉事何忠之弟恕襲原職廣寧後屯衛指  
揮使。辛亥。陞尚寶司少卿沈瑜為南京大常寺少卿 命

造壽汝涇榮申五王及王妃儀杖器用等物。壬子。周府安  
定王安瀾薨。王周府庶第十子母高氏。成化九年生。弘治二年  
冊封。至是。堯年十九。訃聞。輟朝一日。賜祭葬。如制。謚曰懷簡。  
陞山西布政司右布政使李憲為本司左布政使。改註金吾  
左衛帶俸都指揮僉事為興金吾右衛帶俸都指揮僉事。楊英  
于陝西都司專在寧夏領軍聽用。慶府儀賓路昇私造應禁  
軍器。訛所親陝西都指揮僉事房懷發責事。覺。巡按監察御史  
李興擬上罪。都察院覆奏命革職為民。癸丑。戶部會議  
總督漕運及巡撫官所奏事宜。一軍民買田地。收割稅畝者。畝  
出粟穀二斗。貯之本處倉。以備賑濟。一禁約順天府所轄人戶  
不許投充軍匠。一併山東益都縣青杜遞運所于精壯馬驛昌  
樂驛小舟河店遞運所于舟河馬驛掖縣城南遞運所於城南

驛黃縣城西邊運所於龍山馬驛一四川成都等府縣並建昌等衛額徵茶課積累數多久將陳璞而松茂地方常苦缺糧支給自弘治四年為始准三分之一徵本色以備賞番支用其二分及弘治二年三年拖欠未徵之數每斤徵銀二分折給官軍俸糧一兩淮運司景泰五年至天順八年逋負鹽課通免之成化元年至二十年原擬徵價銀二錢及二錢五分者止各徵其半一請令南京太僕寺歲差官印烙南直隸各州縣馬匹如太僕寺例一湖廣各府州所屬免軍糧米歲二十五萬石每石舊加耗米七斗今後每石止加耗米四斗以備折耗餘三斗每斗免與銀五分半備沿邊用度度軍民兩便一九江安慶鎮江及河南魯山等處舊設有抽分竹木廠近有司及王府亦有以修造為名私自抽分者巡按監察御史嚴禁從之 命衡州衛指

揮使王震守備永道等處平糶銜指揮使洪福守備靖州等處俱以都指揮使體統行事。刑部都察院會官審錄重囚共九十五人情真無詞者處決訴寃者許重鞠情有可矜者免死發邊遠充軍家小隨住不孝而父母息詞者杖而釋之。甲寅。陞河南布政司左參政陸淵之山西左參政陳清俱為本司右布政使河南按察司副使張曉為本司按察使。乙卯。命陝西西安後衛指揮使馬隆守備環慶以都指揮體統行事。丙辰。以皇長子生頒詔天下詔曰朕承祖宗鴻業君主華夷於今四載深惟德有未修澤下究無以安養元元恕負祖宗之付託用是夙夜憂勤勉圖化理罔敢怠違茲者荷蒙上天錫祐福慶駢臻。祖考垂休本支茂衍乃於今年九月二十四日皇后正宮誕生元子神人胥慶遐邇同膺上有以慰聖

祖母 母后之心下有以副中外臣民之望惟人心之和輯世  
道斯隆惟 宗社之靈長國本愈固詔告天下咸使聞知。大  
學士劉吉等言前日蒙發下經牌令作贊語臣等已撰寫進上  
今日又蒙發將封號令改擬臣等亦已改擬進呈但此等事  
皇上聖德清明素不聽信今忽速有此舉意者近因 聖躬久  
安 皇后產育有進祈神保佑之說者 皇上姑從其言而有  
是也臣等切思 皇上為 天地百神之主福慶嘉祥皆自天  
降何預于彼此等邪說若信以為然是役彼將希求不已或請  
降者捨禱或請塑像蓋廟一或從之外人必將驚駭建言煩瀆  
聖聽有言不從又未免為 聖德之累似此不經之事乞勿  
再聽其言 上納之賜益王順天府望軍臺地五百畝 命南  
京太僕寺卿張謀之子瑄為國子監生從其請也。兵部疏上



四川禽勦鄰境野王剛功過以聞得旨以按察司副使董齡等  
八人功多過少俱復職主簿李鑑等六人功過相等罰俸三月  
指揮胡鎧過多功少降一級通判戴琚等八人有過無功降二  
級知縣錢潤降四級典史蔣傑冠帶閑住以鎮守太監林槐巡  
撫都御史邢表巡按監察御史歐陽旦有督厲功各賞銀幣二  
表裡都指揮劉昇參政鄭齡僉事宋德有督捕功各一表裡其  
餘官兵人等有功及陣亡者給賞有差。夜月犯天陰下星。  
丁巳 聖慈仁壽太皇太后聖旦 上率親王上壽免命婦朝  
賀。賜百官宴于午門。賜各王府慶賀官員人等鈔幣有差  
。河南光山縣有紅光如電自西南往東北聲如鼓久之入地  
化為石大如斗是日光州及商城亦見火星飛其紅光有聲如  
光山所見者。戊午。黃河溢命有司量賑開封懷慶二府及

歸德宣武睢陽三衛被火之家。己未。陞山西布政司右參議王盛西安府知府徐政叙州府知府張珏俱為布政司左參政四川左參議劉道為右參政監察御史鄧庠為按察司副使盛本司政庠河南珏貴州道福建。實授都察院理刑行人于茂為雲南道監察御史。庚申。南京監察御史朱恩等上言比者災異迭見而南京一路尤甚旱澇不常軍民告病甫及秋收之際蝗蝻驟生禾稼傷殘繼又地震不寧屋宇搖動伏乞慎思災異之由善應天地之戒循名責寔因事納言遂條陳五事曰省力役曰寬征賦曰治賑頑曰稽實用曰務遠圖命下其章於所司。虜寇甘肅殺掠頗眾分守右參將都指揮僉事彭清領兵躡之獲其馬匹器械並所掠人畜鎮守太監傅惠請治失守之罪。上以清有追獲功特貸之。辛酉。誠孝昭皇后忌

辰 上祭 奉先殿。遣駙馬都尉周景祭 猷陵。雲南布政司左參政董昊丁憂服闋復除四川布政司。陞南京戶部郎中李儼為山西布政司右參議刑部員外羅昨為貴州按察司僉事。廣東萬州地震有聲如雷。禮部奏冬至節例賜百官宴 上命免宴賜以節錢鈔。甲子。賜晉府輔國將軍奇瀉誥命冠服如制 勅吏部太子太保禮部尚書丘濬兼文淵閣大學士 入內閣參預機務濬以老辭 上曰卿歷年深特茲擢用所辭不允濬復辭曰人臣竭忠以報國必於少壯之時苟時過然後用之則年力衰耄雖有可用之才決為之志亦末如之何已臣生長荒陬非有通用之才循資累考俸致極品今年七十有一古人所謂鐘鳴漏盡之時也所以懇求辭免非故為矯激以徼虛名蓋反己內省自知不足以當朝廷之重任耳

況內閣之任雖專掌詞翰實兼論思輔弼之任臣誠不才自幼亦有志用世於凡古今典章政務無不蓄於心而筆於書正以待朝廷萬一之用今幸不為聖明所棄正據所學以報國之秋也願乃累辭寵命夫豈本心哉蓋時不待人死期將至雖欲陳力就列不能也已是以捧讀手勅感激之極不覺涕零伏望皇上察由衷之詞非虛偽之讓免其職任放歸田里不勝感戴上復曰朝廷以卿學行老成特加任用所辭不允。丙寅○夜東方流星大如盞色青白自五諸侯行文餘發光如盤東北行至鬼宿○丁卯○修大廟及神宮監○陞錦衣衛副千戶樊琦為正千戶舍人樊瑤為百戶琦瑤廣德長公主子也○戊辰○貴州苗賊七千餘人攻圍楊安屯堡都指揮劉英領兵往覘之卒與賊遇互有殺傷為賊所困賊聲言秋成時直欲率

眾殺占七司地方事聞命鎮守等官率兵往援之。己巳。賜秦府商河郡君並儀賓高廷弼晉府宜陽郡君並儀賓田樸奉節郡君並儀賓張愷誥命冠服如制。禮部都給事中林元甫等言各處鄉試所請考試所請考試官多不得人致去取悉從

甚至為監臨等官所斥辱甚非賓禮儒臣之意今後請令巡按監察御史各會同京府並布按二司先期移文各處提學憲臣擇有學者應聘御史等官以禮相待除私弊糾察外其文章純駁悉聽去取不許巧立簾外五經官以奪其權如考官取士不足服人並罪其原請者禮部覆奏宜如所言。上曰今後鄉試務遵依定制事該簾內官管理者簾外官不許干預。庚午。命都察院右都御史白昂之姪垣為南京國子監生從其請也。



大明孝宗敬皇帝實錄卷五十六

大明孝宗敬皇帝實錄卷五十七

弘治四年十一月癸酉朔欽天監進弘治五年大統曆 上御  
奉天殿受之賜給文武百官頒行天下。晉府革爵方山王  
鍾鈺奏乞復爵前後凡五十餘疏不允至是復援趙府南樂王  
例以請禮部覆奏 上曰鍾鈺革爵為紊亂宗支重事與上王  
所犯不同難准復爵況又曾給米養贍何得累次奏擾仍已之  
○甲戌。降江西監察御史鄒魯李華為外衛經歷坐監試歲  
貢生員于內廷階下南向坐也魯狂誕無禮其謫官人皆快之  
○陞湖廣按察司僉事張銳為本司副使整飭銜柳等處兵備  
○真定府星隕西北紅光燭天俄天鳴西南聲如鼓又若奔車  
良久方正。乙亥。太子太保禮部尚書丘濬復具疏辭曰臣  
歷官二十餘年久循常調 陛下嗣位未經兩月即超陞禮部



尚書掌詹事府臣進所纂大學衍義補又蒙有補致治之褒既而纂修 憲宗皇帝實錄命臣充副總裁官臣以年老乞休致復蒙今朔皇朝參以終史事史成陞太子太保臣三上章乞歸未賜俞允今命入內閣治事臣再上章辭免疊蒙勉留仰惟陛下憫憫於臣如此豈不知感激圖報第以禁密論思之地天下治亂安危所係非優老養疴之所臣方年少氣銳之時亦欲奮發有為今則閱世久而歷事多始知天下之事思之非不爛熟但恐做時不似說時人心不似我機務之末一言失當一事誤行或行害于無窮況章奏字畫細眇有非心志催頹目力昏耗者之所能辯若不反己自揣而冒昧以嘗試之豈不負朝廷之委任哉臣所進大學衍義補之書平生精力盡在於是萬一或為 聖明所取每因一事輒檢一類采于十百之中用其一

二之見則雖不用臣身而用臣言受恩多矣苟徒富貴其身而捨棄其言則是臣徒竊名器冒恩典為身家計有臣如此復何用之伏望察臣血誠憫臣衰病收回成命放歸田里使得為聖世之全臣不勝幸甚 上曰朝廷用人已有勅旨卿當勉圖報稱毋得固辭○陞監察御史陸淵為按察司副使鈕清楊璉趙進俱為僉事淵廣東清遠山東進山西○以水災免蘇松常鎮太平寧國應天六府所屬並蘇州太倉鎮海三衛浙江嘉湖杭三府所屬並杭州前右二衛湖州守禦千戶所弘治四年夏秋糧稅有差 憲廟惠妃郭氏薨靈柩在墳所未葬太常寺以是月冬至妃當有祭請所用品物 上命祭用素品以後循此例行○丁丑 恭讓章皇后忌辰遣內官祭 陵寢○南京後軍都督府經歷周廣榮以考滿至京上陞陳七事一曰尚節儉二

曰公刑賞三曰贊言官四曰勸大臣五曰擇將材六曰清軍伍  
七曰翌武無命下其章于所司。虜駐牧服古北口分守少監  
田亮連遺牒者調之前後被殺者七人射傷走回者五人兵部  
言亮及把總指揮僉事張銳輕率寡謀請按其罪 命宥之令  
亮戴罪殺賊覲罰俸兩月。晉府寧化王鍾鈞狎昵太原左衛  
軍馬健遂與其妻妾通凡軍婦之有色者健每引與鍾鈞姦因  
留不遣其後軍人郝俊等不從鍾鈞提金骨朵毆殺之以此死  
者八人以他事死者又九人惡少張鑿等十一人皆附之又收  
父妻李素真為宮人與弟鎮國將軍鍾鏞不相能潛令人毀<sub>其</sub>府  
第門鍾鏞乃盡發鍾鈞諸不法事鍾鈞亦訐鍾鏞不孝嫡母僧  
服蟒衣姦通樂婦諸事又託舍餘李愷竊寫鍾鏞所訟詞令教  
授張珊造詞奏辨俱下山西巡撫等官鞠之得實詔以鍾鈞姦

收父妻強奪人妻又殘酷毒死人命數多革去冠帶祿未令戴  
頭中閹位鍾銷姦凌樂婦不能奉母蔑禮僭分革去祿米三之  
二仍俱降勅切責馬健張鑿等十一人俱處死千戶閻忠等五  
人亦坐不能止故何奉任使降一級調貴州都勻衛帶俸食糧  
差操李愷並家屬清平衛充軍教授張珊等二人下按察御史  
逮治之。晉府慶成王長子奇瀆代理府事狎昵太原右衛指  
揮僉事李學等盜關軍糧並銀絹等物軍人劉珏金榮陳賢興  
小旗沈清謀訟之百戶黃璽曠學執珏等下獄誣珏等嘗盜發  
河東郡君塚各杖之百珏等越獄逃竄等捕之獲陳賢及其黨  
朱進總旗汪脫王倫撲殺之學以清與賢共謀亦誣清盜 祖  
廟祭器清逃匿捕其妻齊氏並傭人郝朗妻傅氏炮烙之仍以  
竹籤釘其指爪傅氏死清與其子訴於朝學復曠慶成王誣奏

清從京師執以歸。其子死，別令人縊殺。清金榮越獄以出，與其弟通奏學等誣殺人命。及其家子弟與王府婚配失倫，諸不法事學執通下獄。筮死，至是死者之家各訴于官。所司具實以聞。詔以奇瀆聽人撥置，筮死無辜，七人革去冠帶，頭中讀書不許理事。齊並慶成王婚配失序，俱降勅切責。李學等十一人俱依擬處決。其效尤暴橫，侵盜錢糧，嚇搶其財物儀賓等官項倫等三十一人，納米完仍革去冠帶，閑住百戶臧繼等七人各降一級。調四川茂州衛食糧差操總旗陳子成等十人各降一級。與軍人周敬等十三人俱押發陝西涼州衛轉發沿邊墩臺守哨。○己卯。陞尚寶司司丞楊泰為本司少卿。命南京江陰衛帶俸署都指揮僉事耿麟守備河南歸德等處。○庚寅。賜秦府保安王誠潢庶長子名曰秉楨，輔國將軍誠攢庶第四子曰

東楮庶第五子曰東楮誠隱庶第三子曰東祝奉國將軍東楮  
嫡第四子曰惟煥故庶人公鉗子曰誠汶岷府黎山王膺鈇第  
四子曰彥淮晉府鎮國將軍鍾鏗庶第八子曰彥樂嫡第九子  
曰奇泝奇翰庶長子曰表栢慶成王鎮國將軍奇泝長子曰表  
標奇泝長子曰表控鍾鉞第十子曰奇浚輔國將軍成既庶長  
子曰奇瀆奇泝長子曰表程靈丘王府輔國將軍成銀庶長子  
曰聰泝韓府輔國將軍徽釘嫡第二子曰偕濞徽鈇庶子曰偕  
潛代府鎮國將軍仕婁第三子曰成錄仕聖第二子曰成錄輔  
國將軍成錄長子曰聰得成銘長子曰聰汐、巡撫南直隸都  
御史侶鍾言江南今歲水旱相仍蘇松等處低田傷于水而徽  
寧等處高田傷于旱將各府歲納紵絲紗羅綾絹絨線等件及  
皮礪硃密青綠銅鈇銀箔等物暫且停止其蘇湖二府今歲免

軍糧米請以五十萬石折價收銀石止折銀七錢軍民有願納銀入粟量給散官冠帶或紀名于籍建坊牌以表之各府縣有罪應贖者俱令納米于被災處所以備賑濟並許墾鈔關所收三年四年未解銀錢以助之。戶部覆議從之。辛巳。詹事府少詹事兼翰林院侍讀學士謝廷謝賜其母故宜人鄧氏祭葬特許之不為例。壬午。巡撫河南都御史徐恪言自古有國家者多輕東南備西北然漢之劉潭唐之龐勳元之方國珍輩往往起於東南致成大患今東南民力已竭加水軍馬突去冬又彗覆天津在東南分野此正 陛下體天心惜民隱之日伏望如即位初詔令蘇杭嘉湖等處織造內外官員匠作人等一一取回凡內府近日派出織造花樣各行停止仍令巡撫巡按等官咨詢輿情凡可以輕徭薄稅息民養兵及防微備患之

討悉聽舉行不作無益與民更始庶幾應天以實而災異可消  
上令工部通查所取回內臣以聞工部覆請已而竟不行○  
甲申○兵部疏上陝西官軍勦野王剛功過以聞命罰同知宋  
欽千戶蕭儀照磨黃福俸各三月指揮胡瓚千戶劉英各兩月  
降百戶郭武官一級前任倖殺賊副使朱漢參議翟通等支俸  
如舊賞都指揮周玉參政王哲參議耿文濬各紵絲一表裡其  
餘有功官軍並陣亡陣傷人等各給賞有差○乙酉○冬至節  
遣駙馬都尉游泰黃鏞分祭 長陵 景陵 裕陵 茂陵文  
武衙門各分官陪祭遣儀賓周鉞祭 景皇帝陵寢遣內官祭  
恭讓章皇后陵寢 上詣 奉先殿 奉慈殿 太皇太后  
皇太后宮行禮畢出御 奉天殿文武群臣及四夷朝使行  
慶賀禮 太皇太后 皇太后 皇后俱免命婦朝賀○卒忠



山後人宣德四年襲父職為羽林衛指揮同知以功累陞後軍都督僉事正統十四年守備偏頭關成化間調南京前軍都督府管事弘治初致仕至是卒賜祭葬如例。戊子。初廣東後山及增城縣徭賊流劫鄉村掠殺官軍守臣勦捕幾平賊首姚觀祖等潛適山谷復哨聚為患至是按察使陶魯都指揮馬義分討平之。分守開原右參將都指揮使崔乞致仕許之。己丑。命大寧前衛帶俸都指揮僉事金玉之弟鑑襲原職指揮使。巡按監察御史周琰奏山西戶口食鹽錢鈔請如例折收銀兩留貯官庫准給官軍俸糧戶部覆奏從之。以旱災免浙江台處金衢四府弘治四年稅糧有差。庚寅。陞整飭薊等處邊備都察院右副都御史秦民悅為戶部右侍郎提督倉場。通政使司右通政陳琬丁憂服闋復除原職。山西道監

察御史何鈞丁憂服闋復除原職 命湖廣道監察御史張西  
銘提督直隸學校。光祿寺買應用品物舊例皆預支官錢各  
行頭及吏役等因而侵欺後乃預令各行賒取報納然後領價  
各行頭復來此為姦又有游手之徒號為報頭假供應為名公  
私攘于市其于品物或刷以紅土或覆以黃袱則恣其所取官  
得其一而私倍之及進納後動輒經年方得給價遠方之人往  
往不及守候而去京師人遷延積久虧損資本況所給錢物多  
被行頭侵剋抵換至是巡視監察御史李鸞具疏前弊以為  
朝廷實惠浚于姦人舖戶被害多生嗟怨乞下禮部議今後光  
祿寺買辦各照時估本寺差官領之給與印信票帖同該縣委  
官率行頭到市平買隨即給價毋付行頭及通城減價收買不  
堪之物凡遇領價一聽提督內官驗放如舊例具數送監收給

事中巡視御史並本寺委官日逐驗放每五日一結算發該署附卷俱送副卷御史處照刷仍移交五城巡視御史令責兵馬司並行錦衣衛巡視官校一體訪察有稱報頭等名日在市街抑勒賒買者即執治其罪若被害者指實告官審明即發生理止將犯人逮問如此則官民兩便姦弊可除禮部覆奏 上從其議具議買辦供應即宜給價不許行賄用強賒買今後但有指稱報頭等名目強賒害人所司嚴以法治之。兵部疏上湖廣軍官勦野王剛功過以聞命罰都指揮許瑾華瑜俸各三月降千戶蒯瑄及知縣謝定等四人官各一級主簿董全二級賞右副都御史戴珊太監韋貴指揮使康帶絲帶有差。原任俸殺賊參議李俊僉事卜同命支俸如舊。辛卯 命崇文門宣課分司商稅兼收五等鈔以鈔一千貫為內新好鈔為一等次

折腰舒間者為二等次折腰磨動者為三等次磨動微損者為四等次損角者為五等各得二百從東廠太監楊鵬奏也。○壬辰。迤西哈喇灰等地面遣使臣撒力把刀等來朝貢賜絲段衣等物有差。○昏刻木星犯井宿東廟北第二星。○祭祀。○禮部進興王婚禮儀注一欽天監選本年十二月十六日尚冠二十一日納徵發冊弘治五年正月二十日親迎一定親納徵發冊催裝禮前一日內官禮部鴻臚寺冠服首飾金銀段疋等儀物於文樓下設玉帛案冊案節于奉天內至日早禮部設絲輿教坊司設樂于午門外內官設王妃鳳輦儀仗于絲輿之南是日早上位具袞冕詣奉先殿祭告用樂祝文禮畢具皮弁服御華蓋殿鴻臚寺奏執事官行叩頭禮畢請陞殿上御奉天殿百官具朝服先行叩頭禮左右侍班序班導引正副使先

於丹陛下正中行四拜禮執事官舉節案冊案至丹墀置案于中道傳制官傳制鳴贊贊跪正副使跪宣制曰令聘中兵馬指揮司指揮蔣敷長女為興王妃命卿等持節行納徵發冊等正副使俯伏興四拜禮畢執事官奉節案玉帛案冊案冠服等物引禮官引至午門外以冊並玉帛置于絲輿冠服等物以次陳列而行一妃家受聘禮前一日妃家設香案節案于正堂中玉帛案冊案左右相向至日禮物至妃家主婚者出迎引禮正使持節副使捧冊執事者捧玉帛至正堂各置于案正副使立于案左右冠服等物以次陳列禮官一員立於左主婚者立於右禮官曰奉制命正使某官某副使某官某為興王行納徵發冊等禮引禮主婚者詣香案前行四拜禮執事官捧玉圭玄纁主婚者先受玉圭受玄纁各授執事者再行四拜禮畢內官先以

冠服入中堂進于妃具服訖內官詣冊案跪取冊捧入中堂置  
于案引禮女官引妃出至冊案前行四拜禮跪女官宣冊訖妃  
受冊以授執事者再行四拜禮畢女執事設妃座引禮請妃陞  
座妃家應賀者行四拜禮正使副使候內官出告行禮畢持節  
出主婚送出門外正副使回朝復命妃家回奉禮物從午門  
入內官監官奏聞一照戒其日內執事設太皇太后皇太  
后御座于宮中設太樂儀仗于十陛之東西執膳內官先備酒  
金爵果盒以俟太皇太后服燕居服出樂作陛座止王服象  
冕贊引引王內東門入詣太皇太后前贊禮贊鞠躬樂作贊  
四拜興平身樂止執事者以爵斟酒立于東贊禮贊王詣前跪  
贊橋圭贊受爵執事者以爵立授王王受爵飲訖以爵授執事  
者執事者跪受以退贊禮贊出圭恭聽戒命往迎爾相用成厥

家勉帥以敬為國之先王聽戒詞訖贊俯伏興平身贊復位贊  
鞠躬樂作贊四拜興平身樂止贊禮畢贊禮引上詣 皇太后  
宮門外候 皇太后具燕居服出樂作陞座樂止王仍袞冕贊  
引引王由東門入詣 皇太后前贊鞠躬樂作贊四拜興平身  
樂止執事官以爵斟酒立于東贊禮贊王詣前跪贊進圭贊受  
爵執事者以爵立授王王受爵飲訖以爵授執事者執事者跪  
受以退贊禮贊出圭恭聽戒命往迎爾相承厥家事勉帥以敬  
無忝戒命王聽戒詞訖贊俯伏興平身贊復位贊鞠躬樂作贊  
四拜興平身樂止贊禮畢贊禮引王詣 上位 宮門外候  
上具常服 皇后具燕服陞座贊禮引王詣 上位前行五拜  
三叩頭禮引王詣 皇后前行五拜三叩頭禮畢引王出釋袞  
冕具皮弁服行親迎禮一妃受醴戒親迎日妃家先于祠堂陳

設祭物妃服燕居冠服妃父母同妃詣 祖宗前行奠酒讀祝  
禮畢執事者具酒饌于內進妃妃飲食訖父母生于正堂女執  
事引妃詣父母前各拜四拜致戒詞妃聽受訖次詣諸尊長禮  
畢改服翟衣以俟親迎一親迎其日儀衛司先設王儀仗及所  
乘輅教坊司設樂具于承天門外妃家先設王幕次于中門之  
外設香案帛案于正堂中是日王受命記引禮引王由午門外  
出典儀具服引王出承天門外跪請陞輅王陞輅儀從前導過  
御橋樂作至妃家門外引跪請王降輅導引至幕次禮官一員  
先入至廳立于東西向主婚者出見立于東西向禮官曰興王  
奉制行親迎禮引禮二人具服引主婚者迎王于幕次之內官  
二員具服引王出幕次主婚者請王入中堂王先行主婚後隨  
內官具服捧禮物入至于中堂主婚者進立堂中之左妃母立



於堂中之右東西相向王至中堂女執事二人引妃出房至于妃母之下內官引王至案前內官捧帛進王王以帛置于案內官引王稍退復位執事者徹案引禮內官導王先出至中門女輜夫舉鳳輜至于中門之內內官具妃儀仗于中門之外女執事引妃出內官跪請王詣輜所啟請揭簾妃陞輜內官啟請王陞輜前行妃具儀仗從後行王至承天門外降輜候妃至內官跪請啟王揭簾妃降輜王先行至釋皮弁服其袞冕至 奉先殿前候妃入午門陞輜將至 奉先殿降輜行廟見北一廟見是曰內官于 奉先殿陳設牲醴祝帛訖每廟楮一羊一帛二共一筐贊引二人引王二人引妃至 奉先殿詣 德祖玄皇帝皇后神御前王在東妃在西贊王與妃皆兩拜贊跪王跪妃亦跪贊揖去王揖去贊進帛執事者跪進于王右贊受帛王受

帛以授執事者贊奠帛執事者以帛奠于神御前贊進爵執事者以爵跪進于王右贊受爵王受爵以授執事者贊獻爵執事者以爵奠于神御前贊再進爵執事者以爵進贊受爵王受爵以授執事者贊獻爵執事者以爵奠于神御前贊俯伏興王俯伏興妃亦興贊復位贊王與妃皆兩拜平身次詣熙祖皇帝皇后仁祖皇帝皇后仁宗皇帝皇后宣宗皇帝皇后英宗皇帝皇后憲宗皇帝孝穆皇太后禮同前贊詣讀祝位王詣讀祝位贊跪王跪妃亦跪讀祝訖贊俯伏興平身王俯伏興平身妃亦興復位贊王與妃皆兩拜平身贊執事者捧祝幣各詣燎所贊詣燎位王與妃詣燎位贊禮畢引禮引王與妃還宮行合卺禮一合卺其日內官先于玉宮設王座于東西向設妃座于西東向各設拜位于座之南設酒案于正中稍

南置兩爵兩卷于案上執事者啟請王具皮弁服訖贊禮導王與妃至宮門贊引二人導王前陞二人導妃後陞贊請就拜位王與妃各就拜位贊王兩拜妃四拜贊請陞座王與妃皆陞座執事二人舉饌案進于王及妃之前女官司樽者取金爵蓋酌酒以進王與妃各受爵飲訖女官進饌王與妃皆舉饌訖女官再以金爵進酒王與妃皆飲訖女官進饌王與妃皆舉饌訖女官再以盞蓋酌酒合和以進王與妃皆飲訖又進饌王與妃皆舉饌凡三舉酒饌畢執事官徹饌案贊王與妃興就拜位相向就拜兩拜如前儀禮畢王從者餞妃之饌妃從者餞王之饌一朝見第二日清晨王冕服妃翟衣贊引合啟請出宮至城隍裡宮門外以俟 太皇太后服燕居服陞座引王及妃自東門入王先入妃從之贊詣 太皇太后前王立于東妃立于西宮

人以服修盤立于妃之右贊王與妃皆四拜執事二人舉案置  
太皇太后前宮人以服修盤授妃妃捧服修置于案上執事  
者舉案位贊王與妃皆四拜執事者徹服修案于東贊禮畢引王  
與妃出詣 皇太后宮前俟 皇太后服燕居服陞座贊引引  
王及妃自東門入詣 皇太后前進服修盤行禮同前畢出詣  
上位宮前俟 上位具常服陞座贊引引王及妃自東門入  
詣 上位前東栗盤 皇后前道服修盤行禮同前畢贊引引王  
及妃出是日賜王與妃宴一盃饋第三日清晨妃服翟衣贊引  
引妃出陞輿將至宮內門降輿由東門入俟膳至贊引引妃詣  
太皇太后前贊四拜尚食以膳授妃妃捧膳置于案復位又  
贊四拜禮贊引引妃退立于西南俟膳畢引妃出詣 皇太后  
前行禮同詣 上位前 皇位前行禮同一回門其日內官先

將禮物至妃家王與妃儀仗導從如常儀王先行至妃家妃父出迎王先入妃父從之至正廳王立于東西向妃父母立于西東向王于妃父母前行四拜禮妃父母立受兩拜答兩拜禮畢王坐中其于親屬見王行四拜禮王皆坐受妃至于中堂于父母前行四拜禮父母正向坐受其餘親屬見妃各序家人禮。賜國子監雲南貴州四川軍民生冬衣如例。乙未。賜代府輔國將軍成鉉成鉞成鈞成鎔奉國將軍聰濱晉府輔國將軍奇漢奇茂奇洪奉國將軍表栢表松魯府輔國將軍當漢誥命冠服如制。丙申。寄居苦峪城哈密衛都指揮阿木郎遣使臣阿力克等來貢迺西哈剌灰及他失卜刺哈孫等地面頭目原屬哈密今同寓苦峪者亦遣使之人貢禮部議謂今次給賞哈密絲段馬值等物合依近年減賞事例俟回居哈密復

仍從舊例全賞其哈刺友等使臣亦宜視哈密例給賞以慰其  
意從之。○丁酉。陞順天府府尹唐珣為都察院右副都御史  
整飭薊州等處邊備兼巡撫順天等府。○己亥。揚州衛正千  
戶劉迪之父祥原以緝獲謀歹犯人功陞正千戶迪襲職至是  
迪老疾無子其璽請督職兵部言舊職非軍功不許襲替近例  
緝獲妖言者許襲替一輩緝獲謀歹者以此妖言為重宜加一  
輩諸著為令從之。○庚子。恭順侯吳鑑定西侯蔣驥部士卒  
運內廐火余草束于別廐卒爭先入蹂死者五人。上以鑑等  
統御不嚴各罰俸三月下指揮吳欽等于刑部獄俱贖罪還職  
。○辛丑。命故儀賓黃憲過支糧未免還官從其子錦衣衛百  
戶道請也。○金吾左衛都指揮向知傳貴領軍下場馬當赴營  
揀選未至者二千余匹為保國公朱永所奏下刑部獄贖杖還

職。壬寅。○奏王陳詠自陳有風疾乞賜浴于百里外之溫泉下禮部議前無此例命止之。○賜岷府龍陽縣庄儀賓周伯進楚府寧海郡君並儀賓彭爵晉府南康郡君並儀賓羅鎮平陰郡君

大明孝宗敬皇帝實錄卷五十八

弘治四年十二月癸卯朔 上視牲于南郊。甲辰。萬全都司及直隸保安州同日地震。丁未。陞中書舍人李圻為尚寶司司丞。陞監察御史文賁為浙江按察司副使。己酉。巡撫四川都察院右副都御史邢表卒。表字居正。順天府文安縣人。天順元年進士。授獲嘉縣知縣。陞彰德府知府。調衛輝府。歷陞山東左參政。右布政使。改四川。進左布政。弘治三年。陞右副都御史。巡撫四川。至是卒。賜祭葬。如例。表有才識。所至皆克舉其職。○山東布政司庫被盜。左布政使吳岷下巡按御史逮問贖杖還職。○庚戌。臘節。賜百官宴于午門。○壬子。夜月犯天街下星。○癸丑。潘府唐山王銓鉞薨。王慎偕王嫡長子母妃宋氏。天順二年生成化十九年襲封。至是薨。年三十四。訃



聞輟朝一日賜祭葬如制謚曰榮康。以旱灾免陝西洮州衛及三十族番軍弘治三年屯糧五千四百七十三石草八千七十五束有奇。丙辰。陞陝西布政司左參政黃傑為順天府尹。代府北降郡主卒賜祭葬如例。丁巳。海西失里等衛野人女直都指揮等官密哈奴等幹蘭等衛人女直都指揮等官忽失禿等女城等衛野人女直都指揮等官木希察等奏寧等衛都指揮鬼里赤等來朝貢貂皮馬匹等物賜宴並衣服絲段等物有差。戊午。鎮守貴州太監汪惠奏苗賊七富架等僭稱王號掠都勻清平諸處請討之下廷議兵部尚書馬文升等議先調兵一萬應援如賊果猖獗則命將出師勦之戶部尚書葉洪等言苗寇出沒是其常態大兵未可輕動且貴州險遠芻粟安能飛輓於是文升等復言征討不服自古有之況臣

等所議止是增兵防守積糧待用未嘗輕許用兵若徒以借糧藉口而不增兵是不以朝廷疆土為念而以一己責任為憂非至計也 上曰苗賊恃險為惡守臣平時既不能防守有警又不能調度以致失誤事機却乃請兵掩飾科道官其記之待事寧日疏間增兵防用積糧待用皆如所議行。岷府南渭王長子膺鑑性狠戾所為多不法又烝其父之宮人人有忤者輒莖之至死或縛于柱射之男女數十人與諸弟處如仇讐嘗置毒于食欲殺之弟膺鈔妻趙美而艷膺鑑每淫于其弟婦王使膺鈔遷居以避膺鑑反倡言趙與他人通逼使自縊以滅口並莖死膺鈔生母又率人圍膺鈔第膺鈔踰牆得免奔永州府訴之復遣人奏其事 上命巡按監察御史及二司官會勘太監劉雅入府拘宮人鞠訊得實刑部議擬上聞 上以膺鑑敗南渭

王管攝膺鈔奏事亦有不實減祿米三之一被燕宮人令自盡其黨惡群小處決者一人杖一百發邊遠充軍者十五人。己未。昌平縣黃花鎮倉舊以巡檢司攝其事巡按御史疏其不便請置官吏各一人典守從之。庚申。初晉王鍾鉉私留自宮者王宏等二十四人至是自伏其罪仍乞留府應用禮部執不可請併罪其長史等官。上命逮繫宏等至京下刑部問罪長史等官以嘗檢舉宥之。夜月暈色蒼白。辛酉。賜朝鮮國弘治五年大統曆一百本。癸亥。上御奉天殿制遣太師兼太子太師英國公張懋為正使少師兼太子太師吏部尚書華蓋殿大學士劉吉充副使捧持節冊為興王妃行納徵等禮。○河南守臣以光州商城羅山近各有星變之異引咎自責以為職業不修所致並言河南當荐飢之余民困未蘇今歲雖頗

收成然中間十四州縣又有河決雨雹之災去冬今秋地復屢震臣等方圖省刑薄稅以靖地方而催督逋負之命又下糧以石計者千一百余萬皆在所徵之數其間亦多有黃故而白催者不知小民何以堪此禮部覆奏近日星變地震之事不獨河南為然而兩直隸並廣東陝西四川廣西等處亦每有此奏皆臣等不能上副委任所致懋罪又有甚于河南守臣者伏望皇上念祖宗重大之託體上天仁愛之深不以既聖自處而思臣諫之言不以四海已安而替初年之政節不經之費以惜財却異物之貢以來遠省無益之齋醮惟積誠以格天謂不急之逋負惟推恩以勤民博訪致災之由務盡弭災之實如河南積火之徵亦今日之所宜寬貸者也疏入上嘉納之○陞錦衣衛正千戶萬貫為指揮僉事並百戶萬若等世襲不為例

貫及若俱德王母之弟從王請也。西寧兵備副柯忠莊浪把總指揮使趙恂等督修邊墩防禦不謹邏卒為虜射死者五人守臣奏其事命罰忠恂俸各兩月領軍指揮陳銳等五人俱逮問。甲子。慶王遜塢薨王康王之庶子母孟氏正統十三年生天順二年封岐陽王咸化十七年進封慶王至是薨年四十四有四訃聞輟朝三日遣官諭祭命有司治喪葬諡曰莊。授進士胡易韓智童瑞為給事中易智為禮科瑞工科。英廟妃黃氏薨贈懿妃輟朝一日命喪儀從簡墳壙就宸妃等故園而營建余禮儀悉准安妃楊氏等例行。內閣大學士丘濬言禮經有之事君必資其言拜自獻其身以成其信是故君有責于其臣臣有死于其言蓋大臣進用之始必有先資之言拜命即以言為資因言而以身為獻言有不酬君必責以踐言言有不從

臣必死以成信此古昔明君督相所以交相乎契于初進之始  
委任責成既用之日卒能踐其言以成治功也如伊尹畎畝幡  
然之數語傳說受命對揚之三篇管仲與齊桓問答之事樂毅  
對燕昭命下之語韓信登壇東向之對諸葛草廬三顧之策姚  
崇入相十可之請是皆資言于先而成其信于后者也故或創  
業以垂統或繼体以守成或成伯于一國或偏安于一隅皆成  
治效于一時也臣蠢愚豈敢上比古人但所進行義補一書實  
自幼殫力竭神以成者今蒙明主不棄進臣內闈預聞機務  
臣書遭逢施用之日也請即是以為先資而備以臣一身自頂  
至踵以為九重之猷此書鑿鑿乎皆古人已行之實事非若鄭  
康成之訓經義泛濫無益王安石之假經言紛更變亂其中所  
載雖皆前代之事而于今日惠先切要之務尤加意焉臣年踰

七十鐘鳴漏盡所余無幾時否則將有後時之悔請擇書中切要之語今日可行者芟繁會綴以為奏章酌量先後次序陞續上獻乞賜御札會同內閣二三儒臣斟酌處置擬為詔旨傳出該部施行或有窒礙或姑留俟後時或發下再加研審臣決不敢護短求勝累于必行掠取一己虛名以誤國家大計 上曰謨猷入告乃大臣職任卿究心當世之務久矣今欲有言即其具疏以聞朕將采而行之○土魯番速壇阿黑麻王遣使臣寫亦滿速兒等進貢馳馬方物並獻還金印一顆城池十一座人口五百余甘肅守臣以聞具疏言哈密初服人心未定切恐群夷搖動別啟弊端瓦剌闖風或有他謀欲將取到安定王派孫陝巴先送哈密管領夷眾其甘肅各衛寄住哈密刺灰夷人陰先已送三百人于彼住守今再發精銳三百余人令肅州移

文右參將彭清等委付陝巴並頭目阿木郎等管領各量給米糧盤費差撫吏官員通事董帶軍馬護至出關至應止地方撫調赤斤罕東二衛頭目調領番兵轉送哈密併力任守其原帶家口並取到陝巴家小至日俟已安定再為發遣其所還金印宜付陝西行都司暫收候阿黑麻輸誠納款遣使進貢請勅一通量加賞賚以安慰固結其心庶與陝巴等永為和安哈密得以久安矣事下兵部覆奏以甘肅守臣所言宜從仍請勅一通發付鎮守大監傅息總兵官右都督周玉贊其先能運謀成功及陞任巡撫右副都御史馮續勉其協謀以圖後效及各嚴督守分等官操練軍馬以備不虞從之。乙丑。賜周府奉國將軍安汎安涂誥命冠服如制。夜月紀氏宿西南星。丙寅。賜晉府襄陰王奇澗嫡第二子曰表提輔國將軍奇深長子曰



表批第二子曰表樹周府沈丘王同銓庶第七子曰安漢第八  
子曰安泳汝寧王同銓庶第八子曰安膝鎮國將軍埶庶第十  
子曰同鏡子埶庶第五子曰同鑑同錄庶第二子曰安澗第三  
子曰安沂秦府鎮國將軍誠浩庶第四子曰秉毅代府鎮國將  
軍仕埶庶第十子曰成銷輔國將軍成鈴嫡長子曰聰洵曲陽  
王府鎮國將軍鍾滿第九子曰奇濼鍾鎗第六子曰奇渥輔國  
將軍奇渥長子曰表渥奇沼嫡長子曰表梹隰川王府鎮國將  
軍仕墳子曰成鑑仕埶子曰成錫。旌表六世同居一人節婦  
五人李需山西臨川縣義官六世同居旌其廬曰六世同居義  
門丁氏河南虞城縣民吳阜妻林淑貞福建莆田縣民江舜居  
妻王貞淑亦舜同縣柯澍妻林氏浙江平陽縣民杜東廉妻何  
氏廣東順德縣民李道妻俱以守寡守節並旌其門曰貞節。

禮部奏明年正旦節例賜百官及天下朝賀人等宴。上命免宴賜以節錢鈔。丁卯勅滿除在京文武官過名仍命法司移文于在外諸司。陞陝西布政司右參議高弼為本司左參政。命開中淮浙兩鹽運司及四川雲南鹽課提舉司存積鹽課二十萬引于貴州都勻清平諸倉召商納糧以備征苗軍餉。從戶部會議也。達官都指揮病故者十四員賜祭及棺具如例。戊辰。初雲南大理寺強賊周林等五百餘人先後流劫村寨守臣擒捕之兵部疏各官功過輕重以請命住俸參政劉元副使許晟等支俸如過罰指揮程珍百戶王俊俸三月指揮王鈺李漢知府任弘俸兩月土官主簿張大倫等五人俱違問降千戶楊禎等四人各一級餘有功官軍人等俟巡按御史勘報處置。先是有遺火于鳳陽皇陵山場延熾九十餘里。

燬大樹千株巡按監察御史劾中都王留守王正等下獄違問  
贖杖還職。山西行都司納粟都指揮僉事曹英私役修邊官  
軍為分巡僉事紀振所參都察院覆奏宜提問如律從之。己  
巳。改南京戶部尚書黃紘為南京都察院左都御史起致仕  
都察院右都御史秦紘為南京戶部尚書時兩京科道官交荐  
紘才望素著近以劾安遠侯柳景致仕非其罪肇慶府同知張  
吉亦抗疏論之吏部覆奏遂有是命。閒住安遠侯柳景母孫  
氏奏景所犯贓法司監迫急迫本家近復被火償納不給乞賜  
寬假 上命所迫未足者宥之刑部尚書彭韶奏曰昔唐宗元  
舅鄭光官租不入京兆尹韋澳械其莊吏宣宗欲寬之澳謂如  
此是法獨行于貧戶不可以為法竟徵足之今柳景無元舅之  
親其贓贖又非負租之比而獨得寬釋足臣等守法悞於韋澳

也。上曰業已許之矣。竟免監追景迺外戚慶雲侯之姻家也。○庚午。立春。順天府官進春。上御奉天殿受之。文武群臣行慶賀禮。以齋戒免宴。以歲暮禱祭遣駙馬都尉周景告太廟。蔡震告。懿祖皇帝。辛未。禘祭。太廟。遣大常寺官祭五祀之神。遣旗手衛官祭旗纛之神。是歲天下戶九百八十萬七千一百七十三戶。口五千五十萬三千三百五十六口。田地八百二十五萬五千八百八十一頃。田賦米一千八百九十四萬六千八百九十七石四斗七升八合二勺。麥七百九十八萬六千三百五十八石七斗九升。絲三萬六千七百零五斤七兩五錢。綿二百六十五萬二千九百四十六斤五兩三錢。絹十七萬八千六百九十七疋五尺四寸五分。布一百一十五萬一千七百七十九疋五丈二寸三分。綿花二十三萬一

千二百斤草三千五百六十八萬五千四百包米戶口鈔八千八百四十二萬六千九百八十二貫雜課鈔共九千三百九十二萬六千一十九貫折米一千四百七十二石鹽課二百四萬九千八引折米五千七百八十七石四斗折布二萬一千七百九十五疋茶課八萬九千斤屯田二十八萬九千四百八十一頃九畝子粒二百九十三萬六千七十石金銀課共七萬七千三百五十兩水銀二百二十九斤硃砂四十六斤八兩價運糧四百萬石各處運納米麥共一千五百二萬一千七十五石四斗三合四抄三撮七粟六粒減免稅糧六千九百七萬三千九百八十六石三斗草九百八十四萬三千五百六十束

大明孝宗敬皇帝實錄卷五十八

大明孝宗敬皇帝實錄卷之五十九

弘治五年正月壬申朔正旦節遣駙馬都尉楊偉齊世美分祭  
長陵 獻陵 景陵 裕陵 茂陵○遣儀賓楊淳祭 景皇  
帝陵寢○ 上詣 奉先殿 奉慈殿 太皇太后 皇太后  
官行禮畢出御奉天殿文武羣臣及四夷朝使行慶賀禮 太  
皇太后 皇太后 皇后俱光命婦朝賀○癸酉文武羣臣朝  
親王於奉天門東廊○甲戌 宣宗章皇帝忌辰 上祭奉先  
殿遣駙馬都尉楊偉祭 景陵○昏刻流星如盞色青白光燭  
地自軒轅東南行至近濁○丁丑孟春享 太廟○遣內官祭  
司戶之神○己卯以大祀 天地 上御奉天殿誓戒文武羣  
臣致齋三日○庚辰昏刻月犯六諸王星○壬午大祀 天地  
于南郊 上還宮謁 太皇太后 皇太后出御奉天殿文武

羣臣行慶成禮○以上元節賜文武羣臣假十日○癸未以大祀禮成 上御奉天殿大宴文武羣臣及四夷朝使○丙戌上元節免宴○戊子 英宗睿皇帝忌辰 上祭 奉先殿遣駙馬都尉蔡震祭 裕陵○賜土魯番阿黑麻王絳段五表裏金織衣一襲以獻還哈密城池金印也○太子太保吏部尚書王恕乞致仕 上曰卿者重職當勉副委任勿以老辭○己丑朝鮮國王李娑遣陪臣同知中樞府金自南等賀正旦賜宴并綵段衣服有差○以水災免遼東廣寧前屯等六衛弘治四年屯田子粒有差○壬辰兵部疏上福建征勦流賊官功過詔功多無過加賞者按察副使馬重等三人有功無過及功大過小重賞者署都指揮僉事沈貴右布政使蔣雲漢等三人功多過少今仍舊管事者叅政魏瀚僉事王綱等三十一人功可贖罰俸

三月者指揮使楊琬等六人功難贖罪降一級者七人冠帶間住者四人鎮守太監陳道常銀十兩巡按監察御史吳一貫綠殿一表裏○故事 社稷壇春秋祭每用鋪壇五色土二百六十石順天府民取而輸之神宮監石加八斗本府言土以飭壇義取別其方色初不以多為貴况小民取之山谷勞費不貲請著為定例庶民勞可紓而有司亦無延誤之失命工部尚書賈俊會神宮監太常寺覈用土多寡之數俊等至壇相度言常年所輸土用以鋪壇厚可二寸四分若厚止一寸則僅用百一十石而足遂以為請待旨鋪壇土止以厚一寸為度令今後但如此數辦納○癸巳兵部覆議巡撫順天府右副都御史秦民悅所奏恤災事請令順天府所屬該徵倒失寄養馬自弘治元年至三年三月者俱寬限於弘治五年內徵之四月以後至年終者



於弘治六年內徵之其永平府所屬未徵備用馬則請自成化二十三年以前每匹徵銀五兩以後仍徵十兩糞少蘓民困從之○命故內閣大學士彭時之孫崧於中書舍人寫誥一年照例除授從其請也○甲午陞南京兵部郎中鄧林為陝西布政司右參議○廣西按察司僉事李德美丁憂服闋後除廣東按察司○乙未文武羣臣太師魚太子太師英國公張懋等上表請冊立 東宮不曰茲以天眷 皇明篤生聖子臣懋等伏望 皇上早頒冊命正位東宮以隆國本以繫人心以永 皇明萬萬年無疆之休命謹奉表陳請者臣等誠懼誠忤稽首頓首上言承天立極當圓萬世之安為國建儲用繫四海之望惟天序之豫定則 宗社之永寧凡在照臨孰不忤願恭惟 皇帝陛下英明獨運慈儉躬行席 六聖之重熙荷三靈之孚佑乾

始索而得夫游宮之震坤至順而發乎前星之祥爰錫綸音已  
播揚於遐邇尚虛主鬯未定位於元良臣等重惟帝王大孝在  
繼體之得人 祖宗丕基貴承祧之有後 上帝既垂休而委  
祉兆民咸仰德以歸心伏望 皇上蔽自宸衷協於輿議當威  
陽之嘉日舉曠世之徽章肇正儲闈肆頒願冊則人神以之交  
慶社稷有所憑依益堅磐石之宗長保離明之治懋等上 太  
皇太后表曰茲以天眷 皇明篤生聖子臣懋等伏望 聖慈  
仁壽太皇太后贊襄冊命建立 東宮以承 宗社萬萬年無  
疆之統以隆國家萬萬年太平之福謹奉表陳情者臣等誠懼  
誠忤稽首頓首上言伏以 皇天眷命國祚永以無疆厚地成  
功邦本固而有慶慈教久形於風化休徵再見於虹流明詔渙  
頒歡聲齊動恭惟 聖慈仁壽太皇太后陛下寬柔恭懿端一

誠莊太妣與周誦徽音之克嗣塗山啓夏喜祇德之敬承享至  
養於 聖孫垂嘉祥於元子統傳萬世慶聲 中宮蓋壽考乎  
典章允宜正於儲位此古今之通義乃國家之遠謀臣等深切  
下情恭陳懇悃伏望俯從與議特賜俞音贊金冊之弘宣命青  
宮之登建前星拱極共承長樂之懽皎日當天式觀重離之照  
懋等上 皇太后表曰伏以坤元長育綿國祚於萬年厚德含  
弘隆本支於百世祥慶聲鍾於孫子元良宜正於儲宮仰宸慈  
之贊成慰巨民之歸戴恭惟 皇太后陛下端莊淑慎恭儉溫  
仁含飴成懼乃今日之深母益斯戴咏實當代之周姜既衍祉  
篤生乎 聖孫合據禮茂隆於國本此古今之通誼尤我朝感  
典之當遵者也臣等謹布愚衷恭陳表請冀從衆議俯賜俞音  
用昭協於聖猷早頒行夫冊命前星炳煥永固 皇明之基洪

福綿延益增長樂之壽 上批答曰卿等摠忠為國請建皇儲  
茲竇宗社大計顧方幼齡未可俞允待稍長議行○丙申南京  
都察院理刑知縣馬崑丁憂服闋授南京山東道御史○丁酉  
致仕都察院左副都御史威顯卒顯字時望直隸無錫縣人景  
泰二年進士授監察御史天順初石亨恃功驕恣顯與同列抗  
疏劾之皆下獄補外顯知東鹿縣民苦徭役不均為立九則法  
後莫能改丁母憂服闋縣民走闕下奏乞復任朝廷從之縣復  
大治亨敗以薦擢知邵武府復更延平皆有善政擢廣西右叅  
政雲南右布政使丁父憂服闋改陝西尋陞左布政使召入為  
刑部右侍郎俄調南京未行以齊魯荐饑命為左副都御史往  
撫之更弊政數事積糧至五百餘萬石陝西饑民更來就食復  
行九則法于諸郡年近七十懇乞致仕俾乘驛還鄉弘治改元

軍恩進階中奉大夫至是卒賜祭葬如例顯居官四十餘年循  
循推飭不附權要雖歷危險晚躋道要以功名終亦好文事其所  
撰述頗有林壑思致云○裁革廣西賀縣龍塘巡檢司先為守  
視 孝穆皇太后祖塋而設及孝父責事敗墳亦毀併巡司革  
之○戊戌文武群臣太師兼太子太師英國公張懋等再上表  
請冊立 東宮未曰伏以惟天惟祖宗佑皇家克昌厥後有民  
百社稷定國本當在所先慶茲主器之人育總統天之體上以  
奉九廟之祀下以繫四海之心屬茲熙辰宜行大禮恭惟 皇  
帝陛下仁軍庶類德暢重華 兩宮燕翼躬志養以無違百世  
蟬聯詒孫謀而有永治已弘矣人無間然凡諸政教之施率皆  
底績乃獨元良之請尚未正名在 皇上雖以幼冲為辭然  
聖子本以生知為德矧居嫡而居長宜克疑而克岐天縱將聖

之資不以少長而異臣存體國之義敢以煩瀆為嫌是以再竭  
悃誠必祈聽允伏望 皇上率由前規俯從衆志順天心而細  
祐貳宸極以并儲培植隆基誕播休聲於九有登閔昌祚綿延  
寶曆於萬年懋等再上 太皇太后表曰伏以慈宮地迫備衆  
福於昌辰適室日高敷重光於昭代萬年之統緒有託四海之  
人心攸歸事在當行理宜申籲恭惟 聖慈仁壽太皇太后陞  
下坤儀昭著王化資成保育 聖躬續帝業隆基之大誕生孫  
子慶 天潢派澤之長重惟經國之謀爰有建儲之議鴻名早  
正大本斯安長樂遙瞻已合詞而上請俞音未獲徒切仰于下  
懷祗循 先朝之舊章載舉今日之盛典披盡誠懇伏冀贊策  
金冊渙頒伴元良之早定褊衣垂拱享至養於無疆懋等再上  
皇太后表曰伏以位尊 太母恩已重於含飴履演 天潢

序莫先於主宅顧一時之建議實千古之良規中外傾心華夷  
懸望恭惟 皇太后陛下聰明先物淑善在躬柔德順承 先

朝久隆於壺政慈儀廣厚今時茂著于徽音乃致軒龍之鍾祥  
喜見文孫之肇育國家根本于是而隆神人依歸允矣有托據  
典禮宜正夫元良之位以嫡長允乎四海之心是以臣等合  
詞上聞未蒙俞允輿情下切再用敷陳伏望 聖慈力贊鴻猷

舉行盛事定升儲之大計家樂人懽綿保國之洪休日升川至

上批答曰預建皇儲以定國本安人心誠急先務之事須待  
年齒稍長進學成德方可舉行今茲所請姑已之○海西忽魯  
愛等衛建州右等衛并毛憐衛野人女直都督等官尚哈倒哈  
等來朝貢方物賜宴并衣服綵段等物有差○陞陝西按察司  
副使馬中錫為大理寺右少卿○命陝西都司都指揮使陶積

充右副總兵分守涼州。○己亥賜袞陵王府鎮國將軍徵鈐庶子名曰偕澳靖江王府輔國將軍相綸庶第一子曰規聘陽曲王府鎮國將軍鍾鏡第六子曰奇波鍾鏞第二子曰奇閏。○贈官人周氏為安和夫人并賜祭葬。





大明孝宗敬皇帝實錄卷之六十

弘治五年二月壬寅朔兵部以涼州永昌鎮番等處一二年以來達賊入境者數次人畜被虜者甚衆軍職降罰者數十員請速問守備協副把總提調等官都指揮朱瑄等二十八人鎮巡總兵傅惠周玉王繼亦請量示罰治且通行甘肅寧夏延綏鎮巡等官各探賊巢穴所在議所以用兵之宜上從之以協副文鍾已陞充參將免提問罰其俸二月傅惠等始育之○癸卯文武羣臣太師兼太子太師英國公張懋等三上表請冊立東宮曰伏以建儲非為私親蓋明萬世之統主器在於長子宵繫四海之心商書載以貞之文厥惟舊矣漢史傳早立之詔烏可後乎不避煩瀆再三之嫌仰希剛明主一之斷照臨所逮鼓舞惟均恭惟皇帝陛下學本誠明仁敷動植契天心而克

享法 祖德以靈承神罔怨悃物無違拒是以三靈薦祉 九廟儲休有開軒龍之祥首叶熊羆之兆九重丹詔方宣布于殿庭一日駱聲遽徧騰于海宇仰前星而呈耀覩應日之重光天意既符人情允屬伏望 皇上體天之心順人之志勿以臣下屢請為清母以 聖子尚幼為辭上奉 兩宮之懼下愜兆民之望特頒冊命早建 儲君 郊社宗祧皆于焉有所慶賴華夏蠻貊率於此得所依歸邦本不搖 皇圖彌固懋等三上 太皇太后表曰伏以太極無為妙化工之發育前星有耀增象緯之光輝 天道應而昭彰人謀從而俞集未須謙讓惟仰贊成恭惟 聖慈仁壽太皇太后陛下德並虞瞽功同周妣仁慈性厚久為宮壺之表儀保育恩深長享天厨之奉養衍本支於永茂致宗社之益安臣工協慶於殿廷風詔頒行乎海宇是宜

早正 東宮之位屢相平顯北闕之尊懿旨尚稽渴望懇懇於  
億兆懇忱交積煩言切切於再三伏乞 聖慈早垂明訓念國  
之大猷在成康不忘於遵守而事有先務雖克弊亦急於推行  
况舊章可考而具存期宸斷必從而無惑庶威禮舉于歲首儲  
副定于禁中仰止德音傳萬世而 皇圖永固欽崇聖範處重  
闈而福壽彌隆懋等三上 皇太后表曰伏以分坊齒冑尚虛  
少海之朝主器承祧宜正元良之位凡臣工之大小無不傾心  
在 母后之尊親尤為屬念此臣等葵藿之忠所以不勝惓惓  
焉者也恭惟 皇太后陛下性稟柔慈心存寬厚思齊啓聖德  
已邁乎周任舍飴弄孫心更切於漢母惟茲建儲之議已知致  
意之頻但 聖子之慮深諫諍未果仰慈宮之志定贊助惟勤  
臣等乃不避於嫌疑再懇切於陳請伏望俯垂鑒慈明示允俞

開 聖意於九重沛綸音於四海俾儲宮早定前星朗耀以增  
輝則朝野同懽紫極英安而有永益綿長樂之福祉益享威世  
之昇平 上批荅曰覽表具悉卿等請立皇儲忠誠懇切至再  
至三欽承 聖祖母聖慈仁壽太皇太后 聖母皇太后慈訓  
與輿論同茲特允請其令禮部擇日具儀以聞○命金吾右衛  
帶俸都指揮使康永充右叅將分守延綏東路○以水災免蕪  
松嘉湖等府衛糧草子粒有差其非全災者暫停徵納以三分  
為率自弘治五年為始每年帶徵一分○甲辰先是廣西思城  
州知州岑欽與田州府知府岑溥相攻欽匿泗城州知州岑應  
所總鎮等官檄應捕之欽因借兵於應仍欲親據田州應不從  
欽會飲應所遂并其子殺之已而應弟岑接佯以兵送欽至田  
州界亦殺其父子以報事聞兵部奏岑欽連年構兵積惡已甚

而應黨之從占據上林長官司及貴州鎮寧等處流禍不少今  
天厭夷禍假手相殘實地方之幸但思城州乃新設宜裁華峇  
應所占鄰壞及土官印信數多亦宜勘斷以除禍本并令岑接  
退還侵地及印信即許承襲泗城州地廣兵衆亦欲遵委頭目  
授以知州等官分管以殺其勢供乞下所司議處命總鎮等官  
用心整理不許坐失事機巡按御史仍密加訪察具奏○丁未  
釋奠先師孔子遣禮部尚書兼文淵閣大學士劉健行禮○戊  
申祭 大社 大稷○遣順天府官祭先農之神○松滋王府  
鎮國將軍恩鑑思鉞思鎗私入荊州府支歲祿遼王禁之怨欲  
抵奏遼王王發共事 上降勅責之既而儀甯袁鏞復誘恩鑑  
等招引羣小奪軍民商賈之利人苦之至有縊死者遼安王府  
奉國中尉恩銳恩鍊恩銅豪佛長陽王府鎮國將軍恩錫恩鉉

松滋王府輔國將軍恩鑑傲之同惡相濟人情騷然速王復奏其事下都察院鞠實命鎮守監丞劉雅潛啓速王即將恩鑑恩鉞恩鎗恩鏡恩鍊恩鋼等各隔別嚴禁時加關防毋令出外捕獲導引為惡者并袁鏞等擬罪以聞恩鑑等銜之欲謀殺速王王又奏之復命往勘得實上曰恩鑑等不遵祖訓招集兇徒恣肆為惡戕虐軍民又屢犯不悛罪難輕貸恩鑑恩鉞恩鎗恩鋼降庶人并家屬送鳳陽居住恩鏡恩鍊恩鋼恩鑑既無惡姑宥之革去冠服歲祿令閒住恩錫恩鏡豪埽革歲祿三之二袁鏞設謀引誘發速東三萬衛充軍導引為惡者百二十八人并家屬俱發延綏寧夏甘肅永遠充軍杖而遣之教授徐壽等三人請杖還職仍書諭速王鈐束宗室今後不許妄為是日遼王陰使人杖而誣死者八十餘人不數日速王長子及副使王瑄

之子皆無疾而死不二年遼王亦以疽發背而薨荆人咸以為  
惡念之報世之陰險害人者亦可以鑒云○夜月犯天關星○  
己酉陞鴻臚寺左寺丞孫繩為本寺右少卿以九年秩滿也○  
昏刻月犯井宿西扇北第二星○庚戌周王同龔以改妃譚氏  
無子請封其世子生母宮人高氏為次妃許之○禮部進冊立  
東宮儀注一擇弘治五年三月初八日辰時一前期一日遣大  
臣告 天地 宗廟 社稷 上親告 奉先殿一前期鴻臚  
寺設節冊寶案于奉天殿中冊東齋西節居中設綵輿于丹陛  
之東教坊司設中和韶樂及大樂是日早錦衣衛設鹵簿駕  
上具皮弁服御華蓋殿執事官行一拜叩頭禮畢鴻臚寺官奏  
請陞殿導駕官導 上陞座鳴鞭訖文武百官具朝服行叩頭  
禮左右侍班引禮引正副使入就拜位贊四拜傳制官跪奏傳



制俯伏與執事官舉節冊寶案由殿左門出置御道 傳制官  
由左門出稱有制贊正副使跪制曰弘治五年三月初八日冊  
立元子厚熜為皇太子命卿等持節行禮 俯伏與又四拜禮  
畢執事官舉節冊寶置于絲輿中黃蓋送至左順門外正副使  
北向立內官捧節冊寶由正門入至文華殿內以節置于案以  
冊寶授 皇太子行禮訖內官持節由正門出至左順門外以  
節授正副使正副使持節復命一頌詔候冊命起行鴻臚寺官  
既設詔案于奉天殿中贊頌詔翰林院官以詔授禮部官置于  
案奉迎至承天門開讀如常儀一竭告禮是日 皇太子受冊  
寶畢內侍引詣 奉先殿謁告如常儀一是日 皇太子謁告  
畢內侍引詣 太皇太后前 皇太后前行八拜禮次詣 上  
前 皇后前各行八拜禮畢回宮一次日文武百官具朝服上

表稱賀陳設如常儀 上具袞冕御華蓋殿執事官行五拜三叩頭禮畢鴻臚寺官奏請陞殿導駕官前導進表行禮如正旦儀一同日文武百官慶賀 太皇太后 皇太后表文及命婦慶賀 中官箋文共三通在午門外請命司禮監官捧進一同日文武百官上表畢進雙慶賀 皇太子前期鴻臚寺官設案于文華門至日班首捧箋置案上百官行叩頭禮畢司禮監官捧進○陞南京吏部郎中杜整為山東布政司左叅議陝西按察司僉事却文傑為本司副使刑部郎中韓紹宗為福建副使○以水災免河南歸德蘭陽儀封陽武等九州縣糧草有差○脩南京中和橋○遣戶部右侍郎秦民悅祭太倉之神○遣順天府官祭宋丞相文天祥○壬子陝西按察司僉事潘盛丁憂服闋復除原任管理榆林糧儲屯種○癸丑寧府鎮國將軍觀

鈇奏各王府自郡王鎮國將軍以下爵秩自有崇卑凡遇拜賀節令當以爵秩為序若家庭私會則以長幼先後為序禮部覆議請行各王府著為定式從之○廣西左布政使李孟暘言本省為西南邊徼所統流官州縣數僅五十實計人戶不能六百餘里特江南一大縣而已而諸司文職凡六百六十餘員靖江王府自將軍而下凡二百三十餘位桂林等衛全州等所凡二十七處歲用祿米俸糧多至三十五萬餘石每歲徭役亦不下二萬餘丁此外歲輸香藥諸物及雜出民間者不可勝算今寇盜竊發方議調兵勦捕餽運犒賞之費又不可缺頃者工部移文採辦黑鉛二萬餘斤疲瘵之民其何以堪欲乞從宜減免或暫為停徵俟境內寧謐如數補納仍乞今後諸司凡坐派物料之類酌量分減非惟民不告勞而事亦易集命所司知之○

巡按福建監察御史吳一貫等擬上龍溪縣賊溫文進等罪狀  
謂文進等倡亂一方攻破兩縣反狀已明情犯深重賊首凌遲  
處死者四人兄弟同居之人及知情故縱處斬者百一十三人  
都察院覆奏請命大理寺堂上官一員往會鎮守巡按三司等  
官鞠審如有脅從及情罪可矜疑者與之辯理毋拘成案其情  
真罪當者即依擬處決從之○甲寅時御醫王玉自陳劾勞春  
宮乞陞職吏部請逮問其罪得旨王玉免送問陞俸二級後有  
奏擾者送問不宥於是太子太保吏部尚書王恕等言 陛下  
即位之初裁革冗員太醫院堂上止留院使一員院判二員額  
外濫設者俱降御醫供事今玉又以自陳陞俸二級臣等竊惟  
當當功則天下知勸罰當罪則天下知懲玉本以傳奉陞至院  
判頃因科道建議降為御醫 陛下若聽臣等所言將玉置之

于理是為懲有罪法之正也免其送問是為宥有罪備之可也  
今既免其送問又陞俸二級是為賞有罪矣豈可乎執若臣等  
不言後來復有乞陞奏擾者却行執奏其何以服彼之心亦何  
以服天下之心欲天下不謂臣等為佞臣得乎伏望收回陞俸  
之命令玉仍以舊職供事庶不累 陛下初政之美從之○昏  
刺南京見老人星見丁位色赤黃○乙卯以水災免直隸順德  
府南和任縣秋糧馬草四分者各免一分○裁革貴州銅仁府  
照磨司獄各一員從本府烏羅長官司護印老人羅憲奏也○  
丁巳命都察院右副都御史梁璟巡撫四川以丁憂服闋也○  
己未賜楚府輔國將軍榮濟庶長子名曰顯榜樂昌王府鎮國  
將軍聰溧嫡長子曰俊楠第二子曰俊橈輔國將軍成肇第二  
子曰聰法第三子曰聰滿○命光祿寺卿胡恭之子宗閔為國

子監生從其請也。○庚申 景皇帝忌辰違儀甯周鉞發陵寢  
○內閣大學士劉吉等言經筵講學乃君上修德第一事自古  
帝王崇儒敬道必致重於斯洪惟我朝 列聖尤為慎重初經  
筵時預告 祖宗又勅儒臣充講讀官至開講之日君臣上下  
莫不齋明盛服致敬進講專心審聽凡此非徒為文具觀美也  
竇臣下藉此以盡其啓沃之忱君上資此以得其培養之益也  
仰惟 皇上初登寶位凡章學耕籍經筵意遵 祖宗典故而  
行惟經筵服色近因呈變修省 皇上間著黃袍文武大臣一  
向奉旨不敢服用紅衣與舊典稍異夫服色之間固無大較但  
人心竊疑私謂 皇上將 祖宗百年舊制一旦更改似於經  
筵之事不甚為重此臣等所以惓惓於心者也今經筵在邇所  
據文武大臣服色宜俱用紅衣如舊從之。○辛酉陞廣東韶州

府知府詹雨為廣東布政司左叅政○壬戌巡撫雲南都御史張誥清查各衛司所屯田盜報有司田二萬八千餘畝仍給還各衛屯種以復原額其民田冊內照數開豁仍請令二年一次行委管屯官員清理盜報者罪以盜膏官田過者收者仍各罰米一百石入官戶部覆奏從之○命兵部石侍郎張海之孫僕為國子監生從其請也○癸亥卯刻日生右珥色赤黃○甲子增設禮部主事一員專提督會同館時有館夫盜夷人財物從兵部奏也○直隸蘇州衛指揮使張欽以不能捕盜調湖廣永州衛帶俸差操其嫡母黃氏以年老無他子奏留欽終養許之命終養後仍調前衛○代府庶人聰洙先有旨遷居於太原府城至是其母王夫人并秉強等王及長子成錫鎮國等將軍成璽等各奏聰洙今已悔悟乞宥回本府居住其子俊林肅代惠

王長孫乞命繼祖爵或封世孫以典宗祀 上命宗親府部大臣會議謂聰洙保奉旨遷發俊杖乃聰洙為武邑王時所生庶長子揆之成憲難允所請從之既而棗強王又欲為聰洙俊杖詣闕申請 上以前議已定令諭止王勿來○乙丑賜瀋府長子勦濞鎮國將軍勦濬誥命冠如制○是日晚刻月犯羅堰上星○丙寅詔哈密故忠順王脫脫近屬姪孫陝巴襲封忠順王給賜金印冠服并護門兵器等物仍賞哈密都督同知奄克孛剌及陞都指揮使阿木即為都督僉事諭令擁戴陝巴以立國○初代府輔國將軍成鈇酗酒無賴妾及侍女被筮楚或以刀自刺死父表唱飲喪次又與嫡子成鋌爭財產數母叔周茂校尉王然胡海等入嫡母靳氏府搶奪金銀器及田約靳執杖逐之反為所毆又驅父所遺官人鬻之會州民姜福賢嘗憾其兄



福山說言福山與其親劉江薛堂等受靳氏賄為魘魅詛呪成  
鉞死且告諸官成鉞遂捕繫福山等拷掠皆自誣服堂死其妻  
劉氏走京師訟寃靳氏亦以成鉞兇惡聞而成鉞復誣奏靳氏  
不法事皆下山西鎮巡官驗治具實以請 上曰成鉞故違

祖訓為惡多端情罪深重始從輕賜勅切責降為庶人仍勅懷  
仁王嚴加約束福賢處靳茂然海各杖一百并家屬發貴州都  
勻衛充軍○丁卯命武進伯朱濂三千營坐司管操○虜入大  
同陽和衛境殺邏卒兵部請罪其哨守指揮任祥等及守備都  
指揮同知周宗曹紳奉御楊興分守右監丞楊定左叅將李璵  
命周宗等五人姑令戴罪殺賊任祥等下巡按監察御史違問  
○戊辰賜益王望軍臺地二百頃從王請也○中都留守司都  
指揮俞事徐賢以所部京操官軍秋班不到者多下刑部違問

贈杖還職。己巳以旱災免浙江金華杭州等府稅糧。有差仍免是年供用物料十分之三。○給管廣東嶺西道湖廣按察司按察使陶魯誥命總督兩廣都御史秦紘奏魯由縣丞累陞今官前後領兵垂四十年戰功甚多民賴以安賊黨怨之其父祖墳墓多被發掘親族被殺三十餘人本為保障地方乃至禍延門戶功可嘉而情尤可憫乞特賜誥命以示旌勸吏部覆奏從之。○陞義勇前衛指揮同知焦元為署都指揮僉事充右叅將分守開原。○夜北方生黑氣東西亘天。○庚午中宮千秋節文武百官命婦朝賀。○賜各王府慶賀官員人等鈔幣有差。○巡按陝西監察御史張文言頌者司禮監一再傳寫帖子令陝西甘肅二處守臣如所降圖式織絲粧絳毼曳撒數百事臣以為陛下有天下之大固當享天下之奉但所需之物徒以燕

聞之服在於得己古有惜百金之費者今織造財物非一方所能辦集而工必遠募肆皆創置其費不止數千此尤所當惜也矧陝西歲歉之餘民病未起星變地震之異徃徃有之正側身修行之日可恬不知憂而徒以葦靡為事乎夫朝廷之事必由有司而達於天下今帖子出於內監則工部之設似為無用然臣於是竊有以知 聖心必有不自安於此者故不欲令有司顯然行之進德之機實在於是擴而充之何往不善今謂宜暫停所織以其價銀振業饑民或第織十數事則一方之民可以少安亦 聖德增修之一事也工部覆奏謂文言可從有旨減所織之半

大明孝宗敬皇帝實錄卷之六十一

弘治五年三月辛未朔清明節遣駙馬都尉周景蔡震分祭  
長陵 獻陵 景陵 裕陵 茂陵文武衙門各分官陪祭○  
遣儀賓楊淳祭 景皇帝陵寢○遣內官蔡 恭讓章皇后陵  
寢○虜入宣府西河口等處殺掠人畜守臣請罪分守右叅將  
楊彪右監丞張剛及把總指揮秦鑑等五人命彪剛待虜情率  
日再議餘下巡按監察御史連問○壬申致仕左軍都督府都  
督同知趙英卒英以父功襲為臨洮衛指揮使涼州備禦累功  
進都督僉事充遊擊將軍生擒功進都督同知充副總兵鎮涼  
州至是卒賜祭葬如例○癸酉實授都察院理刑進士樊祉為  
江西道監察御史○巡撫保定等府都御史張琳奏濟沱河去  
真定府城僅數百步正當湍急之衝萬一河流泛漲則衝噬飄

蕩之患不可保欲修築瓌城堤二道其費計銀二萬六千兩有奇皆當取辦於所屬州縣乞將工部所派今歲軍需免徵庶事易成而民不困下工部覆奏從之○甲戌海西成討溫衛都指揮兀允住等貢方物馬匹為其故都督原泥援例乞賜祭許之仍賜兀允住等綵段衣服等物有差○浙江布政司左布政使徐珪乞致仕許之○南京工部奏近年各府州縣所解輪班工匠類多老幼不堪供役旋復逃去而京師無賴之徒私為雇役用是諸司赴工者往往缺少請申明舊禁移文各布政司自今須閱實丁壯具其年貌送部以憑稽驗代役者兵馬司捕執枷項一月仍誦成化外從之○乙亥京師風霾蔽天○丙子吏科都給事中張九功言邇者工部兩奉旨將新製各色絲粧絨氍毹圖下陝西鎮巡三司并甘肅鎮巡等官織造今陝西諸司動

吏婦銀收買物料往南京轉雇巧匠科買湖絲又於城中創造織房巨竊惟陛下此舉有五不可方今民力窮困一不可也災異數見二不可也邊事相仍三不可也既設織房流弊於後四不可也四方倣效奢靡成風五不可也乞追回前命以光聖德得旨絨氈近已令減半織造矣其下所司知之○虜屢入甘州樂善堡等處軍士被殺者五人虜者三人兵部請治守備都指揮朱瑄王智分守右少監紀能及提督指揮宋杲等罪命朱瑄王智紀能俱戴罪殺賊宋杲下巡按監察御史逮問○虜入大同南山墩等處軍士被掠者五人兵部請治分守太監左敬右叅將秦恭守備右監丞鄒玉都指揮僉事張鎮及哨守指揮使蔣忠等罪命左敬等四人宥之張鎮等下巡按御史逮問○丁丑賜皇子名厚頤表曰朕惟君天下莫先乎德而德明惟

明尤君道之所重故書稱堯曰光被四表易贊大人以繼明照于四方此之謂也咨爾元子皇后所生天資秀發日表英奇福慶誕鐘統承攸屬茲特賜名曰厚熜夫懋象著明莫大乎日月爾當顧名思義明於庶物察於人倫全所得天賦之正理而無或蔽極所存心體之高明而無或累擴而克之嚮明之地惟德以君文明之治惟德以成惟德以昭格上下神祇惟德以丕顯丕承謨烈允若時則四海雖廣兆民雖衆無不在於照臨之下而朕之主器永為得人 祖宗萬萬年大明之基業足以傳嗣而有光矣爾惟欽哉服此明訓○總督漕運兼巡撫都御史張璉奏直隸淮安府災乞將本府鈔關所收錢鈔折收糧米一年以給官吏旗軍月糧戶部覆議從之○命逮問應天府府尹樊綺以遲誤南京 陵廟祭祀犧牲為守備成國公朱儀等所奏

也○戊寅以冊立 皇太子遣保國公朱永祭告 天地駟馬  
都尉周景告 宗廟新寧伯譚祐告 社稷 上祭告 奉先  
殿 奉慈殿出御奉天殿遣太師兼太子太師英國公張懋充  
正使少師兼太子太師吏部尚書華蓋殿大學士劉吉充副使  
持節奉冊寶行禮 皇太子自文華殿迎冊寶至謁告謝恩禮  
成如儀去冊文維弘治五年歲次壬子三月辛未朔初八日戊  
寅 皇帝制曰自昔帝王恢弘萬世之業必建儲貳以繫四海  
之心是以根本固而國勢安人心和而萬事理朕承 祖宗丕  
緒深懷永圖預建元良以定國本惟爾元子厚賜軒龍毓秀虹  
渚兆祥岐嶷夙成偉然天日之表寰區屬望宜乎主鬯之歸茲  
特授以金冊金寶立為皇太子正位東宮夫仁以廣愛孝以奉  
先誠敬以正心修身明哲以撫世御物斯皆賴學問之功以成



而衆善之所由備良莫先乎此也爾尚服膺明訓永底于成用  
承朕萬年之統序無違益衍 祖宗垂裕之鴻休無替矣爾惟  
敬哉○以冊立 皇太子禮成詔告天下詔曰帝王統御天下  
必立儲副以定國本以繫人心斯能長治久安而綿鴻業於無  
禮也朕繼 祖宗天序登極五年夙夜憂勤恭膺 天眷元子  
厚獎軒龍毓秀資表異常福慶攸鍾華夷均戴茲者皇親公僕  
駉馬伯文武羣臣累表率籲勸請立儲朕俯鑒惻仰承 慈  
訓皆謂主器不可以久虛輿情不可以回拒事在當舉理難終  
辭爰擇日祇告 上下神祇授厚獎以冊寶立為皇太子正位  
東宮益增 九廟之光丕衍萬年之祚國家大典中外同懼宜  
敷茂恩用慰顯望所有合行寬恤事條開示于後一自弘治五  
年三月初八日昧爽以前官吏軍民人等有犯除謀反叛逆子

孫謀殺祖父母父母妻妾殺夫奴婢殺主蠱毒魘魅毒藥殺人  
強盜人命黨惡及十惡至死罪者不赦外其餘已發覺未發覺  
已結正未結正罪無大小咸赦除之敢有以赦前事相告言者  
以其罪罪之一文武官吏監生知印承差生員旗校軍民人等  
有為事見發立功運軌運灰運炭納米拘後枷號罰馬做工擺  
站煎鹽炒鐵哨瞭及充軍伴儀從膳夫等項悉皆赦免各還職  
役寧家隨住軍職例該帶俸差操者悉照原擬不許管軍管事  
文職官吏人等有犯貪淫酷暴及行止有虧者悉發原籍為民  
見被提問該發立功等項者仍候歸結一體免罪發落一文武  
官吏軍民人等自成化二十三年九月初六日以後有為事聞  
發充軍編發為民者除黨逆強竊盜搶奪失機人命賊私左道  
亂政盜闖內府財物撥置王府及真犯死罪者不赦外其餘悉

與宥免各還原銜原籍寧家隨住其為民者文職非脫逃犯賊  
及行止有虧武職非懼罪在逃敗倫傷化者俱與冠帶閒住一  
各處拖欠稅糧馬草秋青草束屯田子粒農桑絲絹門攤商稅  
戶口鹽鈔魚課茶課差發銀兩折糧諸色顏料并供用厨料果  
品等項除已徵在官外其小民拖欠未徵者自弘治二年十二  
月以前盡行蠲免見今差去催備主事等官就著回京其去歲  
各處奏報災傷曾經覆勘明白戶部奏准照例遞減仍令徵納  
者俱照巡撫巡按等官勘定分数悉與除豁以甦民困其有已  
徵在官者准作本戶下年之數有司官吏敢有將已徵捏作未  
徵者治以重罪一弘治元年十二月以前各鹽運司提舉司拖  
欠鹽課悉與除豁若有被水消折曾經風憲官勘實及折罰鹽  
糧年久追徵未完或客商失落截角退引並皆免追其竈戶煎

辦艱者有司不許科派雜泛差役一在京各營在外各邊并順  
天應天南北直隸河南山東各處軍衛有司騎操畜牧寄養走  
逸馬騾驢牛并種馬駒自弘治元年十二月以前一應虧欠倒  
失被盜埋沒等項并有例停候買補者悉皆蠲免若有已補在  
官之數照例起解交收該管人役敢有通同作弊者事發治以  
贓罪一各處額辦派辦物料除軍需供應器皿外其餘硃漆油  
麻銅絲銅青銅鐵等線翎繅梔子槐花烏梅藍靛翠毛著葉圓  
藤芒苗苕竹掃帚箒黃穰棕毛荆條蜀稽蘆葦蒲草麥穗稻皮  
松香沙葉檉麻西蒿草白水通草杉松栢榆槐檀檟棗等木猫  
筆水長節苦實心笛等竹輓篾板枋白硝雜皮水牛皮等皮阜  
絨紗水膠墨煤雜草羊毛羊角牛筋牛角礫砢瀛沙磁末毛纒  
白猪鬃雲母石餅蟬高頭潔白榜等紙白塈礬紅燒造缸釉等

土油椿磨板黑鉛紅黃銅響銅細生熟鐵金銀錫箔青碌等  
顏料野味并運河椿草灰石等項自弘治二年十二月以前拖  
欠未徵者悉與蠲免已徵在官者仍解本部并本處收貯以備  
別用一內外衙門近年坐派柴炭數多軍民出辦艱難明年以  
十分為率量減三分有司衛所解到夫價止收正數不許分外  
多收一各處先年為因災傷小民拖欠稅糧草束馬匹物料等  
項有司畏罪捏作已徵及虛文起解後雖遇赦例以在官之數  
仍前追徵不與分豁者詔書到日巡撫巡按官務要用心查勘  
是實者悉免追徵一在京在外各衙門見監囚犯有監追贓物  
未完者除侵盜包攬係官錢糧及誑騙強索人財物應該還官  
給主者照舊監追外其餘一應贓物不多者悉免追徵米係家  
道貧乏別無產業追陪者所司具實奏請定奪一在京宣課司

監收商稅官員近年收受太重以致商販阻滯人情不堪今後只照舊例監收不許分外搜求有傷治體一光祿寺供應牲口各該司府州縣有年遠拖欠除追徵見在官者仍令解納其餘未完者自弘治元年十二月以前悉免追徵及順天府磨戶拖欠光祿寺白麵見奏監追未完米係隻身貧難并逃亡死絕者悉皆蠲免一浙江福建等處歲辦銀珠近年以來礦脉微細亦有盡絕者累及百姓辦納十分艱苦詔書到日所司踏勘明白應除豁者即與除豁應減免者量數減免仍將新舊礦穴填塞禁約私採以弭弊端一各處王府及鎮守巡撫并司府州縣但有私自僉報菜戶魚戶柴夫屠戶等項終歲供辦負累小民者詔書到日即便放免若有例該僉者所司具奏定奪順天府所屬人民多有私自投充陵戶海戶及勇士校尉尉軍躲避糧差

芻粟見在入戶貧難者所司查出除本役外其戶下人丁悉照舊納糧當差以後不許私自投充一山東河南陝西等處人民近年以來有因饑荒逃往荆襄等處深山潛住不行復業者詔書到日聽各回原籍復業其撫治都御史行令沿途有司量給口糧原籍官司務加存恤優免糧差三年公私債負不許追取違者罪之一各處衛所歲造軍器并有司該造弓箭弦條自弘治三年十二月以前拖欠未完者悉皆停免其闕過并已徵在官物料聽巡按分巡官查盤見數行令如法收貯准作以後年分成造之數一成化二十三年九月初六日以後給事中御史有因言事及公錯誥誤降調外任者各巡撫巡按官查勘果有不改初心別無違犯者具名奏行吏部仍照原任京職事例量加擢用一武職總小旗自成化二十三年九月初六日以後為

事調衛者除盜關內府財物撥置親王及事關邊情特旨降調者不宥外其餘悉以原職并降定職後日還原衛帶俸差操係近侍衙門者改註在京衛分一位坐軍匠民匠在逃詔書到日限三箇月以裏首官與免本罪俱送原役衙門上工若有單丁年六十以上及未六十而篤廢疾不堪工作者所司驗實疎放丁盡戶絕者即與具奏除豁其輪班人匠除假班外自成化二十三年十二月以前失班者悉皆寬免弘治四年十二月以前失班者俱免罰工止當正班一近年以來內外營造土木之工太繁勞人傷財軍民嗟怨今後除不得已工程者限修理其餘但在得已并不急工作俱暫停止一各處分守守備等官中間有指揮以都指揮體統行事者量與署職以便行事一 太廟配享闕國功臣追封王爵者俱係輔佐 太祖高皇帝平定天



下有大勲勞之人今其子孫有不沾寸祿與編氓無異者該部查勘明白其實以聞量加恩典俾奉其祀一兩京文職五品以上以禮致仕年及七十者進散官一階三品以上被劾閒住年及七十者令致仕一文武官試職署職年半以上者與實授不及年半者扣至年半亦許照例實授以後試署者不在此例一各處土官子孫襲替除十年之外纔方具告者不准外若十年之內曾在本處上司具告展轉駁勘以致延遲雖在十年之外公文到部如果保勘明白別無詐冒者亦准承襲其不准承襲掌印土官應否改設流官鎮巡三司等官會奏定奪一內外各衙門間重歷史典詔書到日悉免重歷起送該部照例辦事滿日撥補京考以後違限者仍照舊例重歷一內外衛所在逃官軍人等限三箇月以裏赴官自首與免本罪復還職役差操有

應罰班補操者悉與寬免一勲威勢要之家有例不許霸占關  
兩渡口橋梁水陂及開設鋪店販賣鈔貫抽要柴薪勒捐擺渡  
牙保水利等錢侵害小民違者許巡城巡按并該管地方官員  
叅奏治罪行之年久人心玩易其再與申明嚴加禁約一兩京  
甲子等十庫各有額設庫夫使用今後遇有交盤庫藏進納寶  
鈔并夏月曬晾物件等項止許照舊例於各庫見在庫夫內互  
相借用不許再行順天等府倉派人夫科擾害民一在京在外  
文武官員總小旗吏典有因事住支俸糧者悉照舊關支一民  
年七十以上者與免一丁侍養八十以上者有司給與綿布二  
疋綿花二斤九十以上者給與冠帶縵身仍一體優免一丁侍  
養若有鰥寡孤獨之民有司依例存恤毋致失所在京養濟院  
收養者人給米四斗一各處孝子順孫義夫節婦曾經旌表見

在者所司各賜米一石布一疋其孝子有出仕者除在任外若有致仕閒住等項及坐監監生各衙門吏典人等亦照例給賜見在聽選官監生內有係旌表孝子者吏部查勘是實不拘資次即與通用後不為例一各處納粟養官有司須要以禮相待不許擅便差使及肆行凌虐多般勸罰擾害以致人心不肯尚義如或有犯除重罪外其餘徒杖以下止問以應得罪名不許革去冠帶以勵將來一福建兩廣雲南貴州等處近年有未獲賊徒逃避山澤者許出官自首悉免其罪有罪仍加撫恤俾安生理其執迷不獲者聽鎮巡總兵等官勦殺一天下軍民利病許諸人直言無隱於戲元良建而萬邦以貞治隆熙皞解澤降而率土斯潤化洽纖洪詔告多方咸使知悉○文武羣臣英國公張懋等上表賀冊立皇太子禮成○曰伏以作君師而相

上帝益弘建極之規立元良以貞萬邦茂衍承祧之慶仰丕  
基之有托宜率土之同歡日月增輝乾坤交泰恭惟 皇帝陛  
下法天立道主善為師孝奉 兩宮德教已加於百姓治隆五  
載仁恩荐被於八荒闡維之詠式彰麟趾之符至應瑞由中壺  
光耀前星寶冊寵頒主鬯夙歸於初震青宮肇啓承華允屬於  
少陽是誠上足以綏 九廟之靈下足以繫萬民之望臣等班  
同鵷選心切葵傾 予聖孫神奕世頌皇圖於有永天長地久  
萬年祝 聖壽以無疆無任瞻天仰聖激切屏營之至謹奉表  
稱賀以聞賀 太皇太后表曰伏以居宮闈而母天下享至養  
于兩朝閱子姓以及孫曾垂洪休於萬載 天心丕眷國本彌  
敦率土交驩含生共戴恭惟 聖慈仁壽太皇太后陛下聖齊  
坤厚慈若春溫仁包海宇以為家壽與同陵而比算乃值佩萸

之月重占統電之祥德過周姜親見斯男之太妃慶延夏啓選  
從有子之塗山采輿論之攸同謂皇儲之當建前星朗耀藉寶  
發之餘輝少海淵澄出銀潢之正派鸞旂鶴駕絢爛前陳桂殿  
椒房鬱蔥旁接瑤仙顏之載悅儼柔教之風成下以貽哲命於  
初生上以應嘉名於長樂博觀載籍所記在古誠希越有宗  
社以來自今九臧臣等恩沾俯育身際竒逢報稱心勞揄揚力  
薄聰韶音而歎舞望嵩嶽以山呼紫禁深嚴懼寸誠之莫達金  
甌鞏固祝萬歲以無疆無任瞻仰激切屏營之至謹奉表稱  
賀以聞賀皇太后表曰伏以厚載同坤夙仰慶流於有衍重  
明出震允由德合於無疆前星拱帝座以流輝下土望慈宮而  
稽首恭惟皇太后陛下姜任媿德滿汭同休作配先皇詠  
好述於昔日尊居大內享至養於當時螽斯未摮木之仁麟趾

應闡睢之化天維立子有殷斯不替於歷年帝實造周后稷乃  
誕彌於厥月矧出軒龍之正位允符襟燕之休徵喜溢重闈豈  
但含飴之有日祥儲 九廟實維主卷之得人 是皆 聖母垂  
休昌後之貞符 皇上純仁至孝之丕應也臣等躬逢盛事不  
盡下情罄丘垤之儀誠效海天之釐抃伏願統垂億世壽躋萬  
齡誦周雅之思齊天與長而地典久歌箕疇之歛福星重耀而  
日重輝臣等無任瞻仰激切屏營之至謹奉表稱賀以聞○文  
武官命婦某官夫人妾某氏等賀 中宮箋曰伏以博厚承乾  
著甯生之大德元良出震從垂統之遠猷母儀正而風化行人  
心安而國本定前星有耀車土騰歡恭惟 皇后殿下性稟誠  
莊力行恭儉禕衣早御分萬乘之勤勞珍膳畢陳助 兩宮之  
孝養車翟謹珩璜之步闈惟播鍾鼓之音弓鞬親祈高禱以祀

覽羣安寢吉夢乃占 聖嗣誕生於中闈肇自長秋之正位

皇儲請建於累疏適當旭日之重光盛事實始于今茲多儀詎非乎古若爰頒明詔均霑解澤之旁流克副輿情咸仰坤元之協濟妾某氏等欣逢大慶幸被殊恩殷廟盛而承祧以時周鼎重而主器惟長聞正言而受正訓尚期哲命之自貽弘至德而配 至尊載翼胤祚之永錫妾某氏等無任瞻仰激切屏營之至謹奉箋稱賀以聞○懋等賀 皇太子箋曰伏以震兆來亨宗社延億萬年之慶元良定策邦家仰大一統之尊 天眷非常人心允賴敬惟 皇太子殿下文明瑞世睿秀膺期日表龍姿快觀夙成於岐嶷星輝海潤爭看佳氣之鬱蔥既升西作以稱名爰闢東朝而正統芑豈有仕邑位儲祥 九重弘裕後之規 六聖篤施孫之祐宸章誕布嵩祝驪騰况正言正事胎

教正于思齊宜丕顯丕承世德長於是嗣伏願日之升月之恒  
麗正之光八表川之增岳之峙夢齡之昇千秋雖生知乃稟于  
神靈尚幼學不遺乎物善益邇尊親之教永諧民物之歸臣等  
幸觀令典之慶成竇切文華之仰戴無任欣抃踴躍之至謹奉  
箋稱賀以聞○以冊立 皇太子貽書天下各王府書曰茲者  
冊立皇子尊賢為皇太子專書奉報兼有微儀特遣某官某齋  
送用展親親之意至可領納潘王等二十三王俱銀二百兩紵  
絲八疋紗八疋羅八疋錦四段生熟絹十六疋高麗布十疋白  
縠絲布十疋西洋布十疋靖江王銀一百兩錦四段紵絲紗羅  
冬六疋生熟絹十二疋高麗布西洋布白縠絲布各六疋○以  
冊立 皇太子禮成賞兩京文武羣臣并守衛京操官軍人等  
公侯駙馬伯左右都督都督同知尚書右都御史每員紵絲二



表裏內大紅織金背一表裏都督僉事儀賓左右侍郎副都御史通政使大理卿都指揮使都指揮同知僉事錦衣衛指揮使指揮同知僉事太常光祿太僕卿府尹左右通政大理太常太僕少卿少詹事祭酒鴻臚卿順天府丞各衛掌印指揮使每員大紅織金紵絲一表裏通政司參議大理寺丞各衛指揮使指揮同知僉事春坊諭德司經局洗馬尚寶司卿少卿太醫院使欽天監正光祿寺鴻臚寺少卿每員青綠織金紵絲一表裏文武衙門五品六品七品官每員青綠素紵絲一表裏大漢將軍之為千百戶者每員紵絲一表裏各衙門七品首領官五城副兵馬京縣縣丞五官靈臺郎上林苑監監丞并八品九品雜職及國子監官每員青綠紗一疋皇親都指揮每員大紅織金紵絲一表裏指揮千百戶每員青綠織金紵絲一表裏南京守

備官及公使伯都督尚書都御史以下至給事中給賞如在京例遣官齋賜之守衛京操官軍及將軍力士校尉勇士等每人銀一兩錦衣衛左所等官尚膳監辦膳官每人絹一疋誤校軍奴并各監局軍匠太常寺犧牲所旗軍并錦衣衛力士每人米一石內府民匠光祿寺廚役尚膳監軍廚及太常寺廚役每人米七斗○辛巳陞廣東布政司右布政使劉大夏為浙江左布政使廣西按察司副使徐瑄為河南按察使○癸未授國子監生薛丕為中書舍人丕致仕南京兵部尚書薛遠之子也遠自陳嘗有軍功今年老閒居乞授丕京秩以便侍養故有是命○管中帽局事太監黃瑜等奏本局人匠逃亡數多而工作甚繁請於在京各衛及順天府所屬募取千人習學兵部議請在京各衛軍匠比舊額已逃亡過半其該管官旗或以已俸代備月

錢或以月糧覓人應役况近日軍餘已棟選送操若又募充匠役增者未必可用一旦逃去復為官旗增害矣各監局亦將比例求增何以塞其請哉宜但以逃亡之數付清軍御史嚴督有司清補庶人匠可增而官無貽累得旨命即移文清軍御史限今年十月內俱解部應役毋容情隱匿○乙酉調宣府龍門所守備左監丞陶亮于萬全左衛都指揮僉事朱永于西陽河堡以守備萬全左衛太監謝銓西陽河堡指揮使鄧林各代之亮性克戾數憑勢侮同官永不能平因事忿爭守臣劾之故有是命○陞燕山右衛指揮僉事王志為署都指揮僉事克右叅將分守密雲古北口○丙戌太子太保吏部尚書王恕等言近奉詔查勘開國功臣子孫臣等查訪得原配享功臣追封王爵者六人中山武寧王徐達開平忠武王帝遇春岐陽武靖王李文

忠寧河武順王節愈東甌襄武王湯和黔寧昭靖王沐英俱直隸鳳陽府人達玄孫浦見襲魏國公永寧又襲定國公英曾孫琮見襲黔國公共遇春子孫今在雲南臨安府文忠愈和子孫俱在南京並無官職與軍民雜處請各下所司勘報仍移文鳳陽府查勘六王子孫有無存留本府今在南京及雲南者倫序應屬何人承繼并查先年停封之故及收貯誥券勅諭之類可為證驗者悉送上本部以憑奏請從之○丁亥賜藩府融縣縣主并儀賓程聰周府北流縣主并儀賓劉鑿晉府南豐郡君并儀賓韓縉誥命冠服如制○陞四川布政司右叅政全澤為廣東右布政使○雲南布政司左叅議韓鏞丁憂服闋復除貴州布政司○以貴州都勻苗賊未靖免布按二司正官并府州縣等官明年朝覲從巡撫都御史奏也○戊子賜肅王貢餘子名

曰真泓樂昌王府和川王子曰俊撫鎮國將軍成鑿嫡第二子  
曰聰馮成錫嫡第四子曰聰浦聰渾子曰俊擣聰渾子曰俊棖  
輔國將軍聰漣嫡長子曰俊程魯府鎮國將軍陽鑿嫡第四子  
曰當獻楚府奉國將軍榮訛嫡第四子曰顯樞陽曲王府鎮國  
將軍鍾鉢長子曰奇漢鍾鍍長子曰奇泓○初各府郡王止有  
額設校尉隨侍永樂中晉定王自於三護衛官軍內奏分一所  
與其子寧化懿簡王後寧化王鍾鈞以罪革爵本所官軍亦調  
衛至是其母妃趙氏以嫡孫奇泓得旨掌府事累疏乞復留所  
調官軍 上命於正軍內改一百名為校尉以賜之○刑科都  
給事中趙竑言漕運軍士沿途艱苦舟抵張家灣又雇車轉般  
一遇霖雨即有留滯漂沒之患輸納未畢而河冰已合往往膏  
船攀債繼以逃竄其苦不可勝言請從漕司往年議疏濬城東

故河由大通橋東抵通州修理廢闌凡一闌之內令漕司或軍民造小船數十彼此轉輸不惟運士獲濟而使船賈舶亦且各蒙其惠立部覆奏謂蛻言可行第未及試驗請俟漕運等官至日暫取剝船數隻試而後用從之○己丑實授都察院理刑博士張應奎為河南道監察御史○移山西岢嵐州永寧驛于偏頭關東南靜樂縣開泥驛于寧武關之東以二關皆要害從守臣請也○庚寅刑部尚書彭韶以疾乞致仕上命在任調理不允休致○辛卯禮部右侍郎兼翰林院學士汪諧以久病乞致仕命住俸養病俟病瘳日起用○陞貴州鎮遠府知府周瑛為四川布政司右叅政陝西按察司僉事李紀為貴州副使○致仕都察院右副都御史李昂卒昂字文舉浙江仁和县人景泰五年進士授工部主事改兵部出知青州府年始三十一或

以少疑之至則百廢具舉郡中大治凡八年墾田至五十七百餘頃賑饑民百二十萬流亡復業者五萬二千五百家將滿民狀其治行三十有四事詣御史乞留之陞福建左叅政民思之不己刻像以事列邑皆建生祠其得民如此改山東進右布政使轉河南左布政使多為教條以訓飭官屬每陞右副都御史巡撫江西以盜不時滅立營僅練民兵進攻賊巢多所斬獲又請立行都司於會昌以扼閩廣之要不米行患官吏怠弛不用命痛以法繩之而無所甄別出兵部伍不戢肆為民擾以故怒聲騰起改總督漕運兼巡撫鳳陽為言官所劾尋命以本官致仕後論平賊功敕遣官賜寶鉞文贈及卒命有司治葬事賜諭祭如制昂精勤明敏有才氣遇事沛然無難然其績最著于青州至為大官聲望頓減論者謂其前後若二人云○兩廣總鎮

太監王敬總督都御史閔珪總兵官毛銳以廣西古田縣撞賊  
為梗調兵勦之分四哨以進副總兵馬俊一哨自臨桂縣入賊  
伏林菁中射之後及參議馬鉉十戶王珊等俱死事聞 上以  
賊害總兵方面此事甚大三司守土官平日既不能撫治有警  
又不能替畫俱停其俸廣西鎮守太監王應道邇誤事同哨領  
軍都指揮宋寧麻林坐視不救供革去冠帶王敬閔珪毛銳指  
示無策并巡按御史鄭惟桓各停俸三之二並戴罪殺賊事平  
之日奏凜其用兵勦賊方畧命速議行之○壬辰陞監察御史  
武清為廣西按察司副使○癸巳陞太常寺博士俞維為本寺  
寺丞○乙未山西行太僕寺卿杜儼乞致仕許之○錦衣衛鎮  
撫司理刑副千戶葉廣韓環乞改授衛鎮撫職銜以正名器  
上以廣環俱積勞年久特陞本衛署指揮僉事理刑如故○總



督兩廣都御史閔珪奏缺邊儲請疏通南贛衡永四府鹽法每引納銀五分秤出餘鹽納銀一錢貯之南雄梧州二府以備反用及將長沙衡永三府存留米均派一萬石每石折銀三錢五分通運廣西按月散為官軍行糧戶部覆議從之○巡撫永平等府都御史唐均以永平府麻谷山所掘礦砂得銀以進因言礦脈所產山谷深遠難尋况密邇虜境恐致生外患請下所司嚴私掘之禁從之○丙申賜藩府鎮國將軍銓并夫人輔國將軍勛注勳溢遼府鎮國將軍思鉅晉府鎮國將軍表掇輔國將軍奇潛奇漆奇松奇漆表裡代府鎮國將軍成鏐輔國將軍聰漆誥命冠服如制○命漕運叅將錦衣衛帶俸都指揮同知郭銘克副總兵鎮守廣西○鎮守薊州等處署都督僉事李銘以老乞罷許之○丁酉巡撫山西都御史楊澄言山西布政司

軍需庫自永樂至今所收腴襍袴鞋無慮三萬有奇惟偏頭等三關歲一支給餘軍士三歲一給共不過一千餘副計六十餘年而後其數可盡若收貯一不如法久之必壞而潞州等衛所輪戍軍士應給冬衣者凡十四萬有餘頃緣境內災傷連年未得聞支欲將前貯襍袴等如例估算折給庶官物不至虛耗而軍士得以贖用工部覆奏從之○戊戌禮部奏 皇太子既正位東宮凡諸司一應奏事各具本進啓 上命侍皇太子冠禮成日行之○封壽寧伯張璠為壽寧侯歲加祿米二百石於京倉闕支○山西鎮巡等官奏請開中河東運司弘治四年存積監十萬引召商上納糧米豆草於偏頭鳳門等處倉場以備軍需且撥太倉銀一萬兩以助之戶部覆奏從之○陞錦衣衛指揮同知陳璽為署都指揮僉事總督山東備倭○己亥以冊立

皇太子命兵部郎中艾璞充正使行人司行人高胤先充副使頒詔朝鮮國刑部郎中沈厚充正使行人董振充副使頒詔安南國并賜二國王及妃絲幣文錦等物璞等各賜衣一襲遣之已而璞等奏前此奉使二國開讀詔書者其國王俱請留詔書于本國今預乞成命從之○巡撫大同都御史侯恂以邊方未寧請存留大同府所屬州縣正官各治事免其明年朝覲從之○庚子命寧晉伯劉福鎮守薊州永平山海等處

明孝宗敬皇帝實錄卷之六十二

弘治五年四月辛丑朔孟夏享 太廟○遣內官祭司窳之神  
○癸卯琉球國中山王高真遣正議大夫梁德等來貢賜玉錦  
院等物賜德等宴并衣服綵段等物有差○西華衛靜寧寺番  
僧完卜獨向已殿等外夷好地平等燒番人南哥谷中等來朝  
貢佛像方物賜宴并衣服綵段等物有差○南京戶部郎中姚  
紹為廣西布政司右叅議監察御史甯錠南京監察御史吳珠  
戶部主事楊祥山西絳州知州董寧俱為按察司僉事錠福建  
球雲南祥山西寧陝西○監察御史李興處按陝西與巡撫都  
御史韓文相計奏文奏興陵徼方面不朝親王酷刑致死人命  
諸事命錦衣衛官往械興至京下獄復命給事中李慶和等往  
勘之得興非法害死者三十人反陵徼方面事皆實 上以興

酷暴過期命擬罪以聞刑部擬與贖杖為民 上以為未當命  
法司會官廷鞠之謂與所犯律輕情重命榮之使書錄時具奏  
以聞○甲辰命南京江陰衛帶俸都指揮僉事耿麟充叅將協  
同漕運兼守淮安○命豐城侯李璽掌府軍前衛事仍舊宿衛  
○乙巳陞湖廣常德府知府陳仲舒為山西行太僕寺卿○丙  
午命山西布政司左叅議徐莊接察司僉事羅鵬致仕以巡撫  
都御史楊澄言二人女病妨政也○丁未南京通政使司左通  
政鄭紀言三事一古者天子九鼎數數目之我朝 太廟所行  
似近簡畧今擬初獻乞 皇上自行編詣 皇祖考前連進三  
爵畢則請祝復位亞獻 皇太子長成或王親未之國者代之  
否則貴戚大臣亦可終獻則貴戚大臣或內閣儒臣亦可每獻  
數皆如初禮庶可以彷彿古人之九獻矣一孔子之祀尤宜崇

重在 憲宗朝以祭酒周洪謨言遠立加十為十二僧數加大  
為八與十二是服相稱崇重之意至矣但不加帝號者謂孔子  
同人當同周制其所謂王乃天之王非國王之王恐未為通  
論夫孔子雖生于周而封王實始于唐周無帝號故有天王之  
稱唐既有帝號則當時所謂王不過國王而已使孔子封于周  
目為天王可也既封于唐為可以周制誣之邪乞推 憲宗崇  
重之心易其王名加以帝號不然則章服禮樂又以借用何以  
安先師在天之靈乎一聖賢之教所以明人倫而人倫莫先于  
父子趙淵曾參子思實賴路曾曾孔鯉之子子生殿上父列兩  
廡若事死如生之道不如是也縱三父歷于聖門之品第限于  
列代之封命無所顧望其三子之心豈乎今國子監文廟戟門  
旁北向之生米元以來從祀諸儒多生其中乞移置于兩廡之

東面相向而以路暫經牌位補其處通行天下皆做此制既與孔子偏正不相妨又于配哲尊卑不相壓處公私恩禮兩盡而無嫌矣孤入下所司知之○旌表孝子六人八世同居一人節婦十一人許本忠直隸懷遠縣人父殘廢墓季表陝西澄城縣人吳宗周直隸寧國府學生史經河南祥符縣人周府儀賓俱母殘廢三年然後歸王綏直隸潁上縣學生祖母徐父良相雖殘並產其墓張全直隸鳳陽衛軍母病為齋天求以身代每叩出血後母病果愈人以爲孝感所致俱旌其門曰孝行王王直隸秦州人世業醫自始祖谷福至王八世共覺人無間言旌其門曰八世同居義門陳氏直隸東鹿縣民賈濟妻封氏直隸武平衛軍李鼎妻聶氏四川岷縣學生車陸妻趙氏直隸壽州民常壽妻周氏湖廣九谿衛千戶王昇妻徐氏昇本衛軍李

信妻樊氏直隸宿遷縣民高選妻范氏江西豐城縣民丁紳妻  
李氏紳同縣民陳志純妻俱少寡守節終始無玷旌其門曰貞  
節李氏四川嘉定州人布政使梅應魁妻任氏應魁子新妻俱  
守節無玷旌其門曰雙節○銓註密雲後衛都指揮僉事毛政  
于山東都司濟陽衛都指揮僉事卓嵩于江西都司俱僉書官  
事○戊申陞戶部郎中繆昌馬山西布政司左叅議○調五軍  
園子手坐營應城伯孫繼先管鼓勇營以彭城伯張信代之○  
庚戌賜崇府隆平郡主并儀賓王宣東光郡主并儀賓韓繼宗  
晉府感恩縣主并儀賓却公旺全谿縣主并儀賓呂鼎荏平縣  
君并儀賓張質遼府泰寧郡主并儀賓黃昂秦府隴水郡主并  
儀賓克東并誥命冠服如制○寧夏地震命武城中衛指揮  
使高瑛守備歸德武平地方以都指揮體統行事○癸丑壽寧



侯張密之妻之兄金贊卒贈錦衣衛百戶再賜之祭不為例○  
甲寅時以冊立 皇太子賞眷臣下而差遣無門籍者不預監  
察御史閻价以爲言下禮部議於是自冊立以後頒賞以前其  
間公差初回與未行反核命承委分幹在京諸務者雖無門籍  
亦得沾賜焉○袁王祐村喜以清明節出城祭掃先墓諭四日  
始歸既而自陳請罪禮部覆奏謂本府長史導官不能以禮匡  
正宜治以罪第犯在軍前請姑宥之仍請降勅諭王令今後再  
欲出城祭掃須差人具奏得旨乃行從之○命加鎮守荊州等  
處寧晉伯劉福爲總兵官凡武臣不佩將軍印者不得稱總兵  
福以伯嚮出守後例以請從之并給總兵關防○乙卯徽府紀  
善襲天錫奏本府有不遵 祖憲二十一事已差官區處禮部  
覆奏 上命司禮監太監李榮駙馬都尉周景齋勅諭王使之

自新所奏事體柔等適宜改正其違揣掩置犯人解京問罪既  
而王亦自疏服罪且辯天賜所奏之誣命并行柔等處之○丙  
辰 仁祖淳皇帝忌辰 上祭 奉先殿○丁巳 上以天氣  
炎熱命兩法司錦衣衛將見監問罪囚各罪無干證者釋之徒  
流以下者減等登落重罪情可矜疑并枷號者具奏以聞於是  
免枷號者五人○偏頭關地震 戊午韓府襄陵王範止奏乞  
收買淨身人不允○代惠王夫人王氏并東強王長子成錫鎮  
國將軍成瑩等奏樂昌王署理代府事不便乞宥庶人臆沫并  
封其子俊林嗣代王以奉祀事禮部會議覆奏 上曰臆沫所  
犯不法本難輕宥但閩府奏保姑從宥命為革爵武邑王仍居  
太原帶間住封俊林為長子管代府事樂昌王令回本府自此  
更不得預代府事○致仕太子少保禮部尚書鄂幹卒字宗盛

浙江餘杭縣人父濟永樂中為少詹事 仁廟于春宮甚被禮遇餘初生即遣補應天府學生命月食米一石終其身餘正統四年進士初授兵部職方司主事歷陞武選司員外郎郎中 英宗北狩京城戒嚴餘超遷本部右侍郎凡宸繁應變或不侍奏報而行一日鄉民萬餘欲避虜城中呼號求入守者難之餘曰賊以衝民有急而拒之非計也於是力主開門衆獲以濟景泰初改禮部尋奉命往山西考察官吏人服其公通河南鳳陽等處大水命往賑濟奏免稅糧若干萬石督理易州山廠能祛宿弊居三年召還治部事陞左侍郎天順初尚書胡濙致仕去諸典禮悉從餘詳定 英廟常有不期問餘掩口對 英廟不悅坐是久不遷成化二年巡撫畿內漕南京禮部尚書旋改禮部加太子少保累乞休命馳驛以歸月給米二石歲給徒夫四

人弘治間浙江歲飢餘具疏聞奏 孝廟嘉其憂民勅有司備  
羊酒練段勞之比至而餘已卒年八十四訃聞輟朝一日賜祭  
葬贈太子太保謚康靖餘體貌瀟然若不勝衣清慎自持終始  
不變士論多之口致仕南京禮部尚書黎淳卒淳字太樸湖廣  
華容縣人天順元年舉進士第一授翰林院修撰初修大明一  
統誌成化二年秩滿陞左春坊左諭德三年 英宗實錄成進  
左庶子十三年修續資治通鑑綱目成遷詹事府少詹事兼翰  
林院侍讀十四年陞吏部右侍郎二十二年改南京吏部二十  
三年滿九載遷左侍郎加正二品俸弘治元年陞南京工部尚  
書尋改禮部又三年以疾得請致仕至是卒年七十賜祭葬如  
例謚文僖淳性耿介寡與人合惠派俗奢侈凡婚喪燕飲皆有  
則其取予不苟有門生尸華亭以紅雲布寄淳不受即書封識

上曰古之為令拔荼植桑令之為令織布添花吾不用此妖服也厚剛簡嚴重有大臣體臨事議論激而不隨然避遠形跡過於畏慎詩文閑博為時所稱子民牧民表皆舉進士○庚申工部尚書賈俊乞致仕 上曰卿操持勤慎委任方隆不允所請○遼東蓋州地震二次有聲○辛酉巡撫四川都御史邢表言故翰林學士永晉家濂在 太祖時教沃之益既多制作之功尤著蓋一代之元勳也當時以坐孫景琦四川之茂州行至夔州病卒權厝蓮花池山下雅嘗改葬未荷殊恩乞復其舊官顯加贈謚仍勅有司於葬所春秋致祭庶見 聖朝憫念儒舊之意命下其言于禮部○壬戌 仁祖淳皇后忌辰 上祭奉先殿命南京刑部右侍郎徐懷之子璋為國子監生從其請也○授保國公朱承子暉為錦衣衛勳衛從其請也○癸亥陞

監察御史黃裳為四川按察司副使許銳為山西僉事○復除  
福建按察司副使汪進于山東陝西按察司僉事李旻于陝西  
俱以丁憂服闋也○太子太保吏部尚書王恕乞致仕 上曰  
卿朝廷老臣當勉副任用不允休致○加保國公朱永祿米歲  
五百石本色折色中半兼支以永自陳功伐故也○賜各王府  
及天下諸司慶賀冊主 東宮人員練陵鈔錠有差○晉府慶  
成王府革職驍國將軍奇澗之子表鏡等詣闕請封禮部言革  
職將軍子女無授封例且改建 祖訓禮自東京請如例應付  
遣回仍勅晉王及慶成王約束之并遠問其輔導等官及本處  
守城官軍并所過閩津之文察者從之○順天府香河縣兩寬  
傷禾○甲子賜晉府驍國將軍奇澗嫡長子名曰表枕魯府安  
丘王當遜庶第二子曰健稅嫡第三子曰健行驍國將軍當洄

庶長子曰健待當汝嫡長子曰健行輔國將軍當洞庶第二子  
曰健楮當汝庶第二子曰健楮趙府鎮國將軍見洛庶第四子  
曰祐楮見津嫡長子曰祐柵襄垣王府鎮國將軍成入嫡第二  
子曰聰泳樂昌王府輔國將軍成嫡第二子曰聰瀉靈丘王府  
鎮國將軍成統第四子曰聰瀆汝府鎮國將軍詮謹嫡第三子  
曰勳消陽曲王府輔國將軍奇涂庶長子曰表楮靖江王府鎮  
國將軍相勉庶次子曰規柵西河王府鎮國將軍禮勅第六子  
曰奇泳○禮科給事中王綸以災異言三事一請思所以致災  
之由而誠于祭告一請絕龍船燈火之戲而慎於浪費一請禁  
齋醮戒壇之妄而屏去異端入上納之曰事當省察減省  
者朕自處置祭告業約如例行○乙丑禮部以自春至夏雨澤  
少降奏教父茂請命順天府祈禱從之○山東莒沂二州及安

丘却城縣兩寬大者如酒杯傷人畜損禾稼。○丙寅命湖廣按察使張撫與雲南按察使林俊兩易其任以巡撫湖廣都御史謝綬言撫清慎有餘才堪治簡請更之吏部覆奏謂俊可與撫更任故有是命。○管理易州山廠工部左侍郎潘禮乞致仕許之仍進階曰善大夫給解以行。○賜岷府江川王音璽洪武正韻諸司職掌各一部從其請也。○唐府潞水郡主率賜祭葬如例。○丁卯賜晉府輔國將軍奇澈鎮國中尉表楷楚府奉國將軍榮清趙府輔國將軍祐編鎮國將軍祐祀秦府鎮國將軍秉搜誥命冠服如制。○戊辰理先祿寺寺丞李榮為本寺少卿





明孝宗敬皇帝實錄卷之六十三

弘治五年五月庚午朔○壬申賜周府鄆陵王嫡長子安沅輔  
國將軍安進并各夫人代府輔國將軍成綱成鉅奉國將軍聰  
塗聰訢誥命冠服如制○烏思藏聞教王遣番僧來貢一從洮  
州路一從四川路禮部議謂烏思藏例該三年一貢今來自洮  
州者是弘治四年該貢之數其來自四川者請准作七年貢數  
至七年免來其回賜王綵段表裏及給賜二起番僧紵絲食茶  
等物并請如例從之○四川烏蒙軍民府土官知府祿溥及烏  
撒軍民府土官知府安得道舍人朝覲後期始至禮部請從減  
例給賞從之○登高加兵部尚書馬文升工部尚書賈俊太子  
少保文升等具疏辭俱不允以督工營建 太廟後殿落成也  
○四川石柱宣撫司土官宣撫馬徵貴州金沅安撫司署事舍

人金福慶各遣使負馬賜絲段紗錠有差。○甲戌端陽神賜百  
官宴于午門。○乙亥百刻金星晝見于申位。○丙子禮部以  
左廟後殿成進奉安。德祖皇帝后神主儀注。一。是月十七日  
辰時奉遣德祖皇帝皇右神主于後殿安奉。一。前期一日。太  
廟及德祖皇帝皇后各遣官一員祭告。一。前期三日。太常寺  
奏致齋祭祀。一如歲暮禋祭。行禮陳設如常儀。一。是日祭畢  
上親奉德祖皇帝皇右神主於太廟後殿安奉。太常寺官  
導引如常儀。一。德祖廟牀幔儀物內府及各該衙門先陳設  
如儀。○己卯。太祖高皇帝忌辰。上祭奉先殿。魏國公徐  
備承命祭。孝陵。○孫清陽堡并遼陽殺賊功官軍陞一給者  
三人。賞者二十六人。○韓府襄陵王範。以冊立。東宮請自  
詣闕稱賀。上賜書諭止之。是後各王凡有請者皆然。○庚辰

禮通政使司右通政陳琬為本司左通政左叅議杜明為右通政○辛巳 仁宗昭皇帝忌辰 上祭奉先殿遣副馬都尉游泰祭 獻陵○禮太僕寺卿曾鑑為工部右侍郎管理易州山廠柴炭○給事府故輔國將軍張洙夫人傅氏食米歲五十石○致仕太子少保禮部尚書鄒幹上疏言浙西水旱相仍民窮盜起請行錫恤之政 上曰鄒幹雖致仕年若尚能為國憂民忠愛可嘉浙江布政司其具羊酒綵段即其家慰勞之幹具疏時尚無恙至是已卒於家矣○內閣大學士丘濬言臣前此上疏欲將臣所進大學衍義補書中所載切要之務陸續陳獻奉旨卿欲有言具奏來看臣見本書內備規制下圖籍之儲有云人君為治之道非止一端然皆一世一時之事惟所謂經籍圖書者乃萬年百世之事是皆自古聖帝明王賢人君子精神心

術之微道德文章之懿行義事功之大建置議論之詳今世賴之以知古後世賴之以知今者也凡歷幾千百年而後至於我今日而我今日不有以修輯整比之使其至今日而廢墜故先高後之人推厥所由豈不歸其咎於我哉是以自古帝王任萬世之道之責者莫不以爲先務我太祖高皇帝肇造之初庶務草創日不暇給首求遺書于至正丙午之秋是時猶未登寶位也既平元都得其館閣秘藏而又廣搜于民間沒入于罪籍一時儲積不減前代然藏書數多不無亂雜積塵年久不無鼠蠹經該人衆不無失散今內閣儲書有匯書目有簿皆可查考乙勅內閣大學士等計議量委學士并講讀以下官數員督同典籍等官檢典與史班班人役等逐厨開盤持書目一一比校或有或無或全或欠所欠或多或少或分爲經史子集四類及雜

書類書二類每類若干部部若干卷各類總數共若干要見實在的數明白開具奏報又以木刻考校年月委官名銜為記識於每卷之末主為集卷永遠存照臣竊惟天下之物雜奇珍異實既失之皆可復得惟經籍在天地間為生人之元氣紀往古而示來今不可一日無者無之則生質窮矣如在冥漠中行矣其所聞係豈小小紕民庶之家遺使不常好尚不一既不能有所廣儲雖儲之亦不能久所賴石渠延閣之中積聚之多收藏之密為籙之固類聚者有掌故之官闕略者有繕寫之吏損壞者有修補之工散失者有購訪之令然不至於涸爛散失爾前代藏書之多有至三十七萬卷者今內閣所藏不能什一數十年來在內者未聞有所考校在外者未聞有所購求臣恐數十年之後日漸損耗失今不為整治將有後時無及之悔伏望體

聖祖詔求遺書之心任萬世斯文在茲之責毋使後世志藝文者以書籍散失之咎歸焉不勝千萬世儒道之幸臣所進大學衍義補一書其間條目雖多然皆一代一時之事惟此則萬世之事故首以此上請而條列合行事宜于後一自古藏書之所非止一處漢有東觀蘭臺鴻都等處唐有秘書監集賢書院等處宋有崇文館秘書省等處我朝稽古定制罷前代省監館閣掌書之官併其任于翰林院設典籍二員掌凡國家所有古今經籍圖書之在文淵閣者永樂中遣翰林院修撰陳循往南京起取本閣所貯古今一切書籍自一部至有百部以上各取一部北上餘悉收貯封識如故則是兩京皆有儲書也今天下書籍盡歸內府兩京國子監雖設典籍之官然所收掌止是累朝頒降之書及原貯書板別無其他書籍其官指於虛設請於內

閣見存書籍內查有副之本各分一本送兩京國子監典籍廳收掌仍勅南京內外守備大臣會同南京司禮監禮部翰林院官查盤永樂中原留南京內府書籍有無多寡全欠具疏奏知量為起取存留分以轉補其止一本無副餘者將本書發下國子監勅祭酒司業行取監生抄錄字不必工惟取端楷隸畢散堂數官校對不許差錯每卷末議以謄寫監生校對官銜名其師生只照常例俸廩別無支給後次差撥如常合用刊字摺背刷印匠作及紙筆之費行各干衙門量為撥辦不限年月書成裝釘陸續送兩監典籍掌管如此則一書而有數本藏貯而有異所永無疎失之虞矣一祇 太祖高皇帝聖德神功紀出萬古帝王之上御極三十年多有制作皆出自宸衷御札非若前代帝王假手詞臣之比也今頒行天下者惟 皇明祖訓大誥



三編大誥武臣消世通訓御製詩文雅已編輯刻板藏在内府  
天下臣民得見者尚罕今編類在内閣書目者有御註洪範御  
註尚書御註道德經文華寶鑑昭鑑錄及盛事鑑存心錄精誠  
錄省躬錄志成錄永鑑錄忠義錄為政要錄彰善澤惡錄武臣  
繼戒醜簡要錄務農桂蠶簡要錄女戒務本之訓等書是皆  
我 聖祖精神之所運心畫之所形手澤之所沾溉者也存之  
足以範百王垂之足以繼萬代其間雖或有成于衆手何者不  
本于 聖心若夫所謂 大明帝紀皇明實訓大明實訓洪武  
聖政記大明日曆等書則又當時儒臣集成卷帙者也今皆藏  
在内閣天下臣民無由得見臣竊惟前代帝王有我 聖祖制  
作之一二為其子孫者莫不萬之琬琰頒布天下傳之將來以  
為其父祖揚名而我 聖祖之功之德萬世如見固不假手言

語文字以傳然 聖子神孫繼述之孝駒揚之心則有不吝已者臣請勅內閣大臣督鉤翰林院官屬將秘閣所藏已成編卷者逐一校對無差雕印頒行若其辭語近質不可行遠卷快浩繁難以盡布請如洪武六年翰林學士唐同宋濂等纂集日曆以爲實訓事例做唐人貞觀政要體製將前項書籍採其首要舉其宏綱分門別類以成一書命工刻梓頒布天下岳憲後世俾學校用以教人科舉用以取士朝廷用以資治則 聖祖之聖德神功與六經而並行同天地而長久矣一漢唐宋創業之君承亂離之後莫不先收圖籍中世以後稍有散亡遺闕輒遣使分行天下括訪彙賞以購之授官以酬之雖以五代亂離之世尚且不廢况今百年承平內外無事國家猶有餘力採輯佛道之書以爲藏經雖以良梓鈔以文綾編賜天下寺觀儲以聚

紅函匯載以金碧輪藏况此儒家經訓書籍乃自帝王傳心之  
要道經世之大典天地山川人物風俗之所存禮樂刑政制度  
文為之所具烏可吝纖微之費而不為經久之計以貽千古之  
永嘆哉臣請勅內閣將考校見有書籍備細開具目錄付禮部  
抄謄分送兩直隸十三布政司提督學校憲臣榜示該管地方  
官吏軍民之家與凡官府學校寺觀并書坊書鋪收藏古今經  
史子集下至陰陽藝術稗官小說等項文書不分舊板新列及  
抄本未到者係內閣開者目錄無有者及雖有而不全者許一  
月以裏送官其有王府處放知府縣多方差人詢訪設法蒐采  
期于盡獲無遺行仰所在有司將各處減罰赦創并給官錢措  
辦筆墨之費分散各處儒學生員騰寫惟取成字不拘工拙但  
不評潦草失真冠令各學教官校對既畢以原本歸主不許損

曠不遺其所得書目先行開具陸續進呈通行各處互相質對  
中間有重複者止令一處抄錄錄畢裝成卷帙具本差人類解  
京一自古帝王藏國子至石室之中蓋以金石之為物堅固耐  
久非土木比又能扞格水火使不為志有天下者斷石以為室  
錫金以為曆凡國家有秘密之記精微之言與凡典章事跡可  
以貽謀傳遠者莫不收貯其中以防意外之虞其處心積慮可  
謂深且遠矣後世徒有金匱石室之名而無其實與守雖設官  
藏貯雖有所無禦災備患之具不幸一但有不測之事出于  
常慮之外遂使一代治體之功人文國典因而失散後之秉史  
筆者無所憑據往往求之於草澤訪之於傳聞簡牘無存真贗  
莫辨非但大功美政不得記載而明君良臣為人所誣捏者亦  
多有矣是以古之君子憂深思遠者恒於無事之時為先事之

慮當平寧時無故而為急切之語固若不識忌諱者然原其心則不失為忠愛之深仰惟我朝得國之政三代以來所未有也列聖相承永平百餘年聖德神功如天地日月覆手燠然所以傳之天下後世者惟翰手實錄之書今內閣所藏者 太祖高皇帝實錄一部二百五冊實訓十五冊 太宗文皇帝實錄一部一百三十四冊實訓十五冊 仁宗昭皇帝實錄一部二十冊 宣宗章皇帝實錄一部一百十六冊實訓十冊 英宗睿皇帝實錄一部三百六十一冊實訓十二冊 憲宗純皇帝實錄一部二百九十三冊實訓十冊與夫藏在內閣每朝又各一部此外別無他本夫既無金石藏書之具又無名山藏副之制臣愚過慮欲乞朝廷於文淵閣近便去處別建重樓一所不用木植專用饒石系砌為之如民間所謂土庫者按

貯緊要文書以防意外之虞已勅內閣儒臣計議暫令內閣書  
辦中書舍人等官遇其理辦本等文書稍有暇隙不妨本職分  
寫累朝實錄各一部不限年月書成盛以銅匱藏於棧之上層  
凡內府衙門收藏一應干係國家大事文書如玉牒之類皆附  
焉其制勅考一應文書如詔冊制誥勅書等項草檢行禮儀注  
應制詩文等項底本前朝遺文舊事等項雜錄亦令書辦官員  
遇暇陸續抄錄不限年月書成盛以鐵匱貯於棧之下層凡內  
府衙門所文書可備異日纂修一代全史之用者如永樂以前  
文武官貽黃之類皆附焉如此則 祖宗之功德在萬世永傳  
信而無疑國家之典章垂百王迥沿襲而有本矣錄者謂文書  
浩大書辦人員數少歲月易邁何時訖功臣請棧成之後先將  
各貯文書之見有者權寘其中待後陸續寫完新本乃出舊本

仍貯故處以備考用 太宗皇帝嘗多事時猶聚衆千百纂集  
永樂大典以備學者考究以此方彼孰重孰輕伏乞睿照一載  
書之所分為三處二在京師一在南京則是一書而有三本不  
幸一處有失尚輒有二處之存其在國子監者如內閣例歲以  
府廳寘於典簿廳戴道所中首付典簿掌管祭酒監丞等官時  
常提調監護然惟掌其外門之鑰及水火盜賊之備而已若  
夫府廳鑰則收在內閣每歲三伏日如家朝曝書給酒食之  
例先期奏請翰林院量委堂上官一二員偕僚屬赴國學曝晒  
書籍因而查算畢事封識扁鑰歲以為常南監鑰則付南京翰  
林院掌印官收掌其曝書給酒食亦如北監之例皆不許監官  
擅自開鎖取書觀閱并轉借與人內外大小衙門因事欲有稽  
考者必須請旨違者治以違制之罪流入 上納之口 壬午翰

林院編修傅珪丁憂服闋提除原職○癸未賜周府洛容郡君  
并儀賓趙思政代府連城郡君并儀賓尤德誥命冠服如制○  
賜衛聖晏倍夫人母張氏祭從其子萬全都司都指揮楊崇請  
也○乙酉以明日奉安 懿祖皇帝及皇后神主於 太廟之  
祫殿道保國公東永告 太廟射馬都尉蔡震告 懿祖皇帝  
皇后 一土魯番地面遣使臣寫亦滿速兒等進獅子 上納之  
留其夫人四名分班調養禮科都給事中林元甫上言西旅貢  
焚而召公以爲終累大德穆王受白狐白鹿而荒服自是不至  
是人君之好尚政事之治忽人心之向背德之誠不可不謹也  
彼獅子蕃方之猛獸耳陳之廟堂不可以備儀衛列之軍旅不  
可以禦外患馴其性不食草惟嗜羊肉奈何以有用之牲飼燕  
用之獸乎乞却之便命下其言於禮部○丙戌 上祭告 太



廟禮畢奉安 懿祖皇帝皇后神主於祫殿如儀○戊子分守

順聖川右叅將都指揮同知高昇自陳老疾乞休致而巡撫都

御史以下皆言昇才可用且前疾以痊請仍留分守從之○裁

革廣西北流縣大同馬驛○己丑陞太僕寺少卿彭禮為本寺

卿通政使司右叅議王衍為本司左叅議○庚寅南京通政使

司右通政毛倫丁憂服闋復除通政使司右通政○重給雲南

威遠州土官印以舊印失於兵火也○辛卯賜周府封立王子

璽庶第四子名曰同錦庶第五子曰同翰鄜陵王同綏庶第六

子曰安涼庶第七子曰安凍鎮國將軍同鈺庶第五子曰安漏

庶第六子曰安遠輔國將軍同鏞庶第二子曰安洩晉府奉國

將軍奇峒嫡長子曰表楷樂昌王府博野王聰泰第五子曰俊

稿第六子曰俊渠鎮國將軍聰源第三子曰俊楫寧化王府奉

國將軍奇沆庶長子曰表楷輔國將軍鍾鏗庶第二子曰奇泚  
代府懷仁王長孫成紀燭第六子曰聰洌第三子曰聰激○嗣  
馬獎凱以大漢將軍有副千戶員缺奏以將軍百戶袁紀等補  
之錦表衡以凱不會同選補為違例劾紀等下獄得旨詰責凱  
兵部覆奏謂宿衛雖凱職掌然將軍千百戶皆錦表衡官屬今  
後仍從凱具缺奏下本部如例會選為當從之○修鹵簿駕○  
壬辰陞廣東布政司左布政使熊懷為南京光祿寺卿吏科都  
給事中張九功為太僕寺少卿○陞雲南布政司右布政使李  
塔為廣東左布政使○山東曹州儒學學正濮煥言州治東北  
五十里雷澤鄉有先冢并其母慶都墓漢唐以來或祀或否元  
至正間嘗為河水所沒文之水去又闢為僧寺國朝成化初撤  
寺為祠尋廢之嘗無以昭祀典乞勅有司立祠修祀庶聖蹟不

終於湮滅命所司知之。○乙未裁減南京神策等二十三衛知事各一員。○免湖廣被災地方及裁減州縣<sub>上</sub>官朝覲其裁減州縣之被災者并首領免之從巡撫都御史謝綬奏也。○鴻臚寺石少卿李鍾應詔言十二事一定禮制諸司職掌所載冠禮止有親王而東宮者不載昏禮止有親王公主而東宮者不詳及建主東宮冊封親王章太學耕藉田上徵號等禮又皆不錄乞勅禮部取近年行過儀注并足試進士由諭大臣天下諸司朝覲諸未備禮儀逐一議處得宜或續於職掌之後或別為一書與職掌並行一置齋者每大祀時分獻陪祭等官俱無齋者臨時借居道士房榻者踐雜處且宣詔不使乞勅工部於壇內空地做天壽山朝房體製長造齋房一禁邪妄乞勅工部毀戒壇勅禮部察院禁僧人坐禪打會奉齋受戒等事一重刑官過聞

科之年乞選進士分送三法司理刑先問小事漸及大事務聽  
各掌印官指散并各堂上官考驗半年後遇法司有缺吏部試  
其刑名疏通者補之其生疎者令其重歷一均遭運各處運糧  
官軍遠近勞逸不均乞將極遠者分爲兩班而以所運糧本色  
折價各車之如今年預班運本衛米五千即帶運二班折價使  
二班得以休息或三年二運或俱運之儀真瓜洲淮揚等處水  
次却令迎京衛所二年三次轉運務使勞逸適均一便造船乞  
將清江衛河二提舉司改併蕪湖地方即令抽分委官蕪管造  
船一均馬政乞通查直隸山東河南養馬州縣將繁雜州縣馬  
量派簡僻州縣及自來未養馬去處其馬不堪解者計估變賣  
拖欠者每匹收價銀二兩或三兩解部一添州治天津南至靜  
海縣百餘里北至通州二百餘里中間俱無有司衙門事多廢

地已開設一州於天津城內一崇志義湯陰縣有荒塚三所世傳為岳家墳蓋岳武穆王飛之先隴已勅有司責人看守歲時致祭一除水患黃河為患多在夏秋之時惟今歲隴及春初水已泛溢不由故道恐為害非常已勅遣大臣往治之疏入命所司看詳以聞○丙申巡按貴州監察御史馮紀言貴州苗賊頻年作亂民困轉輸請立命官用兵征勦又湖廣平漢等四衛與貴州有司地方大牙相衝衛所官軍率為民害請令貴州都御史尋官兼治之又貴州哨守官軍及餘丁以近例革去行糧並多逃亡已不分遠近但有哨守者俱復給行糧兵部覆奏從之○是日酉刻南京金星晝見於申位 丁酉陞江西布政司右叅政陳道為雲南右布政使○點管理河道工部郎中吳珍為民生非法用刑賊害人命也○戊戌南京鴻臚寺馮贊何士方以

進 萬壽聖節表當備禮託序班高通代之通譜禮失序本寺  
卿張連等劾之且自服罪 上宥連等士方及通皆建問如律  
口先是總督軍務兼巡撫兩廣都御史朱英欲奪節禮儲議每  
軍歲支月米凡石餘三石折銀凡錢後桂林等衛以歲凶請支  
本色左布政使李孟暘等議且每石給銀五錢稍復歲量如舊  
旗軍戴仲名等仍請增給不得怨孟暘等以激變膏之軍人秦  
記獲從吏之副總兵馬俊不之禁指揮馮晟等七人復語仲名  
以俊囊仲名遂聚衆幾千人奔出城外叅政楊守隨過之幾為  
所害大掠民財多污辱婦女鎮守太監王廉等招仲名還悉獲  
其黨具以事聞 上命給事中葉紳等往會巡撫巡按官出榜  
宣諭脅從者皆勿問仍按仲名等罪狀時官倉通判楊綱以軍  
糧紅腐為俊所責乃發俊家人冒支軍糧及苗賊出劫不社防

禦事屬知府羅絢奏之而絢亦以俊奏其縱婿私鬻器物復誣  
奏其他不法事俱下紳等併驗而絢以方軍興未逮綱懼罪即  
自亡紳等奏上 上以仲名等三人黨惡衆衆主謀倡亂命斬  
之梟其首梟縱軍成惡記誅人犯法俱情重律輕戾發陝西涼  
州衛充軍家屬隨住記杖一百發鎮夷千戶所守哨指揮賈瑛  
等七人知情故縱各降三級調四川建昌衛帶俸差操綱削官  
為民倉大使陳恩副使顏文瑞俱冠帶閒任以王蘆不能撫判  
令回京差官代之都指揮同知顧剛按察司副使陳寓并李孟  
暢楊守隨不能約束富慶發德姦謀致地方受害令巡按監察  
御史逮問并去任右布政使等官沈暉等議處以聞

明孝宗敬皇帝實錄卷之六十四

弘治五年六月庚子朔命都察院右副都御史鄧廷瓚巡視貴州兼提督軍務廷瓚前巡撫貴州以毋臺去任至是服衛闕故復用之○壬寅陞監御史歐陽旦劉翔大理寺右評事黃祥俱為按察司僉事且雲南聊山東祥湖廣○巡按陝西監蔡御史張濟言甘肅乃西北重鎮番漢雜居兼以歲荒軍士飢窘乞蠲織造絨氈將已支官價登回原庫以備軍需得旨業已行矣不允○癸卯免徵今年備用馬十之三保定府知府趙英言地方連年災傷乞賜寬恤兵部覆奏謂災傷者不止保定一處乞行減免故有改命○修天地山川壇祭器增建犧牲所○監祭御史彭程言臣監收庫料見充祿寺製造皇壇器用不知皇壇之義何所取詢之於人乃先帝修齋行法之所其造此器所



以待朝廷不睦之需也臣竊謂陛下即凡若此數廢之殆盡何為而猶有皇禮器用之製哉夫先祿奇幾糧惡民之膏血用得其宜猶恐病民况置之無用之地頃者多改省繼晚倡為邪術虛耗民財先帝信之篤而禮之勤者無他意在希福與壽於無疆也彼二人者罪惡深重蒙陛下寘之典刑人心稱快則禍害之來二人尚不耻自免又焉有福壽於人之理哉萬一陛下有此舉也望過之於將萌杜姦邪崇正道無此舉也當治臣下逢迎為悅之罪使陛下好尚得以別白於天下流入上曰先帝為多改省等所誤事已往矣彭程乃暴揚于章奏之間無人臣禮牌衣衛執付鎮撫司鞠之再送法司擬罪奏當贖杖還職命仍繫之○甲辰先是晉府寧化僖順王之子鍾炳以有罪革爵有司請籍其莊田入官至是其母妃趙氏奏

莊田有自墾者歸之於官有條 先朝勅賜及撥給者乞存留  
養贖 上曰古城大陵成鼎營三處在田既原係勅賜撥給俱  
許留本府膏素○復改廣西永安長官司為永安州州自成化  
間始設後都御史秦紘欲以夷治夷奏改為長官司至是土民  
言其不便復改為州○修南京刑部○四川按察司知事王勉  
奏天下歲辦白糧木植餉料皮張紙札布絹之類甚多民間於  
轉輸而內府或有餘京城亦可以買辦乞令內府及光祿寺等  
衙門供應之物除白糧外其餘悉暫停辦惟收其直庶公私兩  
利從之○是日未刻日生承氣色赤黃一丙午岷府南渭王音  
戴冕王恭王庶第二子正統三年生景泰三年封為鎮國將軍  
景泰五年進封南渭王至是冕年五十五卦聞輟朝一日賜祭  
葬如制謚曰榮順○寧府鎮國將軍觀鍊乞每年一出城詣祖

堂展祭得旨令明年春祭掃一次祭畢即回○巡按山東監察御史朱繼言五事一遼東與北虜接壤角織之禁不可不嚴近有犯者因問本處充軍反加恣肆乞今後有犯係遼東及北方人發兩廣係南方人發陝西其伴送人員亦問枉法燕邊人知警一軍職緣事問擬革去見任帶俸差操者因不文又得賞緣管事遂不畏法乞今後未及五年不經撫按官奏保而上司輒委管事者兩罪之若再犯贓罪當調衡者俱調陝西大同等處同族隨住燕軍職知警一遼東早寒軍士所用冬衣布花常過期不至乞今後以十月為期年終欠五分者叅問七分者傳俸全欠者降級燕有司知警一遼東備禦守堡等官有缺乞比宣府大同例會同巡按御史推舉仍一年一考選以示勸懲一將官有與商人交通者假以修整軍容為名旗幟盔纓時常變易

期在得利乞今後務遵舊制一以京營所用者為準不許僮易  
詔所司知之○少却左侍郎吳原言宋儒陳淳學者號爲北漢  
先生嘗講道朱子之門朱子稱之謂於道理儘密諸生未有及  
之者所著有易本義大旨論孟庸學口義北溪字義訓蒙雜言  
等書我朝纂輯五經四書及性理大全多見採錄可謂有羽翼  
聖經之功乞升從祀以愜衆心龍溪縣實淳生長之鄉舊有祠  
宇歲久圯壞近鄉人移建府城內更乞賜額俾有司春秋致祭  
庶卹之後學有所瞻企命所司知之○命陝西都司都指揮僉  
事李能守備洮州○丁未禮部奏 萬壽聖節例賜百官并四  
夷朝使宴 上命免宴賜以節餼鈔○以水災免直隸廬鳳淮  
揚四府徐滁和三州及鳳陽等十七衛所弘治四年稅糧有差  
○虜入宣府小白陽堡等處殺掠人畜守臣劾守備都指揮白

玉指揮鄧林李循太監謝銓分守左叅將繩律右監丞楊聰及  
把總指揮曹洪等罪命白玉待賊情寧日逮問楊聰謝銓戴罪  
殺賊繩律鄧林李循各罰俸兩月曹洪等俱逮問之○戊申夜  
東方流星大如盞色青色白光燭地自天大將軍東北行至五  
車○己酉命河南布政司弘治五年稅糧應輸保定廣益等倉  
者俱照戶部原定折色價直暫折收銀兩具附近納戶願納本  
色者聽六年以後仍本色與折色中半兼收○辛亥戶科給事  
中叅蘭奏臣奉命充祿寺監收近者本寺支給官錢造辦皇  
壇器皿皇壇之說臣不知其何為者或謂為禁中建齋醮說是  
乃成化末年妖僧繼曉姦吏李汝省以邪術謀戕陛下之明  
已寔二人於法而凡僧道之流齋醮之事一皆罷斥何近日又  
有此舉恐釁端一開末流無所不至乞仍舊停止時 上未有

造辦皇壇器皿之命得旨令先禱寺查奏并具支給工價之數以聞先禱寺卿胡恭等上其數且言本寺器皿近以欵安殿修齋急用其數罄補恐後有齋事無以供應故造辦以備 上曰既為預備供應則無皇壇之說蘭何因而起令自陳狀蘭獲奏先禱寺支給官錢時印信鈎狀及白贖手本俱開預備內府皇壇之用是以臣言反之并以鈎狀手本進 上曰鈎狀手本已明白不當又加內府字姑宥之時胡恭及內官署署正張慶等亦各具疏請罪謂成化中有旨乾清宮建黃壇修齋今誤以黃為皇 上曰胡恭等假以認罪妄引遠年黃壇之說分辯皇壇字樣與前奏不同展轉至吾法當執問姑宥其罪胡恭等罰俸一月張慶等三月○癸丑夜月犯建星○乙卯遣內官祭中雷之神○命戶部運太倉銀十萬兩于遼東以備邊儲准弘治七

年歲例之數。○修言王府第以王泰年久頽敝也。○丁巳禮科  
御給事中林元甫等言近有旨令先禔寺查皇壇器皿數目胡  
恭等皆知須狀手本明白故將皇壇字樣隱匿惟以造辦事情  
覆奏意在嫁禍監收戶科給事中葉蘭以圖免罪及葉蘭奉旨  
陳狀方知真情終當敗露却又擅用印信具奏狀罪數日之間  
二次陳奏其皇壇字樣前則隱而不言後則以爲失於查對展  
轉蒙蔽于時 皇上就置葉蘭於罪不令陳狀則須狀手本葉  
蘭不敢自進胡恭等晏然爲無事之人其情狀何由而敗露哉  
况胡恭竊祿日久清譽無聞先被言官糾劾後又黃綠獲職最  
爲士論所鄙乞下恭等於理并著王張慶等俱論之以法以爲  
臣下欺罔之戒監蔡御史陳瑩等亦以爲言 上曰胡恭等欺  
罔法當違問但前已處分堂上官通前罰俸各三月四署官各

半年壁等奏內有 先帝字不標出亦當究治姑宥之仍各罰  
俸一月○戊午刑部尚書彭韶等言監察御史彭程監牧充穉  
寺錢糧迨以疏論修齋器用下錦衣衛獄移文本部擬罪程為  
御史論諫乃其職事但不能極言見今本寺錢糧消乏之由却  
稱弊端所起後引往年李孜省等事致觸 聖懷傷念 先帝  
誠為有罪然原其心不過欲因事納忠而已仰惟朝廷清明臣  
等於此際忝備卿佐每嘆為千載難遇但思四海之大日引月  
長民窮財盡又未嘗不惕然深懼也且以光祿寺言之支費泛  
濫錢糧缺少凡一應牲口油果等物悉皆賒買文無可還各色  
鋪行往往逃竄及今若不傳節恐無以善其後乞令本寺將每  
日支費之數不公私取備開上陳取自 聖心何者當減  
何者當削痛加載省則羣情震懾退無言不過歲時之間自可



充積不匱矣臣等偶因由獄所反輒敢妄陳伏望 聖慈將彭  
程并光祿寺事從容處置以悅人心天下臣民不勝幸甚得旨  
每日支費令光祿寺開數來奏○己未周府鎮國將軍子悅同  
織各乞詣先壘展祭得旨俱許明年春祭掃一次祭畢即回○朝  
鮮國王李婁遣陪臣呂自新鄭佑等貢方物朝賀賜宴并練既  
衣服等物有差○南京戶科給事中羅鑒等應詔言五事一理  
漕河全溝淺之阻宜於大河西岸開河避之阻宜於孫村西岸  
開河避之一預教養兩京武臣子弟之在武學者雖讀武經已  
令仍讀四書雖考策乞仍加論一道在外應襲堪教養者即遵  
送本處儒學亦視武學例作養提調學官按月下學試策論并  
下教場試弓馬定其優劣奏報巡按等官至則必加考驗襲職  
之後查常居優等者任用之一寬徵求凡災輕去處徵糧災重

去處量徵價一司借貸凡遇荒歉民間有蓄積者官府給以印信簿籍聽其借貸收成之日有負者官為催取一明法律令選用府佐縣正等官惟取文藝而不及招擬以此多不習法律到官處事鮮不為吏人所餌乞令今後監生注選等項俱兼考招擬命所司知之○庚申福建布政司左布政使陳賓乞致仕許之○命給致仕南京工部尚書胡拱辰誥命從其請也○辛酉魯府諸城郡主李賜祭葬如例○壬戌給興王兩淮餘鹽歲一千引○癸亥夜月犯畢宿大星○甲子陞授壽寧侯張鬱勳階為特進光祿大夫往國歲加祿米二百石封號仍舊賜誥券并三代妻室封贈○秦寧等衝都督撤因字羅等遣頭目哈答孫等并都指揮頭目等官肯帖該等來朝貢馬駝賜宴并衣服絲段有差仍回賜撤因字羅等絲段表裏付哈答孫領回給賞○

寧夏地震明日又震 乙丑 孝莊睿皇后忌辰 上祭 奉

先殿 遣駙馬都尉齊世美祭 裕陵 丙寅賜韓府輔國將

軍徵鑄嫡子名曰偕治奉國將軍偕激嫡子曰旭接藩府永年

王長子詮鑄第六子曰勳洗楚府輔國將軍均粹第七子曰榮

江均和長子曰榮浩寧化王府輔國將軍鍾鏜庶第七子曰奇

淑奉國將軍奇瀚嫡長子曰表稅嫡第二子曰表初 丁卯

孝穆皇太后忌辰 上祭 奉慈殿遣駙馬都尉齊世美祭

茂陵 戊辰代府懷仁王成紀薨崇定王之孫鎮國將軍任燾

之子母梁氏天順六年生成化七年封輔國將軍弘治四年襲

封懷仁王至是薨年三十一 卅聞輟朝一日賜祭葬如制 諡曰

恭和

明孝宗教皇帝實錄卷之六十四終

大明孝宗敬皇帝實錄卷之六十五

弘治五年七月己巳朔孟秋享 太廟○遣內官祭司門之神  
○庚午禮部右侍郎艾福卒福字天錫湖廣襄陽人天順四年  
進士授監察御史成化初巡按山西考覈官庶黜不職者九十  
人旌其能者七人審錄重辟有童羊十三分盜賊米一釜憐其  
幼特請釋之遂用是起召三年復按浙江以父喪歸八年擢光  
祿寺少卿十三年陞卿凡典御膳及諸供應皆區畫有定十四  
年上疏請省異教供饒坐繫詔獄奪俸六月十九年擢禮部右  
侍郎仍掌寺事累上疏乞歸始命致仕家居八年卒年七十三  
訃聞賜祭葬如例福為人通儻習於世故頗傷較熟晚在光祿  
為近幸所侮不能堪累乞退避竟遂其志以去人亦以是多之  
○辛未 萬壽聖節遣駙馬都尉楊偉黃鑄分告 長陵 獻

陵 景陵 裕陵 茂陵○遣儀賓周鉞告 景皇帝陵寢○遣

內官吉 恭讓章皇后陵寢○上詣 奉先殿 奉慈殿 太

皇太后 皇太后宮行禮畢出御奉天殿文武羣臣及四夷朝

使行慶賀禮○賜各王府及天下諸司進表并禮物官員人等

鈔幣有差○壬申 仁孝文皇后忌辰 上祭 奉先殿遣駙

馬都尉楊偉祭 長陵○甲戌實授都察院理刑知縣等官王

鼎丁養浩樊廷選郭璫周進隆張綸金獻民王哲俞琳韓春王

珣方榮劉紳張天衢榮華劉芳張觥沈元楊鍊劉偉國瑀高崇

熙孫聞連盛為監察御史鼎養浩河南道廷選璫進隆綸獻民

浙江道哲琳江西道春珣陝西道榮紳廣西道天衢華芳湖廣

道觥元四川道鍊偉雲南道瑀山西道崇熙聞盛山東道○增

南京巡街御史為二員故事南京巡街止御史一員至是從監

察御史曹玉奏乃增一員○乙亥通政使司奏在京各衙門有印信奏題本許徑自封進其餘建言自陳或認罪等奏本宜遵諸司職掌俱赴本司投進違者請治以罪禮部覆奏從之○宣府分守右叅將楊彪擅領官軍出境撲賊無功兵部請治其罪詔宥之罰俸兩月○命雲南都司都指揮使趙晟充右叅將協守貴州兼提督清浪等處○丙子德王見潁奏保本府與寶副白蘭等九人陞補典寶正等官皆許之○以貴州有警聞中雲南鹽課四萬八千餘引四川一萬九千七百餘引俱聽於都司清平等倉上納以備邊餉從本布政司叅政沈榮奏也○丁丑南京監察御史馬炳然言南京新江口并大教場俱侯伯重臣生營而神機營并小教場二處止用指揮坐營管操請如在京諸營例改任侯伯都督以重其事兵部覆奏從之○巡按廣西

監察御史鄭惟桓以古田撞賊前射殺副總兵及叅議等官叅  
奏當時在哨把總都指揮麻林須哨指揮馬胤等三十五人坐  
視不救別哨把總都指揮宋寧等五人相去不遠不得領軍勦  
捕請並究問從之惟指揮邢勝以在陣被傷特宥之○戊寅命  
修葺宋武穆王岳飛祖塋之在陽陰者有司春秋致祭仍撥人  
守視從鴻臚寺少卿李銓奏也○南京右軍都督府都督同知  
王銓卒正統正統辛酉舍人隨征迤北後迎還 英宗聖駕預計曹  
欽隨征建州累陞前職掌府事協管大教場至是卒賜祭葬如  
例○己卯 皇太后聖旦上率親王上壽文武官命婦朝賀○  
賜百官宴于午門○賜各王府慶賀官員人等鈔幣有差○庚  
辰虜入古北口羊兒谷殺傷軍士分守右叅將王志失於防禦  
停俸兩月○辛巳陞福建布政司右布政使蔣雲漢為本司左

布政使○命右春坊右諭德王鏊司經局洗馬楊傑為應天府鄉試考試官○授翰林院庶吉士蘇葵為本院編修○壬午刑部尚書彭韶等以鴻臚寺少卿李錕請刑定問刑條例議曰刑書所載有限天下之情無窮故有情輕罪重亦有情重罪輕往往取自上裁斟酌損益者為事例蓋比例行於在京法司者多而行於在外者少故在外問刑多至輕重失宜宜選屬官彙萃前後奏准事例分類編集會官裁定成編通行內外與大明律兼用庶事例有定情罪無遺從之○陝西禮縣地震有聲○癸未中元節遣駙馬都尉蔡震馬誠分祭長陵獻陵景陵裕陵茂陵文武衙門各分官陪祭○遣儀賓周鈺祭景皇帝陵寢○遣內官祭恭讓章皇后陵寢○虜入宣府鎮安門墩遮獲邏卒守臣請罪分守右監丞楊聰右叅將繩律守



情都指揮孫良守墩百戶戴琪等命琪等下巡按御史遠問聰等並戴罪殺賊○陞鄖陽衛指揮使康泰為署都指揮僉事守備鄖襄地方○乙酉山東嘉祥縣儒學訓導婁奎言本縣係鄆國宗聖公曾子闕里廟堂配享有子思陽膚公明宣等數人乞視孟子廟制惟留子思一位配享陽膚以下悉列兩廡祝文乞增以沂國述聖公配數字庶子思不混於他賢又孟子門人皆有封爵曾子門人至今稱名顏孟子孫皆授博士主祭曾子子孫乃流落他所乞如例封其門人訪子孫遺派之在江西贛榆二處者擇賢而有學者官之俾之主祭以昭聖代祀典下所司知之○丙戌 太宗文皇帝忌辰 上祭 奉先殿遣駙馬都尉游泰祭 長陵○賜靖江王約麒紗羅袍服各一襲從其請也○初晉府永和王奇清以罪革歲祿十之五至是其子表烽

襲封請照舊支給得旨米鈔中半全支○丁亥陞福建布政司左叅政葉宣為本司右布政使浙江按察司副使高銓為河南按察使○戊子重修禮部成○四川播州宣慰司土官宣慰使楊愛達長官蔣輔等賀萬壽聖節賜賚跋鈔較有差○命故靖江昭和王瀕支弘治四年祿米七百石免運官○己丑增給紫荆關浮圖峪口軍士騎操馬五十匹從巡按御史張鶯奏也○陞哈密衛故都督僉事賽亦撒隆之姪寫亦虎仙都指揮使哈刺參俱為都督僉事以土魯番獻還哈密城池多寫亦虎仙等前後撫諭之功也○辛卯賜楚府江夏王均錕庶長子名曰榮瀨庶第二子曰榮漠秦府永壽王庶第三子曰秉攄鎮國將軍誠浩庶第五子曰秉樂輔國將軍誠恣庶長子曰秉祥嫡第二子曰秉枕靖江王府輔國將軍相縉嫡長子曰規睦靈丘王

府輔國將軍成錦嫡長子曰聰淵庶第二子曰聰泮上高王府  
革爵鎮國將軍觀釗庶第二子曰宸滋○雲南曲靖衛知事李  
震以所募正兵跋語正兵要旨文武通訓未上下兵部議以為  
窒礙命置之○壬辰陞湖廣布政司右叅議李俊廣西梧州府  
知府陳穉俱為布政司左叅政監察御史劉洪李隆刑部郎中  
陳章江西按察司僉事江源福建僉事楊廷貴俱為按察司副  
使俊山西檄福建洪浙江陞陝西章湖廣源四川廷貴雲南○  
賜秦王誠泳四書大全等書蒲王幼壻之弟永年王幼恭醫藥  
各從其請也○癸巳內閣大學丘濬復以疾乞致仕 上曰朕  
以御文學老成方隆委任有疾宜善調理不允休致○命南京  
工部右侍郎黃孔昭之孫煒為國子監生從其請也○岷府安  
昌王膺輔及韓府通渭王徵鍊各乞醫治疾命武岡州及平涼

縣各遣醫士往視之○甲午以水災免蘇松常嘉湖五府正官  
朝覲從巡撫都御史侶鍾泰也○慶府洛交王寘鑿請自至章  
州葬其父慶莊王并祖母慶康王次妃孟氏許之○降協守松  
潘著都指揮僉事魏啓指揮趙啓李實官各二級指揮僉事周  
相官一級以番夷攻劫寨堡不能防禦也○兵部尚書馬文升  
等言蘇松浙江水災山東久旱恐饑民乘此為變請勅鎮巡等  
官加意賑給仍操練軍士以戒不虞從之○命遼東都指揮僉  
事白瑾之孫英代原職金州衛指揮使○南京戶科給事中楊  
願等以災異言六事一經延寒暑停講之日未免工夫間斷古  
有責防有夜對又有炎暑講經不輟者今夜對與炎暑之講已  
不可復宜於停講時月仍令講官每日更直俟 陛下官中觀  
書或有疑義時御文華殿召問其常日勸講不必揀擇篇目而

於講章之末尤宜節去浮辭務在反覆詳論有所裨益一近奉  
詔書許諸人直言又令成化二十三年九月初六日以後科道  
官有因言事及公錯降調者撫按官保奏擢用臣等以為縉紳  
草野必多忠言奇謀以為陛下告者竊聽數月寂無所聞豈  
非言事降調者尚限以官職拘以年月而人猶有所顧忌邪乞  
勅通直前後言事之人不問官之大小時之久近但在降調之  
數一體擢用以求忠言一近年兩浙三吳水災相仍穀米踊貴  
說者謂蘇湖嘉三府財賦所出當天下之半而其地極下為賁  
所謂震澤者在今蘇之吳縣其水由吳淞江入海元時亦嘗疏  
濬民受其利今淤塞不通豪右復築之稼穡其上遇雨水稍多  
則無所於泄泛濫數郡良田無秋民非不欲疏濬也制於豪右  
卒不能成又杭州各處歲辦段疋之外又有別項織造近日機

戶艱辛尤甚乞勅相度震澤入海之處設法疏濬仍令各處導  
渠修堰以備旱澇額外織造乞亦停罷以蘇東南民困一近年  
以來例條過多以致閉刑之官或不周知或任意援引是以議  
擬雖同發落實異乞勅三法司會同各衙門博議十中取一不  
事繁多仍乞萬幾之暇重加寬定俾與大明律並行一南京近  
年屢有災異其堂上大臣實有老懦休違及清議所少者乞罷  
黜一二或令自陳休致一恬退之官志趣高潔乞勅吏部通查  
退居林下曾經薦舉者凡幾悉起用之然更有切於此者易曰  
天地交而萬物通上下交而其志同今後凡有大政乞悉召大  
臣入議其大小章奏御覽畢即召內閣大臣面議批答每召議  
大政仍令給事中御史隨入啟正下所司知之○乙未南京監  
察御史張澤等以災異言三事一修聖德望 皇上修德事天

感召和氣一節財用謂建儲之賞太濫內帑空虛宮中節宴太奢所費難繼乞法 祖宗之儉惜府庫之財一點不職成國公未儀羊力既衰軍務廢弛兵部尚書張鑿依阿苟順柔懦尸位禮部右侍郎徐瓊貪營素著縉紳羞稱右道政鄭紀素行不謹苟貪祿位右副都御史劉瑀存心刻薄處事乖方乞均賜罷黜下所司知之○丙申賜靖江王府輔國將軍約慶藩府沁源王長子勛濬鎮國將軍勛叔并各夫人周府輔國將軍同鑿同釭同鎰同鏞奉國將軍安濟晉府鎮國將軍表梅輔國將軍表樸表梅奇泚奇澹奇洵奇瀟奇洵奇沂奉國將軍表樞表拾奇浙奇丑奇浪表樛周府鎮國將軍安清輔國將軍安洳楚府鎮國將軍榮邁鎮國中尉顯積奉國將軍榮法誥命冠服如制○旌湖廣武昌漢陽黃州荊州襄陽辰州德安長沙寶慶衡州鄖陽

十一府知府朝覲以巡撫都御史謝綬奏言方蓋造王府故也  
○朝鮮國王李婁以詔使至遣陪臣韓堰等奉表箋貢方物謝  
恩賜堰等宴并絲段絹布等物有差○丁酉戶部言江南蘇松  
等府連歲荒歉民間兌運糧米每石用銀二兩而北直隸山東  
河南歲供宣府大同二邊糧料每石亦用銀一兩前弘治四年  
蘇州府兌運糧米已准將五十萬石折收銀五十萬兩冀紓民  
困今年請再行之其應天松江鎮江常州池州太平及杭嘉等  
府亦請於兌運糧內折收四十八萬六千八百九十石銀價災  
重者每石收銀七錢稍輕者收銀一兩俱解部轉發各邊准北  
直隸等三處歲供之數其三處歲運各邊糧料如折收之數暫  
請改輸京倉庶幾費省而事易集從之○戊戌賜周府懷集郡  
主并儀賓李永祿陽春郡君并儀賓王益漢長泰縣主并儀賓



李宗瓊山郡君并儀賓樊震楚府原陵縣主并儀賓趙弼代府  
平樂郡君并儀賓周欽晉府邵武縣主并儀賓韓瑀石庫縣主  
并儀賓李恕登封縣主并儀賓侯傑桂平縣主并儀賓梁棟宇  
平南縣主并儀賓王天德貴平縣主并儀賓張璠鹽定郡君并  
儀賓李廷現寧陵縣主并儀賓謝天錫定遠縣主并儀賓張鐵  
誥命冠服如制。戶部言舊例凡災三分以下者稅糧不免三  
分以上通減之比順天府所屬州縣以旱災覈實數告聞有不  
當免者但京畿民困尤宜加恤今年夏稅請照數悉與蠲免從  
之。巡撫貴州都察院右僉都御史高崧卒崧字鍾秀襄城縣  
人成化二年進士授南京大理寺評事累陞福建按察使遷右  
僉都御史巡撫貴州待蒲泉頗俗而威令不行為其所脅抑鬱  
不伸恭卒訃聞

上賜諭祭如例。命守備代州都指揮僉事熊岡充叅將分守  
代州兼提督鴈門等關。



大明孝宗敬皇帝實錄卷之六十六

弘治五年八月己亥朔晚刻火星入鬼宿犯積尸氣星○辛丑賜魯府輔國將軍當溘當淵誥命冠服如制○裁革廣西北流縣縣丞主簿各一員○內閣大學士丘濬復兩疏乞致仕上曰朕擢卿重任當勉圖盡職豈可累以目疾求退今後凡大風并雨雪日俱免早朝○禮科給事中王齡言六事一撫流移即今山東河南及直隸大名等處三伏少雨五穀不生民已流移極其困苦乞勅附近收成地方各委官加意撫恤遇津渡不許勒要船錢在地方不許欺凌逐遣隨地安插任意活計無食者給之死者葬之一急賑濟即今各處饑民嗷嗷待哺乞勅撫按等官各委官設法賑濟或以官銀貨買粟米或給鹽引招商中納務使倉有餘糧民無饑色一緩催徵即今災傷地方人

民救死不暇乞勅量被災輕重凡糧草布花馬匹夫役之類當  
停免者明為告諭當催徵者寬其限期一均優恤各處有司為  
已者多為民者少故申報災傷有先後多寡而請免錢糧即因  
之有緩急輕重被災則同蒙恩則異乞勅差官親歷踏勘均賜  
優恤一時播種災傷地方流移既眾空地必多乞許附近人戶  
暫且承佃免徵糧草待其復業照數還給一汰冗官災傷地方  
人心皇皇所賴以安集者必廉慎之官其貪殘開首者不惟不  
能安民而反害民乞勅撫按等官嚴加考察下所司知之○銓  
註錦衣衛帶俸都指揮僉事尹玉于陝西都司僉書管事○云  
寅命福建都司都指揮僉事房驥克右叅將協守松潘南路○  
癸卯少師兼太子太師吏部尚書華蓋殿大學士劉吉復上疏  
乞致仕 上曰卿朝廷舊臣正當委身匡輔今乃累陳老疾懇

乞退休特茲俞允仍賜勅給驛還鄉有司月給米五石歲撥夫役八人應用○禮部言土魯番所貢玉石等物多不堪用宜却之還但彼以獻還哈密城沁金印而來乞收之以答其善意從之○巡撫山西都御史楊澄等以晉府慶成王子女至九十四人恐其中有收養異姓之弊且為鎮國將軍奇濺等增年冒支祿米乞下禮部議處并乞限各郡王以下妾媵之數禮部直勘覆奏謂王子女俱王妃夫人并官人室女所生別無違礙其冒支祿米法宜追徵還官上曰王子女既無違礙其置勿論冒支祿米不必追徵准作以後年分談支之教法司原奏有不許濫收子女事例仍行各王府知會自郡王以下妾媵多少之數再會官定議以聞禮部復會議覆奏謂郡王自止妃外妾媵不得過四人各將軍不得過三人中尉不得過二人從之者為令

○代府修仁郡主卒賜祭葬如例○甲辰陝西羅家扶耆人露  
裡等來貢賜綵段等物如例○周府清河王同鏞與宮人李氏  
并孟氏之父宣出府夜遊巡更小甲止之王令廚役左亮執小  
甲以歸令孟李二氏載其兩耳事聞上以王狂縱殘忍宜治  
以重典姑降勅切責仍勅周王約束之鎮巡官嚴加防守孟宣  
左亮各杖一百孟李二氏令鎮守太監藍忠入府杖之○丙午  
朝鮮國王李娣遣陪臣同知中樞府事李季男等謝頒詔恩賜  
宴并衣服綵段如例○命左春坊左諭德楊守吐司經局洗馬  
梁儲為順天府鄉試考試官○丁未釋奠先師孔子遣禮部尚  
書兼文淵閣大學士劉健行禮○是日晚刻火星犯木星○戊  
申祭太社太稷○孝慈高皇后忌辰上祭奉先殿魏  
國公徐備承命祭孝陵○吏科給事中葉紳刑部郎中顧源

自廣西勤事回言軍民利病十事一廣西錢糧日虧兵力日寡  
苟官不得人將有不可救者近年以來以廣西為遠方凡選除  
府州縣正佐官多以願告遠任者授之為貪而仕豈肯盡職乞  
將廣東湖廣江西等處附近當陞用人員選其政績著聞者越  
次陞授其本地大小官員果能勤勞職事預盜安民撫按官奏  
聞一體陞用一洪武永樂年間廣西官軍至十二萬今止有萬  
八千人且官多庸懦士多老弱軍政不修兵威不振無怪盜賊  
縱橫恣行劫掠乞令選募壯勇籍為土兵大郡二三千小郡一  
二千衛官指揮以下一聽知府節制大州縣五六百小州縣三  
四百千戶以下亦從知州知縣約東州縣分領其人府則總統  
其衆三時務農一時講武農事少暇則授以兵器分立隊長使  
與官軍同行操練地方有警則各正部位給以行糧使與官軍



同行截殺一兩廣運軍用兵錢糧廣於供億民力困於轉輸廣東鹽利歸於權勢之門軍中槁具蕩於無名之費已差部屬一員梧州駐劄專理兩廣糧儲凡稅課鹽利悉聽職掌收支用度俱有簿記如徇情濫費許巡按御史糾舉一廣西徭賊奔竄山藪依阻巖壑可以計取難與力爭如以北方不習水土之人不識地形之將與決勝負於叢叢林薄之間其不至於顛殞者幾希矣乞今後廣西軍職自叅將以下有缺將本省及廣東湖廣等處附近都司衛所考居優等官員陞授其指揮千百戶總小旗軍人之內如有謀勇者聞堪為將帥者亦許巡撫巡按官保舉權用一武職專為管軍守城而設雖為事閒革亦令帶俸隨操今兩廣武職多不習武藝惟托權門以求安逸各處發來調衛立功者亦不著原發衛所營求差遣生事擾人乞勅鎮守等

官今後止許將不該襲替之人聽候差違其已襲職并應襲舍人及調衛立功者俱令在衛操習聽候調用巡按等官時加查點如違聽其糾舉究問一往年巡撫都御史朱英惟務姑息不顧大體將一應哨守征進失機官軍妄奏恣照軍門體例量情責罰遂使官軍驕恣盜賊益橫今後如有見賊畏避臨陣退縮以致損軍殺民者除衆寡不敵餘悉依律擬斷不許仍照軍門體例發落一土官襲替俱有舊規邇來准令納較冠帶管事竊念恩威予奪朝廷大柄矧土官衙門僻處邊方夷習尚存若止依前例納較冠帶則彼非惟不知國體抑恐寢廢舊章漸啓亂階貽患非細近日岑應等可為明鑒乞仍令赴京襲替若保勘已明所司留難阻滯者治以重罪一廣西所屬府州縣戶口既稀人才亦少其有司官多不全設而學官乃獨全設乞量加裁

省一兩廣軍職襲替俱赴四川納銀免比試實授蓋因四川先  
年災荒故也今廣西兵荒尤甚乞今後俱赴廣西布政司納  
銀准其實授一廣西土官衙門例三年一次赴京進馬後兵部  
奏准止送本布政司交收以待邊用及取用之日瘦損倒失十  
無一二存者徒費無益乞准每馬折銀十二兩解赴本司交納  
如遇用馬支價收買巡按廣西監察御史鄭惟祖亦以為言命  
俱下所司知之○己酉旌表孝子一人節婦九人石籟山西渾  
源州學生員父彥芳歿結廬悲泣墓側者三年旌其門曰孝行  
湯氏直隸定遠縣民蔡葵妻李氏浙江仁和縣民徐震妻黎氏  
四川雲陽縣軍王存暉妻謝氏江西進賢縣民熊時雅妻王氏  
江西樂安縣民董復隆妻趙氏山西朔州衛軍李通妻王氏道  
本衛總旗劉勝妻孫氏山西渾源州民張謙妻季氏浙江瑞安

縣民胡文璩妻俱早寡守節終始無玷各旌其門曰貞節。○蜀府革爵鎮國將軍申回既卒子女年長俱未受封號其母妃楊氏屢以為請許之。○刑部尚書彭韶兩疏乞致仕。上曰卿掌刑獄當勉圖盡職有微疾宜加調理不允所請。○壽寧侯張巒卒巒字表瞻直隸興濟縣人。今皇太后之父也家世業儒巒以縣學生應貢為國子生成化二十三年。孝宗為皇太子皇太后應遂為妃特授巒鴻臚寺卿。孝宗登極皇太后正位中宮巒超拜榮祿大夫中軍都督府都督同知弘治三年封推誠宣力武臣榮祿大夫柱國壽寧伯歲祿千石四年。今上生五年以建儲恩進封壽寧侯號加綬運階加特進光祿大夫祿加二百石仍贈其三代賜誥券子孫世襲其他恩賚之盛先後戚畹莫與為比巒既貴顯知敬禮士夫待故舊皆有恩意人

多譽之然頗自盈溢為後來奢縱之漸云卒年四十八加贈太保追封昌國公謚莊肅賜葬翠微山遣官諭祭于鷓齡襲封壽軍侯次延齡封建昌伯○增築甘州譚家堡及老鶴窩堡城垣墩臺○庚戌命工部左侍郎陳政兼都察院右僉都御史總理河南等處水道一部議覆鴻臚寺右少卿李鏊所言差官治水事宜從所請命工部會推兩人於是吏部尚書王恕等舉政及南京工部右侍郎蕭楨且請令兼憲職以便行事遂有是命賜政勅曰朕聞黃河流經河南山東南北直隸平曠之地遷徙不常為患久矣近者頗甚蓋舊自開封東南入淮今故道淤淺漸徙而北與沁水合流勢益奔放河南蘭陽考城山東曹縣鄆城等處俱被滄沒勢逼張秋運道潦水一盛難保無虞廷臣屢請修濬且言事連四省不相統攝須得大臣總理庶克濟事今特

命爾帶同本部員外郎陶嵩署員外郎主事張謨前去會同各該巡撫選按督同布按二司直隸府衛掌印并管河官員日河南上流及山東直隸一帶直抵運河躬親踏勘計議何處應疏濬以殺其勢何處應修築以防其決會計椿木等料若干著落各該軍衛有司措辦然後相度事勢緩急工程大小起備附近軍民相兼在官人夫越時用工務使民惠消預運道通不可虛應故事然此係國家大計凡事有相關及初內該載不盡者聽爾計議停當便宜而行文武職官敢有怠慢誤事者輕則量情責罰重則文職五品以下徑自送問四品以上并方面軍職參奏爾受益重託尤當晝夜籌畫勉圖成功仍撫恤下人使皆樂於趨事則工役完而人不怨斯無負委任其勉之慎之故勅○初定國公徐永寧祿米歲支本色千五百石折色千石成化初

以久病間住各減其半至是其妻叙先世功代以請命與全夫  
不為例○遣戶部侍郎秦民悅祭太倉之神○遣順天府官祭  
宋丞相文天祥○盜竊南京欽天監璇璣銅儀命南京刑部逮  
本監官鞠問如律○命南京左軍都督府都督同知馮昇於南  
京大教場坐管管操○辛亥陞刑部郎中秦嶽為按察司副使  
戶部郎中王溥為布政司右叅議南京監察御史朱福戶部員  
外郎郭秉昭大理寺右寺副王賓南京戶部員外郎張佐俱為  
按察司僉事嶽貴州溥湖廣福四川秉昭江西賓佐俱福建○  
兵部以土魯番獻還哈密城池金印疏上有功官軍得旨陞賞  
者忠順王陝巴賞銀百兩鎮守太監傅惠總兵官都督周玉巡  
撫都御史王繼各絲段二表裏銀十兩叅將彭清兵備副使劉  
實各一表裏銀五兩○癸丑 皇第六妹薨追封仙遊公主命

喪葬禮儀照長泰公主例。乙卯以兩浙災命都察院右僉都御史張文昭巡視賑濟且察其利弊當興革者既而文昭丁母憂復命戶部左侍郎吳原兼右僉都御史往代之。命遼東隨操都督僉事王錯孫貴遷京各於原府帶俸。丙辰上御奉天殿傳制遣太常寺樂舞生齋香帛令所在有司祭各處歷代帝王陵寢。賜周府內鄉王同錕嫡第四子名曰安瀆庶第五子曰安瀨庶第六子曰安汲鎮國將軍子堞庶第三子曰同鈞河陰王同鑣子曰安瀹庶第四子曰安瀆上高王府瑞昌王宸瀨嫡長子曰拱楫嫡次子曰拱樛輔國將軍宸淵第二子曰拱福韓府通渭王徵錄嫡第三子曰偕溥輔國將軍徵鏗嫡子曰偕泮西河王府鎮國將軍鍾旋長子奇瀆庶子曰表檣晉府輔國將軍奇渝第二子曰表稀奇沼第二子曰寵瀏代府鎮國將



軍仕坦庶第二子曰成鏐庶第三子曰成朝仕燧庶第六子曰  
成鏐輔國將軍成鏡子曰聰肥○山東海豐縣雨雹擊死人畜  
○丁巳遣官祭太歲風雲雷雨嶽鎮海瀆山川等神○遣旗手  
衛官祭旗纛之神○戊午吏部覆奏南京監察御史張澤等所  
劾南京成國公朱儀兵部尚書張釐禮部右侍郎徐瓊通政司  
右通政鄭紀總督糧儲右副都御史劉瑞固非全才然舍短取  
長尚堪任使請令自陳休致 上曰各官既尚堪任使不必自  
陳各令用心治事○荆府儀賓王奎內使宋貴以謝恩來京事  
竣不辭而還禮部請下巡按監察御史逮問從之○寧府鍾陵  
王觀雖為其生母郭氏請封命封為寧靖王夫人賜誥命○是  
日晚刻南京見老人星見午位色赤黃○夜月犯六諸王星○  
己未寧府宜春王磐姚薨王獻王庶第四子母王氏永樂十二

年生宣德三年用封宜春王至是薨年七十九計開輟朝一日  
賜祭葬如制謚曰安簡○秦王誠泳陳言二事一保愛宗支謂  
各王府婚娶喪葬宜令遵 祖訓禁止奢侈如用度不敷止於  
本府宗室借貸不許責息以傷恩義一教養儀賓謂各王府儀  
賓既選中宜送本處儒學讀書習禮成婚後亦不許因循廢業  
禮部覆奏從之○庚申 憲宗純皇帝忌辰 上祭 奉先殿  
遣駙馬都尉齊世美祭 茂陵○辛酉初哈密衛及土魯番撒  
馬兒罕等處進貢賞賜俱有例後以土魯番侵占哈密夷衆寄  
居苦峪並量減賞賜以示薄責與激勵之意至是土魯番阿黑  
麻王既獻還城池金印哈密夷衆亦回居原衛於是阿黑麻遣  
使臣寫亦滿速兒等及哈密都督奄克字刺并使臣寫亦虎仙  
等俱來進貢而撒馬兒罕等番王亦遣頭目與之俱來兵部會

禮部議奏謂今次賜各使臣絲段衣服等物自一等至五等者宜如舊例給之其阿黑麻并使臣寫亦滿速兒等悔過效順情款可嘉請特賜加賜以慰其心寫亦虎仙等十四人奉使往廻績效尤著請別加優賜旌其勤從之○遼東蓋州衛地震有聲如雷○壬戌遼府魏國將軍恩鈔以罪降庶人送鳳陽高墻安置○上以其子輔國將軍寵德授封在前命遣回原府居之○以水旱災停徵山東河南及直隸大名等府備用馬十之三并量免各處協濟夫役從給事中王綸奏也○甲子以水災免浙江杭州紹興二府縣正官明年朝覲○乙丑命取回山東浙江南北西直隸清軍刷卷御史以地方災傷故也○以水災停南京兩浙蘇松等處之額外織造者并取回督造官員從南京給事中楊廉等奏也○丙寅借薪司左司副何鼎奏通州倉貯糧

一時權宜初非經久軍士不便於開支警急不便於防守請於都城隙地增置倉廩移通州倉糧于其中且請修濬大道橋以東石閘河道令漕舟直至橋下以省轉輓之勞戶部會議以爲京倉之建固善但時詘未可舉羸河閘之說請試之果便然後施行從之○調守備鎮苗都指揮同知王智于永昌以陝西行都司都指揮僉事賀能代之○丁卯命發應天府預備倉糧二萬三千九百餘石給南京應天等三十九衛屯種軍餘之缺食者○銓註前軍都督府帶俸都督僉事白玘楊昇于南京都督府僉書管事玘前府昇右府○戊辰賜慶府寧陵縣主并儀賓劉定祥符群君并儀賓薛廣信晉府宜川郡君并儀賓范紳滕縣縣主并儀賓衛堂誥命冠服如制



大明孝宗敬皇帝實錄卷之六十七

弘治五年九月己巳朔直隸鳳陽府知府章銳應詔言六事一  
專責任農桑水利責任不專乞道行天下管馬官兼管一便轉  
輸直隸淮揚二布每年起運鳳陽糧八萬石乞歲撥六萬石就  
便充軍却將鳳陽充軍等糧六萬石存留本處以補其數一申  
禮制今天下官員引導儀仗及軍民人等鞍具衣服之類乞遵  
洪武永樂等年頒降奏准事例而行違者從重究治一慎征伐  
今貴州廣西草寇竊發議者多欲命師征討乞遣大臣一二員  
齎御寶榜文宣以朝廷恩威曉以逆順禍福俾各去逆效順斯  
為上策否則降勅附近土官量授金帛俾各協同本處官軍殲  
其渠魁待有成功加倍陞賞一增保障近京地名深溝泥井盧  
溝橋等處經過官吏解戶客商人等賊來無禦毋被劫殺其在

外楊青甲馬營等處一帶河道抽幫劫船為害尤甚乞差官踏勘自京城至通州張家灣良鄉涿州真定保定河間臨清等處陸路并楊青迤南直抵爪州水路量其遠近審其要害各立土堡一座招集附近軍民開店買賣安泊商旅仍撥千百戶一二員管領官軍一百或僉選老人一二名管領民壯亦以百名為率分番備禦一謹河防沛縣迤北臨清迤南開座多被附近無藉小人作弊有於始建之時通同匠作將開底高起致水搏激又有陽雖閉蓄陰實泄故乞勅各處管河郎中御史等官禁治下所司知之○陞南京欽天監監副李鍾為本監監正○辛未韓府通渭王徵錄乞於漢中府買茶命每歲許一次數止六百斤○壬申 孝恭章皇后忌辰 上祭 奉先殿遣駙馬都尉周景祭 景陵○賜秦府奉國將軍誠浚誥命冠服如制 虎

刺撒園回回怕魯灣等從海道至京貢玻璃瑪瑙等方物 上却之命給口糧脚力遣還○寧夏地震○癸酉秦王誠泳奏有風疾欲求本城外溫泉浴許之○命都察院右副都御史張璋孫雲翼為國子監生從其請也○朝鮮國陪臣韓堰以來貢病卒于館 上愍其遠來客死命有司給棺致祭仍傳送其喪以歸○代府樂昌王聰涓母夫人侯氏有疾遣醫視之從王請也○甲戌朝鮮國王李婁遣陪臣朴安性等來賀 皇太子千秋節賜宴弁衣服綵段等物有差○太常寺卿兼翰林院侍讀學士傅瀚疏乞還鄉展祭許之給驛以行仍諭令並還供事陞辭賜白金十兩綵段二表裏瀚經筵日講官也○丙子韓府鎮國將軍徵錯徵錄徵鈺俱淫亂無度且引拜方士入宮儀賓文顯宗典仗謝漬與樂平定肅王宮人姦樂平王徵鉷奏其事錯巡



等官勘實詔徵錯等革去祿米三之二文顯宗等俱處斬○命  
江西都司署都指揮僉事趙德之子完代為南京鷹揚衛指揮  
僉事○丁丑重陽節賜百官宴于午門○以山東濟南等五府  
災傷免州縣正官明年朝覲○庚辰實授南京都察院理刑知  
縣郭維宗尋為南京監察御史經廣西道養陝西道○兵科都  
給事中蘭琦等劾秦都督同知白玘始以在遼不職取回聽用  
繼以不堪坐營革退帶俸近又賞緣得舉南京前府管事併劾  
兵部不當推舉之罪 上詰貢尚書馬文升等文升等自劾請  
罪貸之玘玘帶俸如故○陝西河州地震有聲如雷○辛巳初  
荆府荆靖王妃魏氏生子見瀾見溥夫人王氏生見澤魏氏鍾  
愛見溥凡金帛必倍與之見瀾不平靖王薨見瀾嗣位鍾魏氏  
於宮中減去衣服飲食抑鬱而死見瀾怒不已令舁其柩自實

間以出遂欲殺見溥佯使人召之騎射既入令左右擁執自出  
鐵尺連箠之見溥哀號乞免左右以衣塞其口仍擊以銅錐乃  
死尚恐其或甦援以鐵火筋鑽死孔間血流盈地乃使人給其  
妃何氏謂見溥以馬驚踐死後何氏入朝太妃見溥使妾婢誘  
入別室逼淫之遂拘留不遣又欲通於從弟見潭之妃茹氏見  
潭母馬氏懼而防之見溥怒執馬氏髻其首箠之百餘拘見潭  
於官中繫縛之囊土覆其面以死械繫茹氏入府脅而淫之又  
集惡少日與馳射或私過江遊逸聞民家女子美者輒奪取之  
乾沒官糧網羅貨利庫藏聚斂動以萬計拘鎮國將軍見奎見  
沈滅其食皆鉞而死見溥懼及禍密疏奏之上命法司勘鞫  
具得實乃遣太監白俊駙馬都尉蔡震拘之至京遺書於諸王  
共議其罪以聞命何氏自盡削茹氏封號冠服以見溥舉奏不

早亦不盡實減其祿三之一○壬午兵科給事中吳世忠言近者南北直隸山東河南浙江遼東等處奏報水旱而浙江蘇湖等府尤甚致屢宸慮屢飭百司經制百度賑恤之典有加而惠澤之實未究者良由淹延好繁拘於簿書之過也今府縣官吏發粟賑濟之時文移勘覆動逾旬月俟既得食而其饑者已死流者已遠矣又况胥吏因緣為姦尤有不可勝言者今欲約之以法莫若稽之冊籍因糧之多寡驗民之貧富凡遇給散視此為則則富者不得濫支貧者獲沾實惠弊革而惠行矣至於救荒之策尤莫善於二事曰治水利復常平水利在北方為溝澮之類在南方為陂池之類宜命官分行郡縣巡視以洪武永樂年間版籍誌書為據按名責實疏濬修治復舊額增新築以備旱滯常平宜因今日義倉之舊更以常平之名因民數之多

寡以貯粟酌道里之遠近以立倉每縣二三十里各立常平倉一兩豐年而糶委之富民以計其數凶年而糶臨之廉吏以主其爭凡此皆救荒之急務也戶部覆議謂世忠言俱可行但義倉之在今日驟欲更名似紊其舊况本部已奏行每州縣設立四倉每鄉或數十里共設一倉令耆民收掌有司稽考出納歛散以時亦常平社會之遺意今第令巡撫等官循名責實為宜上從其議○調刑部郎中車寔等十四人于外任刑部諸司隸卒故多各處逃民冒名為之詐取獄囚財物為贖日久而官弗之知也至是緝事者發其事於是郎中車寔陳章員外郎蔡相陳宣郁容主事朱儀侯直仲本張愷姚文灝張景琦朱清李克嗣陶縉俱以防閑不嚴下獄併鞫之都察院擬各贖杖還職上命發隸卒邊遠充軍寔等俱免罰贖各調外任寔調為真

定府同知相為高州知州宣為夷陵州知州容儀直本愷文灝  
景琦清克嗣續俱府通判時章已陞湖廣按察司副使詔依原  
品亦調為府同知初緝事諸枝榘多有以私事屬寔等者寔等  
拒之故媒孽以致其罪議者惜之○以各處災傷減明年上元  
節所用黑鉛等料常數之半從工部尚書賈俊等請也○甲申  
代府博野王聰泰薨王悼恭王長子母妃牛氏天順二年生成  
化九年周封至是薨年三十五訃聞輟朝一日賜祭葬如制謚  
曰端穆○乙酉賜秀府順義郡主東安縣地二十七頃○巡按  
山西監察御史劉紳言四事一倉場官周歲為滿守支完日給  
由然收受易支故難場官尤難乞定與守支年限如年限已滿  
許申上司將經收草束交接管官攢守支起送改選若有虧折  
陪補數足方許起送一各邊騎標馬常有損失舊例軍士每半

年出銀三錢幫助買補未免扣減月糧延緩誤事乞勅太僕寺  
或行太僕寺將各處俵解官馬量查撥補若自不用心餼養以  
致瘦死或被盜失去等項則令自備半價幫助買補一乞令各  
邊倉糧本色折色中半兼收本色備目前支用折色待豐歲糴  
買一山西鴈門偏頭二關俱設有千戶所分理軍務守禦地方  
惟寧武關未有衙門止令官軍分番戍守往來不便乞一體設  
立下所司知之○丙戌賜晉府容縣郡君并儀賓王鶴誥命冠  
服如制○命陝西行都司都指揮同知韓玉克左叅將分守寧  
夏西路○改註左軍都督府帶俸都督僉事張海于南京前軍  
都督府僉書管事○丁亥河南信陽州有大星紅光映天自西  
北流至東止而隕聲如鼓○陝西渭南縣地震○戊子賜代府  
鎮國將軍成整第二子名曰聰洞第三子曰聰消楚府輔國將

軍均鍾庶第七子曰榮次襄城王府輔國將軍偕淑子曰旭藁  
奉陽王府革壽鎮國將軍申錮子曰賓湜曰賓泌曰賓湧○命  
詹事府少詹事兼翰林院侍講學士陸簡司經局洗馬梁儲纂  
修玉牒○辛卯陞南京太常寺少卿陳音為本寺卿以九年秩  
滿也○陞直隸廬州府知府李喬為布政司左叅政湖廣按察  
司僉事馮錕江西僉事羅九鼎俱按察司副使喬河南錕江西  
九鼎雲南○河南布政司右叅政舒清丁憂服闋復除四川布  
政司○都察院右僉都御史張文昭以母憂去任○山西絳州  
地震有聲○壬辰 皇太子千秋節賜百官宴于午門天下諸  
司并外夷慶賀官員人等宴闕左門○命戶部運太倉銀十萬  
兩于宣府以備軍儲○癸巳陞鴻臚寺左寺丞崔勉為南京鴻  
臚寺右少卿以九年秩滿也○甲午以河南旱災并河決免開

封衛輝彰德懷慶四府州縣正官明年朝覲從巡撫等官奏也  
○乙未降湖廣鄖陽府同知王輔為雲南楚雄府道判輔先任  
浙江按察司僉事欺侮按察使毛議坐同僚不和降前職至是  
復與知府劉璣相訐奏巡撫都御史王道復欲兩調之吏部言  
輔之過視璣為重宜留璣而調輔故有是命○以災傷停解浙  
江河南南北直隸州縣軍丁并免山東秋班官軍暫于本處操  
守○先是分守代州叅將都指揮僉事王昇山西都指揮僉事  
江朴相訐奏下巡撫都御史楊澄巡按御史周琬會左布政使  
李蕙按察使熊翀鞫昇自以己為叅將而巡撫等官不曲庇  
之甚不平遂奏澄琬蕙翀不法事命刑部郎中陳忠大理寺左  
寺正朱英往勘昇坐冒領官銀私役軍士盜官米營私第朴坐  
擅離信地剝削軍士澄坐釋放罪人勸借銀兩公用琬坐以私



粟發送罪人蕙艸俱坐勘事不審獄上得旨昇朴俱贖徒還職  
澄瑛各罰俸三月蕙艸逮問如律○陝西臨洮府地震○丙申  
給故壽寧侯張密墳地三十頃于翠微山

大明孝宗敬皇帝實錄卷之六十七終

大明孝宗敬皇帝實錄卷之六十八

弘治五年十月戊戌朔孟冬享太廟○遣駙馬都尉馬誠黃  
鑄分祭長陵獻陵景陵裕陵茂陵○遣儀賓楊淳  
祭景皇帝陵寢○遣內官祭司井之神○命隨侍衛王翰林  
院檢討祝福為左長史紀鑄為右長史中書舍人閻璟為審理  
正王士衡為審理副待詔汪成馬能俱為紀善以王將之圖也  
○己亥遼東蓋州地震有聲如雷○庚子命豐潤伯曹愷神機  
營右腋坐營○辛丑致仕戶部尚書殷謙自陳在官勞績乞准  
致仕尚書薛遠例官其子監生璋為京職以便侍養吏科恭云  
皇上嗣位重恤名器仕籍甫清謙今退居畎畝之間亦當不忘  
廟堂之慮顧乃倡啟勞績為子奏求京職遠得僥倖於前謙遂  
效尤於後此門一開漸不可禁宜薄示警戒庶幾可遏將來吏

部覆奏謀之勞績乃人臣常分今欲為子求京職顧乃妄自矜  
衒冀於獲便身圖誠有如文科所叅者 上曰謀既年老璋當  
選時吏部仍照例考試隨其應得品級選除附近地方以便養  
親○壬寅命戶部運太倉銀六萬兩于甘肅准弘治六年歲例  
之數并關中兩淮都轉運鹽使司弘治元年常股鹽八萬引二  
年存積鹽六萬引雲南鹽課提舉司三年鹽課六萬引召商上  
納糧料于甘肅等倉以備邊儲○癸卯代府定安悼隱王長子  
聰滿卒母妃王氏奏乞追封王爵禮部覆奏以前無此例不許  
賜祭葬如制○甲辰陞江西按察使魏富為都察院右僉都御  
史巡撫順天等府○司設監太監許誠奏鐘鼓司缺人乞將本  
司閑住官王貫及革職官劉玘鄭豫張貴劉傑臧賢應役禮部  
議不可許得旨劉玘鄭豫張貴劉傑給與冠帶并王貫月食未

一石令在鐘鼓司教習樂藝臧賢既係有罪革退人數其已之  
○虜入宣府龍門所等處殺掠官軍罰分守叅將絕律楊彪俸  
兩月監丞楊聰張剛及守備太監謝銓奉御賀能俱戴罪殺賊  
其提調等官指揮鄧林等下巡按御史遠問○是日昏刻月犯  
牛宿中星○乙巳致仕南京工部尚書程宗卒宗字源伊直隸  
常熟縣人景泰二年進士授刑部主事陞署員外郎遷江西吉  
安府知府丁父憂改真定未行又改武昌陞四川左叅政陝西右  
布政使轉左再陞都察院右副都御史治院事出巡撫陝西丁  
母憂起撫吏於雲南尋巡撫雲南陞刑部右侍郎轉左秩滿陞  
南京工部尚書弘治二年致仕至是卒訃聞賜祭葬如例初叢  
罕弄者木邦宣慰使罕寔法之女也歸陶孟司孟守孟容蓋木  
邦本以孟密有室并故私厚之景泰初叢罕弄遂據孟密以叛

而每以金寶求通朝廷欲自立為守臣所抑不許成化間守臣  
貪賂入其使遂得以重寶啗大學士萬安安乃力主設立議遣  
大臣撫治時朝士畏清議莫肯往者乃即宗家起之宗既承安  
風旨至雲南首為說以右孟密時巡撫都御史吳誠以為不可  
宗大怒陰使人諷誠曰彼不欲為巡撫矣誠遂不敢言宗乃會  
守臣往凡木邦訴告者皆杖遣之而叢罕弄使至皆犒賚殊厚  
又獨諭南山再就見之且命之坐叢罕弄揣知宗意略不及木  
邦故地且求索他侵地宗皆許之歸遂以退地為奏寶無寸地  
歸木邦也時邊人莫不忿惋吳誠竟以憂卒而宗遂巡撫雲南  
益驕恠不事事凡土官衙門關節皆以子通而子尤暴橫莫敢  
誰何既而聞立孟密安撫司而宗遂陞刑部侍郎矣先是叢罕  
弄之叛木邦猶畏中國故侵地止什四自宗右之遂盡屠木邦

至極罕究法父祖塚奪其金牌信符罕究法棄妻子走孟乃西南諸夷皆竊睥睨以輕中國王養因茲跋扈致頻年撫夷老幼罷轉輸少壯死瘴癘至今不已者其禍皆始於宗也說者謂宗雖承安風旨使當其時苟能以大義折叢罕弄之叛必欲退其侵地然後以街門昇之猶之為近顧乃貪懦不敢出一語而汲汲奉之唯恐失其歡此所以遺無窮之患也故滇人歷數巡撫于其上者皆羞及宗云或謂宗明敏能留心職務故吉安之治能得民心至群赴闕下請留之而晚年乃大謬至此惜哉○夜火星犯靈臺上星○丙午湖廣永順宣慰司土官宣慰使彭世麒四川石砭宣撫司土官宣撫馬徽各遣使進馬慶賀賜緡段鈔銀有差○丁未賜都察院右副都御史唐珣母太宜人計氏羹祭五品命婦例無羹祭珣上疏乞恩特許之○命永平衛

帶俸署都指揮僉事胡瀚守徭德州及河間等處。戊申賜韓  
府義寧縣主并儀賓王廷瑞慶府南縣縣主并儀賓趙蕙誥命  
冠服如制。陞南京監察御史曹玉為湖廣按察司僉事。己  
酉陞四川布政司右布政使何鑑為本司左布政使。上御奉  
天殿傳制遣永康侯徐錡陽武侯薛倫駙馬都尉楊偉崇信伯  
費淮清平伯吳琮建平伯高進廣寧伯劉信彭城伯張信吏部  
右侍郎周經兵部左侍郎呂震各持節充正使尚寶司司丞李  
玘戶科給事中叢蘭兵科給事中涂旦中書舍人李珩戶部郎  
中宋明崔巖兵部員外郎顧達強滿刑部郎中錢鏞馬懋元副  
使冊封寧府上高王親鈞為寧王妃徐氏為寧王妃生員黃漳  
長女黃氏為石城王妃徽府徽王妃庶長子祐臺為興化王庶次  
子祐樞為太和王趙府趙王庶第五子為廣安王周府周王庶

第十八子安澤為信陵王慶府私農安信王庶長子鎮國將軍  
寘綱為私農王夫人管氏為私農王妃安化王惠懿嫡長孫寘  
錡為安化王夫人施氏為安化王妃遼府衡陽信靖王孫寵淹  
為衡陽王沅陵昭安王嫡長子恩鈺為沅陵王東城兵馬副指  
揮文秀嫡長女為光澤王妃南城兵馬副指揮劉溶嫡次女為  
肅寧王妃代府潞城安簡王嫡長子成錕為潞城王夫人段氏  
為潞城王妃南城兵馬副指揮王軒嫡長女為魯世子妃知州  
高嶽嫡長女為高密王妃鎮國將軍誠灌夫人王氏為秦府宜  
川王妃東城兵馬副指揮趙昂第二女為崇府瑞安王妃。是  
日辰刻木星見於未位夜月犯外屏西第二星。庚戌命以兩  
淮餘鹽一萬引助岐王婚禮之用。巡撫寧夏都御史韓文言  
寧夏採豹以貢糜費甚多無益於用宜停止以免軍民勞擾



上曰已止之矣。辛亥 聖慈仁壽太皇太后聖旦 上率親  
王上壽文武官命婦朝賀。賜百官宴于午門。賜各王府及  
天下諸司慶賀官員人等鈔幣有差。陞監察御史葛萱為江  
西按察司僉事。罕東左衛都督只免遣指揮川卜兒劄來貢  
賜宴并綵段等物如例。壬子陞山東布政司左叅政沈純為  
四川右布政使陝西按察司副使陸珩為江西按察使。遼東  
廣寧前屯地方天鼓鳴聲如雷。癸丑晚刻月犯天高星 甲  
寅給豐城侯李璽祿米歲一千五百石本色折色中半兼支。  
刑科給事中王欽言四事一廣邊儲謂各邊糧儲甚缺乞差御  
史一員量帶銀兩會同管糧官員仍將庫內原收戶部發去及  
各處輕齎贖罰銀兩等物設法糴買務使倉廩充實足數年支  
用一全臺憲謂各處巡撫都御史所繫甚重每過地方缺人方

選多至誤事乞勅吏部都察院會議內外衙門應選官員仍訪  
察其才行著聲者照諸司職掌額數選補同在院管事如遇  
巡撫員缺以次差遣仍將缺員推補毋致停遺一惜儒職請令  
提學衙門今後考較之際教官文理欠順者量加免勵俾得進  
修迨至九年任滿赴部通查功績有無照例陞調不許任情輒  
送吏部一杜農民謂各處農民近來徃徃營求知印承差吏典  
等使在官以圖脫免差役益重民困乞勅各處都布按三司及  
所屬衙門如遇知印承差吏典名缺預於三月以裏扣數揀選  
民間子弟能書算者量使出銀財庫以備賑濟不許似前濫收  
違者罪之命下其奏於所司○夜月紀司怪星○乙卯 誠孝  
昭皇后忌辰 上祭 奉先殿遣駙馬都尉周景祭 獻陵○  
命福建建寧府立故知府張瑛祠瑛浙江建德縣人正統間由

刑部員外郎知建寧時延平盜起瑛率衆斬首五百餘盜遂平  
權本布政司右叅政仍掌府事後高陽里陳保仔聚衆劫掠瑛  
復率衆勦捕與李父牧俱被害事聞遣官諭祭贈嘉議大夫福  
建按察司按察使官其子熙為縣主簿至是知府劉璵奏請立  
祠歲於瑛死日致祭以為忠義之勸從之○哈密忠順王陝巴  
阮襲封歸國與野也克力奴禿卜花台卜之女結婚其鄰部亦  
刺思王亦不剌因王率其頭目鎖和台卜平章滿可知院左右  
之各遣人奏其事因乞結婚財禮并賞賜甘肅守臣亦為之請  
禮兵二部覆謀朝廷興減維絕既冊陝巴為王亦須使其有室  
有家方可為保久計宜大費以結其心乞賞銀百兩仍用一品  
官婚禮定數賜紵絲綾紗羅各八疋絹三十二疋大紅羅二疋  
脚紗二疋外加青紅綠布百疋以助之亦刺思王亦不剌因王

及禿卜花台卜三人各賜綵段四表裏鑰和台卜平章滿可知  
院各綵段二表裏議上從之。虜入大同分水嶺等處軍士及  
幼女被掠者四人命提問守墩千百戶柳芳等四人如律罰分  
守泰將李璵守備都指揮曹伸俸各兩月與分守監丞楊定俱  
仍戴罪殺賊。丙辰以廣東廣惠南韶四府民被水災命有司  
賑恤之。舊例漕運船松木者五年一造給價銀六十一兩九  
錢楠木者七年一造給銀七十七兩五錢俱軍三民七出辦後  
東河衛所每船加銀五兩至是浙江江西湖廣三處船每加三  
兩從總督漕運都御史張瑋奏也。舊例宣府邊軍歲給冬衣  
布四疋內一疋抄鈔二十五貫其鈔類差人赴京庫領回給散  
為獎勵多至是戶部奏令宣府軍士折布鈔貫照本處官旗近  
日折俸錢鈔事例運山東河南及北直隸折收戶口鹽鈔價銀

給之每鈔十貫給銀三分從之。○裁革松江府黃渡河泊所。以給貴州進送公文鋪軍月糧三斗。○戶部會議各處巡撫都御史所陳事宜一榆林城迤西抵寧夏迤東抵黃河西岸舊築邊牆虜用難侵但黃河既凍則人馬經行無異坦途乞勅延綏鎮巡官於黃河兩岸邊牆盡處築墩臺各一座每歲冬撥軍哨守至初冬之時以草捲沙如土牛之形橫列冰上而於下流鑿冰取水灌之使結凍成壁以塞河口則虜寇無由南侵矣一新設分巡宣府山西按察司僉事乞給以分巡口北道關防使委繫可革一大名府東明縣地名杜勝集及定州清風店軍民雜處盜賊竊發乞各增設巡檢司隸該州縣管束地方禁捕盜賊一各處凡買田地者乞令於立契之日細開田土稅糧馬糧站糧草束荒絲各若干方許出給契尾仍於契尾內亦照款開具付

與買主收執庶免移易作弊不致地去粮存一蘇松等府水災  
兩京文武官員及公侯伯駙馬俸粮祿米乞每石折銀七錢徑  
解兩京戶部按季給領一山東滕縣至徐州路遠且要往來使  
人絡繹乞于中途增設運運所以便接送及登州府豐益庫每  
歲坐收各處折鹽布鈔甚多舊雖有原降印記及設摺典而無  
官掌管收放不能無弊乞增設大使一員收掌出入一兩廣地  
方官員每以願告遠方者選補多不得人乞於地方相應舉人  
監生之中遴選除授如一考兩考果有治蹟則照例奏舉旌擢  
一各番進貢年限乞行廣東布政司出給榜文於懷遠驛張掛  
使各夷依限來貢如番船抵岸先赴布政司比對勘合字號相  
同貢期不違然後盤驗起送庶沿海人民不得常與外夷交通  
以致起釁招寇一各處郡王將軍府管家內使并本府官旗校

尉人等於徵派祿米州縣用強免支及至城外邀截納戶并入倉占認者皆生事害人之類乞令杖罪已上發遣衛充軍若管家內使及王府官有犯奏請發遣一順天府逃回富戶乞令所在有司每歲徵銀五兩解部給付完大二縣以備原設衙門雇役之用庶免清勾擾人一各處部運兩京糧米近皆水次兌支不能無弊乞仍依舊例撥納各衛倉令在京官吏旗軍於各倉開支庶軍民兩便一南京各衛倉每歲俱分委員外郎主事等官監督收放仍乞令委郎中一員往來巡視一襄陽府地名樊城各處商賈湊集流民雜處故多盜賊深為地方之患乞增設巡檢司於此緝捕一忠州守禦千戶所原隸湖廣都司瞿塘衛後設行都司於鄖陽而以本所改隸之每歲公移由瞿塘至鄖陽水路險遠不易達多致遲誤若陸路徑至鄖陽不由瞿塘甚

便乞改徑隸行都司一各處鎮守分守守備內外等官於所屬  
衙所官員舍餘跟用者俱乞定以名數每月一更不使後欠得  
以生事竄改如有任進其所跟軍職不許冒報功次及考選軍  
政亦不得營求預考一鳳陽府臨淮縣小東門外舊設廣濟分  
司歲收水路商稅課鈔後革裁而以課鈔歸併廣濟間帶管今  
乞俱歸併本府稅課司而本關止專緝捕姦盜一揚州府海門  
縣註置江海之濱潮水衝浸為患乞令遷移於東高阜之處庶  
民居官舍兩無所慮議上俱從之○會官審錄重囚凡百七十  
四人命情真無詞者處決訴寃者重鞠情可矜疑者免元發違  
衛克軍不孝而父母息詞者杖而釋之○丁巳四川按察司副  
使柳應辰丁憂服闋復除陝西按察司整飭岷州等處兵備○  
己未刑部尚書彭韶等以會審擬上監察御史李興彭程罪狀



得旨李興致死人命數多處斬彭程并家屬登隆慶衛充軍於  
是五府六部英國公張懋等上疏曰李興酷暴罪固不可逭然  
其致死者多有罪之人若處興以死則凡欲殺故毆者又將何  
以罪之彭程以言為職雜論事未免過當原其心亦出于忠懇  
若置程充軍則凡姦貪枉法者又將何以罪之吏部尚書王恕  
亦上疏曰李興巡按克盡憲職貪官污吏聞風斂跡若處之死  
臣恐天下後世以陛下用刑任情而不任法使御史不敢舉  
職貪污者皆無所憚矣上曰李興酷刑罪當死汝等既累章  
論奏姑從輕杖之百并家屬發極邊煙瘴地充軍今後出巡御  
史凡事務遵憲綱不許任意妄為敢有酷暴如李興者必誅不  
赦彭程仍充軍興在陝西過為崖岸視方面如無人難都御史  
亦凌之事必欲出其上故及于禍然亦能舉其職程亦以言過

激得譴議者惜之後程母李氏以年老無他子乞留程侍養南  
京工科給事中毛瑄等復言臣下進諫當勝優容導之言簡或  
依違罪之誰敢復諫且言有工拙意皆忠懇周昌以桀紂比高  
帝陸贄以仁義諫德宗當時之君皆知聽納以其同出于忠耳  
今彭程之言雖甚狂妄原其心亦出于忠 陛下當取其心而  
略其言也昔劉禹錫附王叔文得罪當遠貶裴度以其母老言  
於憲宗禹錫得改連州 陛下聖德非唐中主可比而彭程之  
罪又與禹錫不同伏望少賜哀憫曲加寬恤使彭程母子得以  
保全天下知 陛下以其母故而宥其子也皆不允○辛酉辰  
刻金星見于己位○同日卯刻南京見木星見于己位○壬戌  
先是欽天監監正李革犯罪被黜因同中官擇 茂陵地自叙  
其勞奏獲復任禮部議謂本監例不用有過之人命革仍致仕

○貴州苗作亂命鎮守湖廣鎮遠侯顧濬充行軍總兵官巡撫  
都御史鄧廷瓚提督軍務兼理糧餉鎮守太監江惠監督軍務  
都督王通協同統軍巡按御史黃珣隨軍紀功率官軍并土兵  
八萬人討之○癸亥嘗按南京都察院理刑知縣張過郝鑑俱  
為南京監察御史過陝西道鑑雲南道○鴻臚寺序班郭理言  
五事一肅慶賀謂文武衙門雖異而敬上之心宜同近者在  
外文武官每遇拜賀節令習儀行禮各於一處殊為非禮乞令  
在外衙門但係一城之內無分軍衛有司先期並于寺觀習儀  
至日於有司衙門行禮一遵制度謂皇城四門設下馬牌者所  
以尊崇天極表正四方此臣民所當遵守者也近有官員人等  
到於大明門下馬牌側已入牌內三五步方下轎馬至上馬轎  
亦如之又有愚頑者懶於下馬其過北安等三門順街斜走數

步常行抄過甚為不款乞命守門官軍常加巡視務須未至牌  
邊先下馬轎過牌數步方許騎乘一造橋梁謂順天府通州薊  
州等處河道設立舟楫橋梁以便往來近有燕藉之徒每當春  
夏水溢之時以官船竟覓私利至秋冬橋梁既成又行焚毀仍  
以舟楫渡之昭害不可勝言乞令各處有司凡設津渡去處務  
委公直人役輪日看視以草前禁一釋冗員謂口北隆慶保安  
渾源應蔚朔六州極遠小處地瘠民貧近來添設監收糧草判  
官吏日數多俱有祇候馬夫門子等役民甚不堪乞照京道二  
倉收糧經歷三年起送事例准令給由以免坐困遠氓一禁宰  
牛謂私宰耕牛律例固有明禁奈何京城殺牛覓利者無處無  
之在外亦然不為之禁販賣愈多屠宰愈衆非止民缺耕載之  
用抑亦有傷天地之和乞在京令兵馬司在外聽軍衛有司嚴

加禁止犯者照律例罪之命下其奏於所司○乙丑未刻日生  
左右珥色赤黃○丙寅賜秦府宜川王誠灌嫡子名曰秉橋鎮  
國將軍公鏞庶第五子曰誠泚第六子曰誠泚汗庶第一子  
曰秉柁誠泚庶第一子曰秉柁輔國將軍誠泚庶第二子曰秉  
協誠泚庶第一子曰秉柁嫡子曰秉柁遼府鎮國將軍恩誠嫡  
長子曰寵渥瀋府輔國將軍鈺鉞第八子曰勛浩趙府湯滋王  
庶第二子曰祐櫛鎮國將軍見溥庶長子曰祐櫛唐府新城王  
庶長子曰彌鏡湯陰王嫡第三子曰彌莖莖府奉國將軍榮漢  
嫡第三子曰顯熙晉府輔國將軍鍾銜庶長子曰奇涿奇汪長  
子曰表枕奇通第四子曰表橋安定王府鎮國將軍聰濂第二  
子曰俊樛靈丘王府鎮國將軍成鈇第三子曰聰瀆第四子曰  
聰滄寧河王府鎮國將軍鍾鏗嫡第二子曰奇瀆鍾鏗嫡第五

子曰竒流第六子曰竒澂晉府方山王庶第十一子曰竒灤輔  
國將軍竒湏嫡第二子曰表果寧化王府鎮國將軍鍾鉞嫡第  
三子曰竒浩嫡第四子曰竒淡雲丘王府鎮國將軍竒況嫡第  
二子曰表檣慶成王府輔國將軍竒澂第二子曰表梗竒潘長  
子曰表棋單職將軍竒澂第二子曰表楫第三子曰表樓第四  
子曰表框口命致仕啓事府少啓事兼翰林院侍講學士程敏  
政前左春坊左庶子兼翰林院侍讀張昇俱復職前翰林院侍  
講學士焦芳重向京相應職事用之先是錦衣衛千戶葉通奏  
敏政舉自神童遂登進士授官翰林院侍讀惟既而進謀經筵  
纂修國史後為當路所嫉嫉御史以風聞劾罷芳及昇始以文  
學侍從於先帝復以經學勸講於東宮芳剛正嫉惡既為陰  
邪排陷調官遠州昇因激陳言亦為當路不容左遷郎署俱乞

初該部查明後職庶人才不遺聖政有補奏下吏部具各官履  
歷及致仕降調始末以聞故有是命既而吏部奏芳今任湖廣  
按察副使與南京通政司右通政品俱正四應改用俟服闋行  
取赴任從之○增太常寺廚役三百名

大明孝宗敬皇帝實錄卷之六十九

弘治五年十一月戊辰朔欽天監進弘治六年大統曆 上御  
奉天殿受之給賜文武百官頒行天下○己巳卯刻南京見金  
星畫見於辰位○庚午命陝西都司故都指揮同知李寬子佐  
襲原職指揮使註西安後衛○辛未賜趙府輔國將軍祐機誥  
命冠服如制○翰林院編修羅玘丁憂服闋復除原職○壬申  
恭讓章皇后忌辰遣內官祭陵寢○癸酉戶科給事中王璽奏  
四川事宜一俗儲蓄謂四川旱遭荒旱逃亡者衆乞將各府州  
縣賦稅及官庫存留銀兩十留其一以爲糶本仍令里社各立  
義倉貯款一輸邊儲謂轉輸軍儲宜量地呈遠近如重慶保順  
等府去松潘爲遠宜徵價銀每石二兩二錢成都叙馬等府去  
松潘爲近宜徵本色其軍士支米者仍舊每月一石支銀者每



石支銀一兩五錢內減七錢以備別用一省冗員謂松潘大壩  
邊境要害堪設兵備官各一員整飭兵備餘如歸州達縣等處  
兵備水利管糧捕盜等官乞俱裁革以惜民費一更備禦謂廣  
安守禦千戶所宜令兼備達縣地方而州縣民兵通行停止其  
松潘守禦別於附近衛所量撥一隸忠節謂宋季合州守王堅  
張珏先後捍禦北虜有功宜令血食茲土以為忠於所事者之  
勸一革倉幕謂順慶府北津渡巡檢司實為要津為巡檢者假  
公規利以困商人乞行裁革仍查天下閑隘凡有此弊者通行  
禁約 上命所司看詳以聞○翰林院編修靳貴病痊赴京復  
除原職○陞工部郎中林壘為湖廣布政司右叅政南京都察  
院經歷王純為湖廣按察司僉事○詔罰陝西布政司叅政王  
哲按察司僉事郝文傑謝顯馬中鏞俸各三月都御史劉忠黃

絳各兩月以給事中王質等查盤延絳等處糧儲劾其管理欠  
廠糧草泡爛虧折故也。○初逆西撒刺把失火者馬黑麻等奏  
撫夷千戶哈只哈三等冒支夷人廩給致令饑餓逃回又追及  
殺死及往還詐取財物事下禮部覆議此係夷人之詞未究虛  
實宜行都察院轉行本處撫巡等官從公勘問冒支潛殺日月  
并果詐取財物即追給各夷收領從重問擬以慰遠人其殺死  
人命徑自奏請發落如其虛詐亦須明白回奏仍將究問發落  
事由條行者諭撒刺把失等回諭速壇阿黑麻知會從之。○慶  
府洛交王真整以賜父莊王祭葬乞詣闕謝上貽書免之。○  
甲戌虜入寧夏威鎮堡等處軍士被殺者五人傷者一人牧馬  
被掠者八十一匹命速問哨守指揮劉琦等五人罰總兵李俊  
副總兵羅欽俸各兩月鎮守太監張府巡撫都御史韓文姑貸

之○乙亥陞福建按察司提學副使羅璟為南京國子監祭酒  
○以水災免應天蘇松常鎮等府弘治五年歲辦皮紙蠟客等  
料三之二令軍民人等有願納銀米以助賑濟者授以軍職不  
治軍不為例○是日卯刻南京風霾云丙子左軍都督府帶俸  
成安伯郭鏞卒字世威直隸合肥縣人祖亮以功封成安侯賜  
誥券世襲成安伯鏞以成化六年襲爵左軍都督府帶俸至是  
卒輟朝一日遣官致祭仍令有司開墳與其妻夫人李氏合葬  
焉○丁丑廣西副總兵後軍都督府都督僉事馬俊之子振以  
其父死于陣援例乞祭葬許之○戊寅禮部議覆太醫院院判  
劉文恭之奏請命太醫院精選年二十以下十五以上官生子  
弟選審本部發本院分撥各館習學仍推素讀儒書精醫業者  
不分有無官職或三人或二人教之本院堂上官相兼提督四

季考其怠惰者責罰仍定三年一考五年三考俱全本院堂上官一員擇取醫官二員車子弟赴禮部公同出題考試果道醫業准充醫士否則發回本院聽習一年再試三試不中黜退寧家其子弟止令專習醫業不許學求科舉以亂其心若五年考試牙前成材者多其教師無官者奏請堂陞一職有官者量加陞擢從之○上諭通政司鴻臚寺曰爾等職專出納命令典司禮儀今後凡內外官員人等所進本狀批出苟意通政司須抄錄真正令上鴻臚寺執名本寺收報單亦須審明方許謝恩如或抄錄及宣念差錯必究問不宥○初湖廣苗賊白荷保等聚眾謀殺諸司上官掠其印至是殺政事琮副使陳孜郡指揮夏仕麒率指揮滿壇等出兵討之擒賊首五十四人兵部請陞琮等三人官壇等十七人給賞內革職指揮李清乞令復職

帝休差操 上命李宗普照例加賞滿瑄等量賞之李清革職  
事由仍查實以聞○庚辰山東按察司副使沈鍾言目提調所  
屬學校自濟南至兗州第見野蕭條場無稼穡流民扶老携  
幼呻吟道路蓋由今歲山東天久不雨曹濮一帶黃河衝決朝  
廷遣工部侍郎陳政巡視河決後夫致萬修築隄防且竊謂隄  
防不可不修而民情亦不可不念今天氣漸寒役夫止月終未  
三斗其衣裳單薄將必有受凍而死者歎乞暫停工役俟來春  
二三月後即并齊成之庶民不深怨而事亦易集工部覆議請  
仍行侍郎陳政酌量處置從之○是日曉刻水星犯罰星昏刻  
月犯畢星○辛巳銜王出府○命南京兵部右侍郎王維之子  
鳳儀為國子監生從其請也○甲中大慈恩寺番僧國師乳奴  
班丹死其姪都網完卜沙加堅來奏乞襲職并建塔祭葬 上

特贈乳奴班丹為法王餘不允。○乙酉文武百官赴衛王府行禮。○丙戌命在外軍衛有司同在一城者過歲時令節俱止。有司衙門一處行祝慶禮違者治之。從鴻臚寺序班郭理奏也。○命遼東都司都指揮使陳槩之子籌襲原職。遼海衛指揮使。○丁亥加賜罕東左衛都督赤克紇絲紗羅各二疋以其使臣諸母額謂有婚禮故也。○降監察御史唐相為河南永城縣縣丞坐巡按廣西時鈔求。孝穆皇太后宗支失實也。○戊子夜北方流星大如盞色赤光燭地自紫微東著外西北行至近濁後二小星隨之。○庚寅冬至節遣駙馬都尉馬誠游泰分祭長陵。獻陵。景陵。裕陵。茂陵文武衙門各分官陪祭。○遣儀賓周鈺祭。景皇帝陵寢。○遣內官祭。恭讓章皇后陵寢。上詣。奉先殿。奉慈殿。太皇太后。皇太后宮行禮。

舉出御奉天殿文武群臣及回夷朝使行慶賀禮 太皇太后  
皇太后 皇后俱免命婦朝賀○辛卯左軍都督府帶俸安鄉  
伯張寧卒寧順天府人景泰三年襲爵初掌南京後軍都督府  
事尋召還管五軍右哨未幾復調南京成化七年領神機營五  
千下營事後以老疾帶俸至是卒輟朝一日賜祭葬如例○命  
納粟賑濟授武職者止許授千戶以下職名並止終身不許闕  
支月糧前授指揮例停止以兵部言其太濫故也○丙申陞吏  
科左給事中王質為本科都給事中戶科右給事中祝僊禮科  
右給事中夏昂兵科右給事中楊瑛工科右給事中龐泮俱為  
本科左給事中吏科給事中林廷玉兵科給事中魯昂刑科給  
事中李源為本科右給事中○戶部請奉詔例暫填塞浙江溫  
處二府銀坑從之○是日晚刻火星犯上相星

大明孝宗敬皇帝實錄卷之七十

弘治五年十二月丁酉朔 上視牲于南郊。命福建行都司都指揮同知張福都指揮金事王暉間住以巡按御史吳一貫言福等年老曠職也。戊戌賓授南京都察院理刑進士王中為南京河南道監察御史。己亥命瑞安侯王源祿未歲支本色一千石于南京一百石于中府倉折色二百石于京庫從其請也。庚子命太原閩住代府革爵武邑王聰沐回本府閩住從其請也。辛丑禮部覆奏戶科給事中王璽所陳復忠節事謂宋李四川合州守王堅張珏當北虜猖獗時先後保障有功堅後遷寧遠節度使益勵臣節珏遷制置使城陷竟不屈而死乞建祠祀以彰忠節請下所司嚴實於本州鄉賢祠附祭從之。甲辰臘節賜百官宴于午門。趙玉見滿乞封其宮人羅



氏為夫人禮部覆奏於例不合不允○戶部覆奏戶科給事中  
王璽所陳邊儲事謂松潘地方在四川極邊之處成都馬叙等  
府去彼稍近所納糧宜輸本色重慶保順等府去彼益遠宜徵  
折色每糧一石折銀二兩二錢以備軍士間月支給請下鎮巡  
等官勘報施行從之○己巳命運戶部銀十萬兩于遼東以備  
邊儲准私治八年歲例之數○丁未南京都察院左都御史黃  
紱乞致仕不允○己酉以蠶句無雪遣英國公張懋祭告 天  
地平江伯陳銳告 社稷新寧伯譚祐告 山川○時刑部及  
皇親文武大臣同劾奏荆王見瀟罪惡 上曰會官劾奏親王  
當以皇親為首汝刑部仍循審錄常例列銜在前有乖事體姑  
宥罪其改正復奏既而刑部首列皇親次列衆銜其中亦有混  
列無序者且不明開皇親某某字樣 上復以為不諳事體再

命改正之。○庚戌竇校南京都察院理刑知縣謝綬為南京四  
川道監察御史。○海西忽石門亦兒古里等衛野人女直都指  
揮等官兀籠哈幹來朝首貂皮馬匹賜宴并衣服綵段等  
物有差。虜入陝西蘭州軍士被殺者一人被掠者二人命停  
守備都指揮梁瑄俸令戴罪殺賊鎮巡等官簡顯等姑貸之。○  
辛亥夜東方有白氣南北亘天長十餘丈去地五尺。○壬子調  
監察御史竇祥為四川萬縣知縣先是陝西漢中府茶課歲解  
六七萬斤多不過十一二萬斤祥奉命巡茶責府縣令多報藏  
販私茶者各問擬徒杖等罪令折茶納贖又坐沐巡捉積茶至  
二十八萬八千餘斤視舊課不啻加倍為知府袁宏所奏下巡  
撫都御史王宗彝勘實言祥違例折罰宏奏祥他事亦有不實  
俱化在單前請兩宥之。上謂祥折罰違例難居風憲命貸宏

調祥外任。○命刑部左侍郎張錦之子澗為國子監生。從其請也。○癸丑，荆王見滿朝連監察御史梁廷賓，廷賓奏曰：「臣過蘄州，王遺以雞酒見日主事壽儒，未言甕中皆白金也。」乃王賂御史汪宗器者，煩公致之。臣懼儒曰：「我當致之。」今荆王犯法，詞連及臣，寃也。因奏宗器違法數事，刑部尚書彭韶議行巡撫等官審實。時廷賓自湖廣託疾還京，未至，都御史白昂劾廷賓擅離職任，命官伺於途執之。○是日晚刻，月犯軒轅右角星。○甲寅，吏部奏請兩京各衙門司務兩考，無過果有才行者，推陞員外郎從之。○增設應天府高淳縣縣丞主簿及管馬主簿各一員。其儒學教諭訓導及稅課局陰陽醫學僧道會司官各如原擬。全設例除補原隸溧水縣巡檢司一壩二河泊所二供改屬高淳縣，從本府奏也。○廣西思恩軍民府土官知府岑藩泗城州

土官第岑接各遺官族頭日朝賀賜絲既鈔錠有差○陞錦衣  
衛帶俸都指揮僉事梁宏為署都督僉事仍坐勇士營宏先附  
本監李良保陞府職以言官劾罷至是復廣緣以進御史周瑛  
等極論其奔競之罪上不聽且詰責瑛等○乙卯旌表五世  
同居一人節婦十六人徐梁山西陵川縣義官自曾祖瓚至梁  
同居凡五世旌其門曰五世同居義門尹氏直隸井陘縣民梁  
萬妻楊氏江西進賢縣民舒矜武妻曾氏江西永豐縣民羅厚  
妻王氏寧同縣民羅津妻潘氏浙江餘姚縣民毛味妻駸氏山  
西汾州民劉宣妻張氏江西豐城縣民胡祥玉妻戴氏江西浮  
梁縣舉人鄧謙妻曹氏江西樂安縣民元洪綱妻丘氏王遂訓  
妻董氏張弘璧妻洪氏鄒剛常妻武氏應景昌妻俱洪綱同縣  
徐氏江西臨川縣民周維聲妻馬氏陝西秦州衛指揮陳揮妻

趙氏樛本衛副千戶高鵬妻俱以早寡守節各旌其門曰貞節  
○丙辰命改壽寧侯張密之子鶴齡襲封壽寧侯并陞道政使  
司經歷高祿為本司右叅議祿與妹塔也○丁巳賜朝鮮國大  
統曆一百本○復陞改壽寧侯張密次子延齡為都督同知中  
軍都督府帶俸并陞張嶙為正千戶張岳張麒俱為副千戶張  
倫張純張恪俱為百戶錦衣衛帶俸嶙密義兄岳從弟倫從姪  
純養子恪義姪麒之妻則樂妻夫人全氏之妹也○上御文華  
門召廷臣會鞠荆王見瀟罪狀尤瀟其伏於是皇親文武大臣  
曰法莫嚴於祖訓而亂法悖訓者自絕於天漢道莫大於人  
倫而反道敗倫者難容於聖世○嘗至公親踈無間茲荆王罔  
遵憲典大肆允踐敗度敗禮之非日加維薄維翰之功何在拒  
先帝遺詔而匿哀主婚不忠於上憾母妃偏愛而非禮事莫不

孝於親手日同氣而亂其妃戕害骨肉而奪其祿信術士妄談而竊懷覬覦之心傳于午政府而畧無避忌之意收三命之人為爪牙保首籍之人為心腹盜賣係官錢糧不貸強奪受聘子女甚衆因私恨而管殺叔妾惑風水而暴露父棺肆意妄為無所不至綱常為之敗壞倫理幾於絕滅天理不容姦情敗露荷蒙皇上不忍遽誅爰命廷臣按其所為之狀徧勅親王議其所處之宜群臣集議於朝金曰當刑諸王論列於圖皆云不赦伏望皇上奮乾剛之斷鑒物議之公施天討有罪之刑顯王法無親之義示法天下垂戒將來六科十三道亦交劾之上曰見滿悖違 祖訓滅絕天理戕害骨肉淆亂人倫得罪於天地 祖宗諸王議其罪大惡極當置於法今親王文武大臣及科道官又交章劾奏法當處死但念親親不忍加刑從輕曲

宥削王爵降為庶人。錮之西內。其輔導官員阿順逢迎致王犯  
罪。俱罷黜之。○戊午夜。月犯南宿。南星大星犯進賢星。○己未  
錦衣衛帶俸正千戶周賢先以鄉試舉人授職。至是復援例奏  
乞會試。禮部議不可。上特許之。賢重慶大長公主子也。○銓  
註燕山前衛帶俸都指揮僉事李胤于福建都司錦衣衛帶俸  
都指揮僉事岳泰。金吾右衛帶俸都指揮僉事許清于福建行  
都司供僉書管事。○禮部奏明年正旦例賜百官及天下朝賀  
人員宴。上命免宴。賜以節錢鈔。○庚申。朝鮮國王李娣遣陪  
臣史曹參判金克儉等來朝。正旦賜宴。并綵段衣服等物如例。  
○給代府政輔國將軍成鉅夫人張氏食米歲三十石。○以水  
災免浙江杭嘉湖紹金五府弘治五年歲辦香葦蓮肉等料三  
之二。○太子太保吏部尚書王恕以老疾乞休。欽且曰。今親親

伊遜臣職當考察庶官其老疾者例該黜退以臣之衰老不自引避而乃考黜他人之老疾者人將謂何 上曰卿老成重望委任方隆豈可以年老求退所辭不允恕再上疏復勉留之○勅滿除在京文武官員過名仍命法司移文于在外諸司○辛酉初造兩使臣寓亦滿達兒奏達禮阿黑麻王另進方物詔令還禁者進收給價其餘聽其自便而滿達兒堅以俱進為言禮部謂宜俯順其情通將方物進入數內舊有賞例者照例給價無例者宜從內府估價給與仍諭甘肅守邊官員今後如遇西夷進貢起送之時須將上進物件儀數辯驗開批內細類者見數印封籠重者開數通行造冊付夷使齎來以憑題進給賞庶事體歸一且免夷人奏擾從之○命雲南都司改都指揮僉事李祥之子增襲雲南後衛指揮使○壬戌賜韓玉偕滿庶第六



子名曰旭橫晉府奉國將軍奇渚庶長子曰表板代府鎮國將軍仕壙第四子曰成鋪寧化王府奉國將軍奇混嫡長子曰表株晉府庶人奇澁長子曰表福次子曰表梅。禮部奉旨查奏先年自宮發遣充軍寧家者內于剛等二千二百四十六名年籍相同同英等八百三十八名無從查覈又杜剛等二百一十二名不係先年發遣之數命于剛等發充南海子淨軍種菜周英并杜剛等送戶部編充海戶常令築墻種菜當差逃者較之仍命禮部轉諭今後敢有私自淨身者本身并下手人處斬全家發遣遠充軍兩鄰及歇家不舉首者同罪有司里老人等時加訪察有即執送于官如有容隱亦治罪不貸。初湖廣蘄州有稅課局及赤東湖河泊所正統中因荆王請給與管業後見滿有罪有司請復歸蘄州管理從之。癸亥命故刑部右侍郎林

鷲之子徽為國子監生從其請也。○甲子賜寧府輔國將軍宸  
泮楚府奉國將軍榮沖誥命冠服如制。○賜楚府中牟郡王并  
儀賓沈寶安吉縣君并儀賓嚴時肅趙府汝南郡君并儀賓張  
隆代府平陰郡君并儀賓張繼恩昌樂郡君并儀賓洪鍾周府  
晉江縣主并儀賓張海安澤郡君并儀賓張誥命冠服如制。  
○裁革浙江管理銀礦官布政司右叅議按察司僉事及處州  
府同知遂昌慶元龍泉景寧四縣丞各一員以銀坑填塞故也。  
○河間長蘆都轉運鹽使司各場鹽自成化元年至二十三年  
止有召商開中無人報納者亦有改撥存下虧折不堪者共五  
十一萬六千九百餘引官吏多沿襲作弊竄丁亦乘此私煎戶  
部議謂須盡數鬻之庶鹽法可清從之。○命烏思藏來貢番僧  
阿旺劉思以製崇化禪師仍賜宴如例。○是日辰刻日生左珥

色赤黃良久敬。○乙丑以歲暮禘祭遣駙馬都尉周景告 太廟游泰告 懿祖皇帝。○丙寅禘祭 太廟。○遣太常寺官祭五祀之神。○遣旗手衛官祭旗纛之神。○秦府臨潼王誠深薨 王惠簡王嫡子母妃劉氏景泰四年生天順八年封為長子成化十三年襲封臨潼王至是薨年四十計開報朝一日賜祭葬如制諡曰和倍。○是歲天下戶九百九十九萬一千九百六十五戶口五千五十萬六千三百二十五口田八百二十五萬五千八百八十一頃田賦米一千九百七十八萬六千九百四十九石六斗九升麥七百八十九萬八千四百五十九石八斗八升絲三萬六千七百零三斤七兩五錢綿二百六十五萬二千九百四十六斤五兩三錢絹一十七萬八千六百九十七疋三尺四寸五分布一百一十五萬一千七百七十九疋三丈二寸三

分綿花二十三萬一千二百斤草三千四百八十七萬四千六百包束戶口鈔八千八百四十二萬六千九百八十二貫雜課鈔共七千三百九十二萬六千一十九貫折米一千四百七十二石望課二百四萬九千八百引折米五千七百八十七石四斗折布二萬一千七百九十五疋茶課八萬九千斤屯田二十八萬九千八百九十五頃九畝子粒二百九十三萬九千四百七十石金銀課共七萬二千一百三十兩水銀二百二十九斤硃砂四十六斤八兩備運糧四百萬石各處運納米麥共一十五百二萬一千七十五石四斗一合三勺四抄三撮七粟六粒減免稅糧七百九十八萬四千八百九十七石四斗草九百六十三萬五千六百七十束

大明孝宗敬皇帝實錄卷之七十終

明孝宗敬皇帝實錄卷之七十一

弘治六年正月丁卯朔正旦節遣駙馬都尉馬誠齊世美分祭  
長陵 獻陵 景陵 祔陵 茂陵○遣儀賓楊淳祭 景皇  
帝陵寢○遣內官祭 恭讓章皇后陵寢○ 上詣 奉先殿  
奉慈殿 太皇太后 皇太后宮行禮畢出御奉天殿文武羣  
臣及天下朝覲官四表朝使行慶賀禮○ 太皇太后 皇太  
后 皇后俱免命婦朝賀○遷東都司及復州海州金州三衛  
地震有聲○戊辰文武羣臣朝親王于奉天門東廊○己巳  
宣宗章皇帝忌辰 上祭 奉先殿遣駙馬都尉馬誠祭 景  
陵○庚午南京吏科給事中邵誠盜察御史王和等劾奏廣東  
參政詹雨福建副使司馬璽等二十餘員不職乞行黜罷 上  
命吏部仍從公考察不可枉人○召河南清軍御史回京以連

年災傷且方有治河之役故也○癸酉孟春享 太廟○遣內

官祭司戶之神○甲戌平鄉伯陳信卒信父政嘗總鎮兩廣信

襲爵帶俸中軍都督府兼管營操至是卒而輟朝一日賜祭葬

如例○直隸壽州同知董璩應詔言三事一蠲田糧謂壽州與

六安衛接壤衛所官家人多占種民田不納賦稅乞令所司按

問其罪以免州人陪補之苦一修陂塘謂州民塘地比來為軍

士所據阻截水道乞嚴為之禁每歲督人修築以備蓄洩一遵

舊制謂往年州縣稅糧納之別倉者皆里甲自運比來本州多

選點里長或別無大戶糧多人少率致誤事其間差違又有不

均之嘆乞復其舊庶於人情為便戶部覆議下巡撫官勘理從

之○乙亥命廣東按察司僉事沈銳專理鹽法巡撫兩廣都御

史閔珪言廣東鹽課舊有按察司官專管後以巡守官攝之事

無專任逋負至數萬宜仍舊使戶部覆議從之○丙子以大祀  
天地 上御奉天殿警戒文武羣臣致齋三日是日立春順天  
府官道春免羣臣行慶賀禮○賜岐王祐楡漢陽府劉家陽稅課  
司課鈔從王請也○鎮守廣西副總兵都指揮同知郭鉉奏官  
以副總兵為名三司官事干軍務者皆在所轄若官止都指揮  
則三司又皆頡頏乞稍進一秩以便行事兵部覆奏 上曰郭  
鉉既為副總兵宜令以都督體統行事其陞職待有功時議之  
○虜入宣府西路殺掠軍士命守備都指揮朱永等下巡按監  
察御史遠問右叅將都指揮楊彪等戴罪殺賊○昏刻月犯司  
怪星○丁丑以上元節賜文武羣臣假十日○己卯大祀 天  
地于南郊 上還宮謁 太皇太后 皇太后出御奉天殿文  
武羣臣行慶成禮○庚辰以大祀禮成 上御奉天殿大宴文



武羣臣及天下朝覲方面官知府四夷朝使○辛巳上元節免宴○癸未 英宗睿皇帝忌辰 上祭 奉先殿遣駙馬都尉黃鑄祭 裕陵○命壽寧侯張鶴齡祿米如其父巒例歲支木乞七百石於南京二百石於京倉折色三百石於京庫○巡撫山東都御史王濬等以地方災傷乞免起運兌軍等糧戶部覆奏山東貧民固所當恤京師官儲亦不可缺近者會議於改兌臨清德州二倉米內以九萬石折銀今不必徵銀惟令漕軍於二倉支運其兌運米該二十八萬石查所會計漕運米比之往年多十二萬石今宜停運此數止令兌運十六萬石待年整補徵十二萬輸運二倉其起運供用庫等糧料則於無災處徵解起運京倉并壩上等倉糧料及被災草二百七十八萬一十餘束俱停徵以待豐年補納而以原生京倉安仁西城象房等倉場

草料改撥壩上等處改撥則價直車脚皆省宜每料百石增十石每草十束增百五十束候山東日後輸至則停此例議上從之○巡撫山西都御史楊漣奏偏頭等關缺糧乞以各衙門間刑贖罪米補充戶部議路近者俱納米于偏頭等邊關路遠者則就近折納銀兩轉解邊庫惟大同一府者留本處備用從之○兵部主事莫驄言六事一平差役欲令京操衛所酌量丁力分爲三等上中戶京操運糧下戶補衛所雜差一去冗官欲罷各衛所送操官使領操官得專其職有道亡者坐之一處置清勾逃軍欲令本衛所官會同有司徑勾庶軍得清而民不擾一存留雜差正軍謂山東南直隸殷富正軍多性淮安臨清以辦納船料爲名輸銀不多而食糧倍之宜令除丁代其辦納存留正軍聽補京操歲可省糧三萬石一實軍伍謂軍籍餘丁冒稱

民籍影射得計宜令巡按御史嚴加督察驅使復役一存留災  
傷地方操軍謂臨清等衛所去冬無雪宜照秋班例免其京操  
本部覆奏以驄所陳平差役去冗官省軍糧三事可舉行清宿  
弊宜申嚴舊例存留操軍當會議間奏惟勾軍一事責成清軍  
御史事體已定難以復更 上從其議○是日辰刻南京風霾  
○甲申刑部尚書彭韶以疾乞致仕不允○中都留守司都指  
揮僉事徐寅河南都司都指揮僉事王瑛大寧都司都指揮僉  
事張傑以京操秋班軍少下刑部獄俱贖杖還職賢傑仍罰俸  
各三月○乙酉賜晉府輔國將軍表檣表檣誥命冠服如制○  
賜瀋府鎮國將軍詮鐘第四子名曰勳灝上高王府輔國將軍  
親瑩第五子曰宸渾第六子曰宸浩○丙戌有自宮者數百人  
擊登聞鼓求進用命錦衣衛并五城兵馬執送鎮撫司根究治

罪以給事中魏虹違例換鼓杖下刑部鞠問如律。○于亥以水旱災免山東私治五年不鹽課六萬八千一百七十八引有奇。○戊子給荊府故鎮國將軍見流夫人陳氏養贍米歲三十石。○己丑吏部都察院會同考察天下布按二司及府州縣等官年老有疾并罷輟不謹貪酷才力不及者共一千四百員又雜職一十一百三十五員請如例罷黜并調用上曰諸考退官俱照舊例行其方面知府仍指陳老疾等項實跡以聞毋虛文泛言以致枉人府州以下有到任未及三年者亦通查具奏既而尚書王恕等各開具上請且言府州以下官勤慎盡職者固多貪鄙無用者不少貪鄙無用者留一日則民受一日之殃若必待三年而後黜之於彼則固當感激於民則未免怨嗟昔人有言一家哭何如一路哭此殃民誤事官雖年淺亦不可不黜

也 上曰人才難得事貴得實人貴改過 祖宗愛惜人十凡百官考滿初任再任有平常不稱者俱令復職必待九年然後黜降今或因一人無根之言而遂革其積勤所得之官使之泯然不敢伸理是豈治世所宜有爾等皆因襲舊弊不能改正今姑從所開具者處之其方面知府年老未滿六十有疾不妨治事素行不謹在陞任先及見任不謹罷輒無為非本部訪有實跡或有巡撫巡按只是一處開報并其餘官員到任未及二年非老疾貪酷顯著者俱留治事今後朝覲之年先期行文布按二司考合屬巡撫巡按考方面年終具奏行下該衙門立集待來朝日從公詳審考察如有不公許其伸理其科道官必待吏部考察後有失當者方許指名糾劾○庚寅募人納米於貴州都勻清平等倉以助軍餉四十石者授正九品散官五十石者

正八品六十石者正七品二十石者給冠帶從巡撫都御史鄧  
廷瓚言也○命南京大理寺卿章格之子淦為南京國子監生  
從其請也○辛卯南京刑部尚書鄭時乞致仕不允○戶部右  
侍郎張鼎乞歸養病許之○鎮守遼東都督俞事李杲以軍士  
月糧半支黃豆不可用請通給以米戶部議謂兼支米豆乃各  
邊常例但每月半給則太多請令每歲以兩三月帶支豆五斗  
餘月及年豐時則通給之米從之○四川梁甘思直管招討司  
襲職善舍阿答兒等來貢賜宴并綏段衣服等物如例○贈故  
鎮守廣西後軍都督府都督俞事馬俊為都督同知并令其子  
振襲陞都指揮俞事原衛帶俸以陣亡例也○內府承運庫以  
本庫民匠逃亡者多請行順天等府責限追捕如本戶丁絕者  
補以他戶工部議謂今天下官民軍匠俱有定籍匠之丁絕者

難以他戶更補惟逃亡者當拘遣赴工得旨命行該府縣并五城兵馬司嚴行挨解若果無人查其初起是何州縣行移原籍官司按名勾解丁盡戶絕者別選人補之○先是遣選官指揮法虎爾丁等勅諭安定王千奔令送哈密忠順王陝巴家屬千奔不從云陝巴不應襲忠順王爵爵當歸綽兒加綽兒加前忠順王罕慎之姪十奔弟也故十奔求立之且要賞賜甘肅守臣以聞兵部覆奏以陝巴乃忠順王之孫素為國人所推服前哈密未封遣使諭取應立者綽兒加自知力弱懷貳不來今事定之後乃爾反覆使人所言不宜輕信宜令甘肅守臣齎勅及綵段棧布往撫之并諭以朝廷恩信及哈密敗亡之故陝巴襲封之由如猶不從用兵未晚上從其議○秦寧海西亦達河毛憐肥河等衛都督撒因孛羅都指揮等官孛羅捏克卜良吉加

哈察等來朝貢方物賜宴并綵段衣服等物有差○癸巳吏部  
奉旨疏上考選復留方面府州縣等官共五十八員內山東僉  
事王經建寧知府劉瓛銅仁知府堯卿俱年老未滿六十者廣  
東參政廖雨福建參政魏瀚副使司馬壘湖廣僉事富珙俱素  
行不謹在陞任之先者廣東參政王鼎河南參議顧餘慶雲兩  
參議於政副使楊廷貴四川僉事楊宣山東僉事廖中東昌知  
府趙琮温州知府陸潤鄒陽知府劉璣陝西苑馬寺少卿朱祿  
及烏撒軍民府同知張文寧卷衛經歷鄒魯等俱見任不謹罷  
輟并未及三年者 上曰各官既存留宜俱用心治事毋再致  
人議○四川播州宣慰使司酉陽宣撫司馬湖府平夷長官司  
湖廣保靖軍民宣慰使司各道頭目祀事等謝恩慶賀進貢馬  
匹賜綵段鈔錠有差○命金吾左衛故帶俸都指揮僉事衛鎮



之弟鍾襲原職指揮使○陞分守迤西道雲南左衛指揮使馬  
鉉為署都指揮僉事○甲午刑部尚書彭韶再乞致仕 上曰  
卿老成諳練有疾宜善加調理以副委任不必再辭○命金吾  
右衛指揮使張恂守備蔚州以都指揮體統行事○四川烏思  
藏崇化禪師旺剏思以及日高等寺番僧孛兒只等陝西卧籠  
等寺番僧剌麻柔節遠丹等來朝貢佛像馬匹賜宴并綵段等  
物有差

明孝宗敬皇帝實錄卷之七十二

弘治六年二月丙申朔○丁酉釋奠先師孔子遣禮部尚書兼文淵閣大學士劉健行禮○戊戌祭太社太稷○遣順天府官祭先農之神○天下朝覲官陞辭各賜之勅曰朕惟祖宗受天命為民牧而以天下生民付於朕朕受祖宗命一人不能獨治而以天下生民付爾司府州縣之官俾代朕分治茲當三年朝覲之期爾兩京畿十三藩服若布政司若按察司若府州縣若運鹽牧馬諸司各述所職來朝其間固有恪勤官守克稱任用者矣然疲老不勝任貪殘為民害者亦往往有之已令所司慎加簡斥而廷臣猶交章奏劾必欲悉寘爾等予理朕念人才難得特用寬宥俾各歸舊任以圖後功爾等宜省愆思過盡心効力踏續任政之善釐正前事之失而又推求當務

之急而次第行之惜民之力而不輕勞惜民之財而無浪費惜民之身命而不輒肆殘虐心心為乎國念念在乎民事事關乎心務使人人各得其所則爾等受朝廷之命為無負而朕於祖宗付託之命亦不忝矣顧不韙歟雖然爾等職任有大小地方有廣狹政務有繁簡皆能服膺朕言以為官箴而行之毋致則功業不忠其不立名位不忠其不崇苟食焉而怠其事又從而盜若貨器哉其人氏不有人禍必有天殃尚相與儆戒之哉故諭○己亥命錦衣衛帶俸都指揮僉事李銓之子隆襲原職指揮使○土魯番使臣寫亦滿達兒貢玉石及玻璃盞等物賜綵幣有差○庚子河南許州知州邵寶陳四事一漸復社倉欲於本州或三四社四五社許建一倉以儲蓄積庶幾古人社倉之制可以漸復而凶年不足為憂一順疏河道本州西南有石梁

河東北有溧水河二水合流出於西北西北地高欲於石梁河設閘引水斜入西南之黃家溝環彭家坑轉於半截河散入許家莊然後二水併於秋胡崖口漸達古城東南小河總會沙沽大河以東注於黃河不惟州城免不測之患而一方民利亦有可興者一分駱驛傳謂汝寧舊有八驛本州馬驛原設馬驢廩給館夫與七驛同而使客獨多於七驛欲將郟城縣餘糧量為添撥使勞逸通均一警禁富主欲查河南境內王府軍衛莊屯及種地人戶造冊送所司冊內無名者捕治如律使富主知懼盜賊無所藏匿命下其奏于所司○命太常寺少卿兼翰林院侍講學士李東陽詹事府少詹事兼翰林院侍讀學士陸簡為會試考試官○命故駙馬都尉沐昕之孫瑭為南京國子監生瑭祖母 太宗皇帝女常寧公主也○是日晚刻火星犯平道

星夜金星犯羅堰星○辛丑賜晉府輔國將軍奇濯誥命冠服如制○降分守廣西潯梧左叅將都指揮僉事陳暉為指揮同知以猛賊流劫傷害居民故也○命河南按察司僉事史俊兼整飭鳳陽兵備初潁州知州劉讓奏本州地廣民豪盜賊竊伏乞增設兵備官或開刑官一員兵部覆奏不必增設宜勅俊兼理之故有是命○壬寅工部尚書賈俊乞致仕不允○命巡撫都御史魏富閱實山海諸關張琳閱實居庸諸關墩牆軍器等事○癸卯江西南昌府武寧縣董溪源等處多被水災其田有衝成河洲不可復耕者千七百餘畝有沙壅成田可墾為業者二千四十餘畝有人口滄沒見年無收者二千三百七十餘畝守臣具奏不可耕者請令永遠納銀可墾者令納銀三年無收者令納銀一年以後仍舊其人口滄死房舍漂流者請發倉賑

恤戶部覆奏從之○甲辰分守懷來右叅將都指揮同知戚忠  
私令軍人出境伐木為虜所殺忠匿之會奉御張勝之姪與忠  
家人相毆勝發其事忠亦以他事奏勝都察院擬罪以請上  
曰忠勝同事不和互相訐奏難以再任各納米完日忠回本都  
司帶俸差操勝取回京令司禮監處治○乙巳命提督倉場戶  
部左侍郎秦氏悅管部事陞巡撫蘇松等處都察院左副都  
御史侶鐘為戶部右侍郎提督倉場工部右侍郎徐賈為本部  
左侍郎巡撫湖廣右副都御史謝綬為工部右侍郎○雲南順  
寧府四川馬湖府平夷等長官司廣西思明府上石西州官吏  
預目俱朝覲後期吏部請治罪宥之○改湖廣宜城縣驛城馬  
驛為水馬驛并以蘇家湖驛歸之從撫治都御史王道讓也○  
帝提衛都督答只祿亦把哈及嘔罕河衛都督尚古各來貢賜

宴并衣服綵段等物有差三人復各陳父祖以來多效勞邊塞乞加賞發命賜答只祿蟒衣亦把哈及尚古金帶冠帽各一事

○襄王祐材之妃父前襄陽縣主簿井海與義男王福佑寵驕縱淫人婦女奪人財物復以事誘王箠殺十一人與儀衛副王信承奉閻德等同惡相濟事聞命所司按問王具疏請罪上曰王聽人左使善殺人命數多有違祖訓本當重治既自陳孤幼失訓姑念親親曲加寬貸仍降勅切責井海等主謀撥置情犯深重姑免死發廣東神電衛王福反王信發海南衛俱充軍家屬隨住閻德等巡按御史建問如律○丙午建州左等衛野人女直都督等官脫羅等未貢賜宴并衣服綵段等物有差

○丁未吏科都給事王質監察御史歐陽復等各上疏言今年吏部考察諸司官如四川布政使沈純山西叅政王臣雲南副

使羅九鼎順德府知府林恭俱宜退而未退者廣東叅政廖西  
王昂四川僉事楊宣陝西苑馬寺少卿米祿東昌府知府趙琮  
俱已退而復留者請併行黜罷以愜公論 上命吏部仍具各  
官實跡以聞○遣戶部左侍郎秦氏悅祭太倉之神○遣順天  
府官祭宋丞相文天祥○戊申再宴土魯番等使臣寫亦滿速  
兒等及哈密等使臣寫亦虎仙等仍遣官伴送途次宴待如例  
○己酉襄府棗陽王見汚薨王安穆王庶長子母夫人陳氏天  
順八年生成化十年封鎮國將軍十六年襲封棗陽王至是薨  
年三十訃聞輟朝一日賜祭葬如制謚曰僖順○兵部主事歐  
鈺言軍政六事一清軍伍謂 祖宗開國之初每衛設軍不下  
三四十人百餘年來逃亡過半皆因薄藉無稽吏緣為姦姓名  
御員俱不可考宜令清軍監察御史逐一查明別造新冊以備



屢省一操官軍謂 祖宗立法衛所相屬四時訓練使之耐寒暑習勞苦近來掌印領操等官苟且玩愒習為故常或縱之歸休或役之私用演武廳將臺鞠為蔬園卒有不虞何以備禦宜行巡撫邊接及分巡分守守備官每遇應操之期按臨校試勤者有賞惰者有罰以期成效一修城池謂良鄉涿州在京師肘腋止有土城而無石郭正統末年北虜深入如蹈無人之境方今無事之時宜豫為之計一支月糧謂 祖宗之時徵調南北直隸河南山東各衛所官軍於京營操備在途之日給與口糧使足其所欲而忘懷土之私近因倉庫空虛是法遂廢宜復其舊一選賢能謂近來將匪其人武備漸弛間有任使無可裁擇乞命本部於聽選并各衛見任類內簡其可用者移而用之一修軍器謂武庫所藏兵仗已經五六年歲久而壞宜令所在

有司以時省視修補每遇三秋給與軍士教試命所知之○  
庚戌初唐王芝址諱米本色三十石俱給粟米後改給粳米四  
百石至是復加粳米六百石并兩淮運司歲給鹽十引俱從王  
請也○辛亥山西鎮巡官奉旨查勘革任參將王昇松占偏頭  
等關地四百八頃有奇官房五百六十餘間奏上就乞於地內  
撥二十六頃與新任參將養廉三十六頃分偏頭廐門代州三  
守備官餘地及私占房屋盡入官徵地租房價以資公用從之  
○命貴州都司著都指揮僉事柔盛之子本代原職永寧衛指  
揮使○命貴州都司所屬衛所指揮千百戶等官及總小旗納  
米免比試併鎗以征勦苗賊急缺糧餉從巡稅都御史鄧廷賢  
奏也○巡按山東監察御史李善奏臣見遼東邊場正統二年  
始立自後三衛夷人假以放牧潛入河套間行剽掠且邊場阻

遼河為國瀕河之地延壘八百餘里土脉醜鹵秋修春頽動費  
巨萬夏旱水淺不及馬腹冬寒冰凍如履平地所在城堡畏賊  
深入遂將良田數千萬頃棄而不佃况道路低窪每遇雨水泥  
濘不通倘開原有警則錦義廣寧之兵不過遙望浩嘆而已臣  
詢之故老云有陸行舊路自廣寧抵開原約三百餘里兼程不  
二日可到地形高阜土脉滋潤有古顯州城池遺址猶存為今  
之計莫若開舊路展築邊牆起廣寧碁盤山直抵開原平頂山  
移分守八百里之兵聚守三百里之地以錦義為西路廣寧為  
中路遼陽為東路開原為北路四路聲勢相接一路有警則三  
路之兵分投應援如常山之蛇首尾相應如是則暫勞永逸而  
九重無東顧之憂矣疏奏命所司知之○甲寅 景皇帝忌辰  
遣儀賓楊淳祭陵寢○吏部奉詔查開國功臣常遇春玄孫復

孝慈聖孫鄧愈五世孫炳湯和六世孫紹宗皆其的派奏上 上曰報功  
之典古今所重我 皇祖佐命元勳皆已配饗廟廷獨其子孫  
乃泯滅無聞朕用惻然特下詔求之今既得獲等可令為世襲  
指揮使各銓註附近祖塋衛分以便奉祀○兵部尚書馬文升  
奏比來山東等處旱澇為災伏望 皇上節財用以隆儉德開  
言路以來直諫則誠通於天和氣自應雨暘時若年穀登而民  
生遂矣仍乞所司親詣徽鎮海濱之神度誠致祭以昭 皇上  
憂民之意命下其奏于所司○丙辰以水災免南京瀋陽右等  
三十九衛私治四年屯糧六萬四千三百四十石有奇○丁巳  
廣西太平府利州等州田州府歸德等州并上林長官司上林  
縣等處各遣官族人等朝覲後期俱減半給賞如例○命運太  
倉銀二萬兩於遼東以備軍餉從巡撫都御史奏也○陞浙江

布政司左布政使劉大夏為都察院右副都御史修治決河先是河決張秋戴家廟遣工部左侍郎陳政總領疏浚修築之政歷山東河南會守臣行視水勢疏言河之故道有二一在榮澤縣之孫家渡口經中牟縣朱堡鎮直抵陳州一在歸德州之飲馬池與鳳陽府亳縣地相連屬舊俱入淮今已淤塞周致上流衝激勢盡北趨自祥符縣地名孫家口楊家口車船口蘭陽縣地名銅瓦廂決為數道俱入運河以致張秋一帶勢甚危急自堂邑至濟寧隄岸多崩圯而戴家廟減水開淺隘不能泄水亦有衝決今欲浚舊河以殺上流之勢塞決河以防下流之患修築隄岸增廣開座已集河南丁夫八萬人山東丁夫五萬人鳳陽大名二府丁夫二萬人隨地興工分官督役奏上未幾政卒管河郎中陳綺請仍遣大臣總其事 上命會薦才識可用者

三四人務在得人不限內外於是吏部尚書王恕等薦工部右侍郎謝鯨南京工部右侍郎蕭頊四川布政司左布政使何鑑及大夏皆可用上曰今日治河不但恐其為民害抑恐有妨運道致誤國計所繫尤非輕必得通古今識地勢有巧思者久任之而後可汝等舉此四人孰可以允當是任於中宜定擬一人或再推可用者以聞僉謂大夏才識最優可當是任而大理寺右少卿馬中錫南京通政使司左通政鄭紀亦次之請簡命一人以往遂以命大夏賜之勅曰朕聞黃河自宋元以來與淮河合流由南清河口入海所經河南山東南北直隸之境運從不常屢為民患近年汴城東南舊道淤淺河流北徙合于沁水勢益奔放河南之蘭陽考城山東之曹縣鄆城等處俱被滄沒逼近張秋有妨運道先命工部侍郎陳政會同各該巡撫巡按

等官設法修理今幾半年未及即工而政物故有司以聞朕念古人治河只是除民之害今日治河乃是恐妨運道致誤國計其所關係蓋非細故且聞陳政所行多有非宜故詔有司會舉念以爾大夏名聞故特陞爾為都察院右副都御史往理其事爾至彼先須集查陳政所行事務酌量其當否當者繕續之否則改正之會同各該巡撫巡按都布按三司及南北直隸府州掌印官并管河官自河南上流及山東兩直隸河患所在之處逐一躬親踏勘從長計議何處應疏濬以殺其勢何處應修築以防其決及會計合用椿木等料有無而設法分派軍民夫役多寡起時起集必須相度地勢詢訪人言務出萬全毋貽後患然事有緩急而施行之際必以當急為先今春暮運船將至勅至爾即移文總督漕運巡河管河等官約會自濟寧循會通河

一帶至于臨清相視見今河水漫散其於運河有無妨礙今年  
運船往來有無阻滯多方設法必使糧運通行不至過期以失  
歲額糧運既通方可遡派尋源按視地勢商度工用以施疏塞  
之方以爲經久之計必須役不再興河流循軌國計不虧斯爾  
之能此係國家大事凡勅內該載不盡事理爾有所見或人言  
可采聽爾便宜而行一應文武職官敢有怠慢誤事者輕則量  
情責罰重則文職五品以下遷自送問刑衙門問理四品以上  
并方面軍職叅奏爾受朝廷重托尤當晝夜籌畫勉圖成功不  
許苟且竊率勞民力於無用糜財用於不貨以致生他變仍須  
撫卹下人使皆樂于趨事則工易完人不怨斯無負於委任其  
勉之慎之故勅○戊午太子太保吏部尚書王恕自陳年老病  
作諧毀日至乞賜歸田以全始終上曰卿朝廷老臣偶有疾



宜善調理不允休致既而恕復申前請 上曰卿引疾求退已有旨免留不必固辭時吏部考察天下官奏上請黜而中旨復留者九十餘員既而科道又交章請黜遺漏及宜退而留者復命吏部指實跡恕詳疏各官考語及本部訪察者以聞得旨但憑考語恐未為實仍令照所訪廣東叅政詹兩等事實具奏於是恕知言不用且疑當道有弗悅者故以計害之未去益力矣○命蘇松常湖四府談運私治五年京倉折色米量留三十萬石于本處以備賑濟從巡撫都御史佺鐘奏也○命以安陸州赤馬野豬湖河泊所課鈔賜興王府從王請也○戶部奏先是大同之軍儲改撥河南夏稅九萬六千石折銀四錢轉解支用今大同稍實而河南被災請自私治六年以後折夏稅銀兩俱存留本布政司以備賑給俟大同告乏仍如前改撥從之○辛

西令供用庫切匠三百名該班日俱於光祿寺關支飯食○命  
西蕃靜寧寺蕃僧完卜鎖南巴藏襲灌頂大國師○兵科給事  
申吳世忠言 太宗皇帝奉天靖難時文臣如方孝孺周是修  
練子寧黃子澄鄒公瑾魏公冕顏瑰齊泰諸人伏節以死然至  
今未及褒表似為闕典因言 太宗之奉天靖難乃武王之心  
孝孺諸人之伏節死義則夷齊之志二者固並行而不相背况  
仁宗皇帝即位之初於孝孺公瑾諸人之事俱嘗明著詔書稱  
其忠義還其子孫俾不失所後至 宣宗皇帝之世凡諸恩意  
亦以漸推舉今天下之人景仰諸賢之忠義如彼而感嘆 三  
宗之明識遠度如此伏乞賜之爵謚崇以廟祀錄其子孫後其  
族屬以勵士夫之節慰忠義之靈命下其奏于禮部○命陝西  
行都司故都指揮僉事汪釗之子淮襲原職甘州後衛指揮命

事○昏刻南京老人星見于丁位色赤黃○壬戌賜秦府鎮國將軍公鏞庶第七子曰誠濶秦國將軍誠澱庶長子曰秉翰輔國將軍誠湏嫡長子曰秉機誠漢庶第一子曰秉樞庶第二子曰秉梅蜀府內江王嫡長子申錡庶長子曰賓止楚府奉國將軍榮渥第四子曰顯枕靖江王府鎮國中尉相與嫡次子曰規韓輔國中尉規祀嫡長子曰約誼規院嫡長子曰約說規闕嫡長子曰約齡規社嫡長子曰約疇代府鎮國將軍仕堽第四子曰成錡仕堽第二子曰成鏡第三子曰成鉞寧府輔國將軍規鑣庶長子曰宸灑庶第二子曰宸漣○禮部會試取中式舉人汪俊等五百名○錄故吏部尚書文淵閣大學士彭時之孫崧為中書舍人○召回守備鴈門關署都指揮李翱命守備代州指揮王欽兼理其事鴈門舊無守備官成化十四年增設至是

守臣奏者之○癸亥先是以山東旱災於弘治五年免運糧二  
十八萬石內免十二萬石至是巡撫都御史請併以十六萬石  
准江南折銀例每石徵銀六錢以紓民困從之○甲子曉刻金  
星犯壘壁陣西第六星○乙丑中宮千秋節命婦朝賀○賜  
各王府慶賀官員人等鈔幣有差○山東嶧縣地震有聲如雷



明孝宗敬皇帝實錄卷之七十三

弘治六年三月丙寅朔○丁卯翰林院檢討李遵學丁憂服闋復除原職○裁革貴州石阡府照磨所照磨苗民長官司葛彰葛高長官司吏目各一員○夜北方流星如蓋色青白光燭地自紫微垣西藩內西北行至迤瀾○戊辰貴州宣慰使司土官宣慰使安貴榮遣土舍人等進馬預兩立 東宮別遣人進歲貢馬賜緡段鈔錠有差○己巳陞四川布政司左布政使何鑑雲南左布政使韓文俱為都察院右副都御史鑑巡撫蘇松等府文巡撫湖廣蕪湖理軍務○故廣西布政司參議馬鉉征古田徭糧為賊所殺其子效才上疏乞贈父官并量加錄用吏部覆奏 上曰國家於死事之日必加褒恤其遇敵禦寇死於鋒刃者尤可憫憐馬鉉可特贈本布政司右參政賜以諡命道官

諭祭仍令其子效才為國子監生以為後勅○修武伯沈坊卒坊直隸潞州人成化二十二年襲兄祺爵帶俸右軍都督府嘗奉命往陝西大同山東公幹歷任七年至是卒報朝一日賜祭葬如例○命河東運司運鹽課銀五萬兩于大同以給邊儲准弘治七年歲例之數○以河南山東山西直隸等處亢旱命巡撫等官請于嶽鎮海濱之神從兵部尚書馬文升奏也○兵部覆奏主事歐鈺言操官軍修城垣二事皆治戎守土大要宜令所司如奏行從之○廣西徭賊流劫瀧水縣殺官軍四十餘人命分守左叅將姚英革去冠帶戴罪廣東都司都指揮王永布政司左叅政伍希淵詹雨按察司按察使陶魯僉事陸遠知府黃琬等各停俸殺賊○庚午以水旱災免直隸鳳陽衛及河南衛輝等府彰德等衛所弘治五年糧草子粒有差○壬申調

陝西布政司右叅議鄧林于雲南以林言漢中有族屬請回避故也○命陝西都司帶俸都指揮僉事王文之子洪代原職秦州衛指揮使○是日晚刻土星犯壘壁陣西第六星○癸酉命運太倉銀四萬兩於寧夏三萬兩於榆林五萬兩於宣府以備邊儲准私治七年歲例之數○命兩浙運司開賣鹽課二十一萬六千二百餘引貯之太倉以備國用○禮部奏今次會試所取副榜舉人凡在監五年以下并未入監及新科年歲相應者俱令就教職不許告免仍遵天順八年詔例著職九年考滿者方許再會試一次從之仍命署職六年以上有舉人者亦許會試時副榜舉人多不願就教職者故禮部奏嚴其限○甲戌南京吏部尚書王傑乞致仕不允○罰分守靖虜地方著都指揮曹雄俸一月以達賊入境故也○火星犯上相星○乙亥廣西



田州府知府岑溥鎮安府知府岑金泗城州知州岑應遣官族  
人等各來朝貢岑金別遣人進金銀器賀而立東宮俱賜緣  
段鈔錠各有差○先是虜入龍門所瓦房溝守備指揮陳雄等  
即率所部兵斬首十七級獲馬六十二匹器械一百八十二事  
既而守備馬營堡指揮姚信等復率兵禦虜於乾營兒等處斬  
首三級獲馬六匹器械七十一事橫溝守兵又斬虜首三級尖  
山墩守兵斬虜首二級事聞下守臣覈實兵部議擬覆奏有功  
官軍二百八十五人陞賞有差分守等官左監丞陶亮右監丞  
楊聰張剛右叅將繩律楊彪各有統兵制勝之功陶亮如例給  
賞聰等四人皆先以他事戴罪殺賊宜令以功贖罪議上從之  
○陝西臨洮府地震有聲○夜月犯軒轅右角星○丙子清明  
節遣駙馬都尉景泰震分祭長陵獻陵景陵裕陵

茂陵文武衙門各分官陪祭○遣儀賓周鈺祭 景皇帝陵寢  
○遣內官祭 恭讓章皇后陵寢○賜肅王貢粽 皇明祖訓  
祖訓條章諸司職掌各一部從其請也○寧夏地震○丁丑六  
科十三道官具前所劾布政使沈純等不謹老疾實跡以聞  
上命老疾者致仕餘俱冠帶閒住○兩廣總督都御史閔珪奏  
廣東沿海地方多私通番舶絡繹不絕不待比號先行貨賣備  
倭官軍為張勢越次申報有司供億糜費不貲事宜禁止况夷  
情誦詐恐有意外之虞宜照原定各番來貢年限事例揭榜懷  
遠驛令其依期來貢凡番舶抵岸備倭官軍押赴布政司比對  
勘合相同貢期不違方與轉呈提督市舶太監及巡按等官具  
奏起送如有遲礙補獲送問下禮部議據珪所奏則病番舶之  
多為有司供頓之苦據本部所見則自弘治元年以來番舶自

廣東入貢者惟占城暹羅各一次意者私舶以禁弛而轉多者  
舶以禁嚴而不至今欲揭榜禁約無乃益沮向化之心而反資  
私舶之利今後番舶至廣審無違礙即以禮館待達與間奏如  
有違礙即阻回而治交通者罪送迎有節則諸蕃咸有所勸而  
借來私舶復有所懲而不敢至柔遠足國之道於是乎在從之  
○戊寅陞浙江按察司按察使楊峻廣東按察使薛綱四川按  
察使張准俱布政司左布政使峻浙江綱雲南准四川○夜南  
京見月生暈隨生左右連環暈上生白虹翔天及丰俱有蒼白  
色○己卯以瀋陽河間等十六衛被蟲旱災預給官軍三月俸  
糧○庚辰 上御奉天殿策會試中式舉人汪俊等三百名制  
曰朕惟三代而下論守成之君必以漢文帝為首史稱其時海  
內殷富興於禮義斷獄數百幾至刑措朕嘗慕之不知文帝何

修而能得此考之當時或賜民田租之半或盡除之殷富之效  
蓋出於此然貢助徹之法雖三代亦所常行而況於漢乎使除  
田租則當時宗廟之祭祀百官之俸給四夷之征伐皆不可已  
者將何以給用度乎仰惟 皇祖肇造區夏周不巨服百二十  
餘年以來生齒益繁疆域益廣非前代所及今歲部縣上版籍  
于戶部其數具存可謂庶矣休養生息之餘宜其富而可教也  
然閭閻巷田野之間不免凍餒無聊之嘆且頃因水旱河決之  
患尤多流移失業之人安在其為富也是以勸諭雖切而循理  
者尚少赦宥雖頻而犯法者愈甚又安在其為可教也夫衣食  
不足則禮義不興而民輕犯乎刑辟亦勢之所必至者其將何  
以處之善古之御天下者既庶必有富之之術既富必有教之  
之方恃惠不能舉行之爾朕承 祖宗鴻業圖惟治道每有志

於隆古帝王之盛不但文帝而已爾諸生抱道而來將見於用  
其於庶富教三者先後本末凡古人之成效今日之急務悉心  
以陳朕將親覽焉○命太子太傅戶部尚書兼武英殿大學士  
徐溥太子太保禮部尚書兼文淵閣大學士丘濬禮部尚書兼  
文淵閣大學士劉健戶部尚書葉淇太子少保兵部尚書馬文  
升刑部尚書彭韶太子少保工部尚書賈復吏部左侍郎張悅  
都察院右副都御史翟瑄掌通政司事工部右侍郎謝宇大理  
寺左少卿屠勳太常寺少卿兼翰林院侍講學士董鉞詹事府  
少詹事兼翰林院侍講學士吳寬充殿試讀卷官○癸未 上  
御奉天殿賜毛澄等進士及第出身有差文武羣臣行慶賀禮  
○是日曉刻月犯存宿○甲申賜進士恩榮宴于禮部命英國  
公張懋主席○金星犯壘壁陣東第四星○乙酉賜狀元毛澄

朝服冠帶及諸進士寶鈔○兵部尚書馬文升奏天下布政司  
清出軍伍以十分為率陝西約有三分以上雲南貴州湖廣二  
分以上廣東西山東江西四川福建河南北直隸俱不及二  
分浙江南直隸俱不及一分各官苟且玩愒當治其罪乞如例  
罰布按二司清軍官俸一月府州縣清軍官俸三月從之○丙  
戌狀元毛澄率諸進士上表謝恩○初山東輸遼東布花錢鈔  
貯廣寧前屯庫中前所去廣寧城甚遠輸者支者俱得為姦至  
是巡撫都御史張岫請改輸廣寧前屯衛轉至廣寧城給軍而  
裁革廣寧前屯庫官其本城課程令廣寧前屯倉帶管從之○  
丁亥狀元毛澄率諸進士詣先師孔子廟行釋菜禮○陞四川  
布政司左叅政鄭齡為本司右布政使山東按察司副使閻冲  
字為浙江按察使廣東按察司副使李士實為本司按察使○

南京守衛禁軍有犯法者監察御史郭珠執而鞠之成國公朱儀等劾珠擅執禁軍下法司議刑部尚書彭韶奏禁軍犯罪法司執問其來已久非珠始倡爲之況犯者甚衆若一一奏請豈獨煩擾又恐犯重罪者聞風逃避猝不可獲請今後禁軍有犯重罪者法司仍如舊執問如輕罪則移文衛所問斷庶幾事不誤而法亦行 上曰禁軍守直而所犯重者法司移文於衛所取問不得專執所司亦不得占愆不發以致誤事○戊子遼東都司都指揮同知宋溥役軍士耕私田私乘官馬致死又索賄於軍士巡按御史李善劾其罪命逮治之○巡撫山西都御史楊澄言境內王府數多其居第營莽動有請乞皆取辦於民力不能堪往年守臣嘗請河東鹽十萬引以佐其費今工料價缺乏者尚以數萬計公私匱竭無以給之欲令河東鹽運司自每

歲課頗之外聽巡鹽御史調遣附近軍民夫撈辦餘鹽如往年所請之數委官貿易價銀轉輸布政司凡王府有修造悉取給於此中有願支鹽折算工價者亦聽其便庶鹽池有餘之利不至於虛棄而邊郡已困之民亦可少蘇命所司知之○己丑陞江西按察司副使洪鐘為四川按察使○庚寅唐府魯山郡王卒賜祭葬如制○壬辰復除貴州按察司副使吳洪于廣東調福建副使蕭謙于湖廣洪時丁憂服闋謙則以管銀坑裁革也○長蘆鹽運司蔡先開中本司鹽引定價太高報中者少乞場分高下年分遠近量為增減戶部覆奏從之○癸巳陞江西廣信府知府葉贊浙江杭州府知府張縉湖廣黃州府知府劉肅戶部郎中王楫兵部郎中徐源俱為布政司左叅政湖州府知府王均吏部郎中周木戶科都給事中孫珪湖廣右叅議馬銓



俱為右叅政四川按察司僉事宋德山東僉事羅安山西僉事  
楊文御廣東僉事韋斌江西僉事趙良監察御史陳璧呂璋俱  
為按察司副使贄德安四川縉壁文卿山東肅銓貴州楫珪山  
西源廣東珣河南木浙江斌福建良江西璋雲南○甲午授第  
一甲進士毛澄為翰林院修撰徐穆羅欽順為編修第二甲顧  
清等九十人第三甲陳璘等二百五人分撥各衙門辦事○賜  
楚府輔國將軍均鎔庶第四子名曰榮漣懷仁王府鎮國將軍  
仕塔庶第六子曰成鏗襄陰王嫡第二子曰表樸方山王府輔  
國將軍奇溥嫡第二子曰表榻庶第三子曰表挺瀋府沁源王  
長子勳漆嫡第一子曰胤楊慶成王府輔國將軍鏗鏘第三子  
曰奇灌奇溟長子曰表榘革職將軍奇激第五子曰表楮永和  
王鎮國將軍奇洪庶第五子曰表栲臨泉王庶第四子曰表棧

孝宗敬皇帝實錄卷之七十三終



大明孝宗敬皇帝實錄卷之七十四

弘治六年四月乙未朔孟夏享太廟。○遣內官祭司竈之神。○丙申改萬全都司都指揮同知楊榮為錦衣衛都指揮僉事。管事榮衛聖恭僖夫人之姪也。○夜火星犯左執法星。○丁酉陞戶部郎中馬瑋為兩浙都轉運鹽使司運使。○江西布政司左叅議諸謙雲南石叅議楊遵福建按察司僉事何澣山東僉事王經復除原職讓江西邊游經四川俱丁憂服闋也。○命大學士徐溥暫免早朝仍日赴內閣治事以溥自陳有疾也。○河南道監察御史史瑛浙江道監察御史張泰俱丁憂服闋復除原職。○兵科給事中涂旦言永樂甲申間命學士解縉選進士曾榮等二十九人俾讀書文淵閣自後相陳遂為故事我朝人才之盛多由於此乞循祖宗舊制合今禮部所取進士掄選

更改為庶吉士入翰林院讀書掄選之法在稍揀擇以抑其濫  
進嚴考試以探其心術限年歲以貢其進學禮部覆奏謂選擇  
教養之法累朝已有成規惟在勅內閣大臣叅酌歷科事例舉  
行耳從之○以蝗災免直隸永平府遵安撫寧二縣及撫寧興  
州右屯二衛建昌等營河涿口等關弘治五年分糧草子粒有  
差○戊戌賜郭琥冠帶令奉涑陽王祀事琥涑陽王子興之後  
也○陞戶科給事中羅鑒為布政司左叅議工部郎中李景繁  
兵科給事中王琳中書舍人張毅南京光祿寺署丞周絃永平  
府同知楚麟俱為右叅議刑部員外郎王本儉監察御史翁欽  
大理寺右寺副曲銳夔州府同知吳淑俱為按察司僉事鑿廣  
東景繁山西琳福建毅淑俱湖廣絃山東麟陝西本儉廣西欽  
江西銳四川○調浙江按察司僉事陳嘉謨于山東管北直隸

屯田以管銀場裁革也。○給興王食鹽歲一千引。○初貴州將有征苗之役，戶部請命湖廣四川各發銀萬兩易米於偏橋播州以備軍餉。貴州撫臣慮遠不能及，請先發貴州清平諸倉米三萬餘石以布政司折糧銀在人運之，都勻倉而以貴州附近辰沅重慶常德各府州倉糧芑運於清平諸倉以補其數。仍開中四川雲南鹽課萬引備運納之費從之。○錄故太子太保兵部尚書余子俊之子真為錦衣衛正千戶，子孫世襲百戶。子俊嘗以都御史巡撫延綏，積有軍功，既卒，授其孫承祖為錦衣衛百戶。世襲未幾，承祖卒，真時已中鄉舉，將違矣，援例乞恩，故有是命。○命河南都司都指揮僉事吳瑾之子忠代為宣武衛指揮使。○陝西寧夏地震有聲。○己亥初，成化間從南京守備官議每歲江南州縣運糧至南京，令官軍就水次免支三月計省

其加耗及輸輓之費可淨餘米十萬石有奇貯之預備倉以資緩急之用至是巡撫都御史以覓支有弊請令如舊上倉而後故支戶部奏言覓糧水次一歲坐淨十萬餘米法無善於此者宜復覓支例而以其餘積就貯各衛倉作正支銷從之○土魯番連壇阿黑麻率兵夜襲哈密城哈密死者百餘人竄降者各半忠順王陔巴及其都督阿木即撥大土刺以守大土刺華言大土壘巴圖之三日不能得阿木即遣調也克力瓦刺二部兵為援皆敗土魯番遂殺阿木即陔巴以去全其酋長牙蘭據哈密移書甘肅守臣謂本國既獻哈密城池阿木即復潛導野也克力人馬至其國人鈔掠朝廷所賜衣帶亦被剋滅故為此報復之舉陔巴亦遣人奏其事是時土魯番貢使撒刺已失等二十七人遂未出境焉亦滿連兒等三十九人尚在京師於是

甘肅鎮巡等官奏言阿木即之禍固其自取但阿黑麻最爾小醜往年擅自興師攻破哈密朝廷曲加恩養正宜感恩効順縱阿木即有過當念哈密恢復未久止可具奏請治其罪乃敢擅攻城池所移蕃文僭稱偽號言涉不遜乞命將選兵先將酋長牙蘭等勒捕然後直抵土魯番擒斬阿黑麻取陝巴回衛若欲姑事包容則請降勅遣使齎諭阿黑麻令送回陝巴當宥其罪事下兵部集廷臣議謂哈密乃太宗創建為中國藩籬陝巴又皇上所錫封有興滅繼絕之義今既被劫去不宜置之不問守臣所畫二策前策乃討罪之舉名義甚正但勤兵遠戍兵家所忌姑俟徐圖後策為柔遠之方時勢所宜諭而不從加兵未晚今土魯番貢使在京師速為發遣與還未出境者令甘肅守臣就彼拘留仍請勅就土魯番貢使擇三二人齎示阿黑麻諭



以禍福俟其回報上請仍移文守臣各操練所部軍馬以備緩  
急及諭赤斤罕東等衛頭目便知此虜先逆立相應援若哈密  
夷永孛家來奔即告苦峪令都督奄克字刺管束量給糧種耕  
種以俟免復毋再散布肅州坐耗邊儲重貽後患其貢使寫亦  
滿速兒等在京者亦令通事諭以拘留之意奏入 上曰阿黑  
麻包藏禍心已非一日朝廷念哈密乃 祖宗所立欲繼其絕  
曲為寬貸今阿黑麻屢惡不悛悖逆天道妄自尊大姦情盡露  
本當興師勦除爾群臣既如此處置悉准所議寫勒切責并勅  
甘肅鎮巡等官嚴督沿邊城堡將士用心提備然邊方事重兵  
難遙度爾等仍會舉文武大臣二人領勅親臨其地會同鎮巡  
等官酌量事勢講求安內制外方略來上以為經久之計賜阿  
黑麻勅曰比得甘肅鎮巡等官奏具知哈密都督阿木郎兩次

引領野七克力人馬搶爾部下牛羊等畜又剋落爾賞賜以致爾親領部落將哈森城池占據殺死阿木郎虜去陝巴以報彼引虜劫掠之讎阿木郎固有罪矣然彼小人愚蠢無知爾乃大家世族識道埋曉逆順豈可為此當念阿木郎為朝廷職官受命守城將其作惡情由遣人具奏或赴懇甘肅守臣俾為轉達朝廷必有大法度治之追遂所掠頭畜慰安既死亡免爾乃擅興兵動衆公肆殺戮將獻運城池仍復占據同宗骨肉自行繫累如此所為信義安在奏至廷議文武群臣莫不扼腕忿怒咸謂祖宗待遠西蕃夷恩德如天百年以來未有一族一人敢行悖逆今土魯蕃父子一次虜哈森王母一次殺軍悞朝廷以不治治之曲為含容尚不知悔今又殺阿木郎虜陝巴屢惡不悛罪在不赦逆天悖理非人所為若不興兵問罪何以壓服天

下蕃夷合辭請發大兵出關征勒并起集爾仇家敵國直抵巢穴明正爾罪然後牢閉門顯絕貢路使諸蕃再不得朝廷賞賜通中國財西蕃一帶必皆歸怨於爾無地容身朝廷念爾土魯番自祖父以來時來朝貢已非一世爾今雖有占城殺人之罪而前亦有歸城遂印之功不忍輕絕特降勅諭使爾知我國家富有四海哈密之在中國有之不加益無之不加損但念我祖宗受天明命為萬邦華夷主永樂初年立哈密之祖脫脫為忠順王八九十年傳位數世一旦乃為爾所害略不動心豈上天立君之意哉且朝廷之待哈密亦如待土魯番土魯番設若不幸亦如哈密為人所害絕朝廷亦坐視而不顧乎爾宜知此意勅書到日即釋放陝已送回哈密舊城俾其照舊管理朕不念舊惡聽爾遣使通貢如故嗚呼天道昭然順之者存

逆之者止爾其改過自新毋自作孽保爾先人之業為爾子孫之計其尚思之母貽後悔故諭○辛丑命廣寧伯劉佺三千營坐司管操○壬寅江西按察司副使教山丁憂服闋復除山西按察司仍提調學校○開設雲南大理府賓川州及大羅衛雲南鎮巡等官奏賓居川大羅城諸種夷羅所聚盜賊所穴官軍疲於戍守民夫困於轉輸乞置一州割趙州雲南太和縣普茹等十二里界之設知州吏目各一員并增置一衛及左右千戶所戶兵二部覆奏從之○禮部尚書耿裕等言土魯番連壇阿黑麻往年不道朝廷已赦其罪今通使如故繼而遣使貢獅子及馬朝廷復許其自新優其禮遇賞賜犒勞悉從厚典歸順無幾旋復為逆雖曰其中事情曲直不能盡知但其僭倣可汗名號稱兵犯順不可不慮且國家馭夷狄宜惜大體而待夷使不

宜太隆前項夷使自去年五月到京久不宣召今自三月以來  
宣召至再復賜表裏布疋羊酒等物正值虜酋番文到京之後  
彼夷狡黠將謂朝廷恩禮視前倍焉加厚以為因彼虛誇強盛  
似畏彼而然事干國體不可不慎况虜酋崛強西土久蓄不庭  
之心則其遣使朝貢必擇其親信狡黠者今乃令其出入內廷  
畧無防範其間萬一有姦細窺覘之情潛蓄兇獷不軌之虞雖  
悔無及今哈密使臣駕亦滿達兒等應得宴賞俱已完畢未肯  
起程恐朝廷仍復宣召天不賈遠物則遠人格况獅子本一野  
獸不足為重何至上煩鑿典屢加臨視遂使醜夷得以藉口且  
給賞番王物件俱係萬亦滿達兒收領若再遣延不運必啟虜  
酋致疑將謂俱被拘執惡心日長將未邊警又未可知乞令大  
通事前去會同館省諭各夷速還照例送至甘肅至於宣召賞

賜之教乞賜停止庶幾絕其親覲之望 上曰夷使即令回還  
賞賜其即給之爾等仍督大通事者諭俾知朝廷柔遠之意○  
巡撫湖廣都御史謝綬言宋儒臣胡安國喬迹荆湖卓然有立  
其學問因與游揚謝遊而得伊洛之傳其上書力詆時政志圖  
恢復其進講議論正大疎動當時其註解春秋比諸儒所得尤  
遂而今之經學實宗之真可謂有功斯文者矣及其退休衡嶽  
之下買地結廬十五年不出季子宏增創書樓優游衡嶽餘二  
十年卒傳其學當時張栻從遊其門而朱熹聞栻得胡氏學亦  
往從而問焉自是號為湖南一派而湖南遂為小洙泗今其書  
堂遺址尚存而後生晚學不復講問前項故事乞仍於安國書  
堂遺址立祠春秋祭祀以季子宏配享庶衡之學者有所景仰  
命禮部知之○癸卯命以寶源店後房七十六間賜壽寧侯張

鶴齡管業。○甲辰大學士徐溥等言比給事中涂旦建議欲選新進士改庶吉士入翰林院讀書惟庶吉士之選自永樂二年以來或間科一選或連科屢選或數科不選或合三科同選初無定限每科選用或內閣自選或禮部選送或會吏部同選或限年歲或拘地方或採舉望或就廷試卷中查取或別出題考試亦無定制自古帝王皆以文章閎乎氣運而儲才於館閣以教養之本朝所以儲養之者自及第進士之外止有庶吉士一途凡華國之文與輔世之佐咸有賴於斯然而或選或否則有才者未必皆選而所選者又未必皆才若更拘於地方年歲則是以成之才或棄而不用而所教者又未必皆有成請自今以後立為定制一次間科一次選用待新進士分撥各衙門辦事之後俾其中有志學古者各錄其平日所作文字如論策詩賦

序記之類限十五篇以上於一月之內赴禮部呈獻禮部閱試  
訖編號封送翰林院考訂其中詞藻文理有可取者按號行取  
本部仍將各人試卷記號糊名封送照例於東閣前出題考試  
其所試之卷與所投之文相稱即收以預選若其詞意鉤棘而  
詭僻者不在取列中間有年二十五以下果有過人資質雖無  
宿搢文字能於此一月之間有新作五篇以上亦許投試若果  
筆路頗通其學可進亦在備選之數每科不必多選所選不過  
二十人每選不必多留所留不過三五輩如此則所選者多是  
已成之才有所論撰便堪供事將來成就必有足賴者如是則  
預列者無徇私之弊不預者息造言之謗臣等皆出自此途引  
進後賢儲之館閣以報國厚恩乃其職也疏入 上納之命今  
後內閣仍同史禮二部考選○河南開封衛輝二府山東東昌



兗州二府及直隸元城縣各地震有聲。○乙巳遣北脫羅干等部把刺孩等男婦十六人來降。兵部請如例給賜傳送廣西桂林前衛安置。仍官其少壯者。令自效從之。○丙午吏部言雲南貴州湖廣四川廣西陝西諸司朝覲官未到者凡八十三處。俱當治罪。第恐中途有故。乞下各巡撫官勘報從之。○先是山西平陽澤潞等府州歲輸米豆于大同。每石並折徵銀一兩。守臣以今歲大同米豆賤。而平陽諸處歲饑。請將弘治四五年已徵銀而未起運者。米每石止運銀九錢。豆八錢。以所留餘銀充賑濟從之。○以盞旱災免遼東廣寧前屯等二十四衛弘治五年屯糧有差。○丁未晉府革爵寧化王鍾鈞及鎮國將軍鍾鉅鍾錡鍾鉢等五爭其先王所遺莊地二十二頃。久而不平。巡撫都御史楊澄請以十一頃給鍾鈞。餘以分給諸將軍從之。○戊申

先是濟南所稅課之半賜德王府至是王辭之而乞臨清州  
課鈔下戶部議謂臨清課鈔比之濟南十倍將以備官軍俸糧  
之用不宜濫予上重違王意命以濟南者全給之○己酉  
上以京師及河南山東等處久不雨齋戒三日遣新寧伯諱祐  
榮吉 天地遂安伯陳韶吉 社稷平江伯陳銳吉山川○地  
視浙江戶部侍郎吳原言浙江當輸南京糧以抗嘉湖三府災  
傷免九萬五百餘石又撥補他處六萬一千七百餘石詠輸者  
僅十五萬餘石京擬每石折徵銀九錢欲以七錢起解南京所  
餘二錢總計三萬五十餘兩乞存留本處給賑戶部覆奏謂南  
京根本重地豈可頻減十五萬之糧所扣餘銀難准存留宜全  
并輸南京每石例折銀七錢通准糧十九萬二千九百餘石尚  
欠十萬九千三百餘石俟來秋如數徵補從之○命兵部右侍

即張海前府都督同知維謙經畧哈密賜之勅曰近得甘肅守  
臣奏哈密城池為土魯番阿黑麻占據虜去忠順王陟巴殺死  
都督阿木即及繳到番文言涉不遜顯有欲起邊釁之意事下  
兵部會多官議已發遣其采朝使臣回還就令齎勅貢諭阿黑  
麻使其改過及勅甘肅鎮守巡撫等官嚴督沿邊將卒隄備朕  
念邊方事重難以遙度今特勅爾等委以一方安危之寄爾等  
須念朝廷此舉非但按行故事蓋以本朝邊境惟甘肅為最遠  
亦惟甘肅為最重 祖宗於此屯兵建閫非但制馭境外之生  
夷亦以撫綏境內之熟羌也承平日久兵備不無廢弛內之依  
附者非我族類其心叵測外之朝貢者恩澤既厚怨讟易生爾  
等徐觀事勢密為經畧在內者安定之分肯之使不萌外向在  
外者消弭之震疊之使不敢內侵斯為經久之計且甘肅地方

路在蕃族土達兩界之間蕃夷與軍民雜處種類非一老于長孫文成家業難盡驅遣又自哈密失守之後隨軍慎內附者處之苦峪既無復返今又來奔中間或有別種豈無異心奄克字刺不知其心向背如何一旦有事恐難拒守其行都司在外七衛二所并嘉峪關外近邊之地更有堪以屯聚耕牧之處及苦峪近地有無廢城遺壘可以興復建置詳加詢訪熟思審處必有利無患可以為安內方畧未上然必安徐慎密勿使讖微彰露怨事未必成或生他變若夫制外之策如軍馬甲兵城堡關隘溝塹墩臺斥堠屯田糧草等項及管軍戍守頭目人等宜同彼處守臣從長計議酌量停當便宜施行不可偏執務圖經文無弊此外尤須密切用心詢問沿邊一帶邊關宿將經戰老卒與凡曾出境和蕃越關私販番漢之人及雖本胡種生長內地

無復外心而為衆所孚信者多方召集因事討論所以制禦備  
服萬全之策潛遣間諜招徠降附審實其強弱分合之勢詳訪  
其向背虛實之情畫圖來上待報回京故諭○庚戌 仁祖淳  
皇帝忌辰 上祭奉先殿○內府承運庫告缺少供應金銀戶  
部請借太倉銀十萬兩應用移文天下催取私治二年至五年  
折糧銀兩以充之復奉旨集廷臣議擬上三事以為通融理財  
之法一折錢鈔謂天下戶口食鹽錢鈔今後每鈔一貫折徵銀  
三釐錢七文折銀一分當解京者徑入內帑當存留者留本處  
准官軍俸糧計解京之數大約一歲可得銀二十二萬三千餘  
兩一清船料謂河西務臨清淮安揚州蘄州杭州九江七鈔關  
往年嘗差部官司其事後止責成彼處有司國課遂虧請於河  
西務蘄州九江戶部差屬官各一人淮安揚州杭州南京戶部

差屬官各一員其錢鈔如前擬折銀解京一起存積謂天下諸司庫藏所積金銀除河南山東山西陝西已准雜穀備賑貴州兩廣見給軍興外其浙江江西福建湖廣四川雲南應天南直隸蘇松等十三府廣德等四州北直隸真定等七府所貯并空月皂隸祇候及糧料等餘銀於內各取三分之一以入內帑奏入從之○命大寧都司都指揮僉事張傑充右叅將分守延綏東路○壬子命太傅兼太子太師英國公張懋克正使禮部尚書兼文淵閣大學士徐溥充副使捧節持冊為岐王行納徵發冊禮○翰林院檢討毛紀上疏乞省親許之○癸丑太醫院院判劉文泰奏吏部尚書王恕立心矯詐强悍自專 先帝洞察其姦放歸田里而恕託人薦舉驟居吏部年老昏耄權歸下人外雖稱疾引年內實貪權戀位姑舉一二言之如不院御醫陞

用更目補缺具有 祖宗舊制而恕妄行選補不厭人心其變  
亂成法一也恕託人作傳刻板傳播題曰大司馬三原王公傳  
歷數朝廷之失自此伊周之佐至不准者皆書不報以彰 先  
帝拒諫之失迹此姦欺不臣可見此其沽直諂君二也至如濫  
陞官員擅作威福其事尤多不足以當冢宰之任乞明正其罪  
而斥罷之併以所刊傳附進 上令恕看畢回奏○進封皇親  
瑞安侯王源故父鎮為阜國謚康榜勲階為奉天翊運推誠佐  
理武臣特進光祿大夫右柱國母段氏封阜國夫人曾祖祖俱  
加贈瑞安侯曾祖母祖母俱贈侯夫人源與陞授勲階誥券妻  
及繼室各贈封侯夫人○陞貴州按察司按察使張蘆為貴州  
布政司左布政使○甲寅賜晉府鎮國將軍奇濂輔國將軍奇  
涑奇瓌奇濟表校表棟表杜奇渥鎮國中尉表柳藩府輔國將

軍勳深勳澧勳溶勳消誥命冠服如制。命戶部開中兩淮兩浙二鹽運司及雲南提舉司弘治元年至四年鹽課各三十萬引於陝西三邊以備軍餉仍募人輸粟六十石或豌豆八十石或穀草九百束者俱授冠帶從軍夏巡撫都御史韓文奏也。○劉鴻臚寺卿張俊左少卿杜英右少卿李鏡俸各兩月以華蓋殿贊禮遲誤也。○鎮守甘肅總兵官後府右都督周玉復以疾乞解或務。上曰周玉已有旨勉留宜竭忠誠以圖報稱豈可又引疾求退不允。○刑部火尚書彭韶等上疏請罪詔宥堂上官其諛司官及巡封官吏人等並逮治之。○乙卯。上諭鴻臚寺官曰近日朝儀不肅甚乖禮法爾等其告多官宜加敬飭有不虔者具實糾奏。○命故安鄉伯張寧之子恂故成安伯郭鍾之子寧各襲爵。○增。恭讓章皇后守陵軍八十人命於守視



皇子墳及懷獻世子許悼王墳軍內分撥○山東沂水縣兩  
寬大者如益殺麥黍○丙辰 仁祖淳皇后忌辰 上祭 奉  
先殿○先是天下歲報賦役等冊違限者以所違月日遠近為  
差罪經該官吏其齎冊之人每違限十日罰運通州倉米一石  
於居庸關罰至十石而止此法既行適為攬納者之利每米一  
石或索腳價銀一兩而領運米或為所剋戶部請令當罰運者  
每石止收腳價銀八錢免其領運候積銀至十兩即轉發居庸  
倉依時估折作官軍糧料從之○丁巳先是寧靖王以罪革祿  
米之半後准復三之二至是其子宸濂裝封請全支如舊許之  
○庚申賜晉府鎮國將軍未格嫡子名曰知然鎮國將軍鍾鏜  
第三子曰奇澤輔國將軍鍾鏞嫡第四子曰奇灑庶第五子曰  
奇澤第六子曰奇涉魯府陽信王嫡長子曰健祉鎮國將軍當

渝嫡長子曰健柘庶人當沔嫡長子曰健摸永和王府鎮國將軍奇涌嫡第三子曰表拚靖江王府輔國將軍相珙嫡長子曰規榮鎮國中尉相嵩嫡長子曰規究相宏嫡次子曰規盛相輪嫡長子曰規霑規砥嫡次子曰約昧藩府遼山王庶第二子曰詮鉞 上以天氣炎熱命兩法司錦衣衛將見監罪囚笞罪及無干者皆釋之徒流以下減等終落重罪情可矜疑并枷號者具奏以聞於是免枷號者二十三人仍命行南京法司一體寬恤○太子少保禮部尚書張文質卒文質字允中直隸昌黎縣人正統七年舉進士授工料給事中景泰中陞都給事中以音吐瀉嘗進為通政司右叅議天順初進左通政復進通政使成化中加兵部左侍郎工部尚書俱仍掌通政司事既而加太子少保改禮部尚書管事歲餘以母喪去服除仍以禮部尚書

掌通政司事後為言官所劾致仕至是辛賜祭喪葬如例文質  
為人重厚有容居家以孝稱歷官四十餘年無過舉其子忱亦  
舉進士為兵部郎中○後軍都督府帶俸致仕都督僉事李銘  
之子清代原職為旗手衛指揮使○命遼東都司都指揮使常  
凱之孫欽代為定邊中衛指揮使南京龍虎左衛帶俸都指揮  
僉事夏堅之子鋼代為龍虎左衛指揮僉事○是日曉刻月犯  
外屏星○辛酉賜襄府武昌郡主并儀賓吳貫藩府將樂縣主  
并儀賓宋鈇晉府揚揚郡君并儀張振南城郡君并儀賓王璋  
代府徐聞郡君并儀賓李相誥命冠服如制○南京戶部尚書  
秦祉以考滿至京吏部言祉先任都察院右都御史巡撫兩廣  
致仕後再起用陞南京戶部尚書例以後任歷俸日為始另歷  
三年方得考滿今祉以前任轉考於例有礙 上以語祉自

勅宥之。○自去冬無雪，至于是月不雨，勅諭文武群臣曰：朕以涼德纘承，祖宗鴻業，宵旰靡寧，圖惟治理，乃者天道弗順，自去冬迄今亢旱踰時，田苗枯槁，民庶驚惶，朕甚憂懼，已嘗齋心露禱，及遣官祭天下神祇，而連日狂風屢作，雨澤少降，揆厥所由，豈朕與爾文武群臣交修之道，猶有所未至耶？自今事閏，朕躬者朕當充循而行之，爾等與朕共理天事，休戚惟均，亦各宜痛加修省，革其背公徇私之弊，警其因循怠惰之習，固其廉慎不渝之節，凡軍民利病時政得失，有可以興革者，爾文武群臣并科道官仍條奏來聞，務臻實效，毋事虛文，用佐朕之不逮，庶人事以修而天意可回。欽諭。○建州右衛女直都指揮保能等來貢賜宴，并衣服綵段等物如例。○夜南京雋內火。○癸亥兵部主事歐鈺奏：臣近奉勅查選各處京操官軍馬匹，其興州中

屯等衛官軍重名者甚多皆因該班不到懼罰班及違補馬匹故朦朧自首復收得以兩相影射有春班投入秋班者有頭撥投入次撥者該衛照名連年勾擾不得清切乞將臣冊勘報相同軍士各選原伍後有逃軍復役不許妄投各營領操管隊官旗亦不許妄收妄首者查扣脫操日期照例罰班其倒死馬匹多係災傷地方雖有屯田無人耕種又有遠年未補之數無從追究宜與除豁以蘇困敝兵部覆奏謂鈺所言可行但各營官旗妄收者止坐以罪免其罰班從之

大明孝宗敬皇帝實錄卷之七十五

弘治六年五月甲子朔命遼東都司都指揮同知張欽之子鳳代原職寧遠衛指揮使。丙寅代府靈丘王仕塲薨王榮順王嫡長子母妃郭氏宣德八年生正統十一年封為長子成王。十三年襲封靈丘王。至是薨年六十二。計開輟朝一日。賜祭葬如制。謚曰僖靖。虜入寧夏之廟山墩鎮。巡等官命指揮王良趙璽領兵三百拒之。接戰未久。虜伏兵七八百騎突起。衝官軍為三良等併力禦之。不克。趙璽并其下十四人皆為虜所殺。射傷者三十四人。玉泉營備禦都指揮王洪率兵來援。亦為虜所圍。會總兵官李俊等兵至。虜乃解去。鎮巡官以聞。并自劾失律之罪。兵部言寧夏已屢失利。朝廷皆貸之。守臣漫不知警。復有此敗。不一懲之。無以戒後。上是之命。停巡撫都御史韓文總兵

官李俊倅并鎮守太監張春俱令戴罪絞賊王良等三人下巡按御史連問。○分守肅州右叅將都指揮僉事彭清引疾乞解任兵部言肅州極臨虜境今邊事方殷清為裨將好謀而勇累有斬捕功不宜去從之。○丁卯廣西思明府忠州等衛門官族黃勝等朝覲違限月之吏部請送刑部問罪從之。○吏部左侍郎張悅言四事一 祖宗舊政講畫精密式具備雖行之萬世無弊不宜輕改以亂舊章一 今天下之民率多罷敝東南財賦所出之地尤為滋甚宜薄其稅歛使有餘財輕其徭役使有餘力一 各處荒歉人民流移宜禁奢華裁冗濫節用度損燕樂杜無名之爵賞罷不急之工役一 各處冗官太多官司罰錢太濫乞重革禁約下禮部覆奏其言皆可從乞 聖明留意 上納之。○戊辰端午即賜百官宴于午門。○己巳淮世子見濂卒

世子淮王祁鈐長子成化十六年封為世子至是卒計開輟朝  
一日賜祭葬如制謚曰安懿○裁革山西平陸縣稅課局○庚  
午命陝西按察司僉事延綏靖遠營管糧者每三歲一更從巡  
撫都御史王宗彛請也○辛未陞翰林院編修馬廷用為本院  
侍讀以九年秩滿也○舊例京營馬皆軍士自採草飼之正統  
末暫給官草兩月後以為常其存採馬以四月春草漸生止與  
料豆一半至是英國公張懋請全支并添支下場馬草一月戶  
部議不可命四月分料豆許全支草亦不必添○致仕太常寺  
少卿汪景昂卒景昂浙江蕭山縣人以楷書命為國子監生授  
順天府照磨兼官尚寶卿太常少卿俱文華殿書辦成化末致  
仕至是卒賜祭如例○廣西鎮巡等官以副總兵馬俊等古田  
之敗皆停俸殺賊至是賊漸平巡按監祭御史上其事兵部覆



奏禍機之發自馮俊一哨其餘三哨兵道遠猝難應援况按察使陶魯等今亦有功可以贖罪宜令文偉自劾得旨陶魯等哨功可贖罪者令文偉如故○太子太保吏部尚書王恕奏太醫院院判劉文泰先因怨臣沮其律進控詞誣奏意在陷臣于死地荷 聖明容臣回話臣謹按文泰奏臣欲謀起用託人薦舉不知臣所託者何人又奏臣因怨 先帝退歸作為詆毀之言以彰 先帝之惡臣傳作於成化二十年臣致仕在成化二十二年觀此則其誣妄可知傳內所書多是臣子承弼之忠言足以彰 先帝納諫之盛德不知何以為彰君之惡又奏臣變亂成法臣之除授史目陞用御醫俱是遵依諸司職掌及見行事例不為變亂且文泰無賴小人其造此機巧深刻之詞非老於文學陰謀詭計者不能乞勅法司執文泰於午門前會官追

問及充主使之入明正其罪以警將來命下文恭錦永衛獄鞠之。○壬申賜代府遠江郡主并儀賓牟春清平縣主并儀賓周壇藩府連城縣主并儀賓柳文興安郡君并儀賓劉棟秦府高明郡君并儀賓王儀晉府岢嵐縣君并儀賓閻江分宜縣君并儀賓郭世臣誥命冠服如制。○吏部右侍郎周經上疏曰近年以來外戚之家無功以求遷無勞而幸賞齋醮屢修遊宴無節內帑空虛多由於此乞禁止以崇儉素近例知府知州知縣以積糧多者給與誥勅仍不次陞用遂致沽名求進損害下民乞勅戶部依洪武間例凡州縣預備倉糧仍給官錢雜貯其數目照成化七年州縣小者每里三百石大者每里五百石為準若有不足以存留贖罰及壇場湖蕩所入充之此外若巧取民財以至上納銀米冠帶有壞名器俱宜革罷其知縣知州知府等

官考滿仍依吏部考察不宜專以積糧為能又清勾軍使洪熙以前其筭在軍旗宣德以後其筭在里胥筭在軍旗其里分住址猶不能沒軍丁尚可尋弊在里胥則姓名鄉井俱各混亂軍丁遂至消耗雖在內差御史在外司府州縣各有委官但其間有慢事不省之人是以近年兵部既有住俸之罰又有降職之責然人心喜進而惡黜故徃徃以疑似者為正身以亡絕者為見在民之被寬豈可勝道乞行各處查照宣德年間文冊比對三十年同者為準又荒旱之際民不聊生乞勅工部查照內外惜薪司所積柴炭約勾幾年應用將災重去處停免二年災輕去處停免一年其所用顏料物料亦如柴炭年限停免倘有急用暫以本部所收匠役工價支用待歲豐之日照舊徵取命所司者詳以聞○工料給事中柴昇應詔陳國家大體二事當時

急務四事其大體曰者災異謂今四方災變守臣非不奏報恐萬幾之煩未能遍及乞勅內閣大臣分類條上省覽如涉軍民里務并召府部大臣面與商確庶得以盡群情之異同亦因以辨人才之優劣曰細忠諫謂 皇上初政從諫如流三二年未漸覺小異如西番貢獅羣論當却今尚有禁中如四方游食姦盜投充勇士等役群論當汰今延蔓愈眾又如日晏始聽朝政無故輟免經筵西苑觀遊之樂南城派連之戲與夫別宮外寵之無名賞賚釋道雜派之黃緣傳奉群論已切多未改革乞勅禮部會官詳議悉興施行其急務曰布寬恤謂有司多以催科為能災傷停免恩命屢下徵督自若以致老弱者多流離轉徙強梁者或去而為盜乞勅戶部議寬恤條格特頒溫詔不許仍前督促曰撫流移今山東北直隸饑民多徙河南湖廣陝西等

處赴食乞勅所在官司加意撫恤曰謹儲蓄乞勅戶部申諭各處撫巡并方面官先查所屬倉廩之修廢收租之多寡每季報冊一一盤校每巡按御史代還具數造冊進繳曰憫勞後比因河決工役並興茲久旱災蒸萬一疫氣流行死亡必衆乞照大學士劉吉所奏盧溝橋工役近例命科道官各一員至臨後所分巡訪緝可少緩者姑俟秋成所當急者併力興舉仍措置藥餌以防疫癘跡入命所司者詳以聞○兵部尚書馬文升等應詔言九事一清屯田以足兵食謂軍士月糧出於屯田洪武時每軍有分屯田百畝者有三五十畝者屯軍既不支糧又納餘糧六石所以公廩皆有餘積後軍士數少征戍日增屯軍俱各摘出應後屯地多為勢家侵占或被軍士盜賣徵糧之數多不過三分又如親王初封俱有三護衛中間有改調二衛者有

三衛全調者所遺屯田當時失於查考俱被王府并勢家占種乞差官於南北直隸并湖江等布政司會本處三司屯田官逐一清查果衛所無軍聽舍餘或民人承種照例納糧以給軍士不許他費災傷地方暫且不遣庶軍士困苦得以少蘇一存京軍以強根本謂允親王出府例於後府錦衣衛并在京衛分撥軍校千七百人以十府計之則為萬七千人自今親王出府請先撥校尉三百人軍六百人暫令在京隨侍待之園時止令原選儀衛司群牧所官軍校尉隨侍其餘軍校八百人俱於附近衛所撥補是於萬七千名內猶得存八千名可為定制一停工役以恤操軍謂近日造昌國公張密并仙遊公主墳及修理玄武門金水河浣水局俱於三大營撥官軍又於團營增撥臣惟各營官軍所以拱護宸居不為工役而設今前項工役併在一

時以致各軍財殫力屈乞裁處應早完者為之程限應暫停者  
權令停止其團官軍此後仍遵詔旨不許擅請差撥以損銳氣  
一安流民以弭後患謂山東北直隸比歲荒歉人民相率流徙  
河南即今河南又早復去之荆襄土著之家徼往年流民聚積  
之患必不相容所在官軍又復驅逐恐生他變乞勅河南湖廣  
巡撫并荆襄撫治流民都御史密為開防優容求食若倉糧有  
餘量加賑濟不許逼逐一定世襲以別功勤謂永樂中選充大  
漢將軍隨駕征進迤北等處及有擒斬功次除授千百戶等官  
子孫俱照例承襲正統七年有旨凡由大漢將軍陞職者子孫  
承襲遞降一級今一例減革恐人心嗟怨乞自永樂二十二年  
以前陞除曾承襲二三輩者照舊世襲曾經減革者候其子孫  
告襲復還原職世襲以後授職者俱如正統中例一治姦頑以

清選法謂舊例各衛所指揮千百戶等官病故無子承襲者保送一祖立功伯叔弟姪赴部定奪間有姻族并豪強之徒謀奪官職往往誣奏移文體勘動經數年不得承襲自今有誣奏事情體勘明白又復奏擾者下法司逮問仍調廣西邊衛差操應襲舍人即與入選一明事例以恤幼弱謂見例內外衛所軍職凡不係奉天征討者其為事凡被提未經復職監故病故者子孫襲職年壯調衛自今為事軍職惟典刑者其子孫襲職不分幼壯俱照例改調沿海衛所帶俸若監故病故者子孫十九歲以下者俱免改調仍在原衛所帶俸差操一革宿弊以惠貧窮謂在京五府屬衛并親軍衛分放支月糧并折糧銀絹每月奉乞令五府等衛門東選見任軍政指揮庶能公正有差委或一年或半年一更不得再委帶俸團利之人一停追馬以安小



民謂大名河間等府及山東河南歲歉太僕寺備用馬匹民多  
逋負乞下太僕寺體量今歲備用及往年逋負之數暫且停止  
候秋成徵之庶小民不致逃竄奏入 上曰所言是清屯田等  
八事皆准行金水河岸及昌園公墳工役令督趨早完其餘所  
司盡勸以聞○工部尚書賈俊應詔陳五事一近來內外修造  
工作太繁竊財勞民宜皆停止一易州山廠專為內府惜薪司  
及光祿寺供應而設近年內府雜役以一沐十卷坐山廠所司  
遂以歲用之數充之及工已完又仍於本工原撥處上納勞費  
不勝今後宜改令於本部臺基廠收貯以備別用一天下王府  
進項歲無虛日一年所費不下數十萬宗枝日蕃軍民日困今  
後自郡王以下宜減半給直一天下歲造軍器歲久積於無用  
多致破壞及真定等處積負光祿寺上供器物俱宜暫且停徵

或量減其半 上曰所言有理皆准行修造工作仍備查來奏  
○癸酉 太祖高皇帝忌辰 上祭 奉先殿魏國公徐備承  
命祭 孝陵○賜濱州輔國將軍勛沱并夫人鎮國將軍勛深  
晉府奉國將軍表旗表權趙府鎮國將軍祐掾蜀府輔國將軍  
賓海誥命冠服如制○戶部尚書葉淇應詔陳五事一停折料  
以存糧正統間有旨令產額料處歲於存留糧內折徵解京今  
各處以災乏糧而在京額料頗多陳積自今生派宜稍損其半  
一止勘官以安地方比者衛府奏乞雄縣莊田所報四至皆非  
閒曠而王乞遣重臣再勘民方饑病重以驚惶其何能堪今查  
順天府豐潤縣加南等社有田八百餘頃乞定數撥給而免遣  
官往勘一選馬匹以節料草御馬監內外二十四馬房通用料  
二十四五萬草七八百萬皆民膏血而所養馬多老羸無用自

今遇有進馬至則命內外臣選年齒中度者收養仍歲一差官揀選其不堪者賣銀以入內帑則馬皆可用而料草不至虛費一折魚課以贖民困福建歲徵魚課米三萬餘石近巡按官奏魚戶艱困乞每石折銀三錢五分為彼處官軍俸糧之用今查福建歲入田租存留者歲支之外尚餘七萬有奇宜從其魚課折銀之奏而以田稅所餘歲折五萬石進之內庫以為常庶魚戶可獲而內庫亦充一恤旱災以寬民近因山東告災凡可賑恤者次第舉行惟供用庫等糧總七萬七千四百餘石仍令輸納及有徵糧三十萬二千六百餘石令留本處支用今彼地存災宜將二項停止候時豐以三分為率歲徵一分其濟兗等四府今歲夏稅亦暫停止以安人心奏入上曰所言有理俱准行豐潤縣加南等社莊田以五百頃賜銜王管業○禮部尚書

耿裕等應詔陳八事一曰尚勤儉謂勤則心不他後政事不怠  
聖學無間儉則志不外奔用度裁省物無妄費 皇上自即位  
以來勤儉著聞惟日慎一日不替初心則可以感格天意二曰  
議宗室謂天下王府封冊婚葬居第食祿等費皆出內帑與下  
民供億本部查自今年正月至四月郡王將軍下至夫人儀賓  
受封薨逝已八十餘人夫天下地有定所賦有定額加之水旱  
頻仍人民凋耗而宗室之費日增計三月數尚如此一年可知  
推而至於百年之久又將焉出宜下文武大臣會議務為善後  
之計三曰減齋奠謂 皇上臨御之初禁止齋奠雨雪未見愆  
期比因雨雪不降啟建禳業齋奠動經旬月所費不貲茫無應  
驗以初時禁止較之啟建祈福誠為無益宜仍禁絕以除姦竈  
四曰汰冗員謂官多則民擾而增設衙門百費紛起尤為不便

本部自去冬十月至今歲四月僅半年間該鑄開設衙門印信  
關防銅牌已八十有餘似此增設無歲無之乞命吏部查天下  
添設官員及新增衙門凡有冗濫悉皆裁省五曰省供應謂山  
東河南北直隸等處連年亢旱民多逃亡宜將光祿寺奏派各  
處豬羊雞犬弘治五年前所欠悉與蠲免其已懲未解價銀發  
災傷處賑濟弘治六七年停免原派之半俟豐年補納庶民困  
少蘇六曰免廚役謂太常寺新僉山東河南北直隸廚役多難  
起解緣其地災傷僉解費廣俱累里甲乞悉令停止以少安人  
心七曰罷營造謂天時亢旱軍民憂惶工役繁興人力困憊  
祖宗陵寢固不可不修至於洗衣局果園溝渠河岸等役皆可  
少緩宜命督工官將完者趣完未興工者即暫罷之八曰止差  
遣謂近年降虜押送兩廣或差部屬或進士或通事初無定例

而通事在外越禮犯分往來騷擾自今但差兵部屬官及行人  
馬使疏奏 上曰所言是尚勤儉朕當自勉議宗室汰冗員仍  
會官議處齋熙卽令停止供應可省工役不急者所司查勘以  
聞厨後及狎送官如議○禮科都給事中林元甫等應詔陳七  
事謂今山東河南北直隸雨雪愆期人民流亡殆盡乞多方措  
直或開中鹽引或借臨清德州水次倉糧數萬石特東大臣一  
員重往設法賑濟凡齋奩成典夫遊觀織造之濫費乞皆停  
罷減省 皇上登極之初罷傳奉冗員天下稱快近偉門漸開  
乞嚴加杜絕文職為民武職降調邊衛又朝覲考勅退官造言  
妄奏者例為民及發口外近有旨許其伸理本開理枉之門反  
益弄軼之弊乞照前例為使御史彭程因言光祿妄費觸犯  
先帝克軍然原程之心無他惟欲修已職而節財用乞宥之凡

先年兩京官不以贓罪降調者乞皆從寬宥順天府大宛二縣戶口日減差役日繁乞量為減免其光祿寺各監局供應皆先令鋪行買完然後給價月久費多所得十無二三宜委官依時估平買庶民不受害古者遇災必策免大臣今南京都御史黃綬老耄無為劉瑀剛愎酷暴大理寺卿章格素乏清譽巡撫都御史徐恪重聽廢事張瑋躁急糊塗楊澄羸鄙庸劣乞各罷歸時監察御史艾瑛等亦言八事多與元甫等同又以降調御史任儀請與彭程同有復職杜絕傳奉文武職必由吏兵二部或有黃緣倖進許科道劾奏降調邊方順天府役重賦繁如永樂時北征得虜中羊一萬七百萬有餘至今羊已盡絕而歲辦毛價九百六十兩有奇寶坻馬廠大戶止令守視而官校巧取歲納銀四百兩他州亦多類此請正額者量減非正額悉與除豁又

謂天下重囚一年秋後一審決五年違官一審錄矜疑多從來減乞勿俟五年之期特勅法司選差屬官或勅各處撫巡等官毋拘成案審錄上請釋放各違將領科取百端士卒怨讟乞申明戒諭如遁逃實致數多致地方失利殺虜人口二十名以上牲畜三十以上恣治以失機之罪疏入上曰黃紱近自陳致仕已留用矣徐恪張瑋劉瑞章格亦俱留治事楊澄令致仕彭程任儀不允其餘事所司各着詳以聞○甲戌冊封皇第二妹為永康長公主以國子監監生崔儒長子元為駙馬都尉賜誥命冠服鞍馬如制○廣西副總兵馬俊等之死都指揮僉事麻林等皆在俊部失於救援及賊平林等亦有擒斬功下巡按御史議其情罪輕重兵部覆奏請如律例充軍者麻林以下十五人決杖者指揮舒洪以下十二人得旨免充軍決杖麻林等六



人有功降一級千戶陳紀等九人無功降二級俱原衛所帶俸  
差操舒洪等八人准以功贖罪遂職指揮使馬胤等四人無功  
各罰俸三月帶俸差操命都察院故右副都御史李昂之子世  
蕃為國子監生昂未及一考嘗巡撫江西有捕盜功世蕃後例  
以請特許之○乙亥 仁宗昭皇帝忌辰 上祭 奉先殿遣  
駙馬都尉楊偉祭 獻陵○以順天府大典完平二縣旱災命  
發預備倉賑之下戶兩月稍優者一月大口各給糧三斗小口  
半之從府尹黃傑請也○詮註後軍都督府帶俸都督僉事馬  
昇于前軍都督府僉書管事仍不妨管操○大通事錦衣衛帶  
俸指揮僉事王英言永樂間女直各衛授都督等官令率所部  
為中國藩籬比來各官不能約束以致違方多警今後各衛掌  
印都督若歷任無過所部未嘗犯違者仍許襲原職否則止令

繫指揮使別選衆所信服者陞都督兵部覆奏以各官承襲已久一旦革去恐啟讜端此後海西建州三衛女直成化以後陳乞陞者指揮以下仍舊承襲其都指揮以上至都督有故者必審其部下無人犯逆子孫能繼志者許其承襲否則革去求陞之職自左右都督以下至都指揮僉事各連減一級但曾求陞一次者更不許陳乞間有能嚴輯部落逐擒捕犯違夷人并歸我漢人之遁逃者具奏陞賞從之○陝西寧夏地震○丙子詮註燕山前衛都指揮僉事丁壬于大寧都司領班京操○丁丑魯府鎮國將軍陽鉢陽登請辭常祿以賑饑民上曰陽鉢等所奏誠義舉然常祿不必辭其降勅獎諭之○陝西永昌衛寧遠堡有自虜中來者二人謀者詰之知其為漢人被掠者把總指揮束鎮利其所齎使人誘之出境而殺之百戶丁愷

檄為斬捕功鎮及指揮史彬亦各以領軍應援報功于官死者之家發其事兵部以鎮妄殺無辜罪惡深重請并丁愷史彬俱論以重法請分守副總兵陶楨左少監紀能失於審勘亦不淨無罪 上命鎮愷彬俱下廷按御史逮問楨能姑貸之楨仍停俸三月○戊寅英國公張懋等言六事一暫停工作以息軍困切見京營操備軍士連年工作繁重以致困苦且今天道炎熱勞苦萬狀乞將各處工作暫止一寬限期以恤軍士京營操軍逃亡數多近該兵部奏准限兩箇月以裏自首免罪但程途遙遠一時不能周知乞再寬兩月一清查軍餘以息久後乞勅兵部行令在京各倉查先年借借并補數到今軍餘俱還原衛一清查并省軍財乞勅工部查照今後法司問發運戾囚犯不必發與各廠止將贖價收貯在官遇有工作發出買反應用一

嚴限期以濟貧乏乞勅兵部計議今後上十衛該闕絹疋等物  
查自弘治元年以後但有未闕衛分定立限期嚴督掌印官員  
依限闕支一軍區相兼以給工役乞勅工部查照今後凡遇造  
作該運木石重料於班匠銀內支給雇車裝運庶得少紓軍士  
之苦下所司議謂懋等所言皆可行第修倉須留軍千人從之  
增設廣西慶遠府永順永定二長官司設長官正副各一員從  
兩廣鎮巡等官請也○巡按陝西監察御史李鸞奏陝西之地  
依山帶河內屏諸夏外控西陲號為重鎮自撤東勝之後河曲  
內地棄為虜穴重夏外險反南備河故成化中毛里孩亂加思  
蘭擾我邊場轉輸勞費民已不能堪去歲以來寧夏地方烽火  
不絕行旅惶惑居民失業而其典兵事者安居自適以為無事  
今歲二月虜入朔山墩殺指揮一人旗軍十餘人肆行無忌倘

秋高馬肥大舉入寇不識何以待之臣竊思夷狄之在前代多者百餘萬少者數十萬又必有豪傑者君長之至於元為天所厭北遊沙漠我太宗親御六師驅逐益遠厥後種類交惡互相吞噬其勢不能當我一鎮夷狄之衰未有過於今日者已夫以中國全盛馭極衰之虜雖草薶禽獮諒不為難當犂場之寄者漠然不加之意使其疏弄豕突跳梁邊鄙上勤九重之憂此臣所以夙夜不能忘也陝西東自榆林西盡涼夏城堡茶布墩墩相望經理區畫可謂精矣典兵之官有守備有分守有協守有主帥大小相維又有內臣以監督之都御史以贊治之體統即日可謂備矣然最爾小醜輒敢輕入官兵閉門一籌莫展臨馬自保之不暇臣目擊其事豈勝扼腕臣聞違事所急者曰典曰食曰馬而已然軍不疲於戰陳而疲於典兵者之剝削馬

不疲於馳驟而疲於典兵者之營利苟種不疲於餽餉而疲於典兵者之巧取監臨主守互相效尤欲望三軍生敵愾之心邊塞有長城之恃難矣至如都御史之設諸軍歸其節制庶事聽其便宜正當得掣貪殘肅清弊政奈何宴會往來歲時餽餉人情習玩動相掣肘邊備不修實由於此然臣之所慮又有急於此者請舉已往言之正統十四年王師北征號三十萬衆而土木之難懸如一髮成化十九年北虜犯邊嘗動宣府大同兩鎮重兵而下米莊之危幾於覆沒當是時遣將如石亨許寧革雖皆敗衄之餘其平昔才勇操守猶足以繫屬人心今國家承平日久沿邊撫臣又非一時重望若安常習故無所更改萬一虜騎長驅則前日米莊之覆撤敵在也乞簡命在廷才望大臣一人重授節制凡沿邊錢糧軍馬一應重務悉聽便宜奏聞以

是居安慮危使虜知我待之者有備而朝廷亦可以免西顧之憂矣奏下兵部議請通行于各邊鎮巡等官俾知思患預防之道從之○右軍都督府都督僉事李杲卒杲陝西西寧衛人前會寧伯英之子英卒杲襲錦衣衛都指揮僉事成化二年奉將材陞著都督僉事左軍都督府帶俸三年陞右軍都督府署都督管事復選團營振威營管操六年同都御史項忠侍郎葉盛巡歷保定等府賑濟饑民擒捕盜賊十四年同尚書劉昭修築蘆溝河堤岸五千餘丈十五年調五軍左掖管操尋調神機營管操弘治五年遇例實授至是奉賜祭葬如例子玠舉進士任尚寶司丞○先是有旨今後私自淨身者本身并下手之人處斬全家發遣遠充軍兩隣及主家不舉首者同罪且令禮部出榜禁約而安肅縣人韓清等三百餘人復冒禁入京擊登聞鼓

求進禮部劾下鎮撫司鞠問送法司擬罪大理寺卿馮貫與刑部尚書彭韶議以清等自言並在五年三月初八日赦宥并禮部近奉詔旨之前因收回詔部發審奏詞止擬違制不應杖罪發遣尋奉旨各引咎自陳上以貫私蓄改擬詔鞫聽從重加詰責於是貫韶復上車待罪命宥詔而停貫俸五月少卿屠勳馬中錫各兩月其主使自官及下手之人仍嚴限督捕之○是日昏刻月犯鍵閉星○庚辰戶部奏河東運司弘治三年四月存積鹽課十五萬二千引請下所司鬻賣以省久積消折之患從之○南京內府供用庫奏缺速香戶部議發南京內帑錢買千一百三十斤以備五年之用從之○以水旱災免湖廣黃州等府州縣及荊州等衛所弘治五年糧草子粒有差○四川茂州地震有聲如雷○辛巳命安鄉伯張恂祿米歲天本色折色



各五百石成安伯郭寧祿米歲支本色三百石折色七百石各從其父祖之舊也○壬午代府庶人成整以輔國將軍坐罪革職八年無口糧至是疏母妻妾子女并己六人請照庶人口糧例支給養贍戶部言六人歲得總數多於奉國中尉是有罪者與無事等請用幼子女例人月給米一石歲絹一疋上不從命照例給之○禮科左給事中夏昂言六事一曰圖治本 皇上御極之初朝廷清明政事修舉近年以來或失於初伏望慎終如始則治本立二曰遵制命近年以來六部都察院各衙門事關國體者不知制命之當遵或奪於權勢或幸於屬託有所規避不行叅奏者許科道官糾舉三曰急拯荒山東河南等處亢旱乞勅該部通將各官所上賑濟條件作急酌量奏請施行四曰免重科乞勅該部計議行科道等衙門監故等官令各庫

凡有奇庫錢糧供要查出會同管庫內官及督同各庫官吏除朽腐不堪外盡行收訖以供支用五日省民費乞勅禮部行都察院通行各處巡按御史將各府州縣饋送無名之禮通行禁約六曰存大體乞勅該部計議行各該問刑衙門今後或有大臣犯罪送彼問理者務存大體毋得凌辱下所司知之○陞守備歸德等處武城中衛指揮使高瑛為著都指揮僉事總督直隸揚州等處備倭○癸未太常寺卿兼翰林院侍讀學士傅瀚省徐復任○刑部員外郎王嘉慶主事王銓大理寺左寺副徐諫王章左評事謝湖俱對品調外任先是軍人馬英妻羅氏自宮其初男馬伍同居人丁寅等發之羅氏等例當死嘉慶等止擬杖罪獄上命下嘉慶等于都察院獄都察院擬贖杖還職上特宥是命○甲申都察院右副都御史程瑄言今天下問刑

官不能體 皇上重愛民命之意以苛暴為盡職以刻薄為能  
事出入任情輕重失當及審錄官得其實而原問之罪皆釋不  
治似無所懲自今諸司審錄其錯誤者以失出入人罪論其受  
賄及任已見者則以故出入人罪論如此庶幾人知所謹而天  
下無冤獄矣從之○刑部尚書彭韶等陳四事謂今海內雖稱  
承平而四方亦多災異正兢兢不遑之日非擇安求便之時如  
臣等所奏事情當即賜裁決而伏候勅旨踰旬方下若復優游  
少斷有如前日不惟事見停滯亦恐志涉驕抗又內臣毆殺人  
命 聖意每見寬容自古帝王用刑法必先乎近貴用以憫人  
命之重彰天討之公若復曲法伸恩人將恣情無忌又昌國公  
張璘瑩域比諸皇親相去懸絕特遣大臣督軍營造葺楚貧窮  
追徵緡納逃竄者既煩勾解閩少者又勞添補展轉相尋無時

休息又順天府所屬州縣人民有限差遣無窮里甲正役尚易  
支持難泛差徭尤難供應近來殷實之家多投充陵廟等戶投  
充者既蒙優免在戶者望復徵求致使富者坐見其窮貧者相  
繼而竄今後乞將優免人丁仍定以數餘者發當本役則人各  
得其所矣跡入上曰幾務早決朕自處分昌國公墳塋已有  
成命督令速完其餘事所司知之○夜南方流星如盞色青白  
光燭地自天津西南行至河鼓炸散○乙酉都察院左都御史  
白昂應詔言山東一方旱甚請於今歲漕運糧內借四十萬石  
以賑之戶部議謂國朝漕運之規以歲漕四百萬石為定數蓋  
計一歲所漕之入僅足充京師一歲之用今豈敢以江南漕米  
借給山東乎况前此所以借給山東者多矣若猶不足請即德  
州臨清水次二倉發米麥十餘萬石減價糶之則米價自平而

氏艱亦漸可濟矣從之。○刑科給事中韓祐等奉命查盤洮岷等處倉庫草場謂糧草虧折多侵盜之弊因初管糧叅議丘璐欺文睿叅政王哲僉事張琳等罪及先任副使陸珩并巡撫都御史王宗彙王繼亦失於防範命璐文睿招琳下巡按御史達問宗彙繼珩各罰俸兩月。○丙戌命大學士丘濬暫免朝叅仍日赴內閣供事以濬自陳有目疾故也。○大理寺左少卿屠勳應詔言十事一乞恩例以清刑獄乞勅刑部查照先年事例照舊差官各處審錄其災傷處行撫按等官審錄徒流以下減等發落死罪情可矜疑具奏區處一恭情法以公比附乞勅刑部通行兩京內外問刑衙門遇罪無正律應該比附者務使情罪相當至於死罪亦詳究律意所在不可妄自摘擬比附一慎立法以革繁例乞勅刑部會同都察院備查見行事例有充軍初

號者務須斟酌停當具奏定奪其繁瑣難行者并宜革去一遵律令以止深刻乞勅刑部通行兩京內外問刑衙門遇有聽許因公啟人至死囚犯務依律擬斷不許引用行止有虧酷刑等項名色其武職犯該前項罪名者俱照王梟奏行事例而行果有情重法輕者擬奏定奪至於充軍降級等項具有見行條例有不當者亦聽法司查擬一平紙價以便囚犯乞勅法司凡問過囚犯追納紙劄照依定價事例收授銀錢在庫轉發順天府平買紙劄送回支用一起老成以備委任乞教吏部起用致仕刑部尚書何喬新南京國子監祭酒謝諱以備任用一廣恩澤以濟災傷乞勅浙江山東河南被傷地方巡撫等官凡救荒賑濟安民方畧宜速為區處以保地方一禁奢靡以厚風俗乞勅都察院并巡按御史凡有服舍踰式器用違禁及婚喪不依制

度者問擬如律一嚴啟閉以蓄水利乞勅工部行管河郎中過糧運盛行之時嚴立啟閉以革弊端一專委任以督海塘乞勅工部轉行浙江布按二司分巡分守官查見收木石等料及未收各若干計其修理如果已敷不必再行派撥命所司詳議以聞○戶科給事中甯攀言五事一曰誠修省欲上畏天命下憫人窮萬幾之酬應庶政之裁決務求順乎天而不拂乎民一曰慎重經筵欲留心稽古銳意經筵非風雨寒暑不宜輒免一曰慎遊樂欲以禮制心不怠傲戒一曰節賞賚欲儉素是崇爵賞是惜一曰紓民困欲勲厥大臣之家不許求索祿米莊田命所司議處以聞○吏部左侍郎張悅復上疏曰近古大臣善言治者莫如宋之司馬光其在仁宗時嘗言人君之大德有三曰仁曰明曰武神宗時又言人君修心之要有三亦曰仁曰明曰武及

進歷年圖於英宗復以此言載之後序至於指宗訪治又首以此言獻其所以諄諄為四君言之不置者誠以治亂安危存亡之道盡係於此雖堯舜之聖亦此而已臣願陛下法堯之仁以安民法堯之明以知人法舜之武以行賞罰法堯舜之從諫以除壅蔽則今日之治即堯舜之治司馬光之言不盡用於當時而盡用於今日矣禮部覆奏悅所言明白剴切於君德深有所裨蓋第知之非難行之惟艱伏望皇上特賜省覽體之躬行施之政事則上帝鑒觀災異消弭而國家永享無疆之福矣

上綱之○命府軍前衛指揮僉事高鸞守備歸德武平等處以都指揮體統行事○錦衣衛鎮撫司奏上太醫院院判劉文恭罪狀言文恭初欲奏尚書王恕與後軍都督府帶俸都事聞祀討議因得恕擅作威福等事即為成奏稿一紙又將恕所刊



傳示為民都御史吳禎禎見內引尚書五子之歌外作禽荒內作色荒酣酒嗜音峻宇雕牆有一於此未或不亡等語意近詆毀因言待我舉奏為先帝報不平雖死不悔遂亦創成奏稿留文恭家文恭自摘稿內立心矯詐等語增入已摘禎後又為文恭潤色及增述此姦欺不臣可見等語且詞連大學士丘濬謂文恭嘗往謁濬語及恕傳濬言不當板行若有豪傑之士奏聞厥罪不小及殊語沽直謗君四字為濬所說緣文恭因挾私恨期謀奏詆大臣及言恕傳詆毀先帝無從取證所述濬言亦係單詞請逮濬恕對理并治吳禎等罪上曰劉文恭誣奏及妄攀大臣甚是刁潑宜重罪且從輕降太醫院御醫呈恕作傳費直沽名本當究治宥之傳并板即令焚燬丘濬罷其餘悉免問恕復奏中辯且言文恭奏臣無一得實又係革前之事法

司將臣與主使寫本符同妄奏有罪之人一槩參奏似無分別  
乞勅法司辯理庶不枉押 上曰此事已發落矣。○丁亥四川  
朵甘思宣慰使司幕官頭目答兒堅榮等來貢馬匹方物賜絲  
段表裏衣服有差。○兵部覆奏吏部右侍郎周經所言清勾軍  
役欲停兵部住俸降職之例宜仍依本部舊議從之。○遼東有  
流星大如斗紅光如電有聲如鼓。○戊子旌表孝子一人節婦  
十人甘潤直隸開州人國子監生母郝氏卒廬墓三年旌其門  
曰孝行李氏陝西禮縣民崔文妾劉氏陝西秦州民安克慈妻  
蕭氏廣東番禺縣民李宗妻董氏陝西膚施縣民吳者妻嚴氏  
山西臨縣生員冀善妻宗氏直隸長垣縣生員李廣妻王氏亦  
長垣縣民傅保妻周氏江西豐城縣民陳定綱妻王氏貴州興  
隆衛百戶胡澍妻黃氏浙江鄞縣民陳澳妻皆守節年久無玷

各旌表其門曰貞節。○庚寅命內府各洪後人員日支光祿寺  
豬羊肉暫以乾魚代之并今歲重陽等三節俱免宴俟米歲豐  
稔時如舊從禮部奏也。○辛卯舊例南京官軍俸糧每歲支米  
者十月支麥者兩月而公主及駙馬都尉祿米之折色者俱就  
南京支麥不折鈔至是南京戶部郎中申明理以各倉所收麥  
數少請今歲及明年該支麥月分供給米十之七俟倉麥積多  
全給如舊公主及駙馬該支折色麥今後俱准公侯折俸例並  
折鈔戶部覆奏從之。○岐府長史丘永奏比本府人員奉旨兩  
淮支鹽有撥授郡縣者請自今各王府歲用引鹽令戶部移文  
運司解送鹽價至府以杜諸弊從之。○壬辰左春坊左諭德曹  
彥上疏曰臣視唐太宗貞觀初年所行之政皆三代以下人君  
鮮能及者自後漸有吏張故其臣溫彥博曰願陛下常如貞觀

初則善矣太宗嘉納遂能保終治道伏惟陛下即位之初勵精圖治進賢退不肖皆合天下之公節財省費皆協天下之心是以朝廷清明和氣充溢近年以來水旱災傷人民困苦仰勤聖慮然欲修省臣亦願如弘治之初則善矣今諸臣章奏皆蒙令所司議處乞御便殿宣召內閣及府部大臣相與參決以回天意下禮部議覆謂彥所言誠知本之論惟聖明留意上綱之○戶部尚書葉洪等應詔陳三事一裁省無名給糧謂如王府郡王校尉各三十名總各府而計之無慮萬數多係富民營充既蠲其差又給其糧誠為妄費請行天下各王府惟昔時欽賜校尉子孫承繼者許支糧如舊自餘有司所僉及民間投充者止蠲差役不許支糧二禁革收受子粒謂天下王府及在內功臣之家皆有莊田管莊者收租時往往正額外橫取數

借使剋入已請令各莊田及牧馬草場佃戶照徽府例輸于本  
管州縣而後令各該人員來領不得仍前自索擾人三存省京  
儲謂今歲新中進士乞初吏部符甲第在前者量留三分之一  
辦事候選餘皆如舊例放回依規既可存者釋儲且使其歸省  
上曰所言有理俱准行○癸巳賜代府懷仁王嫡第四子名  
曰聰汝鎮國將軍仕堦第四子曰成鈔晉府鎮國將軍鍾鉅庶  
長子曰奇沈鍾銷庶第二子曰奇澧鍾錫第十子曰奇浦韋府  
鍾鈿嫡第三子曰奇津庶第八子曰奇淮遼府奉國將軍恩鋒  
嫡第三子曰寵汝慶成王第三十一子曰奇灑三十二子曰奇  
濟三十三子曰奇法三十四子曰奇灑鎮國將軍鍾鉸第七子  
曰奇滑第八子曰奇淳輔國將軍奇滲長子曰表槁第二子曰  
表棲奇滌長子曰表探寧河王府鎮國將軍鍾鏞嫡第二子曰

奇澂鍾鏗嫡第七子曰奇涑庶第八子曰奇津輔國將軍成鏗  
子曰聰泚趙府鎮國將軍祐棧第二子曰厚炯靈丘王府鎮國  
將軍成鏗長子曰聰濩。鎮守湖廣平蠻將軍鎮遠侯顧濬阮  
受命充行軍總兵官當選調湖廣崇貴官軍有事于貴州請令  
各官軍俱預支俸糧自辦軍裝戶部議指揮全支兩月千百戶  
鎮撫三月旗軍六月銀米或布疋各隨便支給不為例從之  
禮部覆奏工科給事中柴昇所言二事其曰省災異者乞將四  
方所奏災變等事博訪致災之由務盡弭災之實其曰納忠諫  
者悉 皇上細諫之心有督于初况其中所言去獅子汰冗卒  
視朝經筵游觀宴賞等項辭意剴切伏望 皇上留神省覽  
上納之。○兵部覆奏吏部左侍郎張悅所言例有當革者成化  
中例京衛與外衛輪操官軍犯罪者初犯杖七十再犯一百三

犯不悛者家屬押發邊衛差操又在逃官軍自點選之後在逃  
三次者不分赦前後京衛者調外衛外衛所者調邊方我朝之  
制軍職杖罪俱全收贖蓋優待臣下之意前項新例固為貧乏  
無力收贖者設但比年俱赴市曹去衣決杖古人所謂若撻于  
市既已受辱何以令下此後犯者請仍照罪收贖倘貧無力者  
於原問衙門單衣決杖其三犯不悛者則照新例從之○內閣  
大學士丘濬奏臣與王恕素無間隙朝班之中惟臣二人最老  
班列序立每相推讓且官皆極品文學政事各有所司於名於  
利皆無所爭雖其職任不同而皆叨居百僚之首嗾人攻訐大  
臣獨不為自己地乎臣雖愚癡決不為此蓋恕見臣自辦事內  
閣以來與之並列不交一談疑臣或有所不足殊不知容勿之  
地不當與外諸司交道理所當然非有他也臣性識迂僻不識

忌諱每與人言好舉 祖宗典故見行史部行事有非立法初  
意言論之際不無波及斯蓋公是公非之清議意欲使之聞之  
自行退改蓋以古道望之不意反成讎恨及見劉文恭所上奏  
詞頗成文理料非推筆所能又因今年朝覲黜選官吏旨意與  
臣所進大學衍義補書中所論偶合由是致疑而專歸咎於臣  
故因文恭之奏訪知其人素與臣往來此本必是臣主使對衆  
明說傳播於人法司蓄勦之際不免因人言畧及文恭畏懼加  
刑因而就假臣言以覲或寬其罪止憑一口單詞別無實跡旁  
證臣聞古之忠臣見無禮於其君者如鷹鷂之逐鳥雀也設若  
怒無此事而臣主使人訐奏固為有罪若怒所為事干君父臣  
不阻當撥之大我亦不失為尊主為國之忠然臣實不聞其有  
欲奏之說及見其所奏之本所刻之傳天地鬼神鑒察在上况



臣平生所惡者矯激好名與喜事告訐之人每每形之於言者  
之於書而躬自蹈之則臣乃反覆小人之尤者也何以當朝廷  
委任之重哉臣受重任不能慎言避嫌比之匪人不得無罪况  
以荒疎之學當衰老之年 皇上拔之於閒散之中留之於當  
選之後不能分寸補益乃致人言罪當萬死亟加誅譴良所甘  
心伏望革去冠帶放歸山林以為大臣不謹之戒 上曰此事  
已釐落矣卿宜安心辦事豈可辭歸山林不允

大明孝宗敬皇帝實錄卷之七十五終

大明孝宗敬皇帝實錄卷之七十六

弘治六年閏五月甲午朔○乙未以水災免應天蘇州等府并  
鎮海等衛弘治五年秋糧子粒共一百八十二萬六千六百八  
十四石草八十萬六千八百五十一石有奇○丙申命羽林前  
衛帶俸都指揮僉事張弼之子斌代為指揮使南京興武衛署  
都指揮僉事陳鑑之子漢代為指揮同知○丁酉翰林院修撰  
李旻丁憂服闋復除原職○禮部覆奏科道官所言節財用一  
事自古帝王咸以節儉為尚誠以裕國之本莫切于此伏望  
皇上慎終如始益愛弗懈以追復隆古之治况其中所言貴戚  
之養子遊觀之康賫織造之過多或為停罷或為儉省實所當  
賞而不至於濫用所當用而不至於奢使和術異端一切禁絕  
則經費可充而災異可弭矣從之○工部覆奏吏部右侍郎周

經乞停徵災傷地方顏料銅鐵油漆膠蠟絲麻皮張翎毛等物  
宜移文所在諸司令已徵者照數起解未徵者暫行停止以候  
秋成從之○巡按直隸監察御史曹鳳奏迤者南北隸直及河  
南地方俱被災傷州縣申報所司不與准理催任如故臣自今  
歲二月過山東抵鳳陽等處見饑民流移者衆可為痛心然當  
此荒旱之時又修理黃河勞費甚鉅未即成功乃可憂之大者  
乞諭被傷處所量減賦稅仍命工部會議暫停修河工役下其  
奏于所司○或戍裁革廣東整飭需廉等處兵備按察司副使  
一員○巡撫宣府都御史楊誼言宣府及右肅關戍卒歲給冬  
衣布花但各處輸納者每過期始至戍卒不蒙實惠乞勅該部  
預處其買戶部議謂山西各府及直隸大名等府每歲當輸布  
花于二邊者其道遠近不同迤者便於輸本色遠者便於輸

折色請每布一疋折銀三錢花一斤折銀一錢從之○巡撫山西都御史楊澄奏所屬郡縣倉庫空虛而王府祿米各衛官軍俸糧率不以時支給是本處且不能自濟而屬者河南守臣奏欲遣人撈取河東池鹽以規利珙舉殊駭人聽聞乞寢其奏又山西戶口食鹽之誣徵錢鈔者自弘治三年至六年俱乞留存以補諸祿未俸糧之數戶部議從從之○宣府隆慶懷來二衛地震有聲○己亥禮部覆奏刑科右給事中李源所言嚴廚役事謂光祿太常二寺厨役今後有逃回原籍者許里甲人等首告所司即差人起解逃至三次以上者問罪發口外為民仍將本戶親丁解補從之○庚子湖廣左布政使劉喬卒喬字述憲江西萬安縣人刑部尚書廣衛之子成化二年進士授浙江歸安縣知縣有善政歷陞監察御史福建按察副使湖廣按察使

左右布政使承命祀南嶽至金口驛血暴卒喬質朴有才幹  
居官早有聲及為布政則功名不遠於前時識者多未滿云○  
禮部覆奏平江伯陳銳所言節省供用事謂天時亢旱河道乾  
涸凡進鮮缸俱全清河一帶軍民遠送勞苦為狀其押運之人  
所過凌虐索取財物誠有如銳所言者乞量減進貢品數以息  
轉輸之苦并禁押運人員需索饋送之弊 上曰今歲進鮮船  
多已到京品數不必減押運人員今後不許沿途生事擾人違  
者究治不貸○壬寅禮科給事中王綸言五事一方今進言者  
非止一人救荒者非止一策其斷自淵衷付之廷諭者皆有益  
於民有益於家國者也奈何奉行者稽留遲誤使君恩壅於上  
而百姓怨於下乞勅各部定立成規凡有奏題事情可以覆奏  
者近在五日遠亦不出七日使恩澤不至壅蔽一近年以來或

因考察被黜而詆毀執政或因乞陞不遂而誣奏大臣或攻訐  
陰私或妄訴寃枉乞勅法司隨其輕重示以刑罰以息姦風一  
皇上優禮大臣保全正士但恐信任之念或移於浮言而保  
全之恩不替於佳日伏願審察內外大臣果有老成忠貞之可  
信任者推誠任之勿為浮言所動一近來責戚之家墳域宅第  
服飾土田奢濫無度下至胥役亦相效尤乞勅該部查照舊例  
通行禁約一近年以來舉類更張殊無定命考察則更立新法  
反開告訐之門選士則投獻舊文反滋欺詐之風傳奉陞官止  
于非而開于今抑說証民戒于前而興于後于朝既設而後撤  
遊樂既戒而後萌伏願 皇上慎終如始務遵成憲使法令歸  
一下所司知之○申刻京師兩霾○甲辰賜遼府兩陽王誥誣  
為善陰隲孝順事實各一部從其請也○太常寺少卿兼翰林

院侍講學士李東陽奏近奉勅諭以久旱求言臣被擢光朝  
繼塵侍從職在謀筵不閑政務性君心為化理之原經傳乃致  
治之法其勢似緩而實急其功似淺而實深願謀諫有特章句  
有限宏辭奧義未易悉陳嘗慕宋范祖禹謀月令而深論誠於  
奉天之道林檎謀禹貢而極言勤謹為治之理又聞唐崔即半  
歲不問經義則謝以無功李絳踰月不訪理道則自慙飽食臣  
之瘵曠竇又過之近臣於經筵輸謀孟子兩年之內輪侍日謀  
亦用珍書今不敢遠引謹摘孟子中格言要論切於君心治道  
臣與二三謀官已徹 聖聰而未悉愚見者析為數條極論其  
理而軍民利病持政得失如 陛下所欲聞者以類附焉一孟  
子曰至誠而不動者未之有也不誠未有能動者也臣伏見弘  
治紀元以來二三年間 天地降祥兩暘時若感應之理昭然

可親近二三年休徵弗應由冬入夏旱者尤甚意者於於初政之善有未盡合乎抑應天之政或以文而不以實也臣願陛下齋明治心勵精圖治賞一物必思天命所當予罰一罪必思天討所當加御一珍膳必思民之飢服一美衣必思民之寒災異之奏自郡縣者彙為卷冊以備觀覽章疏之付在有司者限以旬日必令覆奏使該朝政者不為道旁作舍之空談極民災者不為紙上栽桑之故事若齋醮一事詎誕尤多徒費財貨復傷治體請斷自今日凡事閤祈禱假經呪以干僭祭者并加屏絕亦應天以實之一端也一孟子曰君仁莫不仁君義莫不義君正莫不正臣按人君一心萬事根本正心必先於誠意誠意必先於致知格物講學者格致之要也宋蘇軾進端午帖子曰始覺深宮夏日長只將無逸鑑興亡王巖叟因侍講奏曰陛下



下退朝無事以讀書為業天下幸甚臣願陛下當秋盛暑亢旱之時澄清聖慮保愛天和慎重進宴調節飲食每朝謁兩宮裁決庶政之暇取累年講官所進直解置諸左右特一緘閱用代溫書以俟秋涼仍舊講讀則義理融徹根本不移舉而措之無不得其當者不然則雖發言過廷積疏成集一兩之後旋復置之度外矣何所逸哉一孟子曰詩云經始勿亟庶民子未令諸營官軍操練日少工作務殷見在之數或不敷於坐派停止之詔或遽移于陳情使其精力消德志氣摧頽嗟怨之聲上干和氣比者諸司屢嘗執奏陛下愍其勤勞畧為停免如金水河昌國公墳等處特令備完夫有司以停止為請朝廷以督併為名恐名實相違無以昭示天下乞俟兩澤既降秋氣稍涼再圖修治其餘不急之務仍照往年詔旨一切停罷一孟子

曰不違農時穀不可勝食也數吾不入洿池魚鱉不可勝食也  
斧斤以時入山林材木不可勝用也今天下民窮財盡其勢已  
極姑以三者言之山東之地草根樹皮掘食殆盡礦以人肉荆  
溝諸湖水竭魚荒河泊諸課率多折納秀州山廠林木已空漸  
出關外一二百里其他賦稅大抵皆然天下之地無一處而不  
貧萬物之利無一物而不貧苟擬圖按籍計口數物于郡邑之  
閭臺省之內何以知之而况於九重之上哉至若京師市鋪光  
祿寺科派太繁供應之物急於田賦買辦之使亟於催徵官價  
不充勅諭時月國門之稅業因戶部委官張鑑過於侵利嗟怨  
盈途商賈幾絕  陛下洞見其情降旨切責然後貿遷不滯天  
下歸心但其起例太重今雖漸減猶未甚輕商賈利微物價增  
貴茲欲蠲租減稅則國用不充二者之外別無長策惟雜泛差

役與額外科派請下有司痛令裁省而節用一事乃萬事本根  
我太宗文皇帝所服褰衣敝垢納而後出謂侍臣曰朕雖日  
十易新衣未嘗無但自念當惜福故每澣濯更進昔皇妣躬  
補緝故衣皇考見而喜曰正可以爲子孫法朕常守先訓不  
敢忘宣宗章皇帝載在五倫書君道篇節儉類蓋將爲萬世  
法也願陛下遠稽前代近法祖宗上警天心下憫民病  
凡羣臣百司隨事經營極力裨補者不過分寸之益惟陛下  
一轉移幹運間而天下受無窮之福矣一孟子曰飢者易爲食  
渴者易爲飲臣切見山東等處災傷已極近者廷臣屢請漕運  
官糧量留賑濟未見准行臣惟京儲固重歲給尚贏若限數借  
撥量價雜賣計載運納似亦無妨乞命戶部議行漕運官借撥  
一百萬石以亦不下五十萬石及運舟未盡之日扣計後船於

臨清等處水次倉分納令收穫委官監糶以濟其急而留貯價  
銀用爲糧本以俟來年豐熟量價糶還後年運舟分帶至京亦  
不爲晚惟在糶糶之間稍加調停脚價之耗別爲計處使還官  
雖逆不失本數則朝廷豈靳此百萬之數不假以一二年之期  
哉况運舟後至者多由軍衛貪窘力不能前歲糶稽延愈久愈  
困使得稍免半途早還暫息以圖後功亦未必爲無益也一孟  
子曰仁政必自經界始切見畿甸等處姦民惡黨競指空閒田  
地以投獻爲名藩王勢家輒行陳乞每有賄予動數百頃得請  
之後標立界至包羅村落廢掘墳墓訴訟之牒纏綿歲年冤號  
之聲震動遠邇夫生齒既衆地豈有遺凡以空閒爲請者皆欺  
也朝廷雖屢頒禁令命允繼之投獻者誦罰相仍而陳請者終  
於得地歲侵一歲何時而已臣願自今以後除官有籍冊者上

俟處分其稱爲空閒報乞管業更不賜許使陳情者無效則投獻者自止矣一孟子曰君行仁政斯民親其上死其長久臣聞廣西之地近因軍糧不足以致官軍奮閔戍大變及出軍之際蠻賊截途總兵方面等官橫被戕害固由紀律不嚴事出意外而旅進羣行坐致奔潰不聞有挺身犯難以相捍禦者實亦教養失道氣沮心離故顛沛之間視爲泰越人心國勢所繫非輕今賊勢方張散滿山谷攻圍州縣占據村落版圖雖存人戶漸耗有司畏罪不敢悉聞數年之後此地之患未易言也攻守之議必先兵食今官軍土兵尚皆可用惟糧爲乏近聞荒歉之餘歲頗豐熟請下巡撫總兵大臣亟議方畧措置儲蓄審計折價務使有餘然後可以責斬馘之功臣又聞西北諸邊軍糧折價十分爲率給不過二三分禁例雖嚴莫如改革臣請申明禁

約依本地時價量為增給使人情少慰兵氣漸播則攻守之間  
惟所用而無不效矣一孟子曰省刑罰今之五刑最輕者為杖  
為笞然杖有分寸數有多寡極為詳慎獄訟既多人苦難制乃  
有矯輕以從重者在京法司密通鞫較尚少過差在外諸司或  
倚法立威笞杖之罪往往至死補立卷素旁引醫證縱令可覺  
不過以因公還職於是善人重者為能吏殺人多者為好官以  
極輕之刑置之不可復生之地傷天地之和壞國家之法莫有  
大於此者假令以一特之暫一二人之火陸諸過誤理或有之  
而多者數十甚者數百乃縣以因公自解豈復有所懼哉今故  
勅平人者有抵命之律刑具非法者有除名之例偶不出此則  
謂之因公一以公名雖多無害此則情重而律輕者不可以不  
議也臣請除已往不完外自今以後凡拷訊輕罪即時至死累

二十或三十人以上本律外仍令吏部法司議行降調或病死不實者醫證人等并治以罪且律不可秀而例可增今科罰限物不至殺人尚有降調之例以此罪當此情似不為過亦可以為殘民者之戒也一孟子曰故為君盡君道欲為臣盡臣道二者皆法克弊而已矣克弊之世人人得言者以克弊能容之也中古以諫名官言者亦以願治之君常勸其直而容其過所容者愈難則其為德愈大仰惟陛下即位之初大開言路先朝言事之臣如汪奎蕭顯徐鏞等次第敘遷如林俊者特加超擢天下之人歌頌聖德皆以為克弊後出聞有言事狂直上煩健貴者詞雖太戇心實愛君既示磨礪宜加杖枕逆者羣臣交章請赦彭程已蒙恩旨令該部看詳必有聖裁臣無容議臣切見任儀所生亦以扶持國體非為私謀而小小過差未

蒙前雪今當 陛下求言之日而不宥以言得罪之臣天下之人孰知所嚮 陛下既已復數人於前亦何惜不宥此一二人於後以答羣臣之請以慰千萬人之望哉臣近講孟子此篇因推論此事臣之愚亦充舜吾 君之心也一孟子曰尊賢使能俊傑在位則天下之士皆悅而願立於其朝矣臣切惟今之內閣六部都察院諸衙門所謂大臣講讀臺諫所謂重任近年以來三司得以訟巡撫府縣得以訟巡按小官百執事得以訟尚書侍郎都御史事下有司互為勝負此風既行漸不可長况其所奏多涉誣罔上頌 聖聽下駭物情非聖世所宜有也請自今以後凡有屈抑止許據實自陳本事凡懷挾讎忿故為誣罔者驟勿施行庶幾委任得專體說不忤臣又見經筵乃講道之地與朝著不同故凡奏對之時雖師保大臣必行跪禮惟講官



升階之後立講于前以示優異此 祖宗定制而右之大儒猶有致議於坐立之間者以聖賢之道在焉故也官不必高所任實重苟非其人不宜濫置既授之任必重其官近日講官小有遺誤遽遭糾劾苟蒙 聖恩特置不問朝廷優之以講道之禮而有司律之以奏事之儀自開設經筵以來未嘗有此臣伏觀累朝所定儀注止有侍儀官御史二員給事中二員序班二員無所謂糾儀者 先帝臨朝極嚴奏對之禮御史等官不敢毫髮縱貸而如大學士陳文侍講商良臣等進講差錯不聞糾劾朝廷亦不以責糾劾之官臣又伏見 先帝念通政司鴻臚寺奏事繁難特命一二字差錯不必來訖欽遵至今即是故事臣愚以為經筵之職較諸通政所奏鴻臚所引事體尤重而講讀文辭動以千計繁又倍之臣請自今凡進講時一二字差錯者

照 先帝所降通政鴻臚恩例勿得糾劾以仰成 陛下侵禮  
儒臣之盛意疏入 上命所司議處以聞○乙巳賜晉府茂名  
縣君并儀賓李奉代府安福郡君并儀賓劉讓永豐郡君并儀  
賓金寶陽春郡君并儀賓梁瓚唐府魚臺縣主并儀賓揚賢誥  
命冠服如制○以水災免兩浙運司鹽課弘治二年至四年已  
徵在官而消折者七千一百三十引有奇五年未徵者三千三  
十五引有奇○南京戶部員外郎周琦言廣西桂林府古田縣  
柳州府馬平縣皆山勢相連徭獠恃以爲惡我軍北進賊即南  
却西進即東走軍退後即巢穴如石投萍隨散隨焚故兵屢進  
賊轉多民困日深資糧浪費且廣西各府倉糧庫藏俱無餘積  
往時進征古田軍餉多出借辦兵既不利財又不足臣恐廣西  
之地十年不治民將無地二十年不治地將無名臣切以爲征

討之策有三乞令各府州縣審勘有種人處所某處舊係種村  
今某為惡某處舊係民村今某占據中間孰為首惡孰為脅從  
孰為流民孰為流種何處可容何處可剿以定去留照成化元  
年例請兵二十餘萬四面夾攻連進三年使民安堵方令班師  
其舊縣種村者招撫殘種居住村必有附各該州縣管束村多  
者立為土官管理舊係民村者招集遺民復業或地多民少令  
各處招發流民填實如本地招發見在流住外處人民廣東招  
發廣州等府南海等縣硤山流食徭人俱無籍產止有徭長管  
率并招南雄韶州等府江西流住做工聽顧之人荊州襄陽裕  
州臨清劉家隔金沙洲等處招發過年在外流食之人及安置  
虜人并內外該流人犯俱發填塞勒過被占民村給與土田各  
免稅糧三年差役六年可為文安長治之策免致歲勞兵力月

費民財其接濟舍種亦照成化元年乞運湖廣江西廣東等處  
舍種應用此為遠圖者一也若止調兩廣官軍及田州思恩泗  
城南丹等處土兵則往年多於秋盡調兵冬盡方到春初進山  
彼時賊人米穀既藏雨水又多進則難攻困則難破兼有瘴癘  
豈能久駐及夏散軍招撫殘徒縱有牛具種子無春可耕豈不  
更加招撫復攻百姓沉劫道路今乞六月調兵九月取齊霜降  
進山庶可成功十一月冬至以後散軍十二月招撫殘徒次年  
正月安置則殘徒各得借助牛具種子及春耕種可以聊生必  
不掠民此為近利者二也又全剿不如獨攻明捕不如暗執總  
鎮總督總兵固總其綱而副總兵叅將等官亦皆奉勅勦捕賊  
寇者若各該地方遇有賊情俱待呈稟三府移文調兵方行勦  
捕孰肯坐以待斃宜令會同分守分巡或府州縣正官即統所

轄官軍并土兵不拘時月撲滅不必反覆行移以致驚疑且每  
年進兵多資田州思恩南丹泗城等處兵力其間官目會有願  
出兵報效者多因公事相絆自守地方宜行巡撫等官直審事  
情為之處治令各出兵報効兩江各三千餘名屬左江者左叅  
將聽調屬右江者右叅將聽調重則兩江會調以資獨攻暗執  
之舉所獲功次重加賞勞則強種知懼兵自得到此兵力不勞  
費糧不費而事濟者三也疏下兵部覆奏以琦生長其地深知  
寇情三策反覆詳盡切中事宜乞下兩廣守臣議擬以聞從之  
○戶部覆奏禮科左給事中夏昂所言二事一謂姦預軍民妄  
以他人徵糧地土投獻勢家請嚴禁之以杜請託之弊一謂北  
直隸山東河南亢旱日久請令所司預以賑濟條件頒下守臣  
區畫撫實從之○戶部覆奏戶科給事中竄舉所奏勲臣戚晚

奏乞莊田事。今使請斷以大義。有怕恩陳乞者。許科道官劾奏從之。○泰府儀賓劉措等五人。以慶賀萬壽聖節習儀不至。為巡撫都御史所劾。下獄。俱贖杖還職。○陝西禮縣地震。有聲如雷。動搖屋宇。○丙午。陞翰林院修撰王華為右春坊右諭德。以九年秩滿也。○陞中書舍人歐陽哲為廣東按察司僉事。提調學校。○巡撫保定等府都御史張琳言二事。一儲養將材。乞將見在帶俸候命內閣大臣兵部會同大總兵。選其年三十以下知識超邁者。令熟讀武經七書。講究通鑑綱目。仍編撥於五軍十二營。如遇操練之日。令其在營序坐。使其熟知軍中之政。令軍士之勞逸提督內外大臣不拘日期。或試其騎射。或究其書史。置立文簿。書其能否。其屢試無效者。有罰如遇管營官員有缺。即將功効多者奏請填補。一開言路。皇上即位之初。

求言如渴故一特文武羣臣文章累牘政事由此修明自監察御史任儀彭程以言事降調後更無一人肯言者近者天道亢旱 皇上下詔求言於是言者始衆朝野歡欣獨任儀彭程未蒙錄用伏望寬宥其罪量為陞擢下所司知之○巡按直隸監察御史周琰上疏曰竊見法司所問斬絞罪犯多有淹滯未盡平反中有含冤之人未免上千和氣乞勅三法司特見監死囚逐一審錄如情有可矜者即與矜赦若冤枉者即與辯理又各邊連賊虜去人畜殺死官軍類多隱匿規免刑誅跡其所由蓋大監監軍都御史本因撫軍而設今遇大機一舉坐罪是以互相黨比不肯實聞乞勅兵部行令各邊鎮巡等官今後軍旅之事責在總兵萬一失機大監都御史稍輕其罰則邊情不敢隱匿又先年大臣方面官多有誣誤罷黜及畏罪求退者如吏部

尚書尹昉與選精明執因其子尹龍負累以致罷官又如南京  
刑部侍郎阮勤居家廉慎浙江按察使于大節用法平恕然皆  
平力未衰見幾求退者已俱起用以慰人望俱下所司議處以  
聞○丁未太子太保吏部尚書王恕侵乞致仕不允○工部覆  
奏禮科左給事中夏昂所陳省工役事宜如所情今後有奏興  
土木及投充匠役者許糾道官糾劾同坐以罪從之○順天府  
薊州大風雨暴雷拔木偃木牛馬有震死者○戊申復除監察  
御史楊縉于湖廣道劾憲于山東道戈瑄于廣東道俱以丁憂  
服闋也○己酉命慶府弘農王寘蠲祿米歲支本色六百石折  
色四百石從其父安僖王例也○掌通政司事工部右侍郎謝  
宇卒宇字伯寬湖廣來陽縣人景泰初命入文華門與內侍同  
學為國子監生授中書舍人歷陞禮部員外郎太常寺少卿并



本寺卿兼司經局正字於內閣制勅房書辦前後幾四十年

上登極以東宮侍從恩陞工部右侍郎掌通政使司事秩滿陞俸二級至是卒賜祭葬如例字善楷書亦工繪事性警敏善承人意指享有榮祿以終其身子汝揚舉進士○四川邛州嘉定州及叙南衛地震有聲○庚戌南京吏部尚書王傑授乞致仕

上曰卿近以疾辭已有旨勉留宜盡心供事不允休致○陞革職都督同知毛倫為都指揮僉事充左叅將分守廣西潯梧等處倫先任廣西副總兵官官初其嘗隨太監汪直開邊啓釁驟至通顯落職為民至是兩廣總鎮等官舉其謀勇可用故有是命○辛亥命開中兩淮兩浙運司鹽二十五萬引於大同四十萬引於宣府二十五萬引於遼東以備邊儲○通政司右叅議韓昂奏在京軍匠人等往往以虛籍冒官廩甚至逃亡揭債

累及平人乞令所司并科道各差官一員清理見在若干逃故若干顧役若干逐一取勘明白其見在者即與解補絕亡者即行原籍清勾冒支顧役者重治其罪工部覆奏從之○壬子元者衛野人女直都督僉事察去察等遣都指揮宋哈答等為兀者前衛故都督僉事都里吉乞發許之賜宋哈答等宴并綵段衣服等物如例○癸丑命都察院右副都御史張敷華仍提督鴈門關兼巡撫山西敷華先任湖廣左布政使陞職提督巡撫未任丁憂里是服將闕適值前缺吏部以諳故有是命○巡撫山東都御史王霽奏山東二麥無收乞准去歲例仍以臨清欽關今歲夏秋冬三季船料欽折米賑濟俟年終乃止又往歲奏募各處軍民納賑賑濟四十兩至一百五十兩者給授冠帶散官有差限今年八月而止以道遠價重應者絕少今宜令山東

布政司出給空名劄付分官齎赴湖廣江西福建浙江河南五  
布政司召人上納每布政司以一千道為率仍遞減其銀數庶  
人樂趨赴而饑民獲濟亦至年終而止戶部覆議從之○命提  
調董家口關指揮同知羅綱守備永平等處以都指揮體統行  
事○萬全都司都指揮同知高鉞以查盤倉糧不實下地按御  
又違問贖罪還職○甲寅賜蜀府輔國將軍賓漢賓漫賓清代  
府驍國將軍成鑿輔國將軍成錕成鉞成錕成錕聽浣聽連聽  
瀋寧府輔國將軍宸浣輔國將軍宸浦誥命冠服如劄○吏部  
覆奏科道官所陳事今後文武官有朦朧奏請希求進用者查  
照舊例文職黜退為氏武職降調邊衛仍申明禁約御史彭程  
任儀先以言事得罪乞各復原職以來直言其餘兩京官員有  
因言事及公過降調者與見任京官一體擢用得旨彭程任儀

己之餘從所議○乙卯太子太保吏部尚書王恕致仕恕累乞  
休致不允至是復上疏謂家思至此非不勉思報酬但年垂八  
十精力日衰任既重而勢必危功未成而謗即至深惟係晚節  
之難持恐為終身之累乞放歸田里以全始終 上曰卿既猶  
有疾宜加調理不允休致既而恕求去益力 上乃允之仍命  
給驛以行有司月給米二石歲撥人夫二名應用恕自起用以  
來氣節譽望為一時名臣己休至二十餘疏及被萋菲而去君  
子惜之○禮科左給事中夏昂奏道者 皇上昧爽臨朝早決  
義務凡臣下言事即令所司看詳次第舉行又節省光祿寺供  
應等物皆勤儉之盛德但一日二日萬幾惟常接於目而不忘  
斯有萃於心而不替竊觀我 聖祖嘗取古帝王嘉言善行書  
寘殿廡伏望 皇上以 聖祖為法命翰林儒臣歷考前代帝

王以至我 祖宗勤儉德政或為銘為箴或為說為文或直錄其事務在明白言之屏間真之便殿以警於朝夕 上納之○  
光祿寺卿胡恭等奏本寺供應項屑費出無經乾明門貓十一隻日支豬肉四斤七兩肝一副刺增五箇日支豬肉十兩羊二百四十七隻日支菜豆二石四斗三升黃豆三升二合西華門狗五十三隻御馬監狗二百一十二隻日共支豬肉并皮骨五十四斤虎三隻日支羊肉十八斤狐狸三隻日支羊肉六斤虎豹一隻支羊肉三斤豹子七隻日支羊肉十四斤西華門等處鴿子考日支菜豆粟穀等項料食十石一日所用如此若以一年計之共用豬肉羊肉并皮骨三萬五千九百餘斤肝三百六十副菜豆粟穀等項四千四百八十餘石臣等仰惟 皇上臨御以來凡百錢糧悉從減省以寬民力惟前項牲口料食

仍舊夫送以無益之事費有用之財即今各處災傷人民艱窘若不痛為減省則民財日耗有傷和氣災異無從而弭矣既入上納之御馬監二翼狗并羣狗七十七隻俱令退出爰食牲口方雜雞八十六隻鵝四十一隻鴨九十六隻花豬二十一口俱送光祿寺供應餘皆仍舊○丙辰陞山東按察司副使汪進為貴州按察使○南京都察院左都御史黃岐乞致仕許之命駝驛以歸○夜東方流星大如盞色赤光濁地自奎宿北行至閏道○戊午平江伯陳璘陳五事一謂在京各營驍頭把總等官乃傳布號令管領隊伍特常操練以備他日之用者而比來賢否混淆不足以昭示勸懲請命兵部會同總兵官考選平力精健才識可取者留之老疾貪婪者革退別於聽缺并隨伍官內選補凡推選宜勿專駢射此後仍五年一次行之一謂若庸

倒馬紫荆山海諸關黃花密雲古北口喜峯諸鎮修理墩牆多  
慮應故事一遇山水衝激輒役損壞况山木為人砍伐險阻變  
為坦途雖常差官點視不能周備比後巡邊大臣宜同巡關御  
史及發巡等官編歷踏勘某地可增墩堡某地可置溝牆某樹  
可植某岩可削某地近可使兼管某地遠可加分守逐一處置  
務求至當一謂兩京武學銓選儒官數養武職子弟比來生徒  
庸劣蓋由師道不尊學規廢弛所致臣等間嘗考試諸生有入  
學三五年武經七書尚不能講解記誦者甚至有經年不肯肄  
業者况原選六百人今止二百餘人乞命兵部會同各營總兵  
官揀選不堪者送營差操將各營見操切官應襲舍人內揀選  
資質可教者送學務足原數兵部該司官每十日一員下學稽  
考所讀經書課程勤惰量為懲治仍令吏部遇有教官員缺務

選學問老成者除授果能教導有方宜錄其功蹟擢用否則降  
黜其大臣下學考試亦須每月一次以後武舉之時先策畧而  
後騎射若學識無可取者已之南京武學亦照此例一謂大同  
宣府遼東諸鎮及各邊關地方俱有內外官員受托重寄操練  
軍馬拉禦夷虜比來兵備廢弛旗軍精壯富實者役占於私門  
考弱貧難者疲困於任役勞佚不均人情嗟怨乞命兵部查照  
舊例選差給事中會同巡按御史親詣衛所查取戶口冊籍逐  
一點視精壯者編為伍操出哨貧弱者也回守城老疾者令其  
替役仍造冊送部候三年差官盤糧之時將原冊逐一查究有  
仍前役占者叅奏應違軍勞佚得以適均一謂山東河南北直  
隸及鳳陽等處邊并凶荒各處官軍儘數運糧京操雖有下班  
官軍多潛回原籍所在城池空虛間有守城舍餘因無糧餉一



遇有警缺人調用乞令兵部移文各處鎮巡等官將京操下班官軍令在本城原伍操守每十日一赴教場演習武藝固守城池其所在軍士月糧銀巡等官務令按月支給庶免逃移之患下兵部覆奏從之○己未以水災免河南祥符陳留原武封丘四縣弘治五年秋糧有差○給慶府安化王寘鎬歲祿一千石本色折色中半無支○庚申遣內官祭中霽之神○賜楚府輔國將軍均綱庶第五子名曰榮瀆庶第六子曰榮遂代府博野王嫡長子曰俊攢靖江王府輔國將軍相神嫡長子曰規貼相璉嫡次子曰規聘相玘嫡次子曰規禧輔國中尉規密嫡次子曰約越寧府輔國將軍觀鈺嫡第一子曰宸濂第二子曰宸源宸渠嫡第三子曰拱拍宸淞嫡第一子曰拱撲靈丘王府鎮國將軍成欽第五子曰聰浪襄垣王府鎮國將軍仕城嫡第九子

曰成鑑輔國將軍成鈴靖第二子曰聰諱蜀府鎮國將軍申黼  
庶長子曰賓諱輔國將軍賓洪第一子曰讓擢寧府延安王庶  
長子曰宸洪嫡次子曰宸滿○通政使司右通政毛倫言各處  
上納皮張類料及各色錢糧必於該收衙門通路賄賂始得進納  
額外之費稅常數率至再倍以致小民受累國課常逋乞嚴加  
禁約以祛姦弊工部覆奏請聽監收科道官劾奏及被害之人  
自行陳告庶幾前弊可革從之○辛酉禮部右侍郎費閏以疾  
在告滿三月乞歸養疾命在任調理支俸如舊○湖廣按察司  
副使楊茂元丁憂服闋復除山東按察司○壬戌陞兵部郎中  
戴豪為廣東布政司右叅政○賜國子監雲南貴州四川軍民  
生夏衣如例○錄故太子少保禮部尚書周洪謨之子汝靖為  
國子監生汝靖之兄汝端先嘗乞恩送監後鄉試中式復授例

以請故有是命

大明孝宗敬皇帝實錄卷之七十七

弘治六年六月癸亥朔○甲子巡撫保定等府右副都御史張琳及錦衣衛百戶仝鑿應詔陳言內一條俱請宥請戊御史彭程及左遷御史任儀譽奏又謂帶体指揮許寧都指揮張瓊各負方鎮之才足當一面之寄昔因微過置之聞散詣加擢用冒認皇親罪人李父貴李祖狂雖非 聖母嫡親亦本同鄉之人初因尋訪而來非是用計冒進今令謫戍恐不厭衆心請加寬釋兵部覆奏以琳等所言為宜從 上命釋李父貴李祖狂回原籍為氏張瓊許寧等准議彭程等姑置之○乙丑兵科給事中盧亨言欲振紀綱者在乎明公道 陛下竭誠修省臣下進盡忠言固思所以振紀綱也使公道不明則紀綱終不可振伏望延訪大臣共加商確虛心聽納務出至公則紀綱振矣欲全

國體者在乎重宰執近日大臣或被誣下獄或妄遭譴毀非盛世之所宜有伏望審察而信任之以全國體臺諫之設所以防壅蔽也近來言事有罪至充軍者然其初心皆發於忠愛之至情伏望矜宥以來直言爵賞之命所以待有功也近來因人請託者得由卑以違尊無故乞陞者至以恩而掩義伏望清查一二以為將來之戒財用者國家之命脈不可以不節伏望罷不急之征崇儉素之德則財用足兵荒者國之大患不可以或後伏望紓籌邊之策講救荒之政則內外寧既入命所司知之○禮部右侍郎費閔卒閔字文言號補菴鎮江丹徒人成化五年禮部會試第一遂舉進士選為翰林院庶吉士授編修同考禮部與經筵陞國子司業秋蒞陞春坊左諭德仍管司業事未幾陞祭酒弘治元年 孝廟初開經筵簡充講官車駕親學賜坐

講鼻倫堂褒諭宴奏士林崇之及直日講遂改以詹事兼侍讀  
同修 憲廟實錄成進詹事兼侍讀學士再越月擢禮部右侍  
郎病滿三月例停體詔特不允至是卒年五十有八 上遣官  
諭祭命有司為營葬事閭長身偉貌論議臺臺臨事通變慷慨  
且恭謹自持人恒以公輔期之其在國學最久士子多所造就  
為詩文清健有則所著有自考詒笑補卷諸集性儉而能達尋  
常雖故紙帶帛必適於用病未久棺衾即令預製以故雖致於  
暑月得無後憾云○丙寅禮部奏 萬壽聖節例賜文武官及  
天下朝賀官員人等宴 上命免宴賜以節鈔錢○蝗荒過京  
師三日自東南向西北日為之蔽○丁卯刑科給事中李源言  
近年撫巡等官擅作威福官屬之善奔走者有過而鞫獲包容  
其稍知持重者有善而反遭忤辱廉耻道喪設佞風成請行令

撫巡等官各以禮自處而為守令等官者各以禮事人且以所  
言通行示禁于天下從之○山西石州兵城驛空中無雲而震  
者再○戊辰南京總督糧儲都察院右副都御史劉瑞乞致仕  
許之○己巳戶部覆議太常寺少卿兼翰林院侍講學士李東  
陽所奏省差任減科汰躬節儉賤僇奢禁投獻田土廣邊方儲  
蓄諸事皆詳實可行請令中外有司各知所以遵守其曰躬節  
儉者伏惟 聖明加意從之○會昌侯孫銘等四百八十人朝  
衆不至各罰俸一月○庚午戶部以蝗生畿內請遣順天府丞  
畢亨行縣督捕其直隸府衛及各布政司各令正佐官行視從  
之○辛未寧夏廟山墩之敗巡按監察御史復請治領軍等官  
都指揮王傑等十四人及副總兵盧欽罪 上命盧欽停俸戴  
罪戮賊王傑等俟賊情稍寧還問之○壬申總鎮兩廣太監王

敬鄣御史閔珪等奏前此廣西古田縣獲賊擒殺副總兵馬俊等臣等調軍征剿桐木唐背等七寨成破之斬捕四百餘級其擊江古塔等百餘寨亦就招撫地方頗寧奏下兵部差次其功請贖前罪上曰既地方頗寧功可贖罪王敬閔珪等俱宥之諸司官凡停俸者令仍舊支給○兵部覆奏監察御史周琰言各邊失機欲乞不運坐內臣鄣御史宜令主將或副叅等官既領軍馬追殺虜寇不能料敵制勝輕率寡謀以致失機者則罪止各官內臣鄣御史不及同行者不生若各路分守守備官不能設備被虜入境或貪功啟釁亦鎮巡總兵官威令不行所致厥罪惟均從之○癸酉給寧府故瑞昌悼順王宸瀨夫人楊氏食米歲百石○初大同洪州順聖川之地洪武中嘗撥民承種其後或改設御馬監草場天順末乃并多餘田土盡給軍民佃



種人二頃五十畝各納糧五石草十束成化末巡視尚書余子  
俊以田多糧少人增糧至九石五斗然徒有虛數而已至是巡  
撫鄴御史侯恂復請令納糧草如舊數從之○選進士顧清趙  
士賢蕭柯沈憲曹瓊吳一鵬楊昇曹鏞汪俊周玉黃瀾胡燦王  
鏞任良弼吳舜許天錫薛格陳玉陳陽王崇文二十人為翰林  
院庶吉士命太常寺卿兼翰林院侍讀學士傅瀚太常寺少卿  
兼翰林院侍講學士李東陽教之給酒食器具如例○命濟陽  
衛帶俸都指揮僉事侯昇之姪通代原職指揮使○甲戌巡按  
湖廣監察御史田澹言八事一曰拯飢民山東河南地方亢旱  
人民流移欲將南直隸等處備運糧米就於濟寧官倉收貯易  
出彼處所積舊糧以濟民急二曰恤民困欲將修河工役暫且  
停止俟收成之日再舉三曰開荒糧欲將各處逃民遣下地土

無人承種者開除稅糧四曰去謫邪欲將拔私誣奏大臣及謗  
訐京官者置之於法五曰貢憲職欲巡按御史回京之日備造  
問過囚犯文冊送都察院稽考南直隸浙江湖廣山西及二百  
起北直隸山東等處及一百起方為考稱其不及者考為避難  
六曰宥狂妄欲將充軍御史彭程改撥附近衛分七曰通民情  
欲將銅錢與銀無用但係舊錢大小通行八曰禁姦貪欲將在  
外府州縣官馬夫坐編下戶以止培剋命所司知之○工部覆  
奏吏部侍郎張悅所言乞禁內外各衙門成造修理及違例奏  
請墳塋屋宇宜令悉遵成法不宜輕改其所派物料宜從本部  
裁減允當方許奏請支撥工完仍以餘料送部還官以備別用  
凡違例陳請者一切停止如違聽科道官劾奏從之○乙亥禮  
科都給事中林元甫等奏近奉旨今後朝覲之年考察如有不

公許其伸理命下未幾奏者踵至忍歲復一歲終無止期今後凡考選并勅退官員有仍前奏擾者乞令所司叅奏治罪照例發遣監察御史史瑛等亦以為言下吏部覆奏三年朝覲本部會同都察院考察凡貪酷不職者必嚴加黜退蓋以去惡不盡不足以除天下之害然人材難得其惡未著而遽去之則人心不平是以 聖明許其伸理但嚚悍狂躁之徒一見禁令稍寬輒便飾詞妄奏變亂是非有傷治體今後朝覲考察中間果有黜退不公者許其伸理若本無冤抑掇拾奏擾者仍照例叅問治罪其科道糾劾大率多在京堂上及在外方面等官是非善惡昭然在人耳目其去留或斷自 宸衷或下所司議處亦未必有枉問有伸理者或虛或實亦照此例施行議上從之仍命果有冤抑者許伸理○丙子代府靜海郡主卒賜祭葬如制○

丁丑錦衣衛指揮使錢通字文達其先涼州人祖蒼歸衣  
衛指揮僉事父奄卜指揮同知景泰中奄卜從征湖廣有功未  
上卒通襲授署指揮使成化中賜今姓尋實授十八年理鎮撫  
司事二十一年理衛事弘治六年奉命往彰德按藩邸事未竟  
中熱卒年四十五通叔父四人同侍禁中貴震一時通未嘗有  
所憑藉與人交雅筋恂恂不能諧諛計聞特賜諭祭○戊寅趙  
府襄邑王見沂薨王恭定王庶第二子母夫人周氏天順二年  
生先封顯國將軍成化十三年襲封襄邑王至是薨年三十六  
計聞報朝一日賜祭葬如制謚曰榮惠○巡撫山東都御史王  
霽言臣以所部早荒奏請賑濟自舊歲八月至今歲五月已支  
給糧二百餘萬石銀五十餘萬兩然濟南等處待哺之民尚多  
請更以布政司見貯賑濟銀兩給之其附近臨清德州二處近

已有發倉平糶之令今請令先賑濟而後平糶許飢民自赴倉受米以歸庶可全濟戶部覆奏布政司見貯銀兩許令支給二州飢民有遠在百里外者如率令赴倉受米則民或有溝壑之虞米亦有肩越之患請令霖等別為議處從之○庚辰錄贈禮部尚書揚守陳之孫美瓚為國子監生從其請也○辛巳命戶部發太倉銀買小麥一千三百四十餘石送光祿寺供用以補山東布政司今歲免徵之數○壬午賜楚府奉國將軍崇濬代府輔國將軍成銀成鏐成鋤晉府輔國將軍奇瀾表執誥命冠服如制○賜代府脩仁郡主并儀賓張應宣寧府綿谷郡君并儀賓盛宣誥命冠服如制○改禮部尚書耿裕為吏部尚書○朝鮮國王李娎遣陪臣李誼等來賀 萬壽聖節賜宴并綾段衣服等物有差○雲南八百大甸軍民宣慰使司宣慰使刀岳

整頓遺頭目藍卜等四川朶甘宣慰使司寨官頭目谷兒整聚等未朝貢方物賜宴并綵段等物有差仍回賜刀岳整賴綵段付藍卜領給○癸未以黃河水患免河南蘭陽儀封考城三縣夏稅麥四千六百七十餘石絲二千六百四十餘兩秋糧一萬一千六百四十餘石草一萬五千七百餘束○初趙府湯陰王見準恣於其父繼妃趙氏其弟鎮國將軍見濬乘醉發其事且嘗之見溶等并以他事啓趙王趙王以聞命刑部侍郎張錦錦衣衛指揮使錢通往按得實上以見準母子臧倫理貽玷祖宗不可容于天地間勅騎馬楊偉往同原勘官并鎮巡等官處之死以見濬乘醉嘗罵見溶等所啓亦有不實俱降勅切責見濬仍革祿米三之一其導見準為惡者各杖一百并家屬發遼東邊衛充軍書諭趙王知之○甲申賜代府石城王庶長子

名曰拱祭趙府鎮國將軍見濼庶長子曰祐搆見滌嫡長子曰祐搆瀋府靈川王嫡第二子曰勛遂○刑部尚書彭韶復兩乞致仕 上曰卿久典刑獄正茲委任豈可以疾遽求休致所辭不允○丙戌戶部左侍郎兼都察院右僉都御史吳原還自浙江上巡視賑濟事蹟凡措置米穀三十一萬五千六百九十五石有奇內已用者一十三萬四千七百有奇銀七萬五千七百四兩有奇內已用者七千八百二十二兩有奇凡濟過貧難軍民匠竈共二十一萬四千八百餘人○命直隸山海衛帶俸署都指揮僉事蘇世英之子忠襲原職指揮僉事○丁亥都察院左僉都御史李介丁憂服闋復除原職○京師大霧四日○戊子 孝莊睿皇后忌辰 上祭 奉先殿遣駙馬都尉齊世美祭 裕陵○甘肅鎮巡等官大監傅惠等奏哈密人自土

魯苗來者報達壇阿黑麻料集虜衆牧馬北山欲待草青馬肥時分爲二路直抵甘肅會兵爲一攻城捨掠防患之計不可不慮事下兵部覆議謂今走回夷人皆先年被虜者既屬土魯苗部下役往來進貢宿留甘肅知我虛實今次所傳非阿黑麻故縱之來伴爲虛喝以脅赤斤罕來諸番必哈密夷人固本國失守地方難若改造爲此言圖緩發遣事皆難料但阿黑麻遠處西陲賈胡專務買賣少習騎射似不足慮所慮者甘肅孤懸河外止有蘭州河橋一路可通往來若此路一阻則轉輸不通況今北虜部落被元利殺散住牧寧夏賀蘭山後恐此後聞風乘隙侵犯莊浪西路兵馬平難應援似爲可憂請移文巡視侍郎張海都督緝謙會同鎮巡等官令副總兵張懷右叅將彭清同心協謀凡可保障守禦者事事有備仍將東路各城兵馬亦嚴



加整飭仍令陝西鎮巡官將陝西并洮河岷三處原選官軍委  
官分領於安定會寧蘭州等處駐劄如甘涼有警以陝西官軍  
移向蘭州洮河岷官軍移向莊浪果肅州警急聽張海等調用  
所在芻糗儲備請移文戶部查處以備支用從之○庚寅 孝  
穆皇太后忌辰 上祭 奉慈殿遣駙馬都尉齊世美祭 茂  
陵○甘肅鎮巡等官太監傅惠等奏近得兵部移文言凡哈密  
夷人來弄者送赴苦峪各處夷人亦并散遣毋令散布肅州今  
五月將終寄住夷人播種已畢計日望秋若遽從發遣縱使量  
給種糧止可救濟目前以後仍前缺食或復逃回肅州或被逆  
虜撲掠恐被各懷疑貳因致他虞及墮阿黑麻毒計乞將各夷  
暫存肅州甘州山丹永昌涼州安住以繫其心分散勢力以防  
不測待來春斟酌夷情事勢量給種糧發去苦峪住種事下兵

部覆奏如惠等議從之。○平卯陞禮部左侍郎倪岳為本部尚書。太常寺卿兼翰林院侍讀學士傅瀚為禮部右侍郎。○以災傷免山東濟南兗州東昌三府弘治六年官民戶口鹽鈔。○戶部奏直隸遵化忠義等衛所闔營及涿鹿中左等衛官員每歲折俸絹布并鈔俱從京庫支給。往來不便而廣平河間等府縣歲輸折絲絹于京庫勞費頗多。請以廣平府解京絹遵化等三衛存留秋青草俱折徵銀收之。薊州庫令遵化忠義等衛所闔營官員支給河間府解京絹涿鹿等三衛存留秋青草俱折徵銀收之。涿州庫令涿鹿等衛官員支給。每絹一疋給銀五錢。布一疋給銀一錢五分。鈔七貫給銀一分。著為例。從之。

大明孝宗敬皇帝實錄卷之七十七終

明孝宗影皇帝實錄卷之七十八

弘治六年七月癸巳朔孟秋享 太廟○遣內官祭司門之神

○蜀王中鑿堯王定王第三子母次妃王氏天順三年生成化

七年封通江王八年進封蜀王至是薨年三十五訃聞輟朝三

日賜祭葬如制謚曰惠○乙未 萬壽聖節遣駙馬都尉周景

游泰告 長陵 獻陵 景陵 裕陵 茂陵○遣儀賓楊淳

告 景皇帝陵寢○遣內官告 恭讓章皇后陵寢○ 上詣

奉先殿 奉慈殿 太皇太后 皇太后宮行禮畢出御奉

天殿文武群臣及四夷朝使行慶賀禮○丙申 仁孝文皇后

忌辰 上祭 奉先殿遣駙馬都尉周景祭 長陵○丁酉吉

王見浚奏乞湖廣益陽縣稅課局課鈔戶部言國課有限諸王

之求請者無窮宜勿許從之○兵部會官議上太僕寺卿彭禮

等所陳馬政事宜謂自古牧馬多在監苑未聞寄養於民間今  
寄養馬駒歲課無窮而民間戶丁生長有限以有限之丁責無  
窮之駒民間何由而蘇請今定種馬之額止十萬匹歲取駒二  
萬五千匹永為定額不復增添駒存其高壯者以備歲用其不  
堪者變賣償銀貯之太僕寺以俟他用如有物故即令補足遇  
款不兌是可為久遠之計從之○戊戌命羽林前衛帶俸故都  
指揮僉事劉安之姪忠襲為原衛指揮使○己亥南京太僕寺  
少卿呂憲言六事一躬儉化伏望 皇上憫念各處災傷此服  
食可省者一切撙節一訓戚里乞命翰林院官將三代以來紀  
傳世家及本朝故實所載有關於戚里者編集成書使守以為訓  
一重王傳各王府長史必選進士有名望者教授必舉人有學  
行者如各稱職一體擢用一起宿學欲將天下在學生員辛五

十上下有學行者考選入監讀書一激貪殘乞敕吏部將天下  
官員不拘品格惟賢是擢其貪污者無得姑息一久委任蘇松  
等處巡撫都御史員缺務推久任南方諳曉土俗者又使之久  
任庶免有濟命所司詳議以聞○廣子命以陝西漢中府歲輸  
西安府倉米四千石折銀類解布政司准給諸司官俸石折銀  
七錢并俸布政司所貯餘銀令各州縣及時糴米以備賑濟從  
巡按御史李鸞奏也○蔽王見沛乞河東鹽數千引戶部言成  
化中已贖本府兩淮鹽三百引且鹽法舊有定制請王事體宜  
一今若從徵王奏後有請者何以拒之不可與從之○辛丑銓  
註羽林前衛帶俸都指揮僉事張英于山西都司管事○壬寅  
順天府府尹黃傑奏乞將天下在學食糧四十五歲以上生員  
查送赴部照正統十二年及天順六年例收考中試者送監讀

書不中者發充吏禮部覆議以爲四十以上生員自正統十二年奏准考送入監特法度嚴密冒濫者少至天順六年考送一次中間年方二三十歲輒自己詐冒而來以致入監生員多至一二萬人至今仕途壅塞後因邊備救荒又開納馬納粟納銀等例進監者不下萬人以致選法日墮今黃傑又欲奏開前例優啓律門惟知曲徇人情不計有乖治理所言窒礙難以准行上以爲然事雖寢○致仕南京太僕寺少卿李應禎辛應禎字貞伯直隸長洲縣人舉鄉試成化元年授中書舍人十四年陞南京兵部員外郎二十二年陞郎中弘治元年轉南京尚寶司卿四年陞南京太僕寺少卿致仕卒年六十三賜祭如例應禎性峭介與衆寡合好面折人過善楷書爲中書舍人時且文華殿有旨命寫佛經辭不應且上疏曰聞爲天下國家有九經

不聞有佛經也於是忤旨建醮之因莊殿置人以此稱之○癸卯 皇太后聖旦 上率親王上壽命婦朝賀○賜百官宴于午門○賜各王南慶賀官員人等鈔幣有差○甲辰分守廣西石叅將都指揮同知歐磐以疾乞致仕 上曰磐久任邊方殊勇素著朝廷方將擢任正當危圖事功豈可遽以疾求退所辭不允○乙巳泰寧等衛都督徹因字羅達頭目乃刺忽等并都指揮鬼力赤等來貢賜宴并綵改衣服等物如例○命右軍都督府故都督僉事李杲之孫寧為錦衣衛帶俸指揮使以杲子玘已任尚寶司丞也○丙午命徵王見沛歲支祿米內本色粟米五千石每石折支銀四錢五分自今歲始後或值歲有豐歉價有低昂則聽巡撫官酌處之○南京通政司左通政鄭紀言救荒六事山東荒早欲處置運糧以濟饑民其少壯者發修黃



河以就食或招募為兵以補京營之缺止終本身又令府州縣官勸諭鄉民將無主之地盡下種子以待雨上班官軍暫免一次使之耕種蘇松浙江等處頗災其承差等項上納銀兩除已賑濟外餘銀尚多合解送戶部抵截借之數山東鹽運及長蘆諸場餘積合抵價抵商又言備荒六事大抵欲沙汰文武官及史典冗員做常平義倉法以積粟處置江南僧寺田地及薦新品物船支并内外官員私馳驛遞者命下其奏于所司○戶部覆議兵部尚書馬文升所言清理屯田事請移文天下巡撫巡按督同管屯官檢覈各該衛所屯田凡原額頃畝若干中間被勢要占種或頑軍盜賣及今清出還官者若干其王府已調護衛遺下屯田被占種者亦俱覈實聞奏上曰屯田國家重事積弊年深即行各官逐一清查奏來處置毋得仍前扶同息忽○

靖遠伯王憲乞假歸原籍葬母許之○刑部具本發審死罪重囚畢通劉玉等通當梟首主事石壁誤以梟首坐玉馬刑科所劾侍郎戴珊請罪命錦衣衛執壁下鎮撫司鞠之珊罰俸一月令失措者改正○丁未中元節遣駙馬都尉馬誠齋世美分祭長陵 款陵 景陵 裕陵 茂陵文武衙門各分官陪祭○遣儀賓周賦祭 景皇帝陵寢○遣內官祭 恭讓章皇后陵寢○太醫院判劉文泰以奏吏部尚書王恕下獄詞連大學士丘濬至是南京工科給事中毛理等言丘濬入自內閣以來所為多不滿意而其近日之事又可窺見其微使久居要地盡用其術則所以為後日禍者豈淺哉況今內閣府部大臣多矣而文泰獨攀及濬是必有故如其不然是文泰一舉而傾兩大臣若不重加之罰則姦邪讒誇之徒後將何懲乞敕錦衣衛

仍將文泰鞫問明白果出濬主使則容勿之地不可一日使居  
宜聽其去以防將來之禍如或文泰所奏涉虛則宜寘之重法  
以釋天下疑濬之心則朝廷之上是非大明公道昭著矣南京  
監察御史宋惠等亦以為言疏入皆不允○陞山西布政司左  
布政使李蕙為都察院右副都御史總督南京糧儲○戊申召  
都察院右都御史屠濟管院事時濟丁憂服闋未起吏部擬改  
南京都察院管事 上特命召用之○陞南京光祿寺熬煉馬  
南京刑部右侍郎○庚戌 太宗文皇帝忌辰 上祭 奉先  
殿遣駙馬都尉馬誠祭 長陵○刑部尚書彭韶復乞致仕  
上曰朕累乞休致情詞懇切特允所請其給驛還鄉有司月給  
米二石歲撥人大四名應用○陞山東布政司右布政使鍾蕃  
江西右布政使韓邦問山西右布政使陳清俱為左布政使蕃

湖廣科問四川清本司○廣東歸善縣民吳宗益及其弟宗義皆好施頻出私財助有司賑濟得授具父冠帶宗義卒其子璋能承父志周急舉義會歲歉以其父所遺白金千餘兩送官以充賑貸更捨私地十餘畝籍之於官為義塚設義學三延師以訓鄉人于弟歲時資給之水鄉民無屋者與之船病者授藥死者給棺望仙諸橋觀澤諸路多其所修築者守臣疏上其事上曰旌別淑慝使民知為善而不為惡也故古之士有一節一行者無不褒表於世吳宗益宗義兄弟既有諸善良可嘉尚宜特旌為孝義之門保民皆知所勸○辛亥陞吏部左侍郎張悅為南京都察院右都御史○壬子陞福建布政司右叅政劉道山東左叅政熊繡山西右叅政王進俱右布政使道江西繡道俱本司○命廣東都司都指揮僉事楊誠子虎襲為廣州右衛

指揮使○甲寅大學士丘濬乞休致 上曰仰宜盡心職務毋  
以人言輒自求退所辭不允○乙卯陞禮科都給事中林元甫  
為布政司左叅政廣東右叅議周宏禮部郎中李雲貴州石阡  
府知府祈順俱為右叅政元兩山東宏貴州雲福建順山西○  
丙辰南京通政使司右通政強珍以母老乞致仕歸養許之○  
陝西寧遠縣天鼓鳴○戊午先是太子少保兵部尚書馬文升  
言恒山北嶽在今大同有渾源州宋有天下未能混一北為共  
丹所有故祭北嶽于真定府曲陽縣迨我 太宗文皇帝遷都  
北平而真定却在京都之南當時禮官亦未建明猶祭北嶽于  
曲陽臣考周禮載恒山為并州之鎮在正北我朝一統志亦載  
恒山在渾源州南二十里即北嶽以此觀之則北嶽當在渾源  
州無疑今本州北嶽廟趾猶存乞敕禮部詳考移文山西守臣

於渾源州恒山舊址修建北嶽廟以後北嶽歲祭於此行禮下  
禮部覆議以爲祀北嶽恒山於曲陽歷漢唐宋以至國朝上下  
幾二千年未之有改其渾源州雖有恒山亦名北嶽然祀典不  
聞碑誌無考况今恒山實爲畿內鉅鎮孚靈已久一旦廢此舉  
彼恐有窒礙如文升所奏渾源州恒山既爲一方之望古跡間  
存復有洪武年間重修廟宇但恐年久頽敝請下所司量加修  
葺春秋致祭威靈歆格用垂悠久從之○陞南京禮部右侍郎  
徐瓊爲禮部左侍郎○陞大理寺右寺丞王嵩爲本寺左寺丞  
監察御史王璽之爲大理寺右寺丞戶科給事中鄭宗仁爲尚  
實司司丞南京鴻臚寺卿張連爲南京光祿寺卿○己未賜遼  
府鎮國將軍恩鞏嫡第三子名曰寵滿慶成王第三十五子曰  
奇淵三十六子曰奇渚三十七子曰奇溶輔國將軍奇澧長子

曰表標奇詮第二子曰表根懷仁王府輔國將軍成達庶長子  
曰聰濟唐府文城王嫡長子曰宇溫庶第二子曰宇潛秦府鎮  
國將軍誠洙庶第一子曰秉棟誠激庶第一子曰秉樞輔國將  
軍誠洵庶第一子曰秉楫誠澧庶第一子曰秉檣誠德庶第四  
子曰東柳奉國將軍誠浩庶第三子曰東德庶八公鑿庶第一  
子曰誠派魯府輔國將軍當潛嫡第三子曰健愷楚王庶第二  
子曰榮淋南渭王府鎮國將軍齊鈔庶第一子曰秀沖齊鎮嫡  
第二子曰彥清第三子曰彥淑○調福建布政司右叅議任較  
于廣東先以管銀礦裁革也○太子少保南京兵部尚書叅贊  
機務張登卒登字廷器直隸華亭縣人正統十三年進士景泰  
初授監察御史密雲有諂言不執者受密命往察因撫定之風  
裁願著歷陞江西按察司副使按察使陝西右布政使都察院

右副都御史巡撫寧夏丁父憂起復巡撫河間諸府改大同石  
馬刑部右侍郎尋轉左進尚書加太子少保丁母憂服闋起為  
南京兵部尚書參贊機務至是卒年七十一計闡贈榮祿大夫  
太子太保謚莊簡賜祭葬鑿性寬簡所歷能舉其職且謙遠不  
以高貴加人故人無怨惡之者○庚申禮部左侍郎徐瓊之陞  
也有外戚之助為相是吏科都給事中王質山東道監察御史  
文瑞等交章劾奏謂瓊緣陞職奔競無耻乞罷黜以示戒  
上曰吏部嘗擬瓊陞尚書汝等默無一言今陞左侍郎却乃眾  
奏本當究問姑已之○戶部右侍郎信鍾之子珩為國子監  
生從其請也○南京見老人星見丙位色赤黃○壬戌大學士  
丘濬再乞致仕上曰卿文學老成近已有旨免留有疾宜善  
調理不允休致○命萬全都司都指揮僉事王俊之子銳襲焉



萬全右衛指揮使

明孝宗敬皇帝實錄卷之七十八

明孝宗敬皇帝實錄卷之七十九

弘治六年八月癸亥朔賜益王兩淮餘鹽一萬引以助婚禮之費○初以府南渭王音藝長子齊璠以罪降庶人安置鳳陽其妻胡氏并子女共三人仍居岷有至是南渭王薨孫絕胡氏奏乞養贍米命八月給三石○陝西寧夏地震○乙丑授進士王鉞路麟李師儒何洽楊輝劉濟登敬徐汝諱溥王序為翰林院檢討教官佶相趙珩蔡材張夔楊敬錕天錫劉濟李文泰趙通吳叔和馬翰林院侍詔舉人葉祿張宣陳陳濟郭崑王仲謙方文顯陳紳王相英俊馬中書舍人各侍弄王等上讀書○丙寅陞都察院右都御史白昂為刑部尚書吏部右侍郎周經為本部左侍郎詹事府少詹事兼翰林院侍讀學士吳寬為吏部右侍郎○陝西按察司副使李遜丁憂服闋後除原職整飭岷

州等處兵備○丁卯釋奠先師孔子遣禮部尚書兼文淵閣大學士劉健行禮○戊辰祭 大社 大稷○己巳命戶部分遣屬官二員覈實直隸保定等四府及真定等三衛秋田水災分數其各府原奏夏田旱災者各免夏稅有差○山西長子縣兩雹大者如拳湯禾稼十之二人有擊死者○臨晉縣空中兩飛蟲如雪○庚午夜北方流星如盃赤色光燭地自文星東北行至近濁○辛未遣戶部右侍郎侶鍾祭太倉之神○遣順天府官祭宋丞相文天祥○南寧伯毛文辛文成化七年襲祖榮爵分領京營戎務成化十四年掌南京前軍都督府專理孫江弘治元年轉南京協同守備兼理右軍都督府事四年解見任仍本府帶俸六年取回京註右軍都督府帶俸道卒訃聞報視朝一日賜祭葬如例○陞南京戶部郎中卓明理為浙江布政司

左叅議監察御史俞深為四川按察司副使雲南按察司僉事  
趙炯為本司副使整飭騰衝兵備○京師兩雹大者如彈丸○  
廣東潮州府地震有聲○是日昏刻月犯建星○壬申 孝慈  
高皇后忌辰 上祭 奉先殿魏國公徐洵承命祭 孝陵○  
夜月犯牛宿中星○南京見月暈生黑氣東西長百餘丈○祭  
酉命浙江磐石衛指揮同知戴恩守備溫處二府以都指揮體  
統行事○命監察御史林塘提調南直隸學校○益王奏乞凡  
江鈔課以無例不許○甲戌以旱災免順天府所屬州縣弘治  
六年分夏麥一萬五千三百九十餘石并免外粟房及泮石橋  
等馬房草料之半○乙亥陞工部郎中劉濂為廣西布政司石  
叅政戶部郎中沙壁為四川左叅議戶部員外郎黃華為廣東  
按察司僉事南京大理寺左寺正趙鑾為雲南僉事○禮部尚

書倪岳等言八月九日雷電交作兩電驟至大如彈凡小如粟  
集平地墜塞人皆驚駭如此災異不于他所而于京畿之內不  
于他時而于秋成之際春秋書大雨雹傳曰聖人在上無雹雖  
有不為災書大言為災也凡陽陰之氣和而散則為雷雪雨露  
不和而散則為疾氣陰霾雹者戾氣也劉向以為陰骨陽之象  
凡雹皆冬之愆陽夏之伏陰也況今年自春及秋亢旱為災蝗  
蟲大作而河南山東并直隸大名等府俱各霪雨過時河流潰  
溢田禾滄沒人民不見流移實皆臣等不職所致然竊伏思念  
上天仁愛所以儆告於 皇上者亦未必無意伏望仰答天心  
益加寅畏深求致災之由如恤民矣而或征求之未息寬刑矣  
而或枉抑之未伸節財矣而或侈費之未除任賢矣而或佞門  
之未杜 聖學勤矣而或未免於作輟言路開矣而或未盡於

聽納或護非肆行或羣小冗進凡此有違乎天意無一不可以  
致災仍敕兩京文武群臣協力祇承痛加修省庶天意幸回和  
氣恤應 上曰卿等言是禱災之道朕當自行文武群臣各宜  
痛加修省免盡職務用曰天意毋得視常怠玩○丙子遼東孟  
州衝地震有聲如雷○丁丑夜月食○戊寅翰林院檢討石璫  
病痊至京後除原職○庚辰賜晉府輔國將軍奇渾第二子名  
曰永樣韓府輔國將軍徵釘子曰偕德徵鏢子曰偕溶偕清徵  
鏢子曰偕瀆靖江王有輜國將軍相繪庶次子曰規聘鎮國中  
尉相貢嫡長子曰規穎相燦嫡次子曰規恒輔國中尉規霖嫡  
長子曰約選規則嫡次子曰約長規峴嫡次子曰約越規梁嫡  
長子曰約邨規躬嫡長子曰約實運府奉國將軍恩致庶第二  
子曰寵浙○大學士丘濬復以老疾乞致仕 上曰卿羊雖老

筋力未衰宜免供職不允所辭○雲南守臣奏孟容侵奪本邦  
兵運禍結四十餘年屢撫屢叛勢愈猖肆請調兵討之事下兵  
部會官議謂孟容安撫司初隸布政司今改隸本邦政令不一  
其不聽撫意或出此請行雲南鎮巡等官仍令孟容改隸布政  
司以此諭之俾釋離怨或可冀其退聽如優不悅則具進兵之  
期以聞從之○先是湖廣清軍監察御史梁廷賓有心疾奏巡  
按御史汪宗器受荆庶人見瀟及副使俞振才并賊盜等財物  
聽主事壽儒私囑取中石鐵馬拳人俱下刑部鞠之具得本末  
奏上命宗器復職廷賓贖徒完日回原籍冠帶閒住○夜月  
犯畢宿○癸未暹羅國王遣副使悶周那貼等來貢賜玉錦改  
衣服等物如例并賜悶周那貼等宴及綵幣等物有差○夜月  
犯井宿○甲甲 憲宗純皇帝忌辰 上祭 奉先殿遣駙馬

都尉周景祭茂陵○致仕南京都察院左都御史黃敏卒敏  
字用章河南封丘縣人正統十三年進士授行人陞南京刑部  
員外郎進郎中成化九年陞四川布政司左叅議督松潘糧餉  
兼理兵備十四年轉本司左叅政歷陞湖廣左布政使二十二  
年遷右副都御史巡撫延綏增置建安等堡邊墻及移置驛傳  
拓教場地人皆利之弘治三年起陞南京戶部尚書四年改南  
京都察院左都御史掌院事六年疏請致仕許乘傳歸未行而  
卒卦剛賜祭葬如例敏性嚴急不容物遇事輒徑行己志無所  
顧慮然其所守其可取云○乙酉山東巡撫等官左僉都御史  
王齋等言臣等奉敕賑飢自去歲八月至今今年七月共支過銀  
三十七萬四千五百四十兩錢二千八百六十四萬六千六百  
文米二百七十六萬三千二百三十八石活飢民二百六十三



萬五千餘口招後業者萬三千八百八十三戶命所知之○  
命山東州縣今年該輸萬石倉糧每石止輸銀八錢料每石七  
錢舊例糧料每石各徵銀一兩以地方災傷之故特減之○  
丙戌南京太僕寺卿張謙卒謙字益之保定清苑人成化二年  
進士授禮科給事中歷都給事中 憲廟職其音吐洪壘遷鴻  
臚寺左少卿尋改尚寶司卿陞南京太僕寺卿仁治三年服闋  
運任至是卒于官計聞賻葬祭如例謙體貌魁梧居官無失德  
居家能孝反樂施于人頗稱之○丁亥賻代府曲阜郡君并儀  
賓孟養氣常山郡君并儀賓張養中誥命冠服如制○刑部奏  
自今文武官因公考訊輕罪而用酷刑致殘人民因而傍引醫  
證詭作病死或旋補獄詞誣以重罪者但及三人以上檢問得  
實比律上請醫證扶同者治以重罪從之用太常寺少卿兼翰

林院侍講學士李東陽奏也初以在外諸司非法殺人率以因公自解故此上奏欲令犯者從降調之例以爲後戒法司覆議不免依違蓋卒拘於例云○戊子改南京工部尚書侯瓚爲兵部尚書叅贊機務○己丑陞監察御史周南陝西按察司僉事李旻俱爲按察司副使南湖廣旻本司○庚寅命太嶽太和山歲用香燭灑壇夫及道士所乞均州食鹽俱仍舊齊糧月支米麥共五斗歲衣布一疋初用都御史梁璟奏裁減各宮觀之費三之一軍夫萬一千六百餘鹽課仍輸有司閩境稱便至是以太監潘紀言悉還其舊惟道士月糧減一斗歲衣減一疋云○是日晚刻木呈犯靈臺星○辛卯旌表孝子一八節婦十一人李清山西屯留縣八母王氏卒殯葬如禮結廬墓側致馴免之感旌表其門曰孝行方氏直隸歙縣民吳以達妻牛氏山西潞

州民趙教妻胡氏直隸太湖縣民劉鍾致妻張氏順天府固安縣民陳脩妻黃氏直隸山海衛軍龍昇妻李氏福建仙遊縣民郭長吉妻謝氏陝西平涼衛安東千戶所軍餘張瑄妻趙氏福建建安縣民滕奎妻李氏福建閩縣民林克從妻范氏浙江安吉縣民徐珪妻李氏湖廣巴陵縣民謝紀妻俱守節年久無玷各旌表其門曰貞節

明孝宗敬皇帝實錄卷之八十

弘治六年九月壬辰朔戶部以南京賦罰丁字二庫諸物缺少  
損壞者多請行南京原委查盤官會奏究治從之○山東鄭城  
縣地震有聲○甲午卯刻南京木星晝見於巳位○乙未 孝  
恭章皇后忌辰 上祭 奉先殿遣駙馬都尉楊律祭 景陵  
○初哥府燕八羗北等十四人月給食米三十石至是止存九  
人戶部議裁減其數 上命仍舊給之○丙申後以遼東苑馬  
寺卿李溫為太僕寺卿先是監察御史王嵩等劾奏溫及學士  
程敏政等敏政致仕溫調外任敏政後以錦木衛千戶葉通奏  
雪得復職溫考滿至京因援例以請吏科叅駁溫貪冒陳乞吏  
部據以覆奏 上特命復原職○丁酉命雲南布司轉運勝衝  
金齒倉糧六萬餘石貯之隴川南甸等處并開中雲南鹽課提

舉司弘治三年四年存積鹽課十八萬一千餘引召商上納銀  
米以備軍餉以孟容土官思樸檢惡不服將用兵於其地故也  
○以旱災免陝西西安等七府弘治六年夏稅有差○雲南孟  
璉長官司土官舍人刀派羅死特其妻招囊猛年二十五守節  
二十八年無玷雲南都指揮使司奏其事禮部覆奏以為宜出  
常例不俟數實即與旌表以順夷情 上曰朕以天下為家方  
思弘名教以變夷俗其有趨於禮義者惡可不加獎勵孟璉刀  
派羅妻招囊猛貞節既可嘉宜即令所司顯其門閭庶使遠夷  
益加嚮化○戊戌陞大理寺右寺副孟準為陝西按察司僉事  
○己亥太監韋奉傳旨行取四川光相寺番僧國師領占竹米  
居大慈恩寺○庚子重陽節免宴○河南桐柏縣天鳴聲如雷  
○壬寅陞大理寺卿馮貫為南京工部尚書太常寺少卿兼翰

林院侍講學士董越為南京禮部右侍郎○以旱災免且隸河  
間保定二府弘治六年夏稅有差○珍註錦衣衛帶俸都指揮  
同知王銳金吾左衛帶俸都指揮僉事蘇泰于陝西都司今在  
寧夏領軍操備○癸卯禮部尚書倪岳等言四川光相寺國師  
領占竹先於成化二十三年給事中韓重監察御史張欽等俱  
嘗劾奏已蒙發遣原土今又行取永京臣等查無行取番僧國  
師事例且道途萬里騷擾驛遞驚駭耳目况當時同遣回四川  
陝西諸處國師番僧不下二百餘人律門一間賞緣效尤不可  
杜塞則於 皇上初政之清明不無虧損伏望暫寢新命免令  
行取得旨爾等既以為言領占竹令自備脚力來京沿途不必  
應付○命誓肅關中兩浙運司弘治三年常股鹽八萬引四年  
存積鹽七萬五千九十六引福建運司四年額辦鹽九萬四千

九百餘引兩淮運司六年存積鹽五萬引召商上納糧草以備軍餉復命戶部運太倉銀六萬兩并改撥秦平臨鞏附近州縣糧料各五萬石以濟之其軍民人等有願納銀米受正七品以下散官者聽從巡視兵部侍郎張海奏以莊浪等處有警且備土魯番之患故也○是日卯時木星晝見於己位○甲辰蜀王甲鑿堯王定王庶第三子母妃王氏天順三年生成化七年封通江王八年進封蜀王至是堯年三十五卦聞報朝三日遣官諭祭命有司治喪葬謚曰惠○賜寧府輔國將軍宸潤嫡第三子名曰拱楹楚府通山王庶第五子名曰顯棧第六子曰顯科懷仁王府鎮國將軍仕城庶長子曰成鈔嫡第二子曰成鏐韓府西德王庶第七子曰旭桃秦府輔國將軍誠漢庶第一子曰秉總代府潞成王第七子曰聰滿瀋府輔國將軍詮璿第三子

曰勦澳○陞陝西布政司右叅政王哲為浙江石布政使○虜  
入塞雲塘山軍士往探邊虜而走跌死者二人命罰分守右叅  
將王志及提調指揮僉事張齡俸各一月其分守太監田亮姑  
宥之○先是荆王見瀟有罪命降為庶人居之西內之高墻既  
而見瀟復奏其弟瑛山王見濬不法事見濬因再發其不軌事  
命太監韋寧大理寺右寺丞王嵩錦水衛都指揮僉事陳雲往  
覈之寧等具奏見瀟多置寺弩築上山操演船馬廣積土鐵收  
器械其子祐柄相濟為惡見濬亦有淫虐諸事 上曰見瀟狀  
害詣弟通姦弟婦毒死弟母滅絕天理傷敗彝倫又潛蓄異謀  
其諸不法事不可悉數窮究陸惡天地所不容國法所不宥即  
令自盡內使宋貴等違問如律其祐柄見濬事仍會皇親等官  
議處以聞於是英國公張懋等奏見濬及祐柄罪有輕重 上



以見澤發見瀟異謀潛荆楚大害功亦可嘉且先已減歲祿  
三之一今小過姑宥之以祐柄義不得復為世子并其餘子女  
俱從降革安置于武昌城內有司照例養贍款楚王嚴加約束  
上以荆王見瀟既革爵命禮齎遶庶人革爵後事例以聞禮  
部因按遶王貴烜降為庶人後朝廷特封其弟貴煊為遶王以  
濟 上曰見瀟并其子祐柄等已降為庶人荆靖王次嫡孫都  
梁王祐桐宜進封荆王以奉國祀○丙午皇親慶雲侯周壽琦  
承買寶坻縣官地一千二百頃得旨令不必承買准于內撥五百  
頃與管業餘七百頃仍留別用○丁未廣西思明府并萬承州  
各差官拔貢馬朝覲賜綵段綉紗有差○四川長河西魚通寧  
遠等處軍民宣慰使司叅已等寨都綱沙刺言千等四川威州  
保縣金川等寺演化禪師遣刺麻番僧來朝貢佛像馬匹賜宴

并縣段鈔致有差○陞巡撫山東都察院左僉都御史王霽為大理寺卿○戊申停臨清鈔關折支粟未收銀解京以山東旱災需借其米賑濟今歲既稔撫臣為之請也○己酉以旱災免陝西西安左等二十五衛所弘治六年屯糧有差○後命戶部差官屬領蘇州九江等處鈔關南京戶部差官屬領淮安揚州等處鈔關其折徵銀鈔解內府供用以前此改委府縣佐貳官收受船料其弊多而歲課日損故也○命都察院右副都御史韓文之孫德清為國子監生從其請也○命南京右軍都督府故都督同知王銓之子確襲為錦衣衛副千戶帶俸○庚戌陞陝西按察司僉事陶琰為本司副使○壬子朝鮮國王李娣遣陪臣工曹叅判安琛等來賀 皇太子千秋賜綵段衣服等物如例○陞山西按察司按察使熊冲為都察院右僉都御史巡

撫山東○命改廣平侯袁輅之子慶仍襲長陵衛指揮僉事輅  
曾祖洪在洪武時以功陞左都督祖容尚公主 太宗時封廣  
平侯子禎襲無子庶弟瑄襲長陵衛指揮僉事後後天順元年  
詔例得襲侯瑄卒弟瑋請襲侯吏部言當襲指揮僉事未從而  
卒輅瑋弟瑾之子也賞緣復襲侯特科道言輅爵當革得旨輅  
准詔例許襲侯一世子孫仍止襲指揮僉事至是輅卒政有是  
命○癸丑陞應天府府丞冀綺為南京太僕寺卿○中軍都督  
府左都督范瑾卒瑾正統中襲世職為大同衛指揮使以功累  
陞山西行都司都指揮使天順八年充左叅將分守大同成化  
初充遊擊將軍征延綏有功陞都督僉事未幾進同知以侍郎  
葉盛薦鎮守寧夏尋移鎮大同成化十六年以功陞右都督再  
轉左召回管中府事十九年充左叅將任大同禦寇明年出鎮

甘肅又二年召回提督三千營弘治五年乞回大同展祭遂卒  
于大同計開勝祭葬如例瑾為遊擊特會邊方有警頗建功伐  
後鎮大同虜每深入不能防禦為言有所勦然久督邊事由下  
僚拜大將亦為流輩所推云○甲寅以旱災免河南開封等府  
弘治六年夏田稅糧之半○乙卯 皇太子千秋節賜百官宴  
于午門天下諸司及外夷慶賀官員人等宴于闕左門○丙辰  
夜北方流星大如盞色青白光燭地自北斗杓東北行至即炸  
散○丁巳賜淮府鎮國將軍祐祺祿誥命冠服如制○賜淮  
府蘭谿縣主并儀賓楊志學誥命冠服如制○先是監督徐州  
糧主事徐達言舊徐州修倉夫匠二百名其下班者每季各徵  
科銀一兩今歲比不登請暫停免戶部議量減其半從之○戊  
午禮科左給事中夏昂等劾奏四川國師領占竹先因獻項骨

數珠骷髏法盃叨冒陞賞 皇上御極之初己革職遣回原寺  
遠近稱快今又行取未京禮部以爲驚駭耳目騷擾驛遞慮乘  
機干進律門後聞而 聖旨許其自備脚力以未夫禮部豈馬  
區區應付惜哉特以邪正向背之機寔治忽興廢之原世教所  
關不可不嚴爲之防恐累 聖德而損初政耳伏望 皇上俯  
從群議亟止其來使左道害政者無覲觀之心又欽天監李正  
革本以庸流賞緣轉陞幸蒙恩宥許令致仕今者又取入內靈  
臺教習占驗其老不知耻如此縱使術業精通亦不當復用伏  
望收回成命永絕傳奉之端庶小人不得售其姦又苑馬寺卿  
李溫原任南京太僕營求北任屢被彈劾過蒙寬宥外調今考  
滿到京復自乞復前任誠奔兢無耻之人伏望放歸田里庶律  
違者知戒又光祿寺廚役劉軒等受南京工部作頭徐謙等銀

百餘兩隄下所解紅羅綺金襖等物數多不以納官虛出實收  
近為緝事校尉所獲不知本寺御胡恭所司何事而漫不察覺  
如此恭不無學術竊祿日久屢被彈劾老不知休伏望明正其  
罪莊歸田里以爲欺罔不職者之戒時監察御史張積等亦以  
爲言 上命領占竹仍自備脚力未京達以不許擾人革仍舊  
欵仕溫姑留供職恭俟劉軒等問結後處之○戊午先是勲臣  
莊田子粒命有司代收至是安昌伯錢永宗祖母王氏奏乞自  
收乃命通行司府州縣遇業主領自收者聽仍甲葉管莊人等  
毋得暴橫爲非○己未法司會官審錄重囚三十八人命情具  
者處決訴寃者重鞠情可矜疑者發邊遠充軍不孝有父母息  
詞者即其門枷項一月杖一百釋令養親○庚申帶管廣東嶺  
西道湖廣按察使陶魯奏凡征剿撞撞山巢多用狼兵而土官

多推避不肯效力請立賞罰之法以勵之兵部謂凡起調土兵其土官能躬率兵向敵擒斬首級功多者如知縣請陞流官知州知州陞知府知府陞叅政俱仍舊管事其應襲舍人有功者先與冠帶候襲時即許管事若土官不親督兵止令族日代領或兵不及數或征剿未畢先自潛回者革去冠帶俟有功方許復職土舍不親督兵者勿與冠帶或總鎮量加懲治庶勸懲並舉而得其實用從之

明孝宗敬皇帝實錄卷之八十一

弘治六年十月壬戌朔孟冬享 太廟○遣內官祭司并之神  
○甲子銓註武功中衛都指揮僉事黃宗于福建行都司僉書  
管事○乙丑調廣都指揮僉事馮紹守備永道州等處苗賊入  
境失於防禦下巡按御史逮問當發邊差充軍 上宥之命降  
爵及指揮使梁玉翟宣丁鑑各三級○修倉軍餘京衛原撥一  
千九百十五人每歲以二月至九月興工十月至正月辦納物  
料既而兵部奏取回九百十五人送營操練至是并款以見留  
修倉一千人取回工部覆奏見留軍餘已減舊數之半若復槩  
免則修倉物料何從措辦乞仍舊便從之○丙寅命巡撫延綏  
都察院右副都御史劉忠之子明為國子監生從其請也○命  
免造明年上元燈火工部奏各處災傷故也○安南國王黎瀨



遣陪臣黎俞等以例乘貢賜宴并練段衣服等物有差仍回賜  
王錦段等物如例○丁卯夜東方流星如盞色青白尾跡有光  
自狼星旁東南行至近濁○戊辰戶部會議漕運及巡撫官所  
奏事宜一漕運遠洋船舊運水次倉糧二十四萬石每石折解  
銀七錢明年請減一錢一山東近年增改充糶米九萬石明年  
以後請聽民自運至臨清德州二倉令官軍支運上京一前此  
以江西災傷暫改起運糧十萬石作存留之數而以山東存留  
糧十四萬石借為改兌請明年以後各復其舊一江北鳳陽穎  
川等三十一衛所漕運官軍行糧請如舊於淮安關支徐邳臨  
德四衛行糧於徐州關支如淮徐二處糧乏則仍於臨德二倉  
支給一江南鎮太安池寧五府歲運小麥于鳳陽二府者每石  
折銀四錢一延綏二衛馬軍糧有原額屯田一頃而不徵也糧

惟步軍歲徵屯糧六石後步軍亦領馬騎標而徵糧如故請全  
前領馬者分納一河間府等處沿河淺鋪其原設淺夫存留應  
役添撥者請併其歲出椿木等項革去以寬民力一貴州官員  
俸糧折色多而本色甚少自今凡以公事停止俸者請止停折  
色仍存本色米以贍之得旨俱從所議○裁革宣府新沙口堡  
倉副使一員改為革場副使○增設直隸廬州府舒城縣廬鎮  
關巡檢司○裁革山西大同府應州安銀子通運所○裁革四  
川夔州府瞿關巡檢司改大昌巡檢司○巡撫河南都御史徐  
恪奏河南府有伊洛二渠彰德府有高平萬金二渠懷慶府有  
廣濟渠及方口堰許州有棗祇河渠南陽府有召公等渠汝寧  
府有桃陂等堰其他故渠廢堰在在有之濬治之功灌溉之利  
故老相傳舊志所載不可誣也雖行分守等官疏導然事非專

難以責成請勅布政司撫民叅政朱瑄專領其事從之賜瑄勅曰適者官奏河南郡縣踰時不雨輒赤地相望流移載道水利一事所當預圖其河南等府伊洛等渠歲久涸蕪多被王所屯營侵塞及勢要之家占作碾磨雖已行令分舟分巡官提督修築然百責攸歸未免顧此失彼且更代不一難以責成以爾輩有才謀不避難險可委專理爾其親詣前項渠堰再行酌量時宜以次興舉合用木石等料於各該田多有力之家從公勸諭或別為措置量起所在附近軍民人夫相兼整理選委的當官員人等提調務臻實效無事虛文原置閘處仍舊置立以時啓閉仍將得利之家地上項畝逐一勘明籍記在官遇旱則官為斟酌驗畝分水以杜公爭以後埋塞就令得利軍民併工開濬有潰決之虞亦就培築堤防務圖經久其豪強軍民敢有仍前

載水安置碾磨占作稻田者依律究問故勅○庚午建平伯高  
進卒進高士文之玄孫本陝西咸陽縣人弘治二年襲爵至是  
卒計聞輟朝一日賜葬祭如例○命整飭天津兵備山東按察  
司副使劉福兼理河間府滄州民事○辛未先是行取首僧領  
占竹等來京禮部及科道官交章劾之不允工科給事中柴昇  
復上疏極論其害政愆世之害乞正其罪以雪衆憤既而科道  
等官論列不已上曰領占竹妄誕欺罔實緣來京其罷行取  
之命○壬申陞南京太僕寺少卿呂憲為南京通政使司右通  
政○陞湖廣布政司左叅政李琮為山西按察司按察使四川  
成都府知府汪奎為陝西右叅政○癸酉賜趙府鎮國將軍祐  
抵輔國將軍祐攜晉府輔國將軍奇泊奉國將軍耒招誥命冠  
服如制○吏部尚書耿裕等以選官差錯檢舉伏罪得旨爾等

職掌銓選不行詳審重複選官本當究問既檢舉伏罪姑貸之  
堂上官仍罰俸兩月詎司官各四月○甲戌命直隸河間府以  
官庫收貯及所屬州縣今歲缺存留并解京銀兩折餘河間瀋  
陽大同三衛官軍俸糧每石銀四錢五分○乙亥 太皇太后  
聖旦 上率親王上壽命婦朝賀○賜百官宴于午門○賜各  
王所慶賀官員人等鈔帶有差○夜月犯畢宿右股星○丙子  
兵部尚書馬文升言西山自偏頭關至山海延袤數千里往年  
林木茂密虜騎不能長驅比東京師費各以第宅相高採伐殆  
盡萬一虜寇深入何以禦之是自撤其藩籬也請嚴加禁約從  
之○丁丑以水災免南京留守等三十四衛弘治五年屯糧五  
千三百石有奇○先是以進士王鉞路麟李師儒何洛揚譯劉潯  
翟敬徐汝諱溥王序十人為翰林院檢討多侍諸王謀請麟就

職而法等九人以所濬沉滯請別為叙遷之格吏部尚書耿裕  
寢其奏法等復詣部爭之裕不聽遂群詬而出事聞下鎮撫鞠  
問譚溥等復奏吏部郎中貢欽銓選不公冀以自解又竄路麟  
名於既中并麟亦違問法等具服而麟初不預具奏乃釋麟而  
送法等於法司擬贖杖送吏部查例發遣且引成化初進士  
周鑑選京府教書稱疾不出及教官夏璫私酒為民事具獄以  
聞 上以法等詆毀大臣免贖罪照前例俱發為民○戊寅命  
大寧中衛帶俸都指揮同知張山之子欽代原職指揮使故濟  
陽衛帶俸都指揮僉事楊政之子欽襲為指揮僉事○己卯  
歲孝昭皇后忌辰 上祭 奉先殿遣駙馬都尉游泰祭 獻  
陵○庚辰吏部覆奏巡按直隸監察御史周瑛奏請起用致仕  
南京刑部侍郎阮勣浙江按察使于大節 上以勣年過七十

且先已陞授官階已之大節俟有按察使員缺起用○裁華雲  
高金嵩分守叅將以鎮巡等官言地方寧謐故也○陝西西安  
府知府嚴未濬以陝西甘肅織造餘散祇罷上疏曰災變之來  
必以類應時雨愆者澤未沍也 陛下請近取禁蠟服御之物  
遠取工作司局之費合而驗之則德澤沍滯皎然可見臣頃嘗  
再至陝西雜造局見前二次降菓圖樣全本委織造餘散祇罷  
四十九疋其先次坐派二十五疋行布政司支取買辦物料及  
顧倩匠作織造已費用銀二千餘兩尚未完結今又以復坐二  
十四疋未可停緩欲依原降織造以進臣不知 陛下珍愛此  
物之多必欲供上用歟則可一襲再襲而止欲備賞賚歟則其  
色其象又非羣下所敢當陛下必謂財取之官工取之局數雖  
累十亦不為過然不知財者天地間有限之物不在於民則在

於官餉所取使司二千餘兩皆扣除州縣皂隸齋夫之所出辦  
孰非民之財乎又使司比來積欠各邊軍士冬衣布花無慮百  
十餘萬向使移所取以益所欠則十分之一未必無補傳曰一  
夫向隅滿座為之嘆息今以百餘家男不暇耕女不暇織窮年  
營辦以供七十人之織民之不堪亦已甚矣昔唐太宗令京師  
又益州諸家供奉御器及諸王服飾因馬<sub>周</sub>歷陳民怨而止明皇  
詔造銀屋子妝具二十事織綾二千疋因李德裕上疏極論而  
罷使 陛下發金之始進言有馬周則此事必潛消於內周局  
之際抗論有李德裕則此事必立罷於外然二者既皆不復救  
矣及今正恤人言之時猶未可以止邪事下工部覆奏謂遣方  
供億鉅繁早荒民困請如未漕奏加意優卹 上命已織完者  
遣人解送供用未織完者暫止之○是日亥刻東有星如錐子



大邑青白起柳宿至近渴○辛巳陞直隸鳳陽府知府章銳為  
湖廣布政司左叅政○雲南按察司僉事談俊丁憂服闋復除  
陝西按察司○陝西外委俞樹劄納郎賚賸哈者回族者人  
劄節玉已等來朝貢方物賜練段鈔絨有差○是日且刺南方  
有星如雞子大邑青白起向河東南行至近渴尾跡炸散○是  
日申刻日生左右珥色赤黃良久散○壬午增設長蘆都轉運  
鹽使司利民場副使一員○癸未南京國子監祭酒羅環以坐  
班監生數少不足差撥乞行取各處依親服滿監生并留今歲  
新貢及舉人之入監者俱免依親禮部覆奏如其請且以國  
子監南方納粟監生量改南監以備差用從之○給故修武伯  
沈坊之子瑞優養米月十石○甲申賜岷府安仁郡主并儀賓  
林鳳翀代府南里郡君并儀賓董章常林郡君并儀賓楊通崇

信郡君年儀賓張翼遵府陵水縣主并儀賓戴滋周府臨邑縣  
主并儀賓楊仲良文登縣主并儀賓孟溥誥命冠服如制○陞  
戶部郎中宋明為兩浙都轉運鹽使司運使○命兵部會提督  
京營文武大臣選諸營把總官○增設工部主事一員管理沽  
頭上中下三關先是大理寺左少卿屠敷言沽頭水勢最為易  
涸性寺書設主事管理人以為便近因革出姓來有勢力者不  
時啓開民船動淹旬月乞勅工部移文管河郎中常川在彼管  
理工部覆奏以為管河郎中自濟寧以至儀真所經地方千有  
餘里若坐守一方不免顧此失彼宜仍設主事一員專理從之  
○乙酉直隸大名府涿縣知縣馮允中承檄編審均糧董民入  
路正至死縣民程宣仁改按察使繼之子也與致仕知州陳凱  
素暱允中敬正弟友江及無子數十人擁入公館甚允中幾死

仍捨奪其財物事聞都察院擬罪奏請。上以此輩擁衆行兇，辱打監臨官，嚇財物不畏法度，律輕情重，命杖凱與宣仁等七人各一百，羊家屬械發邊衛，未逮克軍仍命都察院榜諭天下。

○命遼東守墩竿夜不收官軍該支木鞋者七百六十三人，人折給銀一兩五錢。○丙戌復除山東道監祭御史徐憲于雲南，道江西道御史朱欽于本道，南京陝西道御史陳崇德于南京。

山東道憲時養病始痊，欽崇德保以丁憂服闋也。○命詹事府少詹事兼翰林院學士柯潛之子宋文選中書舍人習字出身，以潛嘗侍。憲廟講讀也。○虜入大同商家莊及東水溝掠男婦八人，傷者一人，命罰守備都指揮周琮俸兩月，分守太監左敬右叅將秦恭守備右監丞鄒玉都指揮閻福俱仍前戴罪，殺賊犯總指揮袁迅等復職，情前寧遠治之。○丁亥銓註後府帶

休都督僉事李澄于中府支玉右府俱僉書管事○戊子工部尚書曹俊復乞致仕不允○陞左春坊左諭德曾彥為南京翰林院侍讀學士仍支正五品俸○憲安伯張璫卒璫河南水城縣人故憲安伯璫之庶兄成化十六年以璫無嗣得襲世職久之命領五軍將軍侍衛尋命坐神機五千營操至是卒計閩輟朝一日賜祭葬如例璫之祖昇故羽林前衛指揮僉事以仁宗昭皇后之兄更封伯爵子孫因世襲云○辛卯賜韓府鎮國將軍徽鍾庶子名曰偕濃輔國將軍徽鈞庶長子曰偕藻寧河王府鎮國將軍鍾鏗庶第三子曰奇范嫡第四子曰奇濬西河王府鎮國將軍鍾鏗第六子曰奇淮懷仁王府鎮國將軍任燧庶第二子曰成鋒晉府襄陰王嫡第三子曰表樞鎮國將軍鍾鏗嫡第二子曰奇沖輔國將軍鍾鏗第二子曰奇濬第三子曰

奇洽楚府輔國將軍均錫庶第七子曰崇渠庶第八子曰崇澤  
雲丘王府鎮國將軍鍾鏐第四子曰奇泓靖江王府輔國將軍  
相紹庶次子曰規趾相璵嫡長子曰規臆秦府庶人公墜嫡第  
二子曰誠灌公鉢嫡第二子曰誠澗蜀府鎮國將軍申錫庶第  
二子曰賓溉

明孝宗敬皇帝實錄卷之八十二

弘治六年十一月壬辰朔欽天監進弘治七年火統曆 上御奉天殿受之給賜文武羣臣頒行天下○命池州衛帶俸都指揮僉事張翰之子澤代原職指揮使○癸巳禮部奏冬至節例賜百官宴 上命免宴賜以筮錢鈔○乙未冬至節遣謝禹都尉蔡震揚倅分祭 長陵 獻陵 景陵 裕陵 茂陵文武衙門各分官陪祭○遣儀賓周鉞祭 景皇帝陵寢○遣內官祭 恭讓章皇后陵寢 上詣 奉先殿 奉慈殿 太皇太后 皇太后宮行禮畢出御奉天殿文武群臣及四夷朝使行慶賀禮 太皇太后 皇太后 皇后俱免命婦朝賀○丙申 恭讓章皇后忌辰遣內官祭陵寢○文武羣臣朝親王於奉天門東廊○戊戌增置收糧公館五區于太倉之右○命以江

西清江鎮稅課局歲課賜益王府○已亥掌鴻臚寺事禮部左  
侍郎賈斌丁憂闋服復除原任○命故成安伯郭鏞支通祿米  
免選官○庚子信國公湯和玄孫備奏近奏懇詔錄用開國元  
勳子孫臣姪紹宗及鄂國公常遇春玄孫復曹國公享文忠臣玄  
孫璿衛國公鄧愈五世孫焜俱授南京錦衣衛指揮使世襲奉  
祀各家子孫俱荷恩寵但常遇春子茂鄧愈子鍊李文忠子景  
隆初皆以罪奪爵臣家止因應襲子孫萬疾相繼亡後以故未  
襲無他罪犯見存諸勅諭券及南京吏部并戶備官保勘文卷  
可證乞下廷議命紹宗仍襲高祖侯爵吏部會官議奏 上仍  
命已之○巡撫延綏都察院右副都御史劉忠乞致仕不允○  
命河南都司帶俸都指揮僉事徐萬領班操備宣所○修 大  
社 大稷壇○辛丑賜汝陽王府奉國將軍安渠安渠誥命冠

眼如制○改設雲南維摩彌勒二土官知州為流官知州以上  
官知州無後土民額得流官撫治故也甲辰復除福建布政司  
右叅議梁芳于湖廣調浙江右叅議黃璉于雲南方丁憂服闋  
璉管鉅礦裁革也○傳旨太醫院院使施欽院判張倫御醫陳  
公賢施鑑陞各俸一級冠帶醫士錢益為本院吏目仍舊供事  
是日子刻太陰與司怪星相犯○乙巳夜月暈生連環左右珥  
接北斗色蒼白良久散○丙午賜周府鎮平王同鑾孝順事實  
為善陰馮四書各一部從其請也○是日辰刻日生左右珥色  
赤黃良久散○丁未致仕少師兼太子太師吏部尚書華蓋殿  
大學士劉吉卒吉字佑之直隸博野縣人正統十三年進士改  
翰林庶吉士授編修景泰元年經筵官預修寰宇通志陞修撰  
天順年侍 憲廟于春坊講讀預修大明一統志丁內艱起復



成化年陞侍讀 英廟實錄成陞侍讀學士兼經筵講官尋陞  
禮部右侍郎轉左侍郎五年命兼翰林院學士入內閣參預機  
務十三年陞本部尚書十四年加太子少保文淵閣大學士十  
八年以外艱去位詔起復之修文華大訓成進太子太保武英  
殿大學士十九年給一品誥命進贈三代二十年陞戶部尚書  
兼謹身殿大學士弘治改元陞少傅兼太子太師吏部尚書知  
經筵事修 憲廟實錄充總裁官四年實錄成加少師兼蓋殿  
大學士一品秩滿加特進兼吏部尚書賜勅諭金幣羊酒  
以寵異之五年乞致仕久之乃許仍遣中官就其第賜白金寶  
鈔金織襲衣及命有司月給米五石歲撥夫八名應用賜勅諭  
驛以歸踰年卒計閱輟朝一日贈太師謚文穆命有司營葬自  
闋喪至掩塋遣中官諭祭三遣有司諭祭者十吉牲沉穀香幣

不形於色遇事能斷在內閣最久 上始即位尤委任之恩遇最甚凡改紀政事進退人才言率見聽隱然有內相之重然所與厚善者多讒詔面諛之人致不能自聞其過廷臣有不說者或使言官劾去之故議者謂其乏休休有容之量而其後 聖眷亦漸衰云○河南布政司右叅議李胤丁憂服闋復除陝西布政司○戊申南京太僕寺少卿林鳳復除原職順天府府丞高啟改應天府俱以丁憂服闋也○陞南京光祿寺少卿陳奇為南京鴻臚寺卿中書舍人李珩為尚寶司司丞○己酉以災傷免保定左等五衛折草銀五分之一○總侍衛將軍官軍圍于手及皇城各門守衛官軍象奴衣鞋各一副○庚戌初南京工部遣匠役徐謙納上供器物於光祿寺謙屋紅黃羅結二千餘并呈進羅複絨襪四百與其徒分之而以備取寔收還部尋

責其所匿為緝事者所執送法司治罪給事中夏昂監察御史張禎等因劾光祿寺卿胡恭監臨失職請罷其官詔降恭二級署官任永欽施本泰降三級調外任呂洪劉文揚述皆除名少卿賀思聰李榮寺丞鄭忠俱下刑部選問既而降恭為山東都轉運鹽使司同知調思聰為河東陝西都轉運使司副使榮為山東青州府同知忠為福建都轉運鹽使司判官○辛亥陞戶科給事中祝徑刑科左給事中呂獻俱為都給事中吏科右給事中林廷玉為左給事中禮科給事王綸孫瑞工科給事中柴昇俱為右給事中徑廷玉孫昇俱本科獻禮科給事戶科○壬子銓註金吾左衛帶俸署都指揮僉事龐通于大寧都司領班京操○甲寅安南國王黎瀨遣陪臣沅弘碩等奉表貢方物來賀冊立 東宮賜弘碩等宴并衣服等物有差賜其王錦段等物

如例○乙外賜瀋府西陽王庶第一子名曰勳泄韓府輔國將軍徽繼庶第一子曰偕澤晉府輔國將軍奇肥長子曰表檄慶成王第三十八子曰奇臨三十九子曰奇派代府鎮國將軍成銅子曰聰河荆府都昌王嫡第二子曰祐榘○南京錦衣衛指揮使王銳言近年以來刑官多恣意用刑獄囚每淹禁致死無干之還繫者不與決遣隸人之羅織者不為禁治無籍之徒謀充獄卒積年為害刑官或喜其便利托為腹心姦弊皆由此出又有貪利之徒治巨艦出海與夷人交易以私貨為官物沿途影射今後商貨下海者請即以私通外國之罪罪之都察院覆奏從之○賜朝鮮國弘治七年大統曆一百本○巡撫河南都察院都御史徐恪奏宋范文正公仲淹并其子忠宣公純仁墓皆在河南府城東南萬安山下屬亭近棗賢寺僧守視兼領祀

事元至大間喬孫國偶始自蘇東展掃至正間國偶從弟文英  
遣其子廷方再至時守臣郭文弼等聞之乃為春秋致祭迨入  
國朝守土之臣雖襲而行之然未經奏請秩在祀典臣因巡歷  
躬謁墓下竊獨傷之按仲淹為人剛大靖純學問得於聖賢論  
說本於仁義而文武經綽備於一身勲業德望之盛一時罕見  
異時大儒朱熹亦謂傑出之才為第一流人物後之君子有志  
世用者莫不以為冠冕比于純仁世濟忠直秉道不回今其立  
依然而歲時香火之奉顧於山僧野寺是賴此豈 聖明崇賢  
厲士之意哉 皇上即位以來嘉獎直言內外皆向風而趨因  
將上比隆古不屑乎慶曆之朝然宋史稱感激論事奮不顧身  
為一時士大夫矯厲尚風節之倡如仲淹者亦宜表章顯白以  
助清化且仲淹肄業從政之地如蘇州慶陽等處既皆有祀其

體鬼所蔽之處不可獨缺乞命河南於墓所建祠春秋致祭以  
子純仁配享永載祀典以風曉士類 上以崇祀先賢事關風  
化命所司議行之○丙辰海西帝朶朮河等衛野人女直都指  
揮等官申克捏等兀者等衛野人女直都指揮等官亦里荅等  
撒剌兒等衛野人女直都指揮都魯卜花等益寶左等衛野人  
女直都督三赤哈等來朝貢方物賜宴并綵段等物有差○丁  
巳陞南京太僕寺少卿林鳳為羌祿寺卿○給齊廢人能增幼  
子毓秀等食米如例○命巡撫四川都察院右副都御史梁璟  
之子枋為國子監生從其請也○錄註神策衛帶俸都指揮同  
知白弘于浙江都司管事浙江都指揮僉事吳昇把總運糧○  
戊午安南國陪臣杜綱以朝賀未至道死命賜綵段紗羅各一  
疋以慰其家○直隸合肥縣地震有聲○己未昏刻金星犯星

土星○庚申順天府府尹黃傑言畿內地方水旱相因貧民流  
移來京城者以萬計晝夜露多轉溝壑乞收入養濟院全活  
必聚實發政施仁之首政也戶部議以在京養濟院狹小豈能  
例應給糧遣還但隆寒之時恐在道失所宜命順天府籍其名  
于官大者人給糧三斗小者半之俟春暖仍送回俾所在有司  
賑濟從之○荆庶人見滿之殺都昌王見澤也內使宋貴實預  
謀已而避之法司擬貴為從不加功應贖杖徒送司禮監發遣  
後以弓箭土山事再犯不應依律勿論奏上有旨令覆問法司  
仍從前擬且謂貴罪犯深重事出非常非有司所敢擅議上  
以求貴導助滿戕害同氣豈可謂從不加功前已失刑再犯他  
罪亦不可例以勿論特命斬之而誥法司以失刑於是刑部大  
理寺皆上章待罪命宥之而各罰其屬官俸一月

明孝宗敬皇帝實錄卷之八十三

弘治六年十二月辛酉朔 上視牲于南郊○南京吏部右侍郎童軒乞致仕不允○授進士王宸李祿張良弼吳仕偉于瑁東思恭蔚春李舉張文方矩為給事中宸吏科祿良弼戶科仕偉瑁禮科思恭春舉兵科文刑科矩工科○命故金吾右衛帶俸都指揮使康永之子懋襲原職指揮使○河南汝寧府雷電雪積數尺○是日申刻南京金星晝見於未位○壬戌夜南京電雷風兩授 孝陵樹○湖廣鄱陽府大堂自前月十五日至于是日夜雷震電發明日復震後五日雪止平地三尺餘人畜凍死無算○甲子命故安鄉伯張寧支過祿米免還官○山西太原右衛軍人劉玉妻汲水於慶成王府前輔國將軍奇濶道之竊于府第其弟奇淵又道之已奇汝發其事奇濶誣其兄事



聞 上曰奇濶奇於強姦民婦奇濶又欺歐兄長不遵 祖訓  
宜真之法姑宥之奇濶羊歲祿之半奇濶三之一本府教授陳  
貴不能放王戒餘下按察司連問○乙丑中刻金星畫見於水  
柱○丙寅南京左軍都督府同知馮昇卒昇字景賜率夏人本  
者將累有戰功積官至後軍都督府同知弘治初南京左軍都  
督府僉書管事兼入教場管操至是卒昇曾重小心接人有禮  
撫士卒有晷雖在武弁而向慕儒學人以是多之○戊辰臘節  
賜百官宴于午門○給錦衣衛直宿旗校衣鞋六千五百三十  
一副○己巳遷廣東從化縣并守禦千戶所於馬場田之太平  
營以其地據要害足以控制盜賊也○先是差監察御史陳讓  
照尉南京諸司文卷至是疏上失錯違錯并稽遲等項其典守  
官之應罪者一千一百八十二員命應議及堂上官姑宥之其

餘夫錯者取招違錯稽遲者罰俸兩月差錯遲錯未明者一月皆改正埋沒者所司違治之○初京城九門各有守衛軍卒籍禁甚嚴成化中門卒往往納賂門官因而縱免名曰納辦月錢乃令科道兵部官各一員巡視至是太監陳良等奏請不造科道官止留兵部主事一員每月二次點視從之○庚午昏刻月犯畢宿○辛未晉世孫秉榮卒世孫晉世子奇源之子母妃楊氏成化三年生十四封為世孫至是卒年二十五賜祭葬如鎮國將軍例弘治十六年追封為晉王謚曰懷○巡撫保定等府都御史張琳上劾荒事互謂水旱蟲疫連歲相仍六府人民饑饉已甚按先年救荒事例有許農民納銀米之吏與知印丞並及選陰陽醫官僧道官者有許府州縣佐貳首領并雜職官在任納銀米免赴部考滿者有召人納銀授七品以下散官者請

暫賜施行俟熟停止戶部覆奏從之○虜入大同關頭墩等處人畜有被殺掠者命把總指揮等官俟春暖速問罰左叅將李璵都指揮曹紳俸各兩月并右監丞楊定俱令戴罪殺賊○癸酉以旱災免山西太原等府并平陽等衛所弘治六年夏稅屯糧有次○初廣西副總兵馮俊等屯於賊其部下領軍指揮柳紹等不能救護既而賊平兵部列上其功罪謂紹及百戶陳宣許健張琳應克軍後紹宣有功上其功罪宜各降一級使琳無功各降二級俱免克軍原衛所俸帶差操千戶曹暉等四人情罪稍輕宜贖罪還職奏上從之○雲南孟良府署府事舍人招帕雅孟建長官司護印舍人才派需各遣頭目猛籠等來朝貢方物賜綵段衣服等物有差○甲戌旌表孝子一人節婦二人劉端湖廣寧鄉縣人嘗為府同知繼母段氏卒廬墓三年

諱其門曰孝行林氏直隸盱眙縣氏錢陰妻劉氏遼東定遠左  
衛指揮嗣昇妻田文湖廣寧鄉縣氏朱志高妻梁氏陝西華州  
氏李觀妻李氏陝西邠州生員任弘妻陳氏廣東順縣氏余昌  
妻陳氏福建仙游縣生員盧編妻徐氏陝西西安護衛百戶吳  
漸妻陳氏陝西慶陽衛千戶黃啓妻何氏直隸巢縣氏張琬妻  
石氏山西武鄉縣氏王格妻鍾氏廣東新會縣生員陳應妻侯  
以夫死守節各旌其門曰貞節○丙子朝鮮國王李娉差陪臣  
金首孫等奉表貢方物來賀正旦節賜宴并綵段等物有差仍  
回賜國王錦段等物如例○海西亦迷河等衛野人女直都督  
程克等哈兒蠻等衛野人女直都指揮劉里革等兀魯罕河等  
衛野人女直都指揮火禿等來朝貢方物賜宴并衣服綵段等  
物有差○中都留守司都指揮徐賢山東都司都指揮金

事揚錫大寧都司都指揮僉事丁玉河南都司都指揮僉事王  
瑛各以所部京操官軍缺伍下獄是問命贖杖還職○戊寅命  
左府帶俸都督僉事孫貴張晟俱見任管事貴錄註後府○命  
錦衣衛管鎮撫司事署指揮僉事葉廣及帶俸指揮僉事郭良  
並管衛事○庚辰 上以災異疊見命禮部諭各處鎮巡軍民  
有司等官痛加修省懲戒貪暴賑恤窮困防禦賊寇撫安軍民  
以弭災變○命工部右侍郎謝綬之子環為國子監生從其請  
也○陞刑科都給事中趙珰監察御史王璫俱為光祿寺少卿  
○命山西行都司致仕都指揮僉事陳志之子琮代為大同後  
衛指揮僉事○庚辰直隸阜平縣天鼓鳴地震有聲如雷○賜  
楚府沿山縣君并儀賓鍾鎮南部縣君并儀賓陳璋鄭府運使  
縣主并儀賓王璣阜平縣主并儀賓張永善戒安縣主并儀賓

喬相周所專卿縣主并儀賓許忠舒城郡君并儀賓李鳳羅城  
縣主并儀賓王佩歸仁郡君并儀賓李岫晉府畧陽縣君并儀  
賓東遂語命冠服如制○辛巳立春順天所進春 上御奉天  
殿更之文武羣臣行慶賀禮○禮部覆奏南京後軍都督所經  
歷周廣榮所奏崇儉約親大臣二事謂 陛下即位以來屢有  
明詔載抑進貢既因御史何傑之言而止雲南私獻天因都御  
史羅明之奏而罷甘肅進貢今廣榮復以爲言恐法久人玩奉  
行不至宜通行內外申明禁約又言自古帝王之治天下皆好  
聞好察舍己從人萬幾之繁非一人所能理大事大議宜取衆  
論而析衷之其所謂宣詔卿相面議政事亦釐廢政之要道也  
議入 上納之○癸未命故修武伯沈坊走過襪不免送官○  
英國公張懋等萬營營指揮杜裕等九人陞着都指揮兼事兵

科都給事中蒲琦等劾裕等無功乞陞懲等任情濫舉請並治  
以罪監祭御史鄭惟樞等亦為言 上以裕等業已陞用并懲  
等俱釋不問既而琦及惟樞等復抗疏請竟不允○歸來衛守  
衛事都指揮僉事李成卒直隸吳縣人嗣聖夫人子父福以嗣  
聖恩擢錦衣衛指揮同知成初襲父職成化十七年陞指揮使  
掌鎮撫司事十九年命營本衛事累奉勅往南京大同公幹私  
治二年陞都指揮僉事仍掌衛事四年奉勅提督官校至是卒  
特賜諭祭○甲申今河南歸德州重修陵上公微子睿祠春秋  
致祭從巡撫都御史徐恪請也○陞監察御史向榮為廣西按  
察司副使○乙酉以水災免直隸真定等四府并神武等七衛  
所弘治六年糧草子粒有差○命故山西行都司都指揮僉事  
聶洪之孫彪襲大同前衛指揮使○丙戌內府供用庫香燭匠

舊例日給直果四合至是太監茅瑋等為請命增給四合○禮部尚書倪岳等奏明年正月初七日大祀 天地前期三日以玉春享 太廟值大祀齋戒宜免行飲福受胙禮庶敬 天尊祖之道而無所失 上曰廟享同重事而祀 天尤重今既值郊壇齋戒免飲福受胙亦為得禮其如議行之○丁亥擢儒士潘辰為翰林院侍詔先是詔天下有司舉懷材抱德隱于山林者順天府府尹唐珣薦辰才行應詔吏部以辰生長京師寢之珣復奏辰清修苦節無異山林之士屢應科舉皆以疾不能終試非試不中式者其人才實未易多得本部復以非詔例奉罷之至是給事中王綏夏昂交薦其賢遂有是命○先是廣東瀧水縣燒械三十餘人攻劫古城寨殺指揮蔣繹等至是賊平於部既上官軍功過調各官有功過相等者有功多過少者



請以爲宥罪之差。今幸去冠帶。左叅將姚英及任偉都指揮王  
果等六人俱獲職。仍各罰俸三月。其患病奔城反征調去任者  
宥之。○今南京前軍部督府部督僉事張海生南京神機營南  
京留守後衛署都指揮僉事張鑿坐南京小教場營各管操。○  
巡按河南監察御史冷昇言。河之爲患。或決而南。則其患在河  
南。或決而北。則其患在山東。漢既決。殷棗復決。甄子來既決。陶  
復決。澶州无既決。汴梁復決。蒲口然。漢宋都闕中。或都大梁。河  
決爲患。不過客瀕河數郡而已。今京師在北。專藉會道。一河漕  
東南之粟。以供軍國之需。若河決而北。則漕河受患。其害有不  
可勝言者。臣嘗因巡歷。所至博采輿論。得治河之策。大要有四。  
一曰疏濬。夫長河西來一瀉千里。非救其勢。而利道之。其衝突  
者。不可禦者。昔滎鄴之東。五河之西。鹹爲白露。等河皆黃河由

渦入淮之故道其後南流日久或河口以淤高而洩或河身以  
狹隘而難容水勢無所分殺遂泛溢北決今惟宜躡上流東南  
之故道相度地勢可躡者躡之可濬者濬之凡堪殺水勢之處  
無不加疏濬之功則正流歸道餘波就壑下流無奔潰之害北  
岸無衝決之患矣二曰扼塞夫既殺水勢於東南又須築隄岸  
於西北今黃陵岡等處舊隄壞缺豈可因循遷就縱水奔鬪宜  
廣起丁夫多收椿料相下沅東北之形勢去水遠近可補者補  
之可築者築之排障百川悉歸東南由淮以入于海則張秋等  
處無患而漕河可保矣三曰用人竊見河南按察司僉事張驥  
兼幹老成熟知河道今治河之務請悉以付之俾往巡視隨宜  
疏濬庶幾財不浪費而河患可除四曰久任邇者都御史劉大  
夏以歸德州武東昌府為公館居中裁決分屬治事凡所違白



曰訂傳韓王第七子曰旭樺第八子曰旭楠輔國將軍徵銘嫡  
第四子曰楷添靖江王右輔國將軍相毅嫡長子曰規醇鎮國  
中尉相換嫡次子曰規佛相貴庶長子曰規容輔中尉規欣嫡  
長子曰約麟規瓚嫡長子曰約銘規常嫡長子曰約晁規臺嫡  
次子曰約赴規伺嫡次子曰約普規法嫡長子曰約奕規積嫡  
次子曰約禕庶右奉國將軍恩鈺嫡第五子曰龜瀆奉國中尉  
恩鐵庶第二子曰龜騰慶成王第四子曰奇泐四十一子曰  
奇浞交城王右輔國將軍奇澶第二子曰表棚○取涼州分守  
左叅文錦還京判用以巡視兵部左侍郎張海等言其非統御  
才也○己丑禮部明季正旦飾例賜百官宴 上命免宴賜以  
節錢鈔○以歲暮裕祭遣駙馬都尉楊偉告 太廟樊凱告  
懿祖皇帝○庚寅裕祭 太廟○遣太常寺官祭五祀之神○

遣旗手衛官祭旗纛之神○是歲天下戶九百九十萬六千九百三十七戶口五十五十三萬九千五百六十一口田八百二十五萬五千八百八十一頃田賦米一千八百九十八萬七千六百九十四石七斗三升五合麥七百九十四萬七千六百五十九石七斗八升二合三勺綠三萬六千七百零三石七兩五錢綿二百六十五萬二千九百四十六斤五兩三錢絹一十七萬八千六百九十七疋三尺四寸五分布一百一十五萬一千七百七十九疋三丈二寸三分綿花一十三萬一千二百斤草三千七百九十四萬三千七百包米戶口鈔八千八百四十二萬六千九百八十二貫雜課鈔共七千四百九十二萬六千一百一十九貫折米一千四百七十二石鹽課二百四萬九千八百八十九石折米一千四百七十二石四斗折布二萬一千七百九十五疋茶

課八萬九千斤屯田二十八萬九千八百九十五頃九畝子粒  
二百九十三萬九千四百七十七石金銀課共五萬三千三百八  
十兩水銀二百二十九斤硃砂四十六斤八兩價運糧四百萬  
石各處運納米麥共一十五萬二千七百七十五石四斗一合  
三勺四抄三撮七粟六粒減免稅糧八百七十九萬六千七百  
八十九石二斗一升草八百九十四萬五千七百六十束

明孝宗敬皇帝實錄卷之八十三終

大明孝宗敬皇帝實錄卷之八十四

弘治七年正月辛卯朔正旦節遣駙馬都尉馬誠齊世美分祭  
長陵 獻陵 景陵 裕陵 茂陵 道儀賓周鉞祭 景皇  
帝陵寢 遣內官祭 恭讓章皇后陵寢 上詣 奉先殿  
奉慈殿 太皇太后 皇太后宮行禮畢出御奉天殿文武群  
臣及四夷朝使行慶賀禮 太皇太后 皇太后 皇后俱免  
命婦朝賀 壬辰文武羣臣朝親王於奉天門東廊 太子少  
保兵部尚書馬文升上疏言自古帝王之君天下未嘗不以教  
太子為先務 皇上敬天勤民法 祖圖治至仁洽於四海大  
孝隆於兩宮惟天惟 祖宗眷生元良宗祧有託此誠國家萬  
年無疆之休也臣聞 皇太子姿表異常質性聰睿今良知良  
能未有所誘早教豫養正惟其時伏望選擇醇謹老誠頗知書



史官人如衛聖楊夫人者保抱扶持於凡言語必教之真正而非禮棄狎之語不使聞之於耳於凡行步必教之端莊而非禮邪僻之事不使之接於目教之不忍教之有儀以養其仁義之心教之恭肅教之分別以養其禮智之心如內庭之曲宴鐘鼓司之承應不使觀元宵之鰲山端午之龍舟不使之見以至物老之教尤不宜口誦其言目觀其像以感其心志一二年以後又嚴勅東宮老成內臣如太監掌言者先教之誦習孝經使知孝悌之道出於天性與夫上天之所當畏祖宗之所當尊百姓之所當愛財物之所當惜至於八歲教之誦詩讀書使之窮理止心修己治人之道及設立官僚之時仍勅內閣大臣會同各部都察院等衙門堂上官慎選名實相符才德老誠學問該博之士以充其任浮躁淺露心術不端者不使之與自此日

出春宮講論經書涵養德性與凡世事委曲在所週知人物賢否在所當辨如此則內外輔導咸得其人而皇太子之德將日進而人不及知者矣臣以菲才叨任六卿之重去歲又蒙加太子少保正係東宮輔導之官受任以來夙夜懼顧無以圖報萬一因諳文王世子篇賈誼保傅篇及宋儒真秀所進大學衍義之說而有感焉不勝大馬惓惓之意敢以此為獻上嘉納之 癸巳 宣宗章皇帝忌辰 上祭先先殿遣駙馬都尉馬誠祭 景陵 甲午以大祀 天地 上御 奉天殿誓戒文武羣臣致齋三日 孟春享 太廟 遣內官祭司戶之神 丁酉大祀 天地于南郊 上還宮謁 太皇太后 皇太后 出御奉天殿文武羣臣行慶成禮 夜月犯畢宿 戊戌以大祀禮成 上御奉天殿大宴文武羣臣及四夷朝使 己亥命

備紅城子堡都指揮同知魯麟充甘州東路遊擊將軍守備西

寧署都指揮僉事顏玉充左叅將分守莊浪 昏刻東方流星

大蓋色青白有光自中天南行至近濁後三小星隨之 庚子

以水災免直隸保定河間二府私治六年秋糧四萬二千二百

六十餘石草六十七萬七千九百八十餘束并免河間保定等

十八衛所屯糧一萬八千九百餘石草七千一百六十餘束

昏刻月犯井宿東扇南第一星 辛丑以上元節賜文武羣臣

假十日陞錦衣衛指揮同知孫璣為指揮使璣 孝恭章皇后

之兄子也成化中以正千戶從征貴州陞前官至是復自叙其

年勞乞陞固有是命 癸卯晚刻木星犯靈臺星 寧夏地震

有聲 乙巳上元節免宴 命府軍衛指揮使魯鐸守備西寧

丁未 英宗睿皇帝忌辰 上祭奉先殿遣駙馬都尉周景

祭 裕陵 庚戌初以河南水旱災免弘治六年夏稅麥二十  
五萬二千七百石絲十四萬六千六百餘兩至是鎮巡等官復  
謂災重而免輕戶部請原免五分者今免七分原免四分半者  
今免六分四分以下遞減其都司樣田并各衛所屯田減免之  
數亦以是為差而開封等府六十七州縣并宣武等十三衛所  
去年秋田亦被災今覈實分數已至請如前例量免俱從之  
巡撫河南都御史徐恪陳四事一河患未已役鉅費多河南山  
東災傷民貧失業加以科率必不能堪請檢徐有貞塞河事例  
借撥九江淮揚等處鈔關折銀或荊州蕪湖等處抽分料銀各  
數萬兩以佐橋草之費一漕事甚重近歲軍病綱運民病加耗  
逃亡者過半請下廷臣議若京倉儲粟足支數年乞暫免歲漕  
四之一所免漕粟每石定例折銀若干令輸納太倉遇豐歲如

時估與米兼支則二萬七千餘軍得以蕃休二千七百餘船得以脩理行糧八萬餘石得以節省民間五十餘萬石之耗糧得以量減不無少裨國計一宗室日繁郡王等府第已有給價自造之例近又陳乞軍衛有司為之起造儀賓之居第如同唐等府舊皆自造近又定擬工料價銀此端一闕其害不可勝言乞一切裁省以紓民力一河南連歲災傷所免稅糧俱作存留其宗室及官吏師生軍士廩祿皆無所於給乞以今歲起運京糧暫存十一二以濟目前之窘自今年後夏米麥當輸納保定諸倉者量存三分之一以備廩祿之用如以京儲不可存留乞將往年河南被災糧米每石折徵銀二錢五分已輸戶部者准今歲起運之數以今歲該起運者改存本處以補歲支庶國計民情皆便下所司知之○辛亥改作陝西肅州嘉峪關考土以覈

扁曰鎮西樓 南京禮科給事中馬子聰等言去歲十月以來  
兩雪連旬陰雲蔽日十二月初二日夜雷電震耀風雨交作林  
木拔起無數而獨於 孝陵爲多民居破壞商賈罷市夫雷當  
以八月收聲隆冬盛寒忽有此異其所感召必有由然方今五  
穀不登閭閻愁歎六軍疲敝行伍怨咨而治獄之吏務在深文  
言事之臣多竄荒遠積此愁苦之氣上干陰陽之和災異之來  
未必非此請策罷兩京大臣之職者以勵庶官使各脩其政以  
安軍民仍初內外刑官務在以恕求情毋濫刑以逞見行條例  
有罪浮于情違背律令者刪之情罪相當有補律令者留之撫  
按憲臣所至須親錄罪因果非重情即時決遣以杜酷吏鍛鍊  
淹禁之弊往者言事譴謫之臣請勅吏部知加收擢或稍寬貸  
以示優容庶人心以和天變可弭南京監察御史劉琬等亦以

為言且請罷上元觀燈端午龍舟諸不經之費檢身修德用賢  
退姦以變災為祥轉禍為福俱下其奏於所司 八月祀建開  
星 士子賜晉府鎮國將軍鍾鎰第二子名曰奇健奉國將軍  
奇滿嫡第三子曰表棉 給秦府庶人公練等幼子誠沈誠消  
誠淪誠澹公鑄及公銷幼女人米米月一石五斗公鑿妻  
張氏公鉉妻邵人米麥月三石 以順天府所屬州縣直隸永  
清右等衛所水災薊州縣忠義中等衛所并馬蘭谷等營堡蝗  
災免私六年糧草有差 命故含山大長公主曾孫尹衡為南  
京國子監生從其請也 命鎮守衛指揮等郭英守備薊州以  
都指揮體統行事 先是大祀 天地有冒名竄入守衛軍伍  
中者東廠官校緝獲之坐營官泰寧候陳桓上疏待罪 上宥  
之仍罰俸三月 惜薪司奏歲派木炭六百萬斤不足供應乞

歲加二百萬斤工部覆奏謂所派已有定數去年詔免十分之三旋復如舊徵納近日又以柴折炭一百萬斤比之往年已為過取如恐缺乏則請追積年夫價逋負者用補詔免之半仍中或所司節用惜費廢貧民不至重困有旨加炭一百萬斤積逋之數仍急為追補（昏刻東方流星大如盞色青白有光自中天南行至近濁後三小星隨之 癸卯晚刻木星犯靈臺星

裁革浙江管理水利按察司僉事一員併其事于管屯僉事從巡按監察御史胡諒奏也 寧府樂安王宸滿奏臣父故鎮國將軍親鎰已追封王齋請加封嫡母夫人黃氏為妃禮部覆奏從之 甲寅山東按察司僉事宋禮丁憂服闋復除陝西按察司 以水災免直隸懷寧縣秋糧三萬三千八百六十三石有奇草五萬七千五百九十二包安慶衛屯糧一千五百四十八



石有奇、陞監察御史李吾為河南按察司僉事。丙辰陞直隸廣平府知府白明思為南京太僕寺少卿、南京吏給事中邵誠為南京光祿寺少卿。命直隸大名府弘治六年該輸京庫綿花絨及真定府布疋俱暫折銀絨一斤折銀一錢布一疋銀三錢。俟年豐仍舊。丁巳巡撫鳳陽都御史張璋言去十月至十二月內鳳陽等府滁和六安等州轟雷掣電雨雪交作又或陰霧四塞巡按監察御史史瑛亦言安慶太平等府自去年十一月月初以來霖雨大雪連月傾降冰雪堆集樹木倒折屋牆頽壞圩陂河塘俱被淹浸寒冷異常民多凍死俱命所司知之。昏列有星大如雞擘色青白有光東南行至濁。戊午賜杖江王府中牟郡君并儀賓諶富誥命冠服如制。命太子少保工部尚書賈俊之孫越為國子監生。海西兀者等衛野人女直

都督察安察等毛憐衛女直都指揮亦里哈等建州左等衛女  
直都督脫羅等建州右等衛女直都督尚哈等女直都指揮都  
列特等泰寧朵顏福餘三衛頭目影克土干等各來朝貢方物  
賜宴并衣服綵段等物有差 命京衛帶俸都指揮等官銓補  
各都司并外衛員缺者具色折色俸糧俱令隨任支給不許於  
原衛告之



大明孝宗敬皇帝實錄卷之八十五

弘治七年二月庚申朔辛酉吏科都給事中王質監察御史汪宗器等劾奏文華殿書辦大理寺右寺丞夏文振等違例乞陞請並行罷黜不從。府軍前衛副千戶徐義以其子晃及姪晟俱九歲能書大字乞送翰院習楷書禮部覆奏謂九歲能書不足為異義貪得無恥請斥絕之以為妄求進用者戒命晃晟送順天府儒學讀書出身。巡按河南監察御史涂昇奏山陝人孫騰霄等三十人三五為羣道過弓者以衣食誘之為傭隨其所至令守舍給炊爨繫騰霄等遊行市間視有富商巨家輒持貨與貿易論直高卑則以言激其怒相毆罵隨號眺而去夜則殺弓者昇至其門羣哭之揚言欲訟于官其人懼出財物求解乃復昇去焚之名曰販苦腦子前後殺十八乞重治其罪都察

院覆奏 上曰人命至重此曹乃以爲貨殖姦巧橫出所殺至數十人罪難輕貸其爲首者凌遲處死爲從者斬並梟首示衆仍榜于天下知之 壬戌 上御奉天殿傳制遣保國公朱永爲正使太子太保禮部尚書兼文淵閣大學士丘濬爲副使持捧節冊爲益王妃行納徵發冊等禮 以旱災免直隸徐州并所屬四縣私治六年夏稅麥三萬一百一十八石絲一萬七千一百一十八兩有奇 賜前軍都府都督同知吳英之母太夫人任氏塋祭如例 提督四夷館鴻臚寺帶俸寺丞于淵修理四夷館侵欺官物通政司帶俸經歷白珍喉館生發其事仍虛喝洲財物云爲分解法司會鞠得實命洲章職爲民珍并家屬發四川寧番衛充軍 成討溫衛都督同知康允辛賜祭如例 癸亥靈藏替善王喃葛堅叅已藏卜贊善王下都督指揮公

哈壁叅已藏卜各遣番僧遠丹等加渴瓦寺園師容中羅落思  
等及達思鑿長官司刺麻僧冊肯等各來朝謝恩進貢方物賜  
宴并衣服綵段等物有差仍回賜贖善王及都指揮綵段如例  
甲子禮部議上給事中馬子聰御史劉琬等所言修省裨災  
事 上從之遣保國公朱永告 天地駙馬都尉周景告 孝  
陵命兩京羣臣修省并極言時政得失軍民利病命都察院戒  
飭內外慎刑獄決輕重禁寬濫惟策先大臣起遷謫二事吏部  
以無指名及有奏行例皆仍舊 乙丑命錦衣衛正千戶楊昇  
副千戶趙良俱鎮撫司理刑 陞錦衣衛副千戶蔡遇為正千  
戶及其弟百戶遵俱與世襲遇遵淳安大長公子也 以旱  
災免湖廣襄陽河南南陽等府州縣并各衛所私治六年夏稅  
之半 丁卯釋奠先師孔子遣太子太傅戶部尚書兼武英殿

大學士徐溥行禮 戊辰祭 太社 太稷 遣順天府官祭  
先農之神 遼府枝江王恩錢薨王靖僖王嫡長子母妃王氏  
景泰六年生成化元年襲封至是薨年四十一計開輟朝一日  
賜祭差如制謚曰溫穆 庚午命私治六年七年天下戶口食  
鹽鈔仍折銀解京以備內府承運庫支用自八年以後則如舊  
例鈔鈔兼收以備司鑰庫支用 巡撫湖廣都御史韓文奏今  
湖廣方營建興岐二王府第又重修吉府三役並舉木石瓦甃  
之費難以預計其官匠人等餼廩計歲用銀四萬三千二百兩  
今工未及半不知將來所需其多幾何乞以荊州府抽分木植  
料價十之七以佐其費工部謂抽分料價專以備造漕運船及  
上供器皿之用器皿之造有時惟運船歲有定數決不可缺請  
行本部委官會計造船之餘暫留以助修建從之 辛未遣戶

部右侍郎佶鍾祭太倉之神。遷順天府官祭宋丞相文天祥。  
○大學士丘濬再乞致仕。命南京文武官俸糧該支本色者  
俱仍舊支米毋令折錄。○昏刻金星犯昴宿。癸酉授進士陳  
縉李允張顯武阜王選劉蘭郭瑀俱爲翰林院檢討侍諸王講  
讀。陝西漢中衛舍人陳添福故殺孤姪謀奪財產獄具都察  
院覆議以爲律於依例止於充軍恐不足以懲姦惡請旨。上  
命併當房家口盡發遼東三萬衛充軍永不宥仍著爲令。甲  
戌昏刻南極老人星見丁位色亦黃。乙亥加江西吉水縣知  
縣顧景昌俸二級仍管縣事以巡按等官言景昌在任九年深  
得民心故也。○裁革浙江管理水利按察司僉事一員併其事  
于管屯僉事從巡按御史胡諒奏也。丙子工部尚書賈俊履  
乞致仕。上曰卿既累以疾辭特允所請給驛還鄉命有司月



給米二石歲撥人夫四名廩用 命故南寧伯毛文之子良襲  
南寧伯 復設廣西按察司副使一員整飭柳慶兵備以其地  
去省治懸遠民夷雜居故也 先是虜入甘州平虜堡等處軍

士死者一人傷者六人掠去者五十八人既寢官命指揮等官  
支林等二十人並違問如律左副總兵張懷姑貸之仍罰俸三  
月 丁丑虜入古口地方殺運卒三人命罰分守右叅將王志  
倬三月與太監田亮俱戴罪殺賊哨守官逮治之 雲南曲靖

軍民所地震有聲如雷震倒軍民房屋二百餘間壓死三人

戊寅 景皇帝忌辰遣儀賓周鉞祭陵寢 復王越為都察院

右 在都御史致仕初越附阿太監汪直歷陞太子少保兵部尚書

兼左都御史尋封威寧伯加太子太傅其子春為指揮同知時  
指揮使斯為百戶一時氣餒可畏人多憤其開邊啓釁而莫之

敢言後直敗科道始交劾其罪遂草爵發安陸州爲民其子各  
除名既而越累躡稱寃 上命廷臣會議者不能執並錄其  
功過以請乃得是命併復其子春爲正千戶時仍爲百戶俱原  
衛所帶俸 已邗巡撫順天等府都察院右僉都御魏富乞還  
原籍養疾許之 宣府洗馬林堡運卒出境哨探被賊殺者九  
人命罰分守楊彪俸三月與太監謝遷仍戴罪殺賊其守備指  
揮程虎等逮治之 庚辰大學士丘濬再乞致仕 上曰卿老  
成諳練已有旨勉留供職不允所辭 命故建平伯高進之姪  
露襲平伯 辛巳賜府輔將軍偕泮偕瀉誥命冠服如制 賜  
楚府江夏王庶第三子名曰榮晉慶成王第四十二子曰奇  
浣四十三子曰奇汎代府鎮國將軍仕擴庶第五子曰成銷輔  
將軍成鏈第二子曰聰澳遼府輔國將軍思鈿第二子曰寵灑

壬午清明節遣駙馬都尉蔡震楊偉分祭長陵獻陵

景陵裕陵茂陵文武樹各分官陪祭遣儀賓周鉞祭

景皇帝陵寢遣內官蔡恭諫章皇后陵寢命巡撫河南

都察院右副都御史徐徐恪之孫璟爲國子監生從其請也

賜重慶大長公主通州田十三頃巡按監察御史韓明泰江西

南昌九江等府自去年夏秋霖雨水潦交冬風雪連綿沿江田

地盡被淹沒軍民房屋城垣圩蕩亦多浸壞萊麥牛羊凍死殆

盡十二月中大雪樹木結成冰小者根株盡倒大者枝柯壓折

屋瓦十室九破道路阻塞薪米騰貴小民大困命所司知之

癸未命楚府故嫠川郡君私治四年支過祿未免還官命以

原贖故御用監太監白俊武清縣莊田七十六頃還官工部

覆奏監察御史張泰等請免差織造內臣事謂蘇松諸府方以

災告民困未蘇宜從泰等所言上供之數本部請移文所司如  
式織造仍令撫巡憲臣督之其餘賞賜供用之類暫乞停免有  
旨仍遣官於工料都給事中王敬等亦以爲言謂 陛下去歲  
嘗災異召還差去官員中外臣民無不稱便儻以前日之舉爲  
當則於今日廷臣之議必能俯從不允 命湖廣武昌府月給  
安置 人祐柄等及眷屬十五人各米三石子女四人各米  
麥一石五斗使女三十一人各米一石歲給布絹各一匹 都  
察院擬上榜禁天下十事一縱容盜賊一罰害軍民一淹禁罪  
囚一虐害小民一科差姦弊一不遵信牌一積年民害一濫罰  
歛劄一光徒害人一賭博爲非仍責令巡按御史舉行無事文  
具從之 乙酉以旱災免山西平陽府所屬州縣及平陽等六  
衛所私治六年糧草之半 丙戌陝西外夷阿木的卜哈東風

王家山哈多等族番人端古等來朝貢物及佛像馬匹賜宴并  
綵段衣服等物有差巡撫寧夏都察院右副都御史韓文乞致  
仕不允 命以保定真定河間三府預備倉糧減價糶三分之  
一以濟饑民俟豐歲則以今所糶之價糶補之 丁亥改南京  
禮部尚書劉璋為工部尚書 巡撫山西都御史張敦華奏解  
州鹽池乃天產自然之大利每年額辦鹽課止四十二萬引其  
餘無窮之利不取於官不濟於民委諸無用良為可惜乞著為  
定則除額辦外仍以三十萬引充糧餉戶部覆解州陸運艱阻  
往年額鹽尚多停滯若復加以前數恐價直愈賤額鹽必為所  
阻宜暫行一年試其有益與否別為議處從之 戊子戶部覆  
奏監察御史張泰所陳二事一均平賦役謂莊王田及皇親等莊  
田雖過災傷不得比軍民田地量免徵稅請自今令所在有司

將軍民田別皇莊等項通行踏勘議定該免分數一體徵一賑恤因窮謂山東河南湖廣兩直隸被災之後民不聊生牛具種子皆竭請行各巡撫都御史諭令所屬正官勸相賑給中有徒事虛文惠不逮下者以不職罪之上曰皇莊皇田遇有災傷仍令管莊人員奏來處置餘從所議命以太倉銀二千兩給光祿寺上供之用己丑中宮千秋節命婦朝賀賜各王府慶賀官員人等鈔幣有差



大明孝宗敬皇帝實錄卷之八十六

私治七年三月庚寅朔辛卯賜新寧伯譚祐之母夫人張氏  
祭葬如例壬辰裁革河南布政司管糧叅政南陽桐栢二縣  
撫民縣丞直隸滄景二州管河判官交河吳橋南皮興濟東光  
靜海青元城八縣管河主簿望江縣縣丞主簿浙江餘杭縣治  
農縣丞直隸慶州鷓鴣堡并長安嶺二倉收糧吏目各一員  
巡撫延綏都察院右副都御史劉忠乞致仕許之福建龍  
溪龍巖二縣地震有聲癸巳陞大理寺左少卿屠勳為都察  
院右副都御史整飭荊州等處邊備兼巡撫順天等撫地方  
命大寧都司都指揮劉安之子勛代原職保定中衛指揮使  
貴州苗賊平鎮守貴州太監江惠總兵官顧溥都御史鄧廷瓚  
都督僉事王通等會調官軍土兵征勦都勻長官司寨苗七富



架長脚等分路並進兵備副使吳倬等遣熟苗詐降也富架誘令入寇因伏兵擒之并執其二子諸路乘勝深入抵其巢穴擒長脚并其子阿網凡破一百一十餘寨斬首俘獲萬餘捷聞命降勅獎勵惠等奏捷人陞錦衣衛所鎮撫賜衣一襲鈔一千貫

甲午晉府革爵方山王鍾鈺奏復爵不允 乙未致仕工部

左侍郎杜謙卒謙字益之直隸昌黎人景泰五年進士授工部主事管理呂梁洪三年考滿改禮部主事陞員外郎郎中用尚書姚夔薦擢浙江右叅政歷左右布政使召為順天府尹尋陞工部左侍郎成化二十三年為言者所劾因陳乞致仕許之後以詔書恩進階資善大夫至是卒賜祭葬如例謙少有孝行居浙江時人稱為重厚長者子源亦第進士官至青州知府漢以官主今為上林苑署丞 丁酉命察院右副都御史翟瑄之子

鑑爲國子監主從其請也禮科都給事中呂獻等言每歲初夏例縱釋繫囚管杖輕重多從宥免徒流以下減等發落重囚情可矜疑者具奏定奪正所以長民命而壽國脉也但此例獨行兩京而未及天下乞勅三法司議擬南北直隸則巡按官督同諸府縣官各布政司則鎮巡官會同三司官各準兩京例每於四月慮囚廢刑獄無寬戶科右給事中王綸亦爲言謂近年在外官多有貪酷不仁圖小利而故勘平人逞私忿而非法凌虐有因拷訊而死者則搜求細事誣曰因公因久禁而死者則虛補文移號爲有病乞勅法司申明條例情可矜疑者卽爲平反不拘成案仍行天下問刑官不許仍蹈前非如有致死者雖曰因公亦必原其情之輕重脫或有病亦必究其事之大小如或任情故違卽以其罪罪之上命法司議處聞奏法司議謂舊

例在外罪囚五年一差官審錄今請不拘此例每年四月以後各處撫按等官會審八月以裏題奏其有酷刑官請降調遠法外刑人至死者除名爲民 上曰酷刑官員其令巡撫等官嚴加訪察依法問擬奏聞處治不許輕縱會審差官仍照舊例行 戊戌賜代府鎮國將軍成錫嫡第五子曰聰濬聰淖嫡第三子曰俊樞聰淖庶子曰俊橙輔國將軍成振庶第二子曰聰溟聰濼庶第二子曰俊柚第三子曰俊樞鎮國將軍鈗鏢子曰勛瀋鈗鏢嫡第一子曰勛瀋楚府鎮國將軍均鏈庶長子滎濬寧府輔國將軍覲鑒嫡子曰宸灑晉府輔國將軍奇液第三子曰表探韓府輔國將軍徵釘嫡第三子曰偕沮 陞廣西慶遠府知府汪溥爲廣西按察司副使整柳慶兵備 命戶部運太倉銀五萬兩於大同四萬五千七百兩於宣府四萬兩於寧

夏三萬兩於榆林准私治八年歲例之數 己亥命故惠安伯  
張瓚之子偉襲惠安伯 旌表孝子三人節婦五人致仕序班  
夏璠順天府宛平縣人主員徐河山西陵川縣人俱以親喪廬  
墓三年沈輔嘉定縣人養母時大雨不止輔號祈晴忽聞霹靂  
畢雨復如故俱旌其門曰孝行王氏福建侯官縣舉人林玠妻  
周氏建安縣民楊仕儀妻魏氏湖廣石首縣人知縣周鑄妻錢  
氏山西朔州衛舍人董儀妻汪氏直隸婺源縣民江燦妻俱夫  
亡守節無玷俱旌其門曰貞節遼東廣寧等衛狂風大作晝瞑  
有黑殼蟲墮地大如蒼蠅久之俱入土又瀋陽錦州塚塋為大  
風所仆者百餘丈又野火燒唐帽山堡人馬多死傷者 庚子  
陞山東布政司右布政使熊繡為都察院右副都御史巡撫延  
綏 給南寧伯毛良祿米歲一千石本色折色中半兼支 以

水災免直隸懷等縣秋糧三萬三千八百六十三石有奇革五萬七千五百九十二石安慶衛屯糧一千五百四十八石有奇壬寅賜隰川王府輔國將軍成鏞并夫人雲丘王府輔國將軍表樟表揭誥命冠服如制賜晉府武陵郡君并儀賓張彬肥城郡君并儀賓盧傑誥命冠服如制調河南布政司右叅政李濬于山西以管糧裁革也陞雲南布政司右叅政方守為湖廣右布政使山東按察司按察使柳淳為山東右布政使先是戶部郎中唐錦舟督理遼東糧儲總兵官都督僉事李果等奏其出納無法乞徵還且言郎中係添設官宜從裁革戶部議錦舟往纜數月果等文章論奏必其立法過嚴權要不得包攬實窩輒生異議遂欲中傷之耳果以城守制戎為職錢糧非所當預若從所請則遼東歲儲半入權門益利多歸勢要將

未盡弊日滋咎將誰歸宜令錦舟守職如故仍諭總鎮等官須  
同心輯睦共成邊務或有假公濟私交構排陷者聽科道劾治  
命徵還錦舟別遣官以往 建州左衛都指揮使保能之弟曰  
伏當加成化間嘗率衆犯邊朝廷命將征之則遠遁山谷遣官  
撫之則伴爲面從如是者數矣至是又擅取保能原領勅書冒  
名入貢且求陞都督不得因以起釁爲同類發其事 上命三  
法司會官譯審於朝具得本末命仍下錦衣衛監候處置 甲  
辰命遼東義州衛帶俸都指揮使白欽備禦廣寧乙巳陞河南  
汝州知州彭綱爲河南按察司僉事以巡撫都御史徐恪薦也  
陞工部郎中李韶爲雲南布政司右叅政戶部郎中康紹宗爲  
河南左叅議南京刑部員外郎舒玠爲廣東按察司僉事陞大  
理寺右少卿顧佐爲本寺左少卿 四川布司右叅議陳睿丁

憂服闋優除湖廣布政司 調浙江按察司僉事伍性于山西  
以管水利裁革也 給建平伯高露祿米歲一千三百石本色  
折色中半兼之 起致仕浙江按察司按察使于大節為山東  
按察使以巡按御史周瑛武衡薦也 司禮監太監韋寧大理  
寺丞王嵩錦衣衛都指揮陳雲奉命往湖廣勘刑庭人見滿事  
至是其實奏上賜之初曰得爾寧等勸報見滿奏其弟樊山上  
見滿與楚府永安王等事情俱係誣捏又因得見滿諸不法事  
法司論其窮兇極惡國法難宥已令自盡其子女祐柄等并官  
眷封號者俱從降革具見管理府事都梁王勅內勅至爾等啓  
知都梁王召祐柄等到府依勅施行勅都梁王祐欄日庭人見  
滿先以戕害骨肉敗壞彝倫罪大惡極削爵降為庶人使居西  
內猶不知悔悟捏奏樊山王見滿不法諸事至誣以與楚府永

安王等謀為不軌陷之大逆再差太監等官韋自等往勘供無實跡乃因得其多置弓弩暗收器械等事邪心異謀悉皆彰露天地所不容國法所不宥己令於西內自盡其子女等例該降革令特勅爾拘召世子祐柄虞城王祐楮洛安王祐橙廣濟王祐槐到府令其止跪面諭勅旨革去封爵俱降為庶人銅陵續溪二郡主并儀賓及官眷有封號者亦從革革還發武昌城內各量撥房屋居住照例給與柴米等物養贍樊山王見濛雖勅有小過然以其能奏發見瀟異謀潛消一方大害特從輕寬宥自今各宜安分守法省愆遷善毋再妄為以干憲典其欽承之故勅 丙午命故錦衣衛都指揮僉事季成之子英襲原職指揮同知 丁未賜通政使司左通政陳琬父表祭如例 故太子少保兵部尚書張鵬之心弦嘗得請為國子監生未及事



而已至是其孫弟復援例乞恩許之 戊申命兩直隸有司官督民捕蝗每捕得一升者予米二升 己酉巡撫貴州都御史鄧廷瓚以年老乞歸 上曰廷瓚勤平叛夷朝廷方有勅獎諭何為遽欲乞歸其令用心治事 晉庶人鍾鏗之母夫人彭氏再奏乞復鍾鏗冠帶 上曰鍾鏗以傷壞倫理降為庶人累來奏擾不許 代府襄雅王成紆再奏乞復武邑王聰沐之爵且欲自來京陳其事 上曰聰沐有罪降革難以嗣爵襄雅王何為煩詞奏擾又欲違例來京不許 辛亥賜故致仕禮部右侍郎艾福繼母王氏祭葬如例 刑科給事中林霄成化中奉詔使暹羅歿于其國至是其子菲援例乞請書國子監自效 上曰以死勤事古人所恤林霄奉使歿于萬里外情亦可憫其子菲奏欲送監請書非尋常濫乞恩澤者比特允之 巡按廣西

監察御史祁司員奏廣西府縣民搖雜居出沒為盜派官巡檢不諳其俗請於各巡檢司增設土官副巡檢一員其近賊之地原無巡檢司者亦多設土官副巡檢以治之又兩廣舊設遊擊將軍後因事裁革賊遂縱橫乞復設以便擊賊兵部覆議謂宜添設副巡檢有罪者一體降罰有功者予孫傳襲遊擊將軍令常在梧州聽調殺賊從之 山東登州府地震有聲遼東蓋州衛地震有聲如雷次日復震 壬子周府河清王同鏞薨王懿王第七子母余氏天順八年生成化九年冊封至是薨年三十二計聞輟朝一日賜祭葬如制謚曰昭和 工部言頃河決張秋命副都御史劉大夏往治之今聞河防修築未完自臨清至沛縣運河俱淤淺而管河郎中陳綺方在彼董役恐不能周歷諸地本部欲遣屬官有幹局者往會大夏計處以相其成遇淤

沒之所則多方疏濟事畢而還從之。癸丑浙江按察司僉事張信丁憂服闋優其原職。都察院擬上榜禁天下十事一縱容盜賊一罰害軍民一淹禁罪囚一虐害小民一科差姦科差姦弊一不遵信解一積年民害一濫罰紙劄一兇徒害人一賭博為非仍責令有在巡按御史舉行無事文具從之。甲寅命湖廣武昌府月給安置廢人祐柄等及家屬十五人各米麥三石子女四人各米麥一石五斗使女三十一人各米一石歲給布絹各一疋。分守通州等處署都指揮僉事王宣因公致死人命罰俸兩月仍追埋葬銀十兩給死者之家。乙卯命河都司故都指揮僉事梅秀之子玉襲原職私農衛指揮使。丙辰山西解州空中有星大如盃俄散而為五各長數尺焰騰似火既而天明有聲如鼓。河南陝州有星大如斗光芒照地自東

南派于西北零散而隕有聲如雷○丁巳命革爵臨川王之孫  
宸瀟并妻及孫女人月支米一石五斗婦陳昱月支米六斗○  
山鎮守劉政按察司兵備副使胡漢守備署都指揮王儒劉淮  
修築偏頭關邊牆一百二十五里補黃河邊牆二千六百餘丈  
添築寧武墩堡十座挑浚橫山壕塹長二里添築鴈關牆及剗  
削壕塹共五十八處奏上得旨以政等修築有功賜綵段有差  
○戊午賜永康公主順義縣地二百三十一頃有奇

大明孝宗敬皇帝實錄卷之八十六終

明孝宗敬皇帝實錄卷之八十七

弘治七年四月己未朔孟夏享太廟○遣內官祭司竈之神  
○辛酉南京刑部尚書鄭時復乞致仕不允○命南京文武官  
員折色俸糧俱錢鈔中半兼支○禮部覆奏辦事官鄭善桓所  
陳嚴學校一事謂天下學校生員額外濫收者多然科貢各有  
定額往往淹滯衰老及登仕途遂至昏耄若不嚴加考選未免  
賢愚同滯請令各處提學等官通將各學生員考選存其年貌  
問學堪中者否者黜之若考官偏聽徇情聽巡按御史劾治仍  
將去留名數同明年科舉兩繳部以憑稽考各年歲貢生公文  
內亦須備開經某官選留之數若仍有衰老及鄙猥殘疾并內  
府考試不中者即將原考選官名移文吏部不與推陞任滿不  
許加級以此簿示勸懲自後悉遵舊例三年一行凡遇廉膳有

缺須於增廣內選補若無可選寧缺以待不許將別學增廣調補以啓奔競之風奏入 上從其議命行天下如例考選必嚴必公毋得視爲常事○壬戌陞通政使司右通政毛倫爲本司左通政○致仕右春坊右庶子兼翰林院侍講王臣奏往年嘗效勞講讀後爲御史魏璋誣陷與少詹事程敏政同致仕今敏政已起用惟臣尚員寃抑乞賜辯雪吏部覆請 上曰王臣既與程敏政事體相同准復原職○琉球國中山王尚真遣正議大夫梁德等奉表來朝貢方物賜宴并絲段衣服等物有差回賜王錦段等物如例○代府儀賓韓子純生誼馮財物行止有虧命納米完日華職閑住○甲子賜晉府鎮國將軍奇濠輔國將軍奇滄奇浚奇濬奇潛奇滿表祠表權表擲表神代府奉國將軍聰涸懷仁王府鎮國將軍聰涸誥命冠服如制○陞南京

通政使司經歷張昂為四川按察司僉事陝西洵陽縣知縣蔣昂為湖廣僉事昂等先以監察御史降調至是因災異陳言舉用也○命故南寧伯毛文建平伯高進支過祿奉俱免還官○命廣東都司都指揮僉事王永充廣西遊擊將軍○宥韓府儀賓文顯宗死顯宗與樂平王宮妻私通獄具法司當以大辟秦安郡君秦顯父母俱年老別無他子侍養顯宗死則翁姑亦隨之願以身代顯宗死 上以郡君故宥之命杖之百革職閑住其宮妾仍賜自盡○乙丑賜楚府通山王庶華七子名曰顯標輔國將軍榮沁嫡長子曰顯祭奉國將軍榮漣庶第六子曰顯標韓府西德王庶第八子曰旭條荆府樊山王嫡長子曰祐楷庶第二子曰祐栢第三子曰祐揆第五子曰祐柝第六子曰祐杓晉府鎮國將軍鍾域嫡第五子曰奇汾奇淮庶子曰表枸庶



人美洽庶第二子曰鍾鉅鍾錕子曰奇淳奇泚庶長子曰表扛  
奇福嫡長子曰表枕奇淑嫡第二子曰表秩瀋府鎮國將軍詮  
錡嫡第一子曰勛溥詮鉸嫡第二子曰勛溥代府鎮國將軍仕  
在庶第六子曰成鍾第七子曰成錄輔國將軍成錡長子曰聰  
灑韓府奉國將軍偕滋庶子曰旭撫○丙寅調福建布政司右  
叅政魏瀚于江西以裁革攷也○給惠安伯張偉祿米歲一千  
石本色折色中半兼支○禮部尚書倪岳等以災異陳言時政  
一謂司苑局種菜軍一千名皆五府屬衛差撥應役管局內官  
多令出免役錢逃亡者責衛官代出甚至破蕩家產成化間設  
嘉蔬千戶一所專理其事上下稱便內官尋奏革之請復設馬  
宜一謂內府軍匠多為內官辦納月錢逃亡者不聽註銷清補  
惟今本衛官代納雖屢有嚴禁而其弊如故乞令該衛有逃故

者即移文各監局註銷馬宜兵部覆奏以爲可行皆不允○已  
已陝西莊浪衝地震有聲○庚午撫治鄆陽都察院右副都御  
史王道乞還原籍養疾許之仍令待疾愈日所司具奏起用○  
壬申致仕南京太常寺少卿牛綸自陳嘗侍 憲廟於音宮講  
讀乞比少詹事柯潛及司馬恂事例錄其子讓於中書舍人習  
字出身許之○甲戌 仁祖淳皇帝忘辰 上祭 泰先殿○  
先是內府供用庫奏乞移文廣東買辦馬牙香數萬斤戶部執  
奏無例至是查有成化間兩次買辦例檢舉罪得旨命買香  
五萬斤陸續送用戶部既檢舉堂上官停俸一月該司官兩月  
○乙亥增設雲南陸涼州流官知州元謀縣流官知縣各一員  
改設馬龍州流官知州一員以巡撫都御史張誥等言陸涼元  
謀土官知州知縣俱有政未襲馬龍州土官知州故絕也○丙

子吏部尚書耿裕等言致仕南京通政司右通政強珍陝西布政司左叅議王徽昔任譚垣俱忠鯁可尚今年力未衰乞並起用上以珍徽既自陳致仕已之○陞陝西布政司左布政使沈禪馬都察院右副都御史撫治鄆陽○戊寅四川長河西古墩地面尊勝等寺寨清修胡善大國師怕思巴領占巴藏卜達禪師領占星吉等西番大崇教等寺番僧剌麻失勞等來朝貢方物賜宴并衣服綵段等物有差○己卯巡撫大同都御史侯恂言大同城中舊設大有并西南三倉設大使一員副使三員今重修大同後衛舊倉請更名大有東倉合大有南倉增置大使一員副使二員其大有并大有西倉令舊官領之而裁一副使戶部議覆從之○初廣西守臣前後捕斬右田穡賊之殺前副總兵馬俊等者已垂盡惟首賊黃鑑成一人久不獲至是分

守柳慶右叅將政善以計擒之魏鎮等官上其功并言分守叅  
政程廷珙分巡僉事陳姓亦與有勞請各量賞之以示勸兵部  
覆奏從之○庚辰 仁祖淳皇后忌辰 上祭 奉先殿○南  
京守備魏國公徐備等言軍政管屯各有司存今天下都司衛  
所屯糧年終不完者都司管屯及衛所掌印管屯并有屯種官  
家停俸經一歲不完者都司掌印衛所僉事及首領官按察司  
管屯官並停俸是因屯糧罰及軍政似為未平戶部覆議謂掌  
印官亦難解責請自今年終不完者先將管屯及有屯種官家  
停俸經一歲不完者乃及掌印并按察司管屯官其餘書軍政  
首領官勿論從之○辛巳賜慶成王府安湘縣君并儀賓郭舉  
臨洵郡君并儀賓王仲寧南里縣君并儀賓張達善禹縣君并  
儀賓田紫靈丘王府儀賓郭君并儀賓高尚仁羅白縣主併儀

賓王良臣趙府恩縣縣主并儀賓薛振山陰王府寧鄉縣主并  
儀賓孟繼儒慶府英德縣君并儀賓夏琳韓府澄城郡君并儀  
賓徐尚質合江郡君并儀賓張友潘府岳陽郡君并儀賓劉環  
秦府融縣縣君并儀賓吳崇禮宜山郡君并儀賓祝讚誥命冠  
服如制○陞錦衣衛百戶樊瑤為本衛副千戶并其兄五十戶  
琦俱世襲琦瑤皆廣德大長公主子也○內府織染局以匠役  
逃亡者多乞於京衛軍餘揀選壯丁一千名習學工作兵部執  
不可請就本局人匠中選切丁三百名上從之仍令原逃亡  
者所司速為清解補役○壬午掌太常寺事禮部左侍郎致仕  
丁永中卒永中大興縣人由神樂觀樂舞生選授太常寺贊禮  
即歷陞協律郎本寺丞少卿卿至禮部左侍郎仍掌寺事弘治  
三年言者劾令致仕至是卒賜祭葬如例永中以黃冠廁薦紳

列五十餘年生既獲封贈其父祖如己官卒乃獲沾三品寵卹之典視士夫著勳烈者無以異亦異事也○癸未命山西行都司都指揮僉事陳懷之子紀代原職雲川衛指揮使○乙酉陞福建布政司右布政使葉萱為江西左布政使○內閣制勅房書辦太常寺卿林章為其妻淑人董氏乞祭葬禮部覆奏三品官妻無祭葬例上以章歷任年久且見吏正二品俸特允之○貴州守臣械送都勻長官司苗賊長脚等至京上命法司會官廷鞠之凌遲處死者十一人斬者二人俱不必覆奏貴州前衛指揮李准千戶劉澄以押囚不謹致長脚在道自盡贖杖還職○丙戌初廣西按察司罪囚越獄遂越城而逃撫巡等官劾奏按察使傅希說及守城指揮王黼裴綱等罪下巡撫官鞠問俱坐贖杖還職得旨希說職掌刑獄黼綱職守城池乃縱容

重囚與獄卒內外通謀越獄越城官守安在是不可以常法論  
希說降二級別用黜綱各降一級帶俸差操其巡城守鋪等官  
指揮范琛等六人仍逮問如律○丁亥衛王奏以前賜豐潤縣  
莊田有不堪耕種者命於餘田內再撥一百五十頃給之○命  
總督兩廣都察院右都御史閔珪之孫宜勤為南京國子監生  
從其請也○濬南京天潮二河以備水軍左等衛屯田水利從  
南京戶部尚書秦紘奏也○丁亥 上以天氣炎熱命兩法司  
錦衣衛將見監罪囚笞罪徒流以下無干證者釋之減等發落  
重罪情可矜疑并枷號者具奏以聞於是免枷

明孝宗敬皇帝實錄卷之八十八

弘治七年五月戊子朔○辛卯命高侯蔣驥歲祿一千五百石  
本色折色中平兼支○壬辰端午節免百官宴○癸巳賜濱府  
沁水王嫡第四子名曰勛潛魯府輔國將軍當滿嫡長子曰健  
槩遼世子寵沒嫡第二子曰致格濱王長子勛溱嫡第二子曰  
胤權鎮國將軍勛淑嫡第一子曰胤權寧化王府奉國將軍奇  
洲嫡第二子曰表榭代府鎮國將軍仕堊嫡第四子曰成錕輔  
國將軍成鎧長子曰聰涖慶府鎮國將軍台潛嫡第三子曰嘉  
机輔國將軍寘鏡子曰台漳台源○夜北方流星如盞色青白  
光燭地自紫微垣東藩外行至文昌尾跡炸散○甲午代府靈  
丘王教授謝謙以王長子成致儒雅薦孝王存日日再問安無  
間風雨寒暑王有疾親嘗湯藥衣不解帶每顛天頭以身代及



王薨哀毀獨絕良久方蘇水漿不入口者四日寤苦枕塊未嘗少離喪次徒跣送葬行四十餘里畢結廬墓側有野獸如虎旋繞墓域後以母命不得已乃歸請賜褒嘉或表以坊牌俾宗室知勸 上賜勅獎諭之勅曰爾以朝廷懿親克敦孝行比教授謝謙等具述其事奉朕覽之良用嘉悅惟國家以孝治天下凡臣民有孝行者必命有司旌異况宗室乎是用致書褒獎且以風厲諸藩同修美德爾尚移孝為忠益盡克輔之功均享承平之福豈不美乎故諭○乙未陞福建按察司按察使張玉為福建布政司右布政使廣西右叅政楊守隨為廣西按察使○戶部言凡公侯伯襲爵之初其祿米多寡本色折色之數具有成命不可改易今後有濫乞加給改給者請許科道官劾其罪上從之命今後有乞息加祿者本部仍備查原數以聞○丙

申兵部左侍郎呂震卒震字天章直隸安州人舉鄉試選授陝西道監察御史時東夷弗靖左都御史李秉出師震奉旨紀功遷擢南京通政司右叅議丁內艱服闋改南京光祿寺少卿出納有度以事簡故名益彰未幾陞太僕少卿不避勞劇馬政克舉以薦擢都察右僉都御史巡撫延綏有防禦功尋擢兵部右侍郎遷左侍郎練達邊務至是卒訃聞賜祭葬如例震性夷曠不為矯激遇事善裁決待物多從厚博涉群藝論象緯有驗祿命亦多奇中云○陞山東按察司副使朱璠為福建按察使直隸淮安府知府徐鏞為廣西布政司右叅政南京吏部郎中孫珩為廣東左叅議○丁酉 太祖高皇帝忌辰 上祭 奉先 殿親國公徐浦承命祭 孝陵○戊戌給晉王鍾鉉河東運鹽司食鹽歲五十引○欽天監天文生聞顯言五事一謹齋戒京

官凡遇齋戒惟大臣在衙門宿歇而屬官不至至者又或飲酒不謹宜行禁約一遵制書近在外布政司等官到京每年各以曆餽送或貨賣京民至以易食物輕棄國制乞行禁治一觀天文六年十月庚辰二鼓東有星如難彈大青白色光起柳宿東行至迤渴四鼓南有星亦如難彈大光起南河東南行至迤渴尾跡炸散十一月甲辰夜三鼓太陰與司怪星相犯本監官將二難彈大星改作彈丸大太陰凌犯隱匿不奏且本臺官例與天文生上臺協同觀候多兩情不行乞許天文生呈究一明事例京官軍民勢豪之家奢靡相尚婚姻醮會率用大棗餅錠糖繅高頂獅人渾金衣服寶石首飾越禮僭分無所不至先年累有禁約未聞問發何人乞勅該部嚴加申明一公考試兩京應試生儒人等舊例止許二千三百有餘司小試者拘此一縣或

所取多不過七八人少不過一二人乞不拘以名數但文理平  
通者取之入試則人才無所遺下禮部議以爲舊例京官大小  
俱齋宿者惟大祀 天地爲然如 太廟 社稷等祭惟陪祭  
執事等官齋宿餘無所預今顯欲大小官凡祭皆一體齋宿紛  
擾難從其所言齋宿不謹聽科道并點間官劾治欽天監違曆  
頒行之後即分布內外各衙門蓋欲小民知耕作早晚之宜識  
吉凶趨避之道所宜遠近通傳京城官吏軍民何止數千百萬  
家監歷安能遍及以故每年各布政司曆流傳到京資助分布  
顯不諳大體輒欲禁革遂使公用之制書下同違禁之私物宜  
行天下凡監曆傳布出外及各布政司曆傳而來京者俱勿禁  
中有貨賣及易物者許巡按巡城御史并五城兵馬捕砦之內  
靈臺天象小者俱不該占奏其言臺官上臺觀候宜行本監查

例遵守但靈臺郎李英擅圍註二雖字及本監參顯假陳言以  
泄私忿俱當究問其言奪靡事宜申明舊禁如有仍前借用違  
式者許科道官指名糾劾及該巡城御史錦衣衛五城兵馬司  
緝拏治罪各處鄉試因先年入場人衆難於供給俱有奏准定  
數遵行已久若不拘額數恐一時任意增添僥倖愈多徒爲紛  
擾 上是其議令只照奏准及先例行顯挾私奏擾并李英刑  
部俱違治二次流星例不占奏仍令吳吳張紳具實以聞既而  
吳等伏罪 上曰爾輩職專占候天象失於占奏法當究治既  
伏罪姑宥之○然南京兵部郎中姜性爲民先是南京守備太  
監蔣琮奏性違威擅權欺凌軍職承委修運河輒於宿州禹廟  
後砌建生祠塑己像其中及假托修造會同館武學侵剋在官  
皂肆銀賭不法事 上命刑科給事中任倫刑部郎中盛洪錦

衣衛千戶趙良御史劉璋堪問未結而琮復奏性潛易素卷倫等阿附掩飾又奏南京兵部員外郎袁廉侵欺馬快船價事亦連性性具疏自辯會南京廣洋衛指揮同知石文通亦奏琮開掘聚寶山有傷 皇陵王氣及毆死商人占役軍匠侵奪官地私造馬船諸罪琮又屢奏不已株連蔓引幾數百人遂成大獄刑部乃奏差司禮監太監趙忠同大理寺右少卿馬中錫錦衣衛都指揮僉事楊榮會勘至是獄具性坐入己職革職為民南京兵部主事姚璽為性補易案卷贖徒還職餘坐罪有差時南京兵部侍郎王繼以不舉墟罪為忠等所奏繼適考滿至京遂逮就都察院獄擬時杖還職命宥繼罪琮等俱逮問所掘聚寶山口今南京守備等官填補性小有才喜事好動欲以躡取通顯卒用是致禍既而疏求復官會司禮監官奉命刑部錄囚性

就堂下膜拜哀鳴不已聞者皆笑之○己亥 仁宗昭皇帝忌

辰 上祭 奉先殿遣駙馬都尉游泰祭 獻陵○先是四川

松潘空心寨番賊寇邊分守部指揮僉事李瑄督軍敗之獲首

級四十三器械牛羊頗衆至是覈實賞錫絲段二表裏銀十兩

守備指揮徐勲以下陞一級者十有五人其餘官軍百三十七

人給賞有差○庚子命南京內外城守門關餘丁月支口糧人

三年從南京守備成國公朱儀等言也○晉府慶成王鍾鑑復

陳情乞恩謂其長子奇瀆自革去冠帶漸知悔悟乞復令冠帶

代理府事 上曰奇瀆原杖死無辜人命數多已從輕貸之矣

王乃累來奏擾下己不允○癸卯命戶部右侍郎秦民悅之子

養浩為國子監生從其請也○甲辰命內官監太監李興平江

伯陳銳往同都御史劉大夏治張秋河決賜之初曰朕惟天下

之水黃河爲大國家之計漕運爲重即今河決張秋有妨運道先命都御史劉大夏往治之未見成功茲特命爾等前去總督修理爾等至彼會同大夏相與講究次第施行仍會各該巡撫巡按并管河官自河南上流及山東直隸河患所經之處逐一躬親踏勘從長計議何處應疏導以殺其勢何處應修補以防其決何處應築塞以制其橫潰何處應浚深以收其泛濫或多爲之委使水力分散以瀉其大勢或疏塞並舉使挽河入淮以復其改道雖然事有緩急而施行之際必以當急爲先今河既中決運渠乾涸京儲不繼事莫急焉爾等必須多方設法使糧運通行不致過期以輕歲額斯爾之能然此乃國家大事或勅內該載不盡事理爾等有所見聞聽爾便宜而行其一應合用竹木麻織等料應役軍民夫匠人力如原先料派起集不勻方



許量為加添不可輕人言過為科差恒念此時瀕河軍民方困  
機疫不幸值此大役甚不聊生萬一功有不成物為徒費或生  
他變悔之何及各該司府州衛等衙門委任集辦并借用順帶  
夫料等項不許推調稽違誤事有應奏聞者奏來處置其見用  
官屬非不勝任者不必改委所委文武職官敢有誤事作弊者  
輕則聽爾量情責罰重則文職五品以下擊送問刑衙門問理  
四品以上方面軍職參奏究治爾等受茲重任必思廉以律已  
勤以建功廣詢博訪事不必專於一己深謀遠慮計必出於萬  
全仍禁戒下人使不敢怙勢作威以凌人招賄受惜物用使不  
至假公營私以浪費胥吏所用軍夫尤宜用心撫卹必使勞逸  
均平不至失所如此則後不徒興而大功可成矣不然則勞民  
力於無用之地棄民財於不測之淵咎將誰歸爾等其欵承朕

命母恚母恚○甲辰陞監察御史未幾為山東按察司副使陝西臨洮府知府張振為甘肅行太僕寺卿○昏判木星犯靈臺星○乙巳賜瀋府鎮國將軍勳濟魯府輔國將軍當渤當瀨當汗當潼晉府奉國中尉表檄周府輔國將軍同錡同錡誥命冠服如制○賜周府南雄郡君并儀賓張純誥命冠服如制○陞南京吏部右侍郎童軒為南京禮部尚書兵部右侍郎張海為本部左侍郎都察院左僉都御史李介為兵部右侍郎○以水災免直隸徐州及豐沛二縣弘治六年秋糧八千三百四十三石有奇草一萬四百五十餘包○命下致仕監察御史倪進賢及聞住知府沃頌于錦衣衛獄進賢徽州府人由廣吉士為御史素無行檢娼事大學士萬安士夫醜之初按四川多納賄及按宣府貪縱益甚序班錢金者其妻弟也私至宣府以事屬進

賢不從遂嚙傷其指進賢乞養病安底之乃得致仕頌寧波人由御史降內卿知縣時有當道過其境頌威供帳厨傳以逢迎之遂得知荊州頌頗有治才在荊州王府軍職不敢縱肆然性狠暴持已亦多不謹朝覲者黜冠帶聞往至是二人皆潛至京師賣緣求復起為科道所劾故下獄既而贈杖乃命致仕聞住且令兵馬司催併回鄉不許在京潛住○丙午命陝西行都司都指揮使李清守備永昌○戊申給晉府故鎮國將軍仕堦夫人米歲三十石○命陝西都司都指揮僉事張瀨守備莊浪紅城子堡○開設貴州都勻府陞九名麻哈二長官司為獨山麻哈二州并改清平長官司為清平縣州縣皆屬於府府帶管都勻邦水平州平浪四長官司其爛土豐寧二長官司獨山州領之縣及平定樂平二長官司麻哈州領之府設知府推官經歷

司獄各一員獨山州設知州一員流官土官同知各一員吏目一員麻哈州設知州一員流官同知及土官吏目各一員縣設知縣典史各一員并改都勻衛儒學為都勻府儒學仍舊設教授一員從巡撫都御史鄧廷瓚奏也○庚戌辰刻金星書見於已位○辛亥命以山東德州豐盈庫錢鈔三之二折給直隸河間等三衛官軍俸糧○壬子兵部奏京營官軍逃亡者多難以雜差者選補終不足原額乞令在逃者自首仍與之期限如期至者免罪從之○癸丑陞太僕寺卿李溫為太常寺卿吏部郎中王佐為太常寺少卿同提督四夷館時提督寺丞于淵既為本館官生所訟大學士徐濟等言官生多頑梗難治請令出自科日堂上官二人督之故有是命○命改惠安伯張瓚支過祿米免還官○陞錦衣衛副千戶游銘為本衛正千戶及其弟

百戶欽俱與世襲銘欽皆駙馬都尉游泰庶子也○降順天府  
府丞畢亨為兩淮都轉運鹽使司同知初軍人任栢樹張酒肆  
于崇文門外有老人已秀者索供慶光祿寺酒瓶因與念亨鄰  
有楊玉從旁觀之栢樹疑秀與王同謀害已併訟于府亨怒王  
不輸情杖之數日而死東廠官校發其事既而科道交劾下獄  
命法司錦衣衛會鞠以聞得旨亨降一級調外任特議者謂兵  
科都給事中蘭琦欲代其位喉臺諫有言亨既降琦果代之○  
甲寅調右春坊右庶子無翰林院侍講王臣為南京工部郎中  
先是臣以致仕自陳優職至是給事中周旋因天變優勅之言  
臣及前都御史王越陳越御史倪進賢先年或諂事左右而斥  
為編民或行檢不修而放歸田里是宜思過不暇顧乃效充陳  
乞不曰仲寬抑則日照事例弊源一開末流何有止極乞特越

等近日所復官仍前革去吏部以王越等三人原事干法司獨具王臣始末以聞上遂命王臣對原品調南京部屬○乙卯陞巡撫四川都察院右副都御史梁瑛爲南京吏部右侍郎○命巡撫宣府都察院右僉都御史楊謚本院治事○鎮守甘肅右都督周玉復乞退休上曰即今甘肅地方未寧玉受闕外重寄宜用心戮力勉圖報稱何爲屢稱疾求退不允○丁巳命發山東河南及直隸揚州等府官銀三萬一千八百餘兩助修張秋決河之費其役夫月口糧四斗五升俱以附近州縣預備倉糧給之○太監李興平江伯陳銳奏今茲修築河防固以糧運爲急尤以恤民爲先必須處置財力之所從出乃可濟事若全藉一方民力實有不能堪者乞勅該部議處其宜工部覆奏謂先是會官奏准已將本部原貯抽分銀二萬兩運送都御史

劉大夏爲修河之用凡河南山東在官錢糧除送運外其存留者悉聽取用如尚不足請以浙江蕪湖二抽分廠銀之半濟之其山東河南京班人匠亦聽存留應役修理開墾石壩隄岸所用甄石請以糧船民船運城甄量留備用文武職官人等有智識過人可備咨詢辦理者悉聽優自延訪取用惟假此以希進者不得參與從之

明孝宗敬皇帝實錄卷之八十九

弘武七年六月戊午朔○己未遼東錦州有野火起於厰溝備禦都指揮僉事管勲等遣人撲之不滅延入營內官軍死者九人傷者十六人馬死者二十三匹傷者十六匹焚燬甲冑弓矢器械幾盡巡撫都御史張岫等奏乞賑恤死者之家并勅勲等誤事及右叅將都指揮使王銘號令不嚴之罪詔賑恤如議管勲并王銘等姑宥之○庚申禮部尚書倪岳等言先是以都御史馬文升之奏命兩京并各布政司通查度過僧道造冊繳部後有事故等項照名開除仍將十年一度之例停止待各處額數不足方許所在官司照缺起送赴部給度不許內外衙門指以救荒納粟爲由奏請給度今數年之間各處文冊繳到者少恐無知小人指以十年一度爲期不知禁例以致各處僧道行



童互相扇誘來京潛住投標僧道官住持以罔至期黃緣請給  
京師米價必致踴貴宜預爲查處况今水旱災傷盜賊竊終中  
間所獲多係僧徒是皆先年濫度所致今天下軍多缺伍匠多  
缺役里甲冊籍日見凋耗若不早爲限量將恐天下之人皆派  
爲僧道之歸宜通行查勘額數果有不足許侍筮羊具奏定奪  
仍禁約各處僧道不許指名請給來京攬投各該關津嚴加盤  
詰仍行錦衣衛五城嚴加搜訪各寺觀不許容留違者坐罪無  
度牒之人發回原籍當差京城內外官員軍民之家亦不許容  
留僧俗混雜有壞風俗事發一體究治從之○辛酉命湖廣都  
司都指揮僉事彭英守備靖州○是日卯刻南京金星晝見於  
辰位○壬戌陞廣東布政司左布政使馮俊爲都察院右副都  
御史巡撫四川陝西按察司按察使陳紀爲右僉都御史巡撫

宣府○賜周王同鍾庶第十九子名曰安潤二十子曰安滿二十  
十一子曰安渴二十二子曰安濯二十三子曰安深銀國將軍  
子墜庶第七子曰同鈞同鈺庶第七子曰安濟第八子曰安瀟  
輔國將軍安澆嫡長子曰睦楸○癸亥禮部奏 萬壽聖節例  
賜百官宴 上命免宴賜以節錢鈔○詹王彌鍾以有疾乞賜  
藥物命量給之○工部奏近有旨令各處訪取善擊造銅鼓者  
惟銅鼓出於西南夷所制非朝廷之上所宜用今各處災傷方  
徹樂減膳之時豈宜復造制外之器以駭人心而累 聖德命  
已之○酉刻南京暴風雷雨壞 孝陵樹○甲子周府原武王  
同緞灃王安懿王庶長子母李氏正統十二年生先封鎮國將  
軍成化五年襲封原武王至是薨年四十九計聞輟朝一日賜  
祭葬如制謚曰康僖○四川靖夷堡百戶程深等私役軍士出

境被番賊殺者十四人虜者十五人鎮巡官奏其事并劾分守副總兵李鎬兵備副使江源因循坐視之罪上命罰鎬原俸各三月翟深等皆逮問○乙丑遣內官祭中霤之神○高郵康濟河成初南京兵部左侍郎白昂奏凡高郵湖行船最忌西北風往來舟楫多致覆溺若於甌塘內開複河一道引水行舟可免風濤之患於是巡河監察御史孫衍管河郎中吳瑞因共挑濬并置閘堰築隄岸以利牽挽往來稱便焉○酉刺日生右珥色赤○丙寅南京廣西通監察御史郭維言人主垂無窮之統其本惟在於太子而太子之善則又在於輔臣稽諸往古茲輔啓以衍夏祚四百餘年伊尹輔太甲以衍商祚六百餘年周公輔成王以衍周祚八百餘年秦非不愛其子非不欲守國如三代然以李斯趙高爲輔其平昔所以教之者皆致亡之道也

尚何能保有其國哉漢昭帝年方十四即能辨霍光之譖然終不能爲漢賢主得非以輔之者不學無術之人乎今皇太子聰明異常正當選擇輔佐之時臣愚以爲師傳講讀之官必須擇取平昔孝行彰聞忠藎著稱嚴毅方正學術無偏者爲之其侍御僕從之臣亦必擇取平昔志操端潔威儀謹恪慈祥篤實者爲之其輕浮淺露險邪忌刻之徒一切勿取則前後左右固非正人自然可以涵養氣質薰陶德性異日堯舜之德雍熙之治皆自此出矣奏入 上命所司議禮部議謂雖所言與兵部尚書馬文升前所言之意合皆深得古昔教養太子之遺意戎朝列聖繼統率循此道故建儲之後出閣之際必慎選名德以充講讀輔導之任凡左右僕從之職亦皆遴選以充彝典具在皆可舉行伏惟 聖明監帝王之法遵 祖宗之制博求其

人以專其任 宗社之休生民之福端繫於此 上曰慎選端  
人輔導黃儲各官所言誠國家要務爾禮部其記之侍皇太子  
出關以聞○兵部右侍郎張海上安邊方畧六事一馭戎以定  
首帥甘肅即古河西五郡之地白哈密瀉土密番侵占人民奔  
潰諸夷熟羌來歸在邊安插積聚數年蕃育日多羣犬豕之人  
而養養之有識寒心已警奉行守臣欲令驅遣因彼遁逃窮虜  
不可輕動至今使之尤難况此虜心性叵測今轉徙日久不主  
酋長未有統攝異日釀成大寇卒受其弊今甘肅等衛皆保鎮  
守分守重地比宿重兵皆有外城分住夷人可以安輯防微杜  
漸終宜驅出但未有隙可乘耳及譯審都督奄克字判都督金  
事高亦虎仙等皆可任使俟哈密平復設都督一人命奄克字  
判治事以高亦虎仙等分領諸夷則邊有酋帥之託近無虜

之患夫一立法以除亂本訪得哈密夷人馬黑麻打力先使土  
魯番因叛附之尋率衆入寇殺軍擒奪據城池後首充番  
使入貢歸則糾合哈密諸夷投順土魯番殘滅其國至今一國  
夷人悉入骨髓此賊家屬有寄住甘州者乞責令撫夷官密爲  
防範俟哈密恢復之日錮之本地以待彼賊或來歸者擒之治  
以重法則內以懲創夷人外以除翦土魯番羽翼禍亂可息也  
一重譯以審夷情中國之於夷狄其情難知如得其情思有以  
制之安能爲中國患哉今訪之土魯番在哈密迤西七百里土  
城大如營者三小如堡者十六戍甲不滿三百兵馬不滿三千  
親黨俱亡止兄一人與相讐殺左右親者十一人與治國事外  
無近番可恃之國內無中國交通之人昔狼河欲約匈奴絕漢  
趙充國勅視諸羌毋令解仇元昊寇宋皆野利天都二將之策

种世衡以謀去之今土魯番之情狀事勢卒難周知乞勅甘肅  
守臣或因其向背或跡其虛實或用世衡之謀使彼親者相離  
或從充國之計使彼仇者不解俟時而動則虜情前之廟筭先  
定矣一先計以遏亂畧阿黑麻蟠據西域交構叛夷以規貢利  
昔莎車殺漢所置莎車王馮奉世矯制誅之郅支單于拘留漢  
使陳湯矯詔殺之今阿黑麻殺罕慎有莎車之罪執陝巴有郅  
支之惡臣計此虜專仰貢馮爲生此可以計屈未可以兵破若  
仍務姑息恐墮其計中以占哈密爲利階以養陝巴爲奇貨亂  
將何時已邪乞將今之賞賜土魯番使臣衣服銀兩追回發甘  
州收貯封閉嘉峪關暫絕西域貢路將本番使人男婦拘留以  
彰天威以挫虜志縱一二人歸語彼酋自審去就責重主將練  
兵聚糧爲經久戰守之圖俟此虜款塞求通果有誠意宥服上

請區處則古振國威外定禍亂哈密可優矣一修邊防以固封  
守甘肅東中西三路延袤二千餘里四當敵衝盜賊出沒無時  
若不因地制利務爲悠久守備之圖恐盜賊滋蔓爲禍不可勝  
言臣接諸路或當增築墩牆或當修理壕塹動有數百十里取  
水之路遠者或四五十里工程浩大必歲久乃可成功乞勅甘  
肅守臣督官軍於農閒之時漸次修理邊防或地有沙石者用  
古人植木立柵之法或水路不通者用他邊窖水之法使營壘  
相望哨守相聞靖虜安邊之計得矣一預調度以足兵食甘肅  
地遠寡援一有緊急赴京請兵往回萬里及調客兵緩不濟事  
通者議調陝西洮河岷之軍策應尋復中止然寧夏雖近涼州  
餘腹裏遠方洮河岷雖近莊浪係腹裏衛分官軍用之有名無  
實惟延綏之軍生長邊陲諳識戰陣乞勅延綏守臣請選遊兵



三千本鎮操守專聽甘肅調用及行戶部區畫糧草務足主客兵五萬人三年之食則足食足兵又駐之基也命兵部會議以聞○丁卯陞廣東布政司右布政使金澤四川右布政使鄭齡爲本司左布政使兵科都給事中簡琦爲順天府府丞○山西按察司副使馬隆丁憂服闋優除湖廣按察司○給內府酒醋麩局幼匠二百名米人月五斗○庚午賜晉府永豐郡君并儀賓黃恩誥命冠服如制○陞四川布政司右叅政舒清浙江右叅政林同河南右叅政朱瑄俱爲右布政使四川按察司副使侯英爲按察使清瑄俱本司同廣東英陝西○先是詹事府少詹事兼翰林院侍講學士謝遷丁其母宜人鄒氏憂上念遷侍從之舊因其請特賜祭葬至是其父封左庶子恩之喪遷復以諭祭及啓壙合葬爲請亦允之○鎮守湖廣總兵官鎮遠侯

顧溥以疾乞休 上曰卿征勦貴州苗賊既有功班師還鎮朝廷方切委任有疾宜善調攝不允所辭○初虜入陝西鎮番衛境殺掠人畜守備都指揮賀能指揮陳欽陳源坐守備不設下巡按御史違門俱擬邊衛充軍都察院以能有新獲功而欽源所領地殺掠不多情輕律重得旨宥之能降一級欽源各降二級並帶俸差降○辛未給韓府通渭王徽錄祿米歲一千石本色六百石折色四百石○四川茂州地震有聲○癸酉陞工部郎中曹元為浙江布政司右叅政山東濟南府知府李進為四川右叅政江西按察司僉事陳祥為四川副使○甲戌四川蕃卜韓胡宣慰使司遣番僧國師鎮南劉八等松潘尚已寺番僧羅兒星吉等來朝貢方物賜宴并緣段衣服等物有差其剽失藏卜等請襲其師切旺堅參禪師都綱之職從之○熙陝西左

布政使王衡為民降監察御史張文為貴州布政司照磨李鸞  
為湖廣衡州府知事初文聞報各官上語署衡曰不謹衡聞而  
忿忿遂奏文監臨科場然記私號出巡回至城外與總兵官夜  
飲路逢三司不下馬且失奏賊數託鸞代奏之復奏鸞酷刑甚  
死知縣時文典文任振及與已辯爭之時追至察院門外投以  
磚石失風憲體命下鸞文于錦衣衛獄鸞文亦奏衡進表索屬  
縣夫銀與驛丞崔璽有仇政之溺水而死酷刑致死人命及取  
所部女為妾徵收停做物料科罰商人銀米諸不法事 上命  
工科給事中童瑞等往勘虛實相半衡因訐瑞等私撥驛驢馱  
送廩米連引者甚衆至是解衡至京與文鸞面證刑部擬衡贖  
罪革職鸞文贖罪還職有旨衡原籍為民鸞降四級文三級俱  
調外任○丙子土魯番既據哈密又欲糾北虜入寇鎮守甘肅

總兵官都督周王三上疏引疾乞休監察御史白鸞劾其臨事  
避難請寔之法別選他將代之 上令王用心供職以圖報稱  
不必更代○丁丑改貴州思南府印江長官司為印江縣設知  
縣典史各一員原土官正長官張鶴齡以有罪革罷其副長官  
楊德勝改調為隨府辦事土官不許干預縣事從巡撫都御史  
鄧廷瓚奏也○戊寅旌表孝子二人節婦五人趙澄山西平遙  
縣學生李用遼東廣寧右衛學生俱母喪廬墓旌其門曰孝行  
王氏浙江慈谿縣民劉喟妻艾氏江西進賢縣學生傅金妻鄧  
氏分宜縣民歐陽伯瑞妻歐陽氏廣東四會縣民林相妻朱氏  
遼東金州衛指揮僉事張頊妻俱守節無玷旌其門曰貞節○  
後府都督僉事李銘卒銘初代世職武成後銜副千戶以功歷  
陞都指揮僉事成化中充右叅將分守燕河營久之陞後軍

都督僉事充總兵官鎮守薊州弘治五年遇例陞授都督僉事  
尋致仕至是卒賜祭葬如例○己卯歸平貴州苗寇功加行軍  
總兵官鎮守湖廣鎮遠侯顧溥太子太保仍歲增祿米二百石  
賜監督軍務鎮守貴州太監江惠祿米歲二十四石陞提督軍  
務巡撫右副都御史鄧廷瓚為右都御史仍巡撫地方協同統  
軍鎮守都督僉事王通署右都督隨軍紀功巡按御史黃炫為  
南京大理寺右寺丞又陞領兵右叅將趙歲為都督僉事守備  
都指揮僉事劉英為都指揮同知都指揮同知王寧為都指揮  
使其餘官軍及土官人等九千六百四十餘人陞賞有差○南  
京太常寺卿陳音卒音字師召福建莆田縣人天順八年進士  
改翰林院庶吉士授編修預修英廟實錄嘗上疏陳時政乞  
召還尚書李秉給事中王徽等復其職及擢舉人陳獻章置之

臺諫華去法王佛子位統言甚剴直九年秩滿遷侍講時西廠  
方熾千戶韋瑛因緝訪建寧衛指揮楊暉事夜率邏卒入兵部  
主事楊仕偉家并欲逮繫其妻音與之鄰巫乘牆呼曰爾何人  
敢辱朝士如此瑛亦問曰爾何人曰我翰林院侍講陳音也了  
無怖色瑛為之少戢已而遷南京太常寺少卿九年考滿始進  
本寺卿至是辛年五十有九賜祭葬如例音為人敦朴外若不  
慧而中所操執莫能奪為文典實有理致尤邃經學四方舉子  
皆經疑者踵至多取高第至顯任子華舉進士○庚辰給國子  
監雲南貴州四川軍民生夏衣如例○辛巳夜月犯畢宿○壬  
午命陝西起運甘肅邊糧誼納折色者每石折銀七錢願納本  
色者聽○巡撫部御史鄧廷瓚奏貴州布政按察二司堂上并  
八品以上首領官月止於任所支米二石知府以下月止支一

石其本色折色俵糧俱於原籍開支請令各官本色俵糧俱於  
任所支給為便戶部請暫如所奏不為例從之○癸未 孝莊  
睿皇后忌辰 上祭 奉先殿遣駙馬都尉齊世美祭 裕陵  
○朝鮮國王李娣遣陪臣戶曹參判河叔溥等奉表貢方物賀  
萬壽聖節賜宴并綵段衣服等物有差賜王錦段等物如例  
○乙酉 孝穆皇太后忌辰 上祭 奉慈殿遣駙馬都尉齊  
世美祭 茂陵○陞監察御史謝瑩為雲南按察司副使刑部  
員外郎沈清為江西僉事

明孝宗敬皇帝實錄卷之八十九終

明孝宗敬皇帝實錄卷之九十

弘治七年七月丁亥朔孟秋享 太廟○遣內官祭司門之神

○戊子直隸蘇常鎮江三府風雨驟作潮水泛溢板木飄瓦平地水高五尺餘沿江地水高一丈坍塌房屋城垣民多溺死○

己丑 萬壽聖節遣駙馬都尉蔡震崔元告 長陵 獻陵

景陵 裕陵 茂陵○遣儀賓楊淳告 景皇帝陵寢○遣內

官告 恭讓章皇后陵寢○ 上詣 奉先殿 奉慈殿 太

皇太后 皇太后宮行禮畢出御 奉天殿文武羣臣及四夷

朝使行慶賀禮○庚寅 仁孝文皇后忌辰 上祭 奉先殿

遣駙馬都尉楊偉祭 長陵○王魯蕃遣使來貢方物并還所

虜哈密夷人兵部右侍郎張海及都督同知維謙等言凡西域

進貢肅州驗入甘州再驗入奏此舊例也比土魯蕃殺阿木郎



執陝巴據哈密城池朝廷降勅諭以禍福彼雖遣使來貢然陝巴未歸城池未獻似欲假修貢以款我師耳今已止其使於肅州如陝巴果回乃許令入貢如尚執迷宜降勅開諭令其送回陝巴獻還城池朝廷當加大賚不然則將興師致討如此庶可以警悟其心下兵部會議以聞○是日南京大風雨壞殿宇城樓吻獸拔 太廟 天地 社稷諸壇及 孝陵樹○癸巳巡撫寧夏都察院右副都御史韓文復以老疾乞致仕許之命馳驛以歸○陞雲南按察司按察使張撫為雲南布政司右布政使○陞兵科左給事中楊瑛工科左給事中龐泮為都給事中戶科右給事中王綸刑科右給事中李源為左給事中刑科給事中韓祐為右給事中瑛綸源俱本科泮刑科祐吏科○錄平貴州苗寇功以巡撫湖廣都御史韓文督餉有勞賜勅獎諭貢

貴州按察司副使吳倬命俊領軍有勞倬陞二級後一級布政使張廩等十六人并崇慶州知州邵棠等三十六人各給賞有差○甲午以水災免直隸景州道補募生馬駒七十二匹○乙未命山西行都司署都指揮僉事王昇之子勉代原職大同前衛指揮使○丙申禮部覆奏兵科給事中周旋陳言事請令公侯伯之子應襲者年至十五俱令入國子監讀書習禮保舉數讀須於奏內開稱子弟幾人吏部仍嚴加考試年三十以上不係純綺子弟方與保勘收充三年授職至九年考滿有功無過方得陞除否則革職為民從之○丁酉 皇太后聖旦 上率親王上壽命婦朝賀○賜宴于午門○賜各王府慶賀官員人等鈔帶有差○賜代府廣靈王長子成欽嫡第三子名曰聰洛第四子曰聰濤瑄江王府輔國將軍相續嫡第二子曰規程

奉國將軍規聯嫡第二子曰約踰嫡第三子曰約踰鎮國中尉  
相簡嫡長子曰規偉相贊嫡長子曰規駟輔國中尉規誠嫡長  
子曰約卯規志嫡長子曰約卯晉府鎮國將軍奇迥嫡第四子  
曰表構第五子曰表柵慶成王府鎮國將軍鍾鏞第六子曰奇  
溟第七子曰奇浹奇激第六子曰表初第七子曰表招秦府輔  
國將軍誠恣庶第五子曰秉榮誠沐嫡第一子曰秉樞韓府輔  
國將軍徽鈞庶第二子曰偕顯○戊戌罕東左衛都督只克等  
遣千戶阿黑那等來貢賜宴并綵表裏等物有差○己亥陞河  
南布政司左布政使孫仁為都察院右副都御史巡撫寧夏○  
鎮守甘肅總兵官周玉復以疾乞還京許之○庚子翰林院侍  
講張濂丁憂闋復除原職○夜月犯羅堰上星○辛丑中元  
節遣駙馬都尉周景馬誠分祭 長陵 獻陵 景陵 裕陵

茂陵文武衙門各分官陪祭○遣儀賓周鉞祭 景皇帝陵寢  
○遣內官祭 恭讓章皇后陵寢○命浙江都司都指揮僉事  
崔胤之子鈺襲杭州右衛指揮同知命大同副總兵都督同知  
劉寧充總兵官鎮守甘肅○壬寅昏刻月犯泣星○癸卯伏菟  
伯毛銳自陳其祖忠功伐請立忠義坊於甘州之私第許之○  
甲辰 太宗文皇帝忌辰 上祭 奉先殿遣駙馬都尉周景  
祭 長陵○乙巳陞江西布政司右布政使劉道為河南左布  
政使○陞貴州按察司兵備副使吳倬為雲南按察使以有平  
苗功也○秦寧等衛都指揮孛羅等遣達子脫塔乃等并猛革  
克等來朝貢方物賜宴并衣服綵段等物有差仍回賜孛羅等  
綵段如例○謫廣西奉議衛指揮僉事蓋森四川茂州衛充軍  
以森受賂縱免所部軍士十人又役占七人故也○命分守燕

河營右叅將都指揮僉事趙秉充左副總兵協守大同○陞山西汾州守禦千戶所為汾州衛改原設千戶所為中所以慶成永和二王府退出群牧二所官軍分為左右二所設指揮使及同知僉事衛鎮撫經歷各一員○是日寅刻京師地震○丙午吏科給事中葉紳言國家糧餉率仰給東南而項者蘇松常杭嘉湖諸郡水道湮塞甚為農事之患乞命官往治之巡按監察御史劉廷瓚亦以為言工部覆奏上命工部左侍郎徐賈兼都察院左僉都御史往同巡撫都御史何鑑協心經理賜之勅曰朕惟直隸蘇松常浙江杭嘉湖六府數年以來屢被水災園田湮沒廬舍漂溺民既無以聊生財賦何自而出今特命爾會同被處巡撫都御史親詣其地逐一踏勘如果前日之水道形跡具存今日之水患實由於此即於所在司府州縣量取丁

夫錢糧皆同委官人等以次興工修築疏濬凡勅內該載不盡事宜聽爾便宜處置文武職官軍民人等有負才識諳曉水利者悉聽委用職官敢有違慢乖方徇私廢事者五品以下徑自提問應奏請者參奏施行其興功之際務審水道利害人情從違固不可畏難退避失經久之良圖亦不可鑿空妄為致小民嗟怨殫心畢慮利國便民斯不負朝廷委任之意○丁未太監韋恭傳旨陞御用監官匠千戶張玘檢校李綸等四人各二級人匠徐原初等三十人各二級○己酉廣西泗城州署州事舍人岑接道頭目貢馬謝恩賜綵段鈔錠如例○庚戌賜寧府鎮國將軍親健親鉉曲陽王府輔國將軍哥漢誥命冠服如制○賜楚府滿江郡君并儀賓陳瑞誥命冠服如制○命金吾左衛番都指揮僉事楊勝充右叅將分守燕河營等處○總督兩廣軍

務都察院右都御史閔珪乞致仕不允○兵部會五府六部及科道等官議處侍郎張海所奏事宜謂土魯番阿黑麻劫哈密陝巴令頭目牙蘭據其城池雖道貢如故而留陝巴不遣若獲降勅似為煩數有虧國體宜行侍郎張海遣人再往開諭如送回陝巴獻還城池則許其進貢如尚不然仍拘留其使人寫亦亦滿達兒為質今者所貢方物盡逐出關以絕之仍勅甘肅鎮巡等官簡練軍馬慎固封疆遇有可乘之機密調罕東赤斤等衛番漢兵往哈密襲殺牙蘭或無可乘之機封閉嘉峪關無納其使其計亦將自窮陝巴雖封為王未受金印其未與否於中國無所損益宜別推賢者在彼治事如陝巴果還當別議處之上曰所議處置夷情并進貢夷使未見歸一禮部兵部仍會官再議以聞兵部禮部會廷臣再上議曰阿黑麻叢爾小虜遠居

西域殺罕慎虜陝已殘破我哈密已至於再及朝廷降勅戒諭  
彼猶肆其兇虐若復容之則國體日弱虜志日驕宜仍行侍郎  
張海等如陝巴已還城池已獻則令其使入貢先所留使人即  
發遣出關若陝巴未回城池未獻則絕其所貢所拘使人仍留  
不遣自後若天方國撒馬兒罕來貢皆許之入以示懷柔其土  
魯番者皆不許入關馬當上曰所議誠是但陝巴係阿黑麻  
同類其來與否既與中國無所損益并哈密殘破城池如其獻  
還當何以處之仍斟酌議處以聞禮部兵部復會廷臣上議曰  
陝巴乃安定王子奔之姪忠順王之孫往歲朝廷以阿黑麻獻  
還城印復封為王令守哈密蓋欲其鎮撫夷人耳今乃復為阿  
黑麻所虜孱弱可知就使復還亦難復立而哈密又不可棄謂  
宜革其王封暫居之甘州仍給賞安定王語以陝巴不能守之



故且令都督奄克學刺理哈密衛事都督寫亦虎仙等分管三種夫人其苦峪城垣壕塹令甘州守臣預為修濬凡夷人散處甘涼者盡令遷居苦峪給以牛具口糧奄克學刺及寫亦虎仙阿南荅拜迭力迷失等及赤斤罕東二衛頭目宜量加賞勞以結其心復勅奄克學刺寫亦虎仙等使互相協輔并勅罕東赤斤二衛都督等固守藩籬如陝巴未還不必索取俟有可乘之機則動調番漢官兵掩殺于蘭克復城池然後徐移於哈密居守若此虜以貢路不通或欲侵犯苦峪仍令奄克學刺等相機勦滅議上從之○辛亥遼東義州等衛自正月以來亢旱五月以後霖雨連綿滄沒未稼六月中雷電大風驟雨如注平地水深三尺餘城郭公廨及民居類皆傾壞及是奏至命所司知之○福建福州府地震有聲○壬子戶部以蘇松嘉湖等處大水

恐漕運京儲不足請以北直隸及山東河南歲輸宣府大同二邊夏麥五萬五千四百餘石及秋粟三十三萬八千餘石俱輸于京倉以補不足之數而以太倉折糧銀三十四萬六千七百餘兩輸于二邊以補改運之數待蘇松等府勘災至日酌量徵免多寡定擬本色折色解補太倉銀米之數從之○岷府安昌王彥溶妃劉氏卒無子王請復冊封其繼室蕭氏為繼妃許之○後軍都督存帶倭秦寧侯陳桓卒桓直隸秦州人成化八年襲爵十九年五軍營左掖管操弘治元年皇上耕耜田勅充三公翼佐躬耕未幾改練武營管操兵部薦為將材首選命掛印充總兵官鎮守寧夏三年取回京四年管五千營至是卒計聞報朝一日賜祭葬如例桓儀狀瓌偉初赴寧夏時貴近多道所親屬麾下欲以冒功賞桓痛繩檢之反為所諧遂至罷歸○

命連治鴻臚寺通事序班范峻以縱容安南進貢使臣私自交易及織造違禁旣正也○是日曉刻金星犯鬼宿西南星○甲寅吏部尚書耿裕等言去歲奉旨大小官員有不遵本部推舉傳乞陞授沮壞選法者許叅送法司問黜為民近御用監官匠李輪及人匠徐原初等俱以傳旨陞授正與前例有礙乞令李輪等仍候九年考滿照例陞用徐原初候遇缺擬除庶幾良法美意不為小人所破壞兵部尚書馬文升等亦言 祖宗舊制武職非有軍功不陞非西北邊方大功亦循例止陞一級近御用監官匠特以製造微勞而張玘等傳陞二級者四人陞一級者三十人恐各邊將士聞而解體皆不聽○丙辰福建福州府雷大焚屏山頂城樓